

سائنس و سائنس

مضمونان دی چون

مرتب: سعید بھٹا



ویروا

9	مرتب	مذہبی گل لسانیات
11	محمد آصف خاں	1- پنجابی بولی دا پچھو کڑ
23	عین الحق فرید کوٹی	2- پنجابی تے یونانی زبان دا اثر
44	سوہندر سنگھ بیدی	3- پوٹھوہاری

پچھو لیکھ

74	ڈاکٹر عصمت اللہ زاہد	4- مواعظِ نوشہ
89	ڈاکٹر وحید قریشی	5- پنجابی ادب دی ترقی وچ انگریزاں دا حصہ
98	پروفیسر سمیع اللہ قریشی	6- اقبال دے خطیاں دا پچھو اڑ تے پنجابی ترجمہ
118	پروفیسر محمد جواد	7- خطباتِ اقبال دا پنجابی روپ

نثری صنفال

124	سجاد حیدر	8- پنجابی ناول
173	ڈاکٹر انعام الحق جاوید	9- ڈراما
187	پروفیسر جمیل احمد پال	10- پنجابی کہانی --- اک جائزہ

تخلیقی نثر

203	شفقت تنویر مرزا	11- ردون، ہنس والیاں گلاں
-----	-----------------	---------------------------

- 210 پروفیسر محمد جواد
 214 ناہید قادر
 227 کرنل نادر علی
 232 کرنل نادر علی
 237 ڈاکٹر اسلم رانا
 258 پروفیسر سمیع اللہ قریشی
 273 پروفیسر نور احمد ثاقب
- 12- رفعت دی افسانہ نگاری
 13- ڈونگھیاں شماں
 14- جٹ دی کروت
 15- ہٹھ
 16- ”پیتر باغ“ ہڈیتی کہ جگ بیتی
 17- نجم حسین سید دے ڈرامے
 18- ”ناہلی دے تھلے“ اک دیروا

پرکھ پریت

- 285 محمد اسلم
 298 پروفیسر سید مسعود ہاشمی
 311 سبط الحسن ضیغم
 322 انور چودھری
 329 پروفیسر امجد علی شاکر
 356 منیر احمد
- 19- ادب کیہ اے؟
 20- انگریزی تنقید دا ارتقاء
 21- اک دیروا: دو تذکرے
 22- ”سیدھاں“ بارے کجھ گلاں
 23- ”پرکھ پڑچول“ دی پرکھ پڑچول
 24- ”رمز روایت“ دی رمز حقانی

مڈھلی گل

پنجابی دے شعری ادب دی روایت منی پر منی ہے، پر ایسے مقابلے تے نثری ریت آکا ای نوئل ہے۔ پنجابی وچ تخلیقی نثر دی ریت انگریزی ادب دی دیکھا ویکھی مڑی۔ ایہو کارن ہے کہ اجوکیاں پرچلت نثری منقلاں انگریزی ادب دی ہی دین ہن۔ پہلاں پل یورپی ادب توں متاثر ہو کے لکھن والے ہتے سکھ لکھاری سن، جیہناں افسانے، ڈرامے، ناول، کھوج تے پڑچول دی نینہ رکھی۔ 1947ء دے اچالے گمروں ایسہ پڑ پھیر بکھنا تھی گیا۔ 1960ء دے نیڑے تیزے پہلی واری وچلے میل دے یورپی علم تے ادب توں جانو پنجابی مسلمان سوجھوان دے من وچ اپنی رہتل تے وسیب دی سنجان دے سوال مینگرے۔ کیہ ماں بولی توں اڈ دوجیاں زباناں وچ کھری لکھت ہوند وچ آسکدی ہے؟ لکھاری دی شخصیت، اوہدے آل دوالے تے زبان دی آپو وچ کائی سانجھ ہوندی ہے؟ ایسہ اصولوں پہنا آپ بچچانن دے سوال سن۔ ایہناں دے کچھے آل دوالے دیاں لسانی تے رہتی تحریکاں دا اثر تاں ہو سکدا ہے، پر سوال مانگوں نہیں سن۔ اندر لے نوں ہلا دین والے ایہناں سوالاں ہی پنجابی ادب نوں لکھاریاں دی ابھی کھپ دتی، جیہناں ماں بولی دے ڈیڑھ سو سال دے کچھے نوں پورن دا آہر کیتا۔ ایہناں لکھاریاں ماں بولی وچ مچیاں کتاباں لکھ کے لوکائی دے ذہناں اتے جے جالے لاہے۔ ایہدے نال نویں پیڑھی دے پڑھن ہاراں دا مان ودھیا کہ اساڈی بولی وچ ہر موضوع نوں بیان دی سکت ہے۔

ایہناں چالھی سالوں وچ علمی تے نثری کتاباں لکھن دا مڈھ بچھیا ہے، پر کوئی مان یوگ روایت نہیں بنی۔ اجے ایس کھیت وچ بہت سارے کم دی لوڑ ہے۔ اسیں پنجابی دے شعری ادب بارے مضموناں دی اک چون ”سانجھ وچار“ دے سرنانویں تھلے ترتیب دتی ہائی تے جُن نثری ادب بارے ”سانجھ مورت“ دے سرنانویں تھلے پیش کر رہے ہاں۔ اسیں اوہناں لکھاریاں دے ممنون آں، جیہناں

”سانجھ سُرّت“ وچ اپنے مضمون شامل کرن دی اجازت دتی۔ سجاد حیدر جنتی، محمد آصف خاں، پروفیسر سمیع اللہ قریشی، شفقت تنویر مرزا، کرمل نادر علی، انور چودھری، پروفیسر امجد علی شاکر، ڈاکٹر انعام الحق جاوید، پروفیسر محمد جواد تے ناہید قادر ہوراں، بحرے حرفاں نال سُرّت جگائی ہے۔ پروفیسر شارب تے اظہر حیدر ہوراں دے ہتھ وٹاندرے پاروں ای ایسہ کتاب ویلے سر توڑ چڑھی۔ اسیں سارے متراں دے دیون دارواں، بیہناں اساڈے نال تعاون کیتا۔ اساڈے لئی مان یوگ گل ہے کہ اساں پنجابی پیاریاں دا کوئی ہتھیا لیکھ ”سانجھ سُرّت“ وچ شامل کرنا چاہیا یاں نویں موضوع لئی ونگاریاں سبھناں پریت دا ہنگارا بھریا۔

سعید بھٹنا

پنجابی بولی دا پچھو کر

اجوکیاں ہند آریائی بولیاں وچوں پنجابی وی اک متھی جاندی ہے۔ ایہناں بولیاں بارے تن دکھو دکھ نظریے پرچلت ہن۔

۱: ویدی بولی توں سنسکرت ہوند وچ آئی۔ سنسکرت نوں پانی نے ”اشا دھیائی“ راہیں گرامر دے اصولاں وچ جکڑ دتا۔ لکھتی سنسکرت وچ اکسارتا رہی، پر بول چال دی سنسکرت وڈی وڈی پراکرت بن گئی۔ ایہہ پراکرت اگانہہ جا کے اپ بھرنش وچ وٹ گئی۔ ایہدے توں اجوکیاں ہند آریائی بولیاں نے جنم لیا۔ پنجاب وچ پنجابی، سندھ وچ سندھی، بنگال وچ بنگالی وغیرہ۔

ب: ہند آریائی بولیاں سدھیان ویدی دی مسکھوں ہنیاں ہن۔

ج: پنجابی اک غیر آریائی بولی ہے۔

لکھیاراں دی وڈی گنتی پہلے نظریہ دے حق وچ ای ہے۔ کجھ تاں ایس پاروں کہ پراکرتاں بارے جنیاں وی کتاباں پرانے پنڈتاں نے لکھیاں ہن، اوہناں وچ ایسے نظریے نوں دوہرایا گیا ہے۔ دوجی گل ایہہ دے کہ یورپی لکھیاراں نوں ایہو نظریہ مسکھانداتے دارا کھانداسی۔ ایس پاروں اوہناں نے وی ایسے دے لڑ لگنا ودھیرے لاہے دندے جانیا۔ تہی گل ایہہ کہ ساڈے دیسی لکھیاراں نوں پُچھان تے پرکھ پڑچول دی عادت نہیں رہی۔ ایس پاروں ہر جٹا کھنا اجوکیاں بولیاں بارے کوئی گل چھوہندا ہے تاں اوہ اوہو کجھ گھٹدا ہے، جو اوہدے اگلیرے پگل چکے ہوندے ہن۔

دوجا دھڑا دی اجوکیاں بولیاں نوں ہند آریائی ای آکھدا ہے۔ پر فرق ایہہ ہے کہ اوہ ویدی نوں ایہناں دا سوما مندا ہے۔ ایہہ نظریہ ایڈا پرانا نہیں۔ پہلے نظریے مطابق لکھیاں کیناں کتاباں پڑھن گھو کھن مگروں جدوں کئی نویں سوال ذہناں

وچ منگرے اتے اوہناں دا کوئی پر تاوانہ لہیا تاں ایہناں نے اجوکیاں بولیاں دی
 ساکا چاری اک لہا چھڑیا مار کے ویدی نال گنڈھ دتی۔ دوجی گل ایہہ کہ سنکرت تے
 اجوکیاں بولیاں وچالے ماڑی جیہی وی نحوی، سانجھ نہیں لہدی۔ پھیر ایہہ کیویں ہو
 سکدا ہے کہ کوئی بولی کے دوجی بولی وچوں ٹھٹی ہووے۔ تبجی گل اُچھی پنجابی بارے
 ہے، اوہ ایہہ کہ ”رگ وید“ پنجاب وچ رچیا گیا سی۔ ایس پاروں اوہناں دی جاچے
 مقامی بولی دی جنہی ویدی ای ہو سکدی ہے، سنکرت نہیں۔ جیدے جن بھوکیں دا
 کوئی پکا تھتھا تھوہ نہیں لگ سکيا۔

اصل وچ ایہہ اوہ دھڑا ہے، جو وڈے وڈے پنڈتاں تے پورپی سکالراں
 نوں جھٹلاون دا رہیتا نہیں رکھدا، پر نال دے نال اوہناں دیاں دلیلاں توں مطمئن وی
 نہیں۔ ایہہ لوک پوئے جیسے مونہہ نال پہلیاں دی پُٹن چھان اتے شک دا اظہار وی
 کری جاندے ہن، پر لگدے ہتھ اجوکیاں ہند آریائی کلاوے وچ وی سمیٹی جاندے
 ہن۔

تجہ دھڑا اوہ ہے جس نے پہلیاں دیاں لکھتاں نوں گھٹ کے پلے پنہن دی
 تھاں، اوہناں نوں گھو کھیا، پر کھیا تے پڑچولیا ہے۔ ایہہ لوک پنڈتاں تے پورپی
 سکالراں دے وڈے وڈے نانواں نوں دین دی تھاں، پر کھ پڑچول مگروں کے سٹے
 تے اڑیا ہے۔ اوہناں نوں ایہہ راہ جُمن وچ کیساں گلاں دا ہتھ ہے۔ سواں، ہڑیا
 تے سرائے کھولا دے تھیاں دی کھٹائی، ٹیکریو، آسٹرک تے دراوڑاں دا پنجاب وچ
 آون، رگ وید وچ غیر آریائی قبیلیاں دا ذکر، ویدی تے سنکرت وچ غیر آریائی
 لفظاں دی ہوند وغیرہ۔ ایہناں وچوں کئی تہ نہ تاں مڑانے پنڈتاں اتے نہ ای مڈھلے
 پورپی سکالراں موہرے سن۔ سبھ توں وڈی گل ایہہ کہ اجوکیاں بولیاں دی نحوی، ستر
 ویدی تے سنکرت نال نہیں رلدی۔

ایہدے توں پہلاں کہ ایہہ نکھیر کیتا جاوے کہ پنجابی بولی آریائی ہے
 جاں غیر آریائی۔ کجھ ہورتاں بارے وچار کرنا ودھیرے لاہے وندا ہوسی۔

لسانیات بارے لکھن والے مڈھلے لوکاں موہرے صرف اکو تہ سی، اتے
 اوہ سی سنکرت تے اجوکیاں بولیاں وچکار لفظی دی سانجھ۔ اوہناں دی گل آریاں
 توں شروع ہوندی سی اتے آریاں تے ای حکم جاندی سی۔ ایس نینہ اتے وڈے

وڈے اُسرگے اُسارن وچ کچھ حد تائیں سچے وی سن۔ اوہناں دے وہم گمان وچ وی نہیں سی کہ کسے دیہاڑے تھیبہ کھٹائی (Archaeology) دے ماہراں دیاں پیلجیاں تے کدالاں نے دھرتی تھلیوں اک اچھے وسیب نوں جنیاونا ہے، جو آریاں توں ہزاراں ورہے پہلاں رہل دیاں سکھراں چھوہندا پیا سی۔ ایسہ ٹھیک ہے کہ کچھ لکھیاراں نے غیر آریائی قوماں تے خاص کر کے دراوڑاں بارے گل تاں چھوہی سی، پر چلاویں جیسی۔ لوڑ اوہناں نوں ایسے پاریں پیندی سی کیوں جو اوہناں توں ویدی تے سنسکرت دیاں کتاباں وچ دراوڑی لفظاں اتے بلوچستان وچ دراوڑی ٹبردی براہوئی بولی دی ہوندی کنجھل ہو کر کے ڈھنگ نال حل نہیں سی ہوندی پئی۔

دیسویں صدی دے تیجے دہاکے وچ ہزاراں میلاں دے گھیر وچ پسرے ہوئے ہڑپا وسیب دا تھوہ لگیا۔ سرائے کھولتے ہڑپا (پنجاب)، موہن جوڈو (سندھ)، لوٹھل (گجرات کاٹھیاواڑ)، کالی بنگن (راجستان) آمری تے نال (بلوچستان) وغیرہ تھیبیاں دی کھٹائی تے اوتھے بھے انسانی ڈھانچیاں نے نلیات تے لسانیات دے ماہراں نوں نویں سرے توں سوچن تے مجبور کیتا۔ گل اتھے ای نہیں سکی۔ سواں دا دی دیاں بھتیاں نے پنجاب دی انسانی تاریخ نوں لکھاں ورہے پچھانہ لے کھڑیا۔

ایہناں ساریاں ہتیاں نوں ساہنے دھر کے لوڑ ایس گل دی ہے کہ پہلاں پنجاب دے لکھاں ورہے دی تاریخ نوں نویں سرے توں ہنگھالیا جاوے تے وٹ لسانی تاریخ دین دا جتن کیتا جاوے۔ بولی دا تھوہ لاون لئی بولن والیاں دا گھرا نپنا مڈھلی لوڑاں۔

پرانے تھیبیاں دیاں کھٹائیاں نوں لانھے رکھ کے جد ایس نلیات دے ماہراں دیاں لکھتاں پڑھدے ہاں تاں سانوں پتہ لگدا ہے کہ سبھ توں پہلاں اتھے نیگریٹو، پھیر آسٹریک، پھیر دراوڑ تے پھیکڑ وچ آریہ آئے سن، ڈاکٹر سینتی کمار چیٹرجی نے ایہناں بارے ایوں دیا ہے۔

نیگریٹو:

کسے ویلے ایس نسل دے لوک عرب توں لاء چین دے ساحلی علاقے تائیں دگھربے ہوئے سن، تنگ کچن لئی کھلاں جاں گھاہ پتے ورتدے سن۔ ایسہ بھانڈے بنانے نہیں جاندے سن۔ ایہناں دے ہتھیار پتھر دے سن جاں پھیر ہڈیاں والے۔

واینبی تون کورے سن۔ ایسہ لوک پھل، پھل، پتے، جڑھاں تے جانوراں دا کچا ماس کھا کے ڈنگ پٹاوندے سن۔ اجکل ایس نلی گروہ دے لوک مکران، انڈیمان، ملایا تے فلپائن وچ بھدے ہن۔ انج جاپدا ہے کہ مکران نوں یونانی اتے سنسکرت وچ متسیا دیش تہ دے ای آکھیا گیا سی کیوں جو ایسہ لوک کچی مچھی کھاندے سن۔ ایناں نوں ایتھوں آسٹریک نسل دے لوکاں نے آکے کڈھیا۔ نیگریٹو کچھ مارے گئے کچھ نس گئے اتے رہندے دھاڑویاں وچ ہولی ہولی رچ رچ گئے۔

آسٹریک:

ایسہ لوک کدے بحر الکاہل تون ایسٹری آئیں لینڈ تائیں کھنڈے ہوئے سن۔ پہلیاں نالوں ایسہ کچھ ترقی یافتہ سن۔ پتھر دے ہتھیار، تیر، بھالے تے ٹمیل دی ورتوں جاندے سن۔ بھانڈے وی بنا لیندے سن۔ کھوپاں وچ دس دی تھاں کئی موٹی اُساری کر لیندے سن۔

کول، بھیل، سنٹال، ساورا، ہو، کوروا تے جاگ قبیلے جینناں نوں رلا کے "کولاری" جاں "مُنڈا" آکھیا جاندا ہے۔ ایسے نلی گروہ نال تعلق رکھن والے دے جاوندے ہن۔ گریر سن دا خیال ہے کہ ہنزہ، نگر وغیرہ دی بولی وی ایسے بُہر نال تعلق رکھدی ہے۔ اوہ آکھدا ہے کہ آسٹریک لوک پہاڑ و پہاڑ پنجاب تون برما تے کبوڑیا ول بھسکے سن۔

دراوڑ:

بحیرہ روم تون اک ہور نلی گروہ تریا۔ جیسن نے آکے ایتھوں دے و سینکاں نال متھالایا۔ دراوڑاں نے پرانے و سینکاں وچوں کچھ نوں مار وڈھیا کچھ نوں نسیا تے کچھ نوں اپنے وچ سمو لیا۔ ایناں نے ای ہڑپا وسیب دی نینہ رکھی اتے دو حدیاں دو حدیاں پنجاب، سندھ، بلوچستان، راجستھان تے گجرات وغیرہ دے ہزاراں مربع میل لے چوڑے علاقے وچ اپنیاں بستیوں و سائیاں۔ ایناں دی وسوں گھٹ ودھ پنج ہزار ورھے پہلاں سکھراں نوں چھوہ رہی سی۔ نیگریٹو تے آسٹریک جنگل واسی سن۔ مظاہر پرستی ایناں دا مذہب سی۔ دراوڑاں نے ایس نوں اپناون دے نال نال اپنی ولوں دی ایہدے وچ دادھے کتے جیویں بندہ مردا نہیں سگوں اوس دی روح جانوراں تے درختاں وچ وڑ جانندی ہے وغیرہ۔ ایہو عقیدہ آگوں جا کے ہندو مت تے

بدھ مت ولوں آواگون دی شکل وچ اپنایا گیا۔

سارے عالم نے رادھا کمود مکر جی تے ڈاکٹر گوہاب ایس گل تے متفق ہن کہ ہڑپا وکھے چار پنچ نسلی گروہاں دے لوک وسدے سن۔ ہورتاں ہور منگول نسل نال تعلق رکھن والے اک بندے دا وی ڈھانچہ لبھیا اے۔ مندے بھاگاں نال ابجے تائیں ہڑپا توں لبھیاں مُہراں دی تحریر نوں نہیں پڑھیا جاسکيا۔ جے کسے نے پڑھن تے ٹل وی لایا ہے تاں اوس دے ستیاں نال دو جے متفق نہیں۔ جے ایسہ پڑھیاں جاندیاں تاں ہو سکدا سی کہ سانوں نسلیات دے ماہراں دے چوہیاں تے ودھیرا انحصار نہ کرنا پیندا۔ 1872ء وچ سبھ توں پہلی وار سر الیگزینڈر کننگھم نوں ایسہ مُہراں لبھیاں سن۔ ہو سکدا ہے کہ ایہدے توں وی پہلاں ایسہ مُہراں کسے نوں لبھیاں ہون کیوں جو شاہ مراد نے اپنے اک شعر وچ ایہناں دی ایوں دس پائی ہے۔

مُستِ ایں تاں جاگ، عمل سمبال کے

ہڑپے مُہراں پاء، صراف دیکھال کے

سو توں ودھ درھے بیت گئے ہن پر ابجے تائیں ہڑپا دی لپی تے بولی بارے کسے سانجھے سٹے تے نہیں اپڑیا جاسکيا۔ ساریاں نے اپنی اپنی سوچ سمجھ مطابق ایس لپی نوں پڑھن دی واہ لائی ہے۔ انج منڈا تے دراوڑی دے کئی لفظ اج وی پنجابیاں دی نت ورتوں دی بولی دا حصہ ہن۔ اتھتھے کجھ مثالاں دیتاں جاندیاں ہن۔

مُنڈا: ڈہیم، ڈھیلا، ڈھیٹھ، دھوڑ، گورا، ایرکھا، برچھا، ڈھال، بھنڈار، گھانی، پھانک، آرا، ڈانگ، سوتا، ڈنڈا، رنڈ، رچھ، پیڑھی (نسل)، چینی، چنگیر، ڈالا، ہانڈی، رلد، لپ، کنڈ وغیرہ۔

دراوڑی: پھل، نیلا، شام، پٹی، دل، موتی، کتن، پٹن، کوہن، دل، من، کھڈ، کھر، گڑی، کالا، پٹ، کو (کوون)، سڑگو (سوگزن) وغیرہ۔

دراوڑاں مگروں پنجاب وچ آریہ آئے۔ پر کتھوں آئے، کدوں آئے اتے کون سن؟ ایسہ ایسے معاملے ہن، بیہناں بارے ابجے تائیں نکھیرا نہیں ہو سکيا تے آریاں دی جنم بھومیں بارے عالم متفق نہیں ہن۔ وکھو وکھ لکھیاں نے اپنیاں لکھتاں وچ ایسہ تھانواں دسیاں ہن شمالی افریقہ، جنوبی روس، شمالی جرمنی، سکیٹنڈے نیویا، ہنگری، مشرقی یورپ، شمالی یورپ، نارٹھ پول، مغربی جرمنی، افغانستان، یورال دا

جنوبی علاقہ، جیچوں تے سیچوں دے وچکارا علاقہ، پولینڈ توں وسط ایشیا، وسطی ایشیاء۔ کچھ ایسے وی لکھیاں ہن جو آکھدے ہن کہ آریہ مڈھوں ای پنجاب (پست سندھو) دے رہن والے سن۔ اتے ایتھوں ای ایران، یورپ تے میسو پوٹامیا گئے سن۔ انجے وانگوں عالماں نے ایس مسئلے بارے وی بڑیاں بحثاں کیتیاں ہن پر کسے سٹے تے نہیں اپڑ سکے۔ ہر اک دی رائے دوجے نالوں وکھری ہے۔ گورڈن چائلڈ لکھدا ہے کہ آریہ 2500 ق م توں پہلاں اپنی جنم بھومیں تیاگ چکے سن اتے 1800 - 1600 ق م دے وچکارا تھتے اپڑ گئے سن۔ وہیلر 1500 ق م دائیوا لاوندا ہے۔

آریہ کون سن، کدوں آئے تے کتھوں آئے دے سمجھل بھوسیاں توں جان چھڑاون لئی اوڑک اک نواں راہ لبھیا گیا 'Mario A. pei' Nesturkh بھوپندر ناتھ دتا تے ہور کیاں نے ہن آریائی نسلی وحدت دی تھیوری نوں وی تیاگ دتا ہے۔ ایہدے من نال کئی نسلی تے لسانی جھیلے تے گنجلماں پندیاں ہن۔ ایہناں توں پہلاں 1898ء وچ میکس ملرنے کسے ملک باجھوں صاف صاف آکھ دتا سی کہ جدوں اسیں "آریائی" لفظ وردے ہاں تاں اوس توں مراد نسل نہیں سگوں بولی ہوندا ہے۔

آریہ جنھوں گئے، جتھے گئے تے جدوں وی گئے۔ اسانوں اوس بارے کوئی پکی تھتھی جانکاری نہیں بھدی، پر چنگے بھاگاں نال اساڈے کول اتھتے "رگ وید" موجود اے۔ جیس وچ اوس ویلے دی سیاسی، سماجی تے اقتصادی تاریخ لکھی پئی ہے۔ مندے بھاگاں نال ہندوواں ایس نوں اپنی مقدس کتاب بنا لیا ہے، ایس پاروں "رگ وید" نوں کسے پکھوں گوہ گوچرا کرنا، اسان مسلماناں تے گناہ سمجھ لیا ہے۔ میں سچ آکھدا ہاں کہ قدیم پاکستان دی سیاسی، سماجی تے اقتصادی تاریخ لکھن لئی ایس توں وڈی تے معتبر کتاب دنیا وچ ہور کوئی نہیں ہے۔ کیوں جو ایہہ کتاب پست سندھو (پنجاب) وچ لکھی گئی سی۔ "رگ وید" وچ تھاؤں تھامیں آریہ اپنے راندر دیو تے نوں بنی کر دے بھدے ہن کہ اوہ غیر آریہ لوکاں داناں مار دیوے اتے اوہناں دا مال ڈنگر کھوہ کے اوہناں وچ ونڈ دیوے۔ "رگ وید" وچ غیر آریاں دے 100 قلعے مارن دی دس پائی گئی ہے۔

آریہ جدوں اپنی جنم بھومیں توں مُر کے وادی سندھ وچ اپڑے تاں دسیو،

پنی تے اُسر وغیرہ قبیلے اتھے موجود سن۔ ایسناں دی رہتل تے وسیب اپنے ریکھراں اتے سی۔ ایتھوں دے وسنیک پہلاں ای اک اجیسی بولی ورتوں وچ لیا رہے سن جو آریاں توں پہلاں آون تے وسن والیاں جاتیاں نے ہوند وچ لیاندی سی۔ آریہ وی اپنے نال اپنی بولی لے کے آئے جیسن دے نال دا پتہ نہیں لگ سکیا۔ پانی نے اوس نوں ”چھندس“ دا ناں دتا سی۔ پنڈتاں نے اوس نوں ”ویدی سنسکرت“ ”مڈھلی سنسکرت“ ”آدپر اکرت“ وی آکھیا ہے پر نکھیرا ودھیرے پر تکھ کرن لئی بےتے عالماں نے اوس نوں ”ویدی“ دا ناں دتا ہے اتے ایہو ڈھکواں تے ہُن پر چلت ہے۔ آریہ دا پنجاب دے قبیلیاں نال سینکڑیاں ورھے میل جول رہیا۔ انج مقامی قبیلیاں دا آریہ دی ویدی زبان اتے اثر پینا فطری گل سی۔ ”رگ وید“ وچ غیر آریائی لفظ بعدے ہن جیویں۔

مُجھل، مِل، کُل (ویل)، پُوجتا، نیلا، بل، روپ، بیج، کال، کلا، رات وغیرہ۔ ایسہ لفظ دراوڑی بولیاں توں لے گئے ہن۔

اتھے اک ہور گل گوہ گوچرے کرن والی ہے کہ ’ٹھ‘، ’ڈ‘، ’ڈھ‘ دی ورتوں ودھدی گئی ہے۔ ہُن ایسہ واجاں (انگریزی نوں چھڈ کے) کسے وی ہند یورپی بولی وچ نہیں ہن۔ انج ای ”ڑ“ دی واج (چینی بولی نوں چھڈ کے) کسے بولی وچ نہیں ہے۔ دو جے بنے ایسہ واجاں منڈا تے دراوڑی گروہ دیاں بولیاں وچ موجود ہن۔ ایس توں ایسہ ساکندھنا غلط نہیں کہ ویدی تے سنسکرت وچ ایسہ واجاں اودوں داخل ہوئیاں۔ آریاں دا میل ایتھوں دی مقامی وسوں نال ہو یا سی اتے ایتھوں دے لوک اجیسی بولی بولدے سن، جیسن اتے منڈا تے دراوڑی ٹبر دیاں بولیاں اپنا اثر پہلاں ای پا چکیاں سن۔

ویدی توں اگلا پڑاء سنسکرت دا دیا جاندا ہے۔ بےتے عالم ایسے نوں اجوکیاں ہند آریائی بولیاں دی جنہی مندے ہن۔ اوہ آکھدے ہن کہ ویدی دے دو روپ سن۔ اک روپ بول چال دی بولی دا سی، جو ویلا لنگھن تے مقامی اثر پاروں وڈا جا رہیا سی۔ دوجا روپ ادبی سی، جو سارے ہندوستان وچ ترقی کردا ہو یا ٹیکسالی بندا پیا سی۔ پنجاب توں لاء بنگال تائیں اتے کشمیر توں دکھن تائیں ویدی دا ادبی روپ پسردا پیا سی۔ ایسے ادبی روپ وچ اکسار تا دی لوڑ محسوس کرن مگروں پانی نے ”اشا

دھیائی "لکھی۔

حقّی گل ایسہ دے کہ ودھیرے عالماں نے سنکرت نوں صحیح Perspective وچ ویکھن دی کھپل ای نہیں کیتی۔ رتا ایسہ نکلیا کہ سنکرت اک ایسی کھپل بن گئی ہے کہ جے کتے اک سرا تھ آوی جاوے تاں دو جاکتے گواچ جاندا ہے۔

آکھیا جاندا ہے کہ پانی نے "اشا دھیائی" (گرامر) لکھ کے گرامری اصولاں وچ جکڑ دتا سی۔ ایس پاروں ایسہ ایسی جکڑی گئی ایس دا پارا رک گیا، کیوں جو کوئی بھی لکھیا پانی دے اصولاں توں انحراف نہیں کر سدا سی۔

جدوں ایس پانی توں پھیکڑلے ادب ول جھات پاوندے ہاں تاں ایسہ گل صحیح نہیں جا پدی۔ پہلی گل تاں ایسہ ہے کہ پانی توں پہلاں شاکل، گارگ، کیشپ گالو وغیرہ گرامر نویس ہوئے سن، جیہناں دے تاں "اشا دھیائی" وچ گنوائے گئے سن۔ پانی نے کتے کتے ایہناں نال اختلاف وی کتیا ہے۔ دوجی گل ایسہ کہ پانی نے سنکرت نوں سمجھن تے اوہدے گرامری اصول لکھن وچ جو غلطیاں کیتیاں سن کاتیاں نے اپنی کتاب "وارنک" وچ اوہناں دی سودھی کیتی ہے۔ انج ای جیا دیتا نے "کامیکاورتی" پانی دیاں جھٹلاں دیاں ہن۔ پتنبلی دی "مہا بھاشیہ" وی ایسے سلسلے دی اک کڑی ہے۔ اوس نے ایس دی تشریح وی کیتی ہے تے نال دے نال نویاں گرامری جہتوں دی وی دس پائی، تہ تاں پانی سنکرت بارے حرف آخر نہ ہویا۔

کوئی وی بولی بھادیس اوہ بول چال دی ہووے تے بھادیس لکھن پڑھن دی، اوس وچ ہولی ہولی کچھ نہ کچھ تبدیلی ضرور آوندی رہندی ہے۔ ایس دے کئی کارن ہوندے ہن۔ سنکرت دا اک ماڑا جیہا جاٹو وی دس سدا ہے کہ جو پانی تے یاسک نے بولی ورتی ہے، اوہ رامین، مہا بھارت تے مہا بھاشیہ توں دکھری ہے۔ انج ای کالی داس، بانی بھٹ تے پھیکڑلے لکھیاں دی بولی پانی دی "نیم بدھ" اتے پوری نہیں اتردی۔ جے ایوں نہ ہوندا تاں انیک "کودیاں" لکھن دی لوڑ کیوں پیندی رہی۔ اتھے اک ہور وی چیتے رکھن والی گل ہے کہ اکثر عالماں نے سنکرت لفظ بارے دیا ہے کہ ایسہ اک مرکب لفظ ہے، جیہدے تن حصے ہن اتے ایہدے معنی "مانجی سنواری ہوئی بولی" ہے۔ ایسہ لفظ پہلی وار رامین وچ بولی دے معنیوں وچ

ورتیا ہے۔ نہیں تاں ایس توں پہلاں سنکرت لفظ بولی لئی کسے وی نہیں ورتیا سی۔
 ”مرگ وید“ دے حوالیاں توں صاف بھدا پیا ہے کہ سنکرت لفظ دے معنی اوہ نہیں
 ہن جو عام طور تے سمجھے جاندے ہن۔ عالماں نے ”کرت“ توں اگیتراں نکھیر کے
 جو معنی کہتے ہن، اوہ اکا ای ڈھکویں نہیں ہن۔ اصل گل ایہہ ہے کہ ایہہ مرکب
 (سنس کرت) نہیں سگوں اکو لفظ (سنکرت) ہے۔

میرے جاچے مکدی گل ایہہ ہے کہ ویدی بولن والے سینکڑے ورھے ”
 پست سندھو“ (پاکستان) وچ رہے اتے اتھے ای اوہناں دی بولی وچ غیر آریائی
 جاتیاں جیویں اُسر، پنی، دسیو وغیرہ دی بولی (یعنی اودو کی پنجابی) دی چوکی ساری لفظی
 شامل ہو گئی۔ ایتھوں اوہ بدلی ہوئی ویدی نال لے کے مدھیا دیس (یوپی) گئے۔ ایہہ
 اوہ سما سی جدوں آریہ سوسائٹی ورن آشرم (ذاتاں دی ونڈ) وچ ونڈی گئی سی۔ اُسر
 براہمن بن بیٹھے ہن۔ مدھیا دیس ای اوہ تھاں ہے، جتھے سنکرت وجود وچ آئی۔ ایس
 دیاں نیناں اوتھے بولن والی بولی اتے اُساریاں گئیاں، کیوں جو سنکرت بول چال
 دی نہیں سگوں مصنوعی تے ادبی بولی سی۔ ایس پاروں براہمنان نے نہ تاں ایسوں
 سگوں ویدی ای رہن دتا اتے نہ ای مدھیا دیس (یوپی) دی پوربی بولی سموئی گئی۔
 ایہو گل دولتر وی شور سنی بارے گل کر دیاں کسے ہور ڈھنگ نال آکھدا ہے۔
 ایہدے توں وکھ سنت سگھ سیکھوں تے مونی چندروی ایسے گل نوں اپنے مخصوص انداز
 وچ آکھن دا جتن کردے ہن۔ سدھی سانویں گل ایہہ ہے کہ سنکرت اپنے ویلے
 دی اردو سی۔ جس آپ ای ویکھ لوو کہ پاکستان دے کسے علاقے وچ اردو نہیں بولی
 جاندی پر ایہدے باوجود ایہہ پاکستان دی قومی زبان ہے تے ڈھیر ساری لکھت پڑھت
 ایسے بولی وچ ای ہوندی ہے۔ دوجی گل ایہہ وے کہ ایہدے وچ وی دو جیاں
 بولیاں دی ڈھیر ساری لفظی رلی ہوئی ہے۔

سنکرت	پنجابی	سنکرت	پنجابی
کیش (کیس)	پھڑساں	رشر (سر)	دھڑی، منڈی، رنڈ
اکشی (اکھ)	کھا کھاں	اوشٹھ (ہونٹ)	مبھ
آزک	کوہنی	اٹٹھ (انگوٹھا)	ٹھٹھ
پرٹھ (پٹھ)	کنڈ	کھپر (کھوپڑی)	کھنی

جیہوا (جیہ)	تو تو	ہست (ہتھ)	کر
رہب (پیون)	ڈپھن	پد (پیر)	ڈگ
کپس (کپاہ)	ٹھٹی، ونواڑھ	امرویل	لوت
جوٹ (جوڑا)	بودا، چھتے	گھونک (گھوڑا)	ٹو، ٹیر

سنسکرت سکروں پر اکرتاں دا پڑاء منیا جاندا ہے۔ پر اکرتاں اوہ بولیاں ہن جو آریاں دے آون توں پہلاں اتھتھے بولیاں جارہیاں سن یعنی غیر آریائی بولیاں ہن۔ میری جاچے جدوں مدھیا دیس (یوپی) دی بولی پر اکرت دی نینہ اتے براہمنان نے نویں بولی سنسکرت اُساری تاں سارا ادب ایس وچ رچیا جاون لگ پیا۔ رِشا اِسمہ نکلیا کہ اِسمہ مصنوعی بولی اپنیاں لکھتاں راہیں پر اکرتاں نوں متاثر کرن لگ پئی۔ پر اِسمہ یک طرفہ دین نہیں سی، پر اکرتاں وی سنسکرت دا ڈرُھ بھر دیاں رہیاں۔ دوجی اہم گل اِسمہ وی ہے کہ پر اکرتاں دا جتا وی روپ سانوں کتاباں جاں اشوک دے کتیاں وچوں لہدا ہے۔ اوہ بول چال والا نہیں سگوں لکھتی بولی دا روپ ہے اتے اِسمہ دس دی لوڑ نہیں کہ لکھتی روپ وچ کدے مُتے سدھ تے کدے جان بُجھ کے ایسی بولی ورتی جاندی ہے، جو بول چال دی بولی توں وکھریاں رکھدی ہوندی ہے۔ ہندی سنسکرت لدی بھارتی پنجابی ایس دا ابو کا ثبوت ہے۔

اک ہو ر گل دی اتھتھے کھولن والی ہے، جے اِسمہ پر اکرتاں سنسکرت وچوں ای چُنکریاں سن تاں سنسکرت وانگوں اینناں دا کوئی اکو ای ناں کیوں نہیں؟ اِسمہ پالی، شورسینی، مہاراشٹری، ماگدھی، اردھ ماگدھی، پشچی، چولیکا، پشچی بابلیکی، شاکاری، چنڈالی، شابری، آبھیرکی، شاکی، اپ بھرنش (اگوں اپ بھرنش دیاں 27 قسماں) وغیرہ وغیرہ وچ کیوں ونڈیاں ہوئیاں ہن۔ ایس دا ایہو پر تاوا دتا جا سکدا ہے کہ اِسمہ وکھرے وکھرے علاقے دیاں بولیاں دے ناں ہن۔ جدوں اِسمہ ودوان آکھدے ہن کہ پانی دی نیم بدھ کیتی سنسکرت وچ کوئی تبدیلی نہیں آ سکدی سی تاں سنسکرت مڑ اینیاں پر اکرتاں وچ کیوں ونڈج گئی؟ سدھی سانویں گل اِسمہ ہے کہ اینناں علاقیاں وچ پہلاں ای غیر آریائی بولیاں موجود سن۔ ایسے پاروں سنسکرت دی پر اکرتاں نال نحوی جہتراں دی اکی سانجھ نہیں لہدی۔ لفظالی دی آپو وچ کجھ سانجھ لہدی ہے اِسمہ سنسکرت تے پر اکرتاں دا آپو وچ دا دان پر دان ہے اتے ایہا اج

نکھیہ اکرنا کہ کس نے کیہ دتاتے کیہ لیا، کھرا اوکھا ای نہیں سگوں نامکن ہے۔

بنتھوں تائیں ویدی تے پر اکرتاں دی آپو وچلی سانجھ ہے، ایسہ سانجھ اودوں وجود وچ آئی سی، جدوں وید مذہبی کتاباں دا روپ دھار کے عام لوکاں دے جیون مرن تے رساں ریتاں نوں متاثر کرن لگ پئے سن جیویں مسلماناں دی مقدس کتاب قرآن شریف ہودن پاروں پنجابی وچ چوکھے سارے لفظ عربی وچوں آگئے ہن۔ ایس پاروں ایسہ آکھنا کہ پر اکرتاں سدھیاں ویدی توں جھٹھیاں ہن ایسہ وی اکا ای غلط تے مچھیکھے بھریا ہے۔

پر اکرتاں بول چال دیاں بولیاں سن اتے ویدی دے اتھتے آون اتے سنسکرت دے ہوند وچ آون توں پہلاں ہر علاقے دا وسنیک اپنی اپنی پر اکرت ورتدا سی۔ ایسے پاروں وررچی نوں ”پر اکرت پر کاش“ وچ آکھنا پیا سی کہ جیویں سمندر دیاں لہراں گرتیاں سوکھیاں نہیں، انج ای لوک بولیاں دی گنتی کرنی وی سوکھی نہیں۔ ایہو گل چند پر اکرت لکشن ہو ر طرح کندا ہے۔ اوہ کندا ہے کہ اپ بھرنش لوک بولیاں نوں کندے ہن جو گنتی وچ ڈھیر ساریاں ہن۔

پر پر اکرتاں دا بول چالی روپ اساڈے تیکر نہیں اپڑیا۔ بدھ مت تے جین مت والیاں نے ”پالی“ ماگدھی تے اردھ ماگدھی نوں اپنیاں مذہبی کتاباں وچ اپنا لیا۔ پھیرا یسناں وچ ہو ر وی کتاباں لکھیاں گئیاں، جینناں دے ناں دولتر نے اپنی کتاب ”انٹروڈکشن ٹو پر اکرت“ وچ گنوائے ہن۔ ایوں پر اکرتاں ساڈے تائیں ادبی روپ وچ اپڑیاں ہن۔ سنا ایسہ نکھلیا کہ بول چال دی تھاں لکھتی پر اکرتاں وی مصنوعی تے بناوٹی روپ وچ ای ساڈے تائیں جھپیاں ہن پر کیوں جو اک دوجی بولی سنسکرت وی نالوتال ورتیندی پئی سی۔ ایس پاروں ایسہ اک دوجے نوں متاثر کر دیاں رہیاں۔

پر اکرتاں توں مگروں اگلا پڑاؤ اپ بھرنش دا دیا جاندا ہے۔ اپ بھرنش نوں دو قسماں وچ وندیا جا سکدا ہے۔ اک تاں اوہ سن جو پر اکرتاں دے علاقائی روپ جاں بولڑیاں (Dialects) سن۔ دوجی قسم وچ اوہ بولیاں آوندیاں ہن، جینناں نوں ماہرین لسانیات غیر آریائی بولیاں رمتھدے ہن۔ مطلب ایسہ کہ پُرانے گرامر نویس اپ بھرنشاں وچ اوہ ساریاں بولیاں رگن لیندے سن، جینناں دے ناں اوہناں نے کتوں پڑھے تے سنے ہوندے سن۔

گل کیہ دیسی بولیاں وچوں جدوں کے لفظ دے اک روپ نوں سنکرت وچ
 کھپا لیا گیا تاں اوہ ”شدھ“ تے ”دیوتیاں“ داکھ واک بن گیا۔ جد کہ باقی دے
 وکھرے وکھرے روپاں نوں اپ بھرنش (وگڑے ہوئے) آکھ کے دھتکار دتا گیا۔
 پتنبلی نے اپ بھرنش لفظ ”وگڑے ہوئے“ دے معنیاں وچ نہیں ورتیا سی سگوں
 اوہ ایسہ دسنا چاہوندا سی کہ اکو لفظ نوں وکھو وکھ علاقیاں وچ وکھو وکھرے ڈھنگاں نال
 اچار یا جاندا ہے۔

پنجابی تے یونانی زبان دا اثر

کندے نیں پئی سکندر بادشاہ ساڈے دیس وچ بنیری وانگ آیا اتے واء ورو لے وانگر چلا گیا تے اتھے اوہدے ہلے دا کوئی لما چوڑا اثر نہیں ہویا۔ کجھ وروان دودھ توں دودھ ایسہ کندے مئے جانے نیں پئی ایسہ ہلہ پورب تے پچھم دے دیساں وچ میل جول دا سمبندھ بنیا اتے بس۔ ایپر مینوں تاں انج جاہدا اے پئی ایس ہلے نے ساڈے جیون اتے تہذیب تے ڈاڈھا گُوڑھا اثر کیتا اے۔ میں جدوں مرزے دی بکی داناں مُسدا آں تاں جھٹ سکندر دے گھوڑے بوکا فیل (ہرنی دا پتر) داناں میرے سامنے آجاندا اے۔

ایسہ گل غلط اے پئی سکندر بنیری وانگ آیا تے واء ورولا بن کے نکل گیا۔ نہیں! اوہنے اتھے نویں شہر دسائے اتے فوجی چھاؤنیاں دی نینہ رکھی۔ ایہناں نویں شہراں اتے چھاؤنیاں وچ اپنی فوج دے آدمیاں نوں آباد کیتا اتے کئی اک صوبے اپنے گورنراں دے سپرد کیتے۔ اک ویلا اوہ وی آیا جد گنگا جمن دیس دے وینیک پست سندھو دیس دے وینیکاں نوں یاونا (یونانی) دے ناں نال یاد کردے سن۔ تاریخ وچ لکھیا اے جد سنگا خاندان دے بانی ہشپ مترا (184 - 148 ق م) نے اپنے آپ نوں راشترپتی کماون لئی گھوڑے دی قربانی دا جشن مناون توں پہلاں اپنا گھوڑا گھلا چھڈ دتا پئی جے کسے دے من وچ اوہدے راشترپتی ہون تے کجھ شک اے تاں اوہ ایس گھوڑے نوں پھڑلوے تے مقابلے لئی تیار ہو جاوے تاں سندھو دیس دے وینیک اک یاونا راجے نے اوس گھوڑے نوں پھڑ لیا۔ پر اوس نے ہشپ مترا دے پتر و سو مترا توں ہار کھالئی۔

پرانے اتہاس توں پتہ چلتا اے پئی سکندر دے ہلے (327 ق م) توں پچھوں اتھے موریہ خاندان دا راج قائم ہو گیا۔ ایس زمانے وچ یونانی بستیاں وچ اتے

ہو راں تھانواں تے وسن والے یونانی عزت دی نگاہ نال دیکھے جاندے سن۔ اشوک نے اک یونانی سردار شپ نوں کاٹھیا واڑا صوبہ دار مقرر کیتا سی۔

کوئی 210 ق م دے ایڑگیڑ وچ انطاکس نے کابل وچوں نکل کے پنجاب تے بلہ کیتا۔ اتھے اوس دا ٹاکرا سوہاگ سین ناں دے راجے نال ہویا اتے سوہاگ سین نے ہار من کے کئے ای ہاتھی گھوڑے تے مال دولت خراج پاروں اوہنوں دتا۔ کوئی 190 ق م وچ باختریا دے راجے ایوتھیدیوس دے پتر اتے انطاکس دے جوائی ڈمیٹیریس نے پنجاب اتے سندھ تے ہنہلار کے قبضہ کر لیا تے اپنے راج دی نیند رکھ دتی۔ فیر 155 ق م وچ میسڈرناں دے یونانی راجے نے پنجاب توں بناں سارے سندھ کاٹھیا واڑا تے راجپوتانے دے کجھ علاقے تے قبضہ کر لیا۔ اوڑک اوہنوں پچھے ہٹا پیا۔ پر پنجاب وچ اوہدا راج ڈھیر چر تائیں قائم رہیا۔ انج ای ہور کئی یونانی راجیاں دے نال تاریخ وچ بھدے نیں۔ پرانے روپیاں، پیسیاں توں پتہ چلدا اے پئی اوس زمانے وچ پنجاب وچ گھٹ ودھ چالھی یونانی راجیاں راج کیتا۔ سبھ توں مگروں سانوں بیڑے یونانی راجے دا پتہ چلدا اے اوہدا ناں ہرماؤس Hermaios (50ء توں 30ء) اے۔ اتنے گھٹ ودھ دیر سال صوبہ سرحد اتے پنجاب دے کجھ حصے تے راج کیتا تے اوڑک یوہ جی دے اک سردار کنفیس نے ایہدے راج نوں مٹکایا۔

ایس توں پتہ چلدا اے پئی پنجاب اتے ایس دے نال لگدیاں علاقیاں وچ پونے چار سو سال تائیں یونانیاں دا اثر رسوخ رہیا اتے کوئی دو سو سال تائیں تاں اوہناں اتھے راج دی گدی سنبھالی رکھی۔ کیہ انج ہو سکدا اے پئی ایہی لمی مدت وچ اوہناں ساڈے رہن سمن، رسم رواج، پہناوے اتے زبان اتے کجھ وی اثر نہ کیتا ہووے۔ مینوں تاں انج جاہدا اے پئی آریاواں توں مگروں یونانیاں دا اثر وی کوئی گھٹ نہیں سی، پر اج ساڈے لئی ایہدا فتار اکرن چوکھا اوکھا اے کیوں جو اسپس اوس ویلے توں پہلاں دی تہذیب بارے کجھ نہیں جاندے تے نہ ای سانوں آون والے یونانیاں دے رہن سمن تے رسم رواج دا کجھ پتہ اے۔ فیر اسپس کیہ کہہ سکدے آں پئی اوہناں نے کیہ اثر کیتا۔ ہاں اسپس ایس اثر دا کجھ رشتہ پنجابی زبان وچ ملن والے یونانی لفظاں توں لا سکدے آں۔ بھادویں یونانیاں دے اثر رسوخ نوں

کیاں کوئی دو ہزار سال بیت چکے نہیں تے اوس ویلے وی اوہناں دی گنتی کوئی آئے وچ ٹون دے ساویں ای سی پر فیروی جدوں اسیں پنجابی وچ ملن والے ٹاویں ٹاویں یونانی لفظاں ول دھیان کردے آں تاں ساڈے کن کھڑے ہو جاندے نہیں پئی ایہہ کیہ؟

اج پرانے کھنڈراں چوں ملن والیاں یادگاری چیزاں نے تے کھوج کرن والیاں ودواناں نے ساڈی تہذیب دے کئی اک مکلیاں ہویاں پاسیاں توں بے علمی دی موٹی تہہ لاه سٹی اے۔ اجے کل تائیں یونانیاں دا اتہس آوٹا یاں نہ آوٹا ساڈے لئی اکو گل رگتی جاندی سی پر اج نقشہ بدل چکیا اے۔ بیگام، بامیان (افغانستان) سوات، تحت بھائی، پشکلاوتی اتے ٹیکسلا تھیں ملن والیاں مورتیاں اتے مورتاں کھنڈراں دیاں کجہ بچیاں کچیاں کندھاں اتے اوہناں تے را بگیری دا کم اتے تے بھجے بھاندے ٹینڈے، کھڈونے، ٹوم ٹلا اتے ایہو بیہیاں دوسریاں چیزاں دی چھان پھنک کردیاں ہویاں ایہہ پرکھ کیتی اے پئی اپنے ویلے وچ یونانیاں نے ساڈی تہذیب تے ڈاڈھا گؤڑھا اثر کیتا سی۔

بتھوں تائیں گندھارا دے آرٹ دا تعلق اے اوس تے تاں صاف صاف یونانی تہذیب دی چھاپ لگی جا پدی اے۔ جے کر اسیں اپنے عجائب گھراں وچ رکھیاں ہوئیاں گندھارا آرٹ مورتیاں اتے پھرتے کھدیاں ہوئیاں مورتاں تے گوہ کرے تاں سانوں کنے ای ایہی نقش لبھن گے جیہڑے یونانی دیو مالا اتے یونانی لوک کہانیاں نال تعلق رکھدے نہیں اتے کجھ مورتیاں دے چرے مہرے دی بناوٹ یونانی جا پدی اے۔ ایہی کجھ نمونے لہور دے عجائب گھر وچ وی پئے نہیں جیویں دوجی صدی عیسوی دا بنیا ہویا پتھر دا منروا دیوی دا بت اتے ایسے زمانے دا پھرتے کھدیا ہویا باخوس دیوتا (Bacchus) دیاں رنگ رلیاں دا اک نظارہ۔ ایہیاں ہور وی کئی اک چیزاں لبھدیاں نہیں، بیہریاں یاں تاں ایتھوں دے و سنیک یونانیاں دے ہتھاں دیاں بنیاں ہوئیاں نہیں یاں مڑ اوہناں دے مقامی شاگرد پٹھے دے ہتھاں دیاں۔

ساڈے دیس دے را بگیری دے کم تے وی یونانیاں دا ڈونگھا اثر جا پدا اے۔ اوس ویلے دے مندرن ماٹریاں دی بناوٹ باقی بھارت دیش نالوں بالکل وکھری اے۔ ایس توں ہٹاں دھیمی ودواناں تے حساب ویدک اتے خاص کر جو تیش

بارے دی یونانیاں توں کئی اک گلاں سکھیاں اتے نال ای یونانیاں دی دیو مالا، لوک
کمانیاں اتے فلسفے دیاں وی کئی اک گلاں اتے آکے رچ بچ گئیاں۔

خروشتی زبان دا ودھنا مچھلنا وی ایہناں ویلیاں دی یادگار اے۔ ایہہ زبان
پہلی وار ایران دے ہخامنشی خاندان دے پہلے دارا دے راج (تن سو سال ق م)
وچ بھدی اے۔ یاں ایہہ کہہ سکدے ہاں پئی ایس زبان دا پہلا لکھیا ہویا لکھ اوس
زمانے نال تعلق رکھدا اے۔ انج وی ہو سکدا اے پئی ایہہ لکھائی پہلاں وی اتے
ورتن وچ آوندی ہووے، پر زمانے دے گيثر نے اوہدا تھوہ مٹا چھڈیا ہووے۔ کیوں
جو بھوج پتر، چڑے اتے لکڑ دیاں بھٹیاں تے لکھی ہوئی کوئی چیز دو ڈھائی ہزار سال
تائیں کتھے بچ سکدی اے۔ ایہدے اکھر اوس ویلے دی ایرانی لکھائی نال ملدے
جلدے نیں اتے لفظ گندھارا دی زبان دے ہن۔ ایرانیوں دے پچھوں یونانیاں نے
وی ایسے زبان نوں سرکاری زبان دا درجہ دے دتا جیویں انگریزاں نے ساڈے دیس
وچ انگریزی توں وکھ اردو نوں وی سرکاری زبان من لیا سی کیوں جو ایس زبان نوں
سارا ملک آسانی نال سمجھ سکدا سی۔ یونانی راج ویلے خروشتی گندھارا توں وکھ دوہے
دیاں وچ وی بچ گئی سی۔ ایہدے کئی اک نمونے افغانستان اتے بلخ بخارا چوں ملے
نیں۔ کھنڈراں دی ودیا دے جانکار جرمن ڈاکٹر سٹائن نوں ترکستان دے کھنڈراں دی
کھدائی کردیاں ہویاں کنے سارے خروشتی زبان دے لکھ ملے، بیہڑے بھوج پتر اتے
لکڑ دیاں بھٹیاں تے لکھے ہوئے ہن۔

ہند یونانی راجیاں دے راج ویلے سرکار، دربار اتے پکھیاں وچ یونانی اتے
دیسی دوویں زبانوں ورتیاں جاندیاں ہن۔ روپیاں بیسیاں تے وی اک پاسے یونانی
اتے دوہے پاسے دیسی زبان لکھی جاندی سی جیویں اک دھرم دے سکے تے اک
پاسے یونانی وچ باسیلیوس (Basileos) اتے ایو کراتیو (Eukrtio) مطلب بادشاہ
ایو کراتیویں لکھیا ہویا اے اتے دوسرے پاسے خروشتی وچ مہاراجا ایو کراتی تاسا
لکھیا ہویا اے۔ ایہہ ضرور اے پئی یونانیاں نے دور دور دا کم چلاون لئی دیسی زبان
رکھن دا جتن کیتا ہووے گا، پر ایہہ وی گل اے پئی دربار اتے کم کار وچ بیہڑا
درجہ حاکماں دی زبان دا ہوندا اے اوہ عزت دیسی زبان نوں نہیں ملدی۔ مسلماناں
توں پہلاں ہندو راجیاں مہاراجیاں دے زمانے وچ لوکاں دی زبان تاں پراکرت سی،

پر درباراں وچ سنسکرت نوں عزت دی نگاہ نال ویکھیا جاندا سی۔ مسلمان آئے تان عربی فارسی دی قدر ہون لگ پئی اتے کئے ای پنڈت دی دربار وچ عزت حاصل کرن لئی اینناں زباناں دے ودوان ہو گئے۔ انگریز آئے تان انگریزی زبان دے جھنڈے جھلن لگ پئے اتے ساری دنیا لک بھ کے انگریزی دے دوالے ہو گئی۔ انج ای یونانیاں ویلے یونانی نوں دی ایہو درجہ حاصل ہووے گا اتے کئے ای دیسی پڑھے لکھے یونانی دے ودوان ہو گئے ہون گے، پر عام لوکاں دی زبان تے وی کئے ای یونانی شبد چڑھ گئے ہون گے جیویں اج کل ساڈے پنڈو بھرا وی عام گل کتھ وچ ٹائم، فس کلاس، نمبر، فنڈ، ووٹ، ممبر، نمبرلی، اسکول، اشام، ہوٹل، ٹکٹ، ہسپتال اتے ٹیشن ورگے ہزاراں لفظ بناں سوچے سمجھے آسانی نال ورت جانداں نیں۔ انج ای یونانی دے وی کئے ای سارے شبد ساڈی زبان دا حصہ بن گئے ہون گے۔ اینناں وچوں کچھ تاں ہولی ہولی بھل بھلا گئے ہون گے پر کچھ شبد زبان تے ایہیہ چڑھے ہون گے، بیہڑے ساڈی زبان دا حصہ بن گئے۔ اج اوہناں نوں آسانی نال پچھانا مشکل جا پدا اے۔ پر فیرو دی بے جتن لائیے تان کچھ نہ کچھ پلے پلے ای جاندا اے۔

اج میں پنجابی وچ ملن والیاں اوہناں یونانی شبدیں دا ویروا پاواں گا۔ جیہڑے کتاباں دے ورتے پھرو لدے ہویاں میرے سامنے آئے۔ ہو سکدا اے پئی بے ایس گل ول ودھ دھیان دتا جاوے تان ہور وی کئے سارے ایہیہ شبد ساناں لہجہ ہین۔

اتھتھے اک ہور گل دا ویروا پادینا دی ضروری اے پئی ساڈی زبان وچ چار قسم دے یونانی شبد ملدے نیں۔ پہلاں تاں اوہ شبد نے جیہڑے آریائی بولیاں دا سانجھا ورثہ ہون کر کے سنسکرت اتے فارسی دی شکل وچ ملدے نیں۔ دوجے اوہ شبد نیں جیہڑے عربی زبان راہیں ساڈی زبان وچ آئے۔ کیوں جو جد عرب وودوان یونان دے فلاسفر دیاں لکھیاں ہوئیاں کتاباں دا ترجمہ عربی وچ کر رہے سن تان اوہناں نے یونانی دے کئی اک لفظ اپنی اصلی شکل وچ ای موجود رہن دتے یاں اوہناں نوں کج بدلا دتا۔ کچھ لفظ ایہیہ وی نیں جیہڑے عربی اتے یونانی دوہاں زباناں وچ ملدے نیں۔ انج جا پدا اے پئی اسلام توں پہلاں اوہ لفظ یاں تاں یونانیاں نے عربیاں توں سکھے یاں فیر عرباں نے یونانیاں توں لے لئے۔ انج وی ہو سکدا اے پئی

ایہناں دوہاں زبانوں نے ایسہ کسے تہجی زبان جیویں فنیقی وغیرہ توں حاصل کیتے ہون۔ یاں ایہناں دی مددی ہوئی شکل ایویں اتفاق دا نتیجہ ای ہووے۔ تیجے اوہ شبد نہیں جیہڑے یورپی خاص کر کے انگریزی زبان دے ذریعے ساڈی زبان وچ آئے اتے چوتھے اوہ شبد نہیں جیہڑے اتے لکھے ہوئے یونانیاں دے نال میل جول کر کے ساڈی زبان دا حصہ بن گئے۔ ایہناں چارے دنیاں لفظاں نوں اڈو اڈو نکھیرنا ایڈی اوکھی گل نہیں۔

سبھ توں پہلاں اوہ شبد لیندے آں جیہڑے فرنگی قوماں راہیں ساڈی زبان وچ آئے نیں۔ انج تاں سائنس، انجینری اتے ڈاکٹری دی ساری زبان ای یونانی لفظاں نال بھری ہوئی اے تے جے کر ایہناں لفظاں نوں کٹھے کیتا جاوے تاں اک نگلڑی لغات تیار ہو سکدی اے۔ اتھتے بس نمونے لئی گنتی دے لفظ ای تہاڑے سامنے رکھدے آں جیوں اسکول، کمرہ، کیرہ، ڈراما، تھیٹر، کلرک، گراموفون، فوٹو گراف، ٹیلیگراف، ٹیلیفون، کارڈ، کیلنڈر، گرامر، جغرافیہ، پتلون، پالیسی، ڈیموکریسی اتے ایٹم وغیرہ۔

جہن یونانی دے اوہ لفظ لیندے آں جیہڑے عربی زبان راہیں ساڈے دیس وچ آئے۔ ایہناں وچ کجھ اردو دے لفظ وی لکھ دتے نیں جیہڑے عام طور تے ساڈی زبان وچ ورتے جاندے، پر ورتلے وانڈھے اوہ کدھرے کدھرے مل جاندے نیں۔

پنجابی	اردو	عربی	یونانی	یونانی لفظ دا مطلب
کنون	قانون	قانون	کانون	سوئی اتے قانون
اکسیر	اکسیر	الاکسیر	کسیراں	مہین جیسا ہویا دارو
بلغم	بلغم	بلغم	بھلگم	بلغم
جادو	طلسم	طلسم	طلسم	جادو
جراح	جراح	الجراح	چيرو	تھہ داکم کرن والا
				چیر پھاڑ کرن والا
				(یونانی چیر تھہ)

درم	درہم	درہم	درہم	درم
ویلا	قرن	قرن	قرن	زمانہ
گرجا	کلیسا	کلیسا	کلیسا	کھٹے ہون دی جگہ - چرچ -
کفن	کفن	کفن	کفن	صندوق مرمے رکھن واسطے
تبوت	تابوت	تابوت	تابوت	خالی قبر
پردیسی	اجنبی	اجنب	اجنبی	پردیسی
صونی	صونی	صونی	صونی	سیانا (کہہ نہیں سکدے پئی
				ایسہ عربی دے راہیں آیا
				یاں فارسی دے)

تلوار	سیف	سیف	زیفوس	تلوار
کھیتی	زراعت	زرع	اگروس	کھیت
شیطان	شیطان	شیطان	تیتاں	شان، جن

(عربی دہا شبد شیطان عبرانی سلطان (دشمن) چوں نکلیا اے اتے ایہدی
عبرانی اصل سخن (غضب پٹھ آیا ہویا اے)۔

ودواناں داکنا اے پئی تیتان دی یونانی اصل تیتو Tito اے تے سنکرت
دے لفظ تھا (اگ) دے نال تعلق رکھدا اے۔ پنجابی تا (گرم) دی ایسے تھا چوں
نکلیا اے۔ کجھ یونانی لفظ فارسی زبان راہیں دی ساڈی زبان وچ آئے نیں جیویں
تاؤ (یونانی ناؤس، کشتی) موسیقی (یونانی موسیقا Mosica) راگ ویا، یونانی موشا
Mousha فن دی دیوی) اتے چشمہ (یونانی زشمہ Zashma چشمہ) انج ای آفندی
(یونانی آفتر Aphetes حاکم) ترکی زبان دے راہیں ساڈے دیس وچ آیا۔

ایسہ گل تاں سارے پڑھے لکھے جاندے نیں پئی یونانی زبان سنکرت دی
بھین اے تے ایہدیاں کئی اک مثالیں اوہ جاندے ہون گے۔ پنجابی زبان وچ وی کئی
اک لفظ مدے نیں بیہڑے یونانی وچ وی موجود نیں، پر ساڈی زبان وچ ایسہ
سنکرت راہیں آئے جا پدے نیں - جیویں :

پنجابی	سنکرت	یونانی	فارسی	آریائی کنبے دیاں دو جیاں زبانوں
بھروٹے	بھرو	اپھروز	ابرو	روسی، برودو

گڈی وی ایسے لفظ نال تعلق رکھدا اے کیوں جو یورپ دے ہور ملکاں وچ ”کری“ دے ارتھ والے ایسے نال مدے جلدے لفظ مدے نیں جیویں جرمن اتے ہالینڈ دے کجھ علاقیاں وچ ایسے لئی گوریاں گوری اتے سوئٹزرلینڈ وچ ”گری“ دے شبد مدے نیں۔ پنجابی لفظ کواری دی یونانی کورینا (Corinna) (بن ویاسی کواری) چوں نکلیا لگدا اے۔

اسیں پہلاں اک مضمون وچ دس چکے آں پئی نکھان دراوڑی زباناں دے لفظ تکان دی ای اک شکل اے۔ ایسہ عجیب گل اے پئی مشہور یونانی شاعر ہومر دی کوتا وچ ایسے نال مددا جلد اک شبد تکتان (Tekton) مددا اے۔ جیسے معنی داج، نکھان اتے جہاز بنادون والے دے نیں۔ پتہ نہیں ایسہ انج ای اتفاقی گل اے یاں فیر کے پرانے زمانے وچ اینساں قوماں نے ایسہ لفظ اک دوجے توں ادھار لے لیا ہووے۔ پر ایسہ گل کئی اے پئی نکھان دے ہتھیار گنیا (Gonia) (کونے ویکھن والا ہتھیار) داناں تاں یونانی توں ای ادھار لیا ہویا اے۔ کجھ کہیا نہیں جا سکدا پئی پنجابی دے لفظ بیشک دایونانی اٹیکوس (Attikos) (چھوٹی کوٹھڑی) نال کوئی تعلق ہے یاں نہیں۔

ایسہ تاں موٹیاں موٹیاں گلاں سن ہُن اسیں کجھ دوسرے شبد اں دا دیروا پاوندے ہاں بیہڑے ساڈی روز دی بول چال وچ ورتے جانداے نیں تے اوہناں دی اصل یونانی زبان اے۔ ایسہ ساڈی زبان وچ ایس طرح رچے بچے ہن پئی جیویں صدیاں توں ساڈی زبان دا حصہ ہون تے گل وی کجھ انج ای اے۔ کوئی دو سوا دو ہزار سال تھوڑی مدت نہیں۔ ہُن اسیں اوہناں شبد اں دی کجھ دنگی پیش کردے آں۔

پنجابی میلوں لفظ

یونانی

آتھرو Aither (دیوتیاں دا ساہ، ورکھا، بنبھو) اتھرو (بنبھو) عطر (دیوتیاں دا ساہ)
کلموس Kalmos (لاطینی Calami) قلم (فارسی وچ قلم کرنا مطلب قلم کرنا)

کرتا

(اے)

کاتھڈرا Kathedra تھرا، کرسی، تخت تھرا (اُچی بیٹھن دی تھاں)

کاف دی آواز بول چال دی خاطر چھٹ گئی
نیں (دریا- وگن والا)

کانا (سروٹ دا کانا)

تلاؤ (چھپر) سنکرت، سرسو، سمندر

گت (زنائیاں دے گندھے ہوئے کچھے مکدے وال
بوٹی- بوٹا (پودا)

ڈنڈل (درخت دا تنہ- موٹی لکڑ)

گھوگا (سنکرت سنگھ)

گھیر، گھیرا (سنکرت چکر)

چپو

پولیموس Polemos لڑائی، جنگ، (لاطینی Belum لڑائی) لام (لڑائی، جنگ)

سرنگ

پڑنا (ایسہ چیز پڑیں)

اکھاڑا

آگورہ Agora لوکاں دے اکٹھے ہون دی تھاں منڈی

چھت

ستو آ Stoa چھت

ونگارا

انگارید Angareid زبردستی کم کرونا

بیلی

پھیلوس Philos یار- متر

بستی

ستسوس Xanthos کھٹا رنگ

گارا

ہائیکروس پیلوس Hygros Pelos گلی مٹی

چور (دم) چوری

اؤرا Aura پوچھل

پچاونا

پپٹین Peptein ہضم کرنا

پڑے

پرسین Pyressian سیگا- گرمی

چپ

سیوپ Sioke چپ

زیور (ٹوم ٹلا) (مطلب چاندی دے گئے)

آرجیروس Argyros چاندی

جیویں اج کل کسے دے گئیاں ول ویکھ کے کہہ دیندے نہیں پئی اوہنے
تاں اپنا سونا پایا ہویا اے- ہو سکدا اے ہند یونانی راجیاں دے وقت وچ اتھے

چاندی دے گئے پاؤں دا رواج ہووے۔

یونانی زبان دا سبھ توں بتا اثر ساڈے شہراں اتے پنڈاں دے تانواں تے پیا جا پدا اے۔ یونانی شہراں اتے ملکاں نوں کجھ ایہو جیہے ناں دیندے سن جیہناں دے پچھے آنہ (مطلب والا) لگدا سی جیویں باختریانہ (باختر دا ملک) ایسے طرح سوگدیانہ، مارگیانہ، درنگیانہ، سویانہ، ایکبناہ۔ ایسے آنہ دی طرز تے ساڈے کئی اک شہراں اتے گرانواں دے ناں موجود نیں جیویں کھمیانہ (کھی قوم دا شہر) لدھیانہ، گولیانہ، گونیانہ، بگیانہ، لنگیانہ، واندہر منانہ وغیرہ۔ ودواناں دا کہنا اے پئی ہندو کش اصل وچ 'یونانی انڈیکس (Indicus) دی وگڑی ہوئی شکل اے۔

اگے تیس پنجابی زبان اتے یونانی زبان دے اثر ول جھاتی پا چکے اوہن اسیں ایسے کھوج دے سمبندھ وچ پنجابی ویا کرن (گرامر) اتے یونانی دے اثر ول گوہ کردے آں۔ ایہہ سرنانواں کنا انوکھا اتے ایویں جیہا جا پدا اے۔ ایہدی وجہ ساڈے دلاں وچ بیٹھی ہوئی ایہہ گل اے پئی پنجابی زبان سنسکرت وچوں نکلی اے۔ بھاویں کدے کدے اسیں ہولی جیہی ایہہ وی کہہ دیندے آں پئی پنجابی سدھی سنسکرت وچوں نہیں نکلی سگوں پرانیاں پر اکرتاں وچوں نکلی اے۔ پر جدوں ہندو پاک دیس دیاں زباناں دی دند دا سوال سامنے آندا اے تاں اسیں چپ کر کے اینوں سنسکرت دے ثمر وچوں من لیندے آں۔ ایس دا نتیجہ ایہہ اے پئی اسیں پنجابی شہداں اتے ویا کرن دا اکو سوما سنسکرت نوں ای من لیندے آں۔ تے جدوں سانوں کسے شہد دا اڈھ، مڈھ، سنسکرت وچ نہیں بھدا تاں اسیں بے سرپیر دیاں دلیلاں گھڑن دا جتن کردے آں، جیہناں نوں ویکھ کے ہاسا آندا اے۔ اسیں ایہہ بھل جاندے آں پئی ساڈی زبان وچ سنسکرت، عربی اتے فارسی توں بتاں ساڈے دیس دیاں آریاں توں پہلاں دیاں دراوڑی اتے منڈا زباناں دا وی حصہ اے فیر آریاں توں پچھوں اتے یونانی، ترکی، منگولی اتے یورپ دیاں زباناں وی اپنے اپنے ویلے وچ ساڈی زبان اتے اثر پاوندیاں رہیاں نیں۔

اسیں اتے پنجابی اتے اردو گرامر دے کجھ ایجے پکھاں ول گوہ کردے آں جیہناں تے یونانی اثر دی چھاپ صاف صاف لگی ہوئی بھدی اے۔

سب توں پہلاں اسیں 'کا' کے، 'کی' (جیہناں نوں پنجابی وچ 'دا' دے، 'دی

کندے (نیں) دے شبد دا ویرا پاوندے آں جیڑے، دو شبد دا دے تعلق نوں ظاہر کرن لئی ورتے جاندے نیں۔ سنکرت وچ ایہناں شبد دا دے اڈھ مڈھ دا کچھ سرپتہ نہیں ملدا۔ ایس زبان وچ کدے تاں ایہناں شبد دا مطلب بناں کسے شبد یاں نشان دے ورتیاں ای لے لیندے نیں۔ جیویں، وکرم سبھا، دا مطلب، بکرم دا دربار اے۔ پر کئی واری سمبندھ نوں ظاہر کرن لئی اک شے لئی ”تہ“ یاں ”سیہ“ دا شبد جوڑ (Suffix) ورتدے آں۔ جیویں ”پانینیہ وگیان“ یعنی ”پانینی دا وگیان“ ”امرتیہ سر“ معنی امرت دا تلاؤ۔ انج ای دو شبن لئی ”بھیم“ اتے دو توں دودھ لئی نام دا شبد جوڑ ورتدے آں۔ جیویں۔ چُرش: آدمی

چُرشاسیہ: (اک) آدمی دا

چُرشابھیم: (دو) آدمیاں دا

چُرشانام: (دو توں بستے) آدمیاں دا

پرانی پراکرت وچ وی ایہہ سمبندھی شبد داں کا، کے، کی، دا کوئی اگھ منکھ نہیں ملدا جیویں:

ات دیپا شرن، آند شرن
اتے (سچائی دے) چانن دی شرن سب توں
اند والی شرن اے۔

دھرم دیپا، دھرم شرن
سچا راہ ای (سچا) چانن اے۔ سچے راہ دی
شرن وچ آؤ۔

(داستان اردو، لکھت نصیر حسین خیال)

جدوں سنکرت وچ ایہہ سمبندھی شبد داں کوئی سرپتہ نہیں ملیا تاں دلیلاں دی کھوج شروع ہوئی۔ اوڑک ایہہ کہہ کے گل مکدی کہیتی ”بھادیس و۔۔۔ کھن وچ ایہہ شبد بڑے سادہ جیہہ دسدے نیں۔ پر جے اسیں ایہناں شبد داں دی اصل ول دھیان کریے تاں پتہ پلدا اے پئی سنکرت وچ ایہہ پورے شبد سن، پر ویلے دے بدلن نال ہوئی ہوئی آپ وی بدل گئے۔ اتے پورے شبد داں دی تھاں اوہناں دے نشان رہ گئے۔ جیویں ”کنے“ جیڑا پرانی اردو وچ ”کول“ دے معنی دیندا سی اصل وچ ”کرن“ یاں ”کرنے“ توں بنیا اے جیہدے معنی ”کن“ دے نیں۔ کیوں جو کن نیزے دا کچھ اے۔“

پتہ ہونا چاہیدا اے پئی ایسہ ”کنے“ داسبد بیڑا پرانی دکھنی اردو وچ ورتیا
 گیا اے سمبندھی شہداں دا، دے، دی (یاں کا، کے، کی) دے ارتھ نہیں سگوں
 ایہدا مطلب اے ولس، کول۔ اج کل وی ایسہ شبد پنجابی زبان وچ اینناں ای
 ارتھاں وچ عام ورتوں وچ آوندا اے جیویں، میرے کنیں، (میرے ول) رب کنیں
 (رب ولوں) رب کنوں (رب ولوں یا رب کولوں)

سولھویں صدی عیسوی دے دکھنی کوی فیروز دی اکو کوتا وچ کنے کنے تے کا،
 کے، کی دے شبد اڈو اڈو ارتھاں نال ورتے گئے نہیں جیویں :

مرا پیر مخدوم جی جگ منے
 منگوں نعمتاں میں سدا اس کنے
 پیا جیو تھے تو ہمن ساس ہے
 تو ہم جیو کے پھول کے باس ہے

(دکنی ادب کی تاریخ، لکھت ڈاکٹر محی الدین زور)

عالمناں نے اینناں شہداں بارے ہور وی کئی دلیلاں پیش کیتیاں نیں۔ اک
 وچار ایسہ وی اے پئی ایسہ پر اکرت دے سمبندھی نشان ”کیر کم“ اتے ”کیرو“ وچوں
 نکلے نیں۔ ایہدے لئی اوہ دکھنی اردو توں ہٹاں چند بروکی دی ”پر تھی راج راسو“
 دی گواہی وی پیش کردے نیں۔ پر جیویں اسیں اگے جا کے ویروا پایا اے اینناں
 سمبندھی شہداں دا ورتن ایس توں ودھیرے پرانا اے۔ اجیہیاں ہور وی کئی دلیلاں
 مندییاں نیں جیہناں دا ویروا ڈاکٹر شوکت سبزواری نے اپنے لکھت ”اردو زبان کا
 ارتقاء“ وچ پایا اے۔

اتنے ایسہ دتا وی ضروری جایدا اے پئی عام طور تے کجھ ودواناں دے
 من وچ ایسہ وشواس بیٹھا ہویا اے پئی اینناں سمبندھی شہداں دی ورتوں ساریاں
 توں پہلاں دکھنی اردو وچ ای ملدی اے۔ پر پنجاب دیس وچ اینناں شہداں دے
 ورتن دا ثبوت ایس توں وی پرانیاں لکھتاں وچ ملدا اے۔ ایہدیاں کجھ مثالیں تھلے
 دتیاں جائیاں نیں۔

بدھ مت دی اک پُستک (کتب) وچ جیڑی پالی زبان وچ لکھی ہوئی اے
 ایہو ای سمبندھی شبد ورتے گئے نہیں جیویں ”دھام (دھرم) کرو، دھام کرو، دھام کا

”کھ پھو کو، دھام کی دند بچاؤ۔“

(داستان اردو، لکھت نصیر حسین خیال)

ضلع امرتسری تحصیل پٹی وچوں جین مت دے اک مندر وچوں سدھ ناتھ
جوگیاں دے فرقے دی زبان وچ اک پرانی ہتھ لکھت ملی اے۔ دوواناں نے ایس
زبان نوں اپ بھرنش داناں دتا اے تے ایس نوں یارھویں صدی عیسوی دے
ایڑگیڑ دے زمانے دی دیا اے۔ ایس لکھت وچ وی ایسہ سمبندھی شبد ورتے گئے
نیں۔ جیویں :

س گھر سوہانے بھائی

ہر درسن کی سو جھی پائی

ملک محمد جاسی (1480ء توں 1538ء تک) نے پداوت وچ وی ایسناں

شبدان نوں ورتیا اے جیویں :

آئی سردرتو ادھک پیاری

نو کوار کاتک اجیاری

ایسہ رتو کنت پاس جیہ

سکھ تن کے ہیا مانہ

دھن ہنس لاگے پیا گلے

دھن گل پیا کے بانہ

ہیچہ دتیاں ہوئیاں مثالاں وی دھیان جوگ نیں :

”سمبھناں جیہاں کا اکو داتا سو میں دسر نہ جائے“

”گور بن گھور اندھارا“ ست گور پرکھ جن جانا، ست گور تس کا تاؤں“

”تہہ ہر کے نام کی تم اوپر چھاؤں“

(گورو نانک)

”ست گور کے پر تپ توں مٹ گئیو بھ دکھ دند

کے کبیر دبدھامٹی گور ملیا راما نند“

کبیر بچ گھر پریم کا مارگ اگم اگادھ

سیس اتار پگ تلے دھرے تب نکلے پریم کا سواد“

(بھگت کبیر)

ایئر تر چھڈ توں گور کا شبد پچھانو
ست گور اگے ڈھے سبھ کچھ جانے جانو
آساں نساں جلائے توں ہوئے رہو مہمانو
ست گوبر کے بھانے بھی چاہے تاں درگاہ پاوے مانو

(گورو امر داس)

آگیا بھئی اکال کی جیجی چلا پو پنتھ
سبھ سکھن کو حکم ہے گور مانو گرنتھ
گورو گرنتھ جی مانو پرگٹ گوراں کی دہرہ
جو پر بھوکو بلیو چے کھوج شبد میں لے

(گورو گوہند سنگھ)

نک بوجھ من میں کون ہے سبھ دیکھ آواگون ہے
من اور ہے تن اور ہے من کا وسیلہ پون ہے
بندہ بنایا جاپ کوں توں کیا لبھانا پاپ کوں

(شاہ حسین لہوری)

دکھ جگ کے موہے پوچھن آئے
جن کے پیار پر دیں سدھائے

(بلے شاہ قصوری)

سنت اندر سنگھ چکرورتی جی نوں گور مکھی اکھراں وچ اک ہتھ لکھت ملی اے
جیہڑی پندرھویں یاں سولھویں صدی عیسوی دے ایڑ گیز دی لکھی ہوئی جا پدی اے۔
ایہدے لکھن والے دے ناں دا کچھ پتہ نہیں پر لکھت توں پتہ چلدا اے پئی ایہہ ملتان
دے علاقے دا وسنک سی۔ ایس لکھت وچ وی ایہہ سمبندھی شبد ملدے

نہیں۔ جیویں: ”ایسہ کے اور تھاہ جنمنا۔ عبداللہ پاتشاہ ہجا دے کی پیٹھ تے اہجن۔
مدینہ عرب ولایت محمد مصطفیٰ آوے گا۔ اپنا دین امر چلاوے گا۔ کُلی کا جگ اتھر بن بید
محمد امر لکھ درگاہ ملے گا۔ محمد مصطفیٰ کُلی میں آوتا ہے۔ بید اتھر بن آگے کی خبر دیتا
ہے۔ دیکھا کیسی خبر دیتے ہے۔“

اتہاس توں پتہ چلدا اے پئی ایس سمبندھ وچ سب توں پہلاں بیہڑی زبان
وچ ایسہ شبد ملدے نیں اوہ یونانی زبان اے۔ یونانی سمبندھ ہی شبد دے نشان اِکا
(Ikos) اتے اِکا (Akos) دے ارتھ دا یعنی سمبندھ رکھن والا ہن۔ اتھتے ایسہ گل
یاد رکھنی چاہیدی اے پئی یونانی زبان وچ شبد دے اخیر دی ”س“ دی آواز عام طور
تے بولی نہیں جاندی۔ ایس کر کے اتھتے ایسہ شبد بغیر اخیر دی ”س“ دے لکھے گئے
ہن تے ایس توں چکھوں وی ایسو جیسے شبد اں دے اخیر وچ ”س“ دا حرف نہیں لکھیا
جاوے گا۔ یونانی زبان وچ ایس سمبندھ نشان دی ورتوں دیاں کئی اک مثالیں
مثلاً ہن جیویں ہو مریکا (Homerikos) کوی ہو مروے نال سمبندھ رکھن والی
ایسے طرح انڈیکا (Indikos) ہند دے نال سمبندھ رکھن والی (نیلے رنگ دا یونانی
نال) ہندو کش پہاڑ دا نال وی یونانی زبان دے اثر دی گواہی دیندا اے۔ ودواناں دا
کہنا اے پئی ایسہ یونانی زبان دا انڈیکوس (Indikos) دا ارتھ ہند دا پہاڑ سی پر
چکھوں وگڑ کے ہندو کش بن گیا۔

مہاراجا اشوک دیاں پتھر لکھتاں اتے کجھ پرانے ڈرامیاں وچ ”یونکا“ اتے ”
دومکا“ دے شبد ورتے گئے ہن۔ جیسنال وچ ایسہ ”کا“ دا سمبندھ ہی نشان صاف
صاف نظریں آوندا اے۔ ایسہ شبد اوے طرح ورتے گئے نیں جیویں اوس ویلے
دے ایسٹوں دے وینیک یونانی گل کتھ کردیاں بولدے سن جیوں ”رومایکا“
(Romaika) روم دیس نال سمبندھ رکھن والا۔ ایونیکا (Ionika) ایونیا (یونان)
دے علاقے نال سمبندھ رکھن والا۔ اتھتے اک ہو رگل دا ویروا پادینا وی ضروری
اے پئی پرانے یونان وچ یونانی زبان دیاں تن اڈو اڈ بولیاں ورتیاں جاندیاں سن
ایونی، ڈوری اتے ایولی۔ ایسناں وچوں ایونی بولی وچ شبد دے اخیر دی ”س“ دی
آواز نہ لکھی جاندی سی تے نہ بولی جاندی سی پر دوجیاں بولیاں وچ ایسہ آواز لکھن
دے وچ ضرور آوندی سی پر بولن وچ گھٹ ودھ ای ورتی جاندی سی اتے دتے

ہوئے دوویں شبد ایوئی بولی نال سمبندھ رکھدے ہن۔) انج جاپدا اے پئی ایتھوں دے پرانے وسینکاں دے آون والے یونانیاں توں ایسہ شبد اتے نال ای ایہناں نال ورتے جان والے سمبندھ دے نشان کا، کے، کی سکھ لئے ہون گے۔

ایہو کا، کے، کی دے سمبندھ ہی نشان پنجابی زبان وچ عام ورتے جاندے نہیں جیویں میکے (ماں دا پنڈ) پیکے (پپو دا پنڈ) ایسے وانگ نالکے اتے وادکے دے شبد۔

پنجاب دے کنیاں ای پنڈاں اتے شہراں دے نانواں وچ وی ایسہ سمبندھ ہی نشان ورتے گئے ہن۔ جیویں فاسلکا، امروکا، مرید کے، کاموں کے، سلیمانگی، اتے پتوکی وغیرہ۔ ایس طرح دے پنڈاں یاں شہراں دے نال پنجاب توں بناں پاک و ہند دے ملکاں دے ہور کسے حصے وچ نہیں ملدے۔ انج جاپدا اے کہ ایہناں لفظاں دی ورتوں پنجابیاں توں سکھی گئی سی۔

اک ہور سمبندھ ہی شبد آ نہ معنی والا یاں سمبندھ رکھن والا وی ایسے ہندو یونانی راجیاں دے راج دی نشانی جاپدا اے۔ ایس دا ثبوت سانوں پرانیاں شہراں دے یونانی نانواں اتے ایسے طرح دے پنجاب دے شہراں اتے گرانواں دے نانواں توں ملدا اے جیویں پرانے شہراں دے یونانی ناں باختریانہ (باختر دا ملک) اتے ایسے وانگ سوگدیانہ، مارگیانہ، درگیانہ، سوسیانہ، ایکبتانہ وغیرہ۔ ایسے پنجاب دے کئی اک شہراں اتے گرانواں دے ناں وی ملدے نیں۔ جیویں گھیانہ (گھ قوم دا شہر) لدھیانہ، گولیانہ، گونیانہ، بگیانہ، لگیانہ اتے واندر جٹانہ وغیرہ۔ فیر باورچی خانہ نوں پتلے دے تعلق پاروں پتلہانہ آکھیا جاند اے۔

اردو زبان وچ وی ایسہ سمبندھ ہی شبد ”آ نہ“ ورتوں وچ آوندا اے جیویں راجپوتانہ، تلنگانہ، ہندوانہ، دلیرانہ، بزدلانہ وغیرہ۔ پر فن والی گل ایسہ اے پئی پہلاں پنجابیاں نے ایسہ شبد آون والے یونانیاں توں سکھیاتے مڑا ایتھوں ایسہ شبد اردو زبان وچ گیا۔

فارسی زبان وچ وی ایسہ شبد ورتن وچ آیا اے پر بہت ای گھٹ۔ عام طور تے اتھے اوہدیاں اک دو مثالاں ای سامنے آوندیاں نیں جیویں مردانہ اتے زنانہ تے ایہو بیسیاں مثالاں آئے وچ گون دے برابر وی نہیں۔ فارسی وچ ایس نشان دی ورتوں وی سیلوکس دے گھرانے دے راج دی نشانی جاپدی اے۔ ایران

وچ ایس ونی دے شہراں یاں پنڈاں دے ناں نظریں نہیں آوندے بیہناں نوں ویکھ کے ایس کہہ سکدے پئی پنجاب اتے باقی دیس وچ ایہو جسے ناں اوہناں دی ویکھا ویکھی رکھ لئے۔ ایہناں گلاں ول دھیان کیتیاں ایس ایہو کہہ سکدے آں پئی ایہہ سمبندھی نشان وی ساڈی دھرتی وچ سدھا یونانیاں دے راہیں آیا۔
ہُن ایس مادہ دے نشان دا گوہ کر دے آں۔ ایہہ اردو اتے پنجابی ویا کرن دوداں وچ اکو جیہا ورتیا جاندا اے۔

سکرت وچ نر توں مادہ بناون لئی کوئی خاص طریقہ ورتوں وچ نہیں آوندا۔ عام طور تے نر تے مادہ دے ناں وکھو وکھو ہوندے نیں۔ اتھے نر تے مادہ شہداں دے اخیر وچ ورتے گئے اکھراں ول دھیان کر کے سانوں کے حد تیک پتہ چل جاندا اے پئی ایہہ نر اے یاں مادہ۔ پر ایہہ وی کوئی پکی گل نہیں کئی واری نر مادہ اتے نا جوڑ (Neutral) دے کچھے اک اکھرورتیا جاندا اے۔ جیویں ششو (منڈا) سیتو (پل) اتے مدھو (بسنٹ) نر گئے جاندے نیں۔ پر مدھو (جدوں شت دے ارتھ وچ ورتیا جاوے) دھینو (گال) اتے وسو (دولت) مادہ نیں اتے تو (پنڈا) دیمہ (ناجوڑ) کئی ویر نر مادہ شہداں دا اصل جنس (Sex) ناں کوئی سمبندھ نہیں ہوندا۔ جیویں سینا (فوج) نراں دا ٹولہ ہوندا وی مادہ گنی جاندی اے تے ایہدے الٹ پگھٹ جتھے زنانیاں دا ای اکھ ہوندا اے نر مینا جاندا اے، انج ای اکوشے دا ناں نر مادہ اتے نا جوڑ ہو سکدا اے جیویں دریا یاں کے ندی نالے دے کنڈھے لئی تھ (نر) تئی (مادہ) یاں ششو (ناجوڑ) دے شہداں وچوں کوئی وی ورتیا جا سکدا اے۔ ایہتھوں تائیں پئی کئی واری تاں مادہ دے شہد نوں نر دے طور تے ورتیا جاندا اے جیویں سوانی لئی ”وار“ (نر) کلنتر (ناجوڑ) اتے جایا (مادہ) دے شہد ورتوں وچ آوندے نیں۔

سکرت وچ بیٹھ لکھے ہوئے اکھر جدوں شہد دے کچھے آون تاں عام طور تے مادہ دی نشانی سنے جاندے نیں جیویں :

۱: پر تیسما (وچار، سوچ) پرتیا (چھاں) جتا (لوکاں)

او: دھینو، مدھو، چنچو (چنچ) رجو (رسی)

اُو: وڈھو (ہو، سوانی)

ای: رجنی (رات) دیوی، وانی (بانی) تری (جہاز)

کوئی وری واندھی مثال ”نی“ دے نشان دی وی مل جاندی اے پر بہت گھٹ تے نہ ہون تے برابر ارنیہ (جنگل) توں ارنیانی (جنگل دی دیوی) اتے راندرتوں راندرا نی۔ پر راندردی مادہ راندرا وی مٹی گئی اے جیسے ارتھ لکشمی دیوی دے نیں۔ اینناں شبد اں توں بناں ”نی“ دا نشان مادہ لئی گھٹ ای ورتیا گیا اے۔ اتے پر اکرت وچ تاں ایسہ نشان آکا دسدا ای نہیں۔ اج کل سوانی لئی پتی دا شبد اتے دھی لئی مہتری دا شبد اصل وچ سنکرت دے نہیں سگوں ہندی دے شبد منے چاہیدے نیں۔ پرانی سنکرت وچ سوانی لئی جایا، کلنتر، دار اتے ودھو دے شبد ای ورتے گئے نیں۔ انج ای پرتوں سنکرت دے طریقے نال مادہ پتریکا نیا جاندا اے۔ انج ایسے لئی پرانی سنکرت وچ آتجا، سناتا تے تیادے شبد ورتے گئے نیں۔

ایسدا مطلب اے پی سنکرت وچ مادہ لئی ”ن“ دا نشان نہیں ورتیا گیا۔ فارسی زبان دی ویاکرن ول گوہ کر لے تاں اتھے وی نر مادہ بناون لئی کوئی خاص نشان نہیں ورتیا جاندا۔ کجھ ناں تاں ایہو جیسے ہوندے نیں جیسے آپ ای نر یاں مادہ ہون دا پتہ دیندے نیں جیویں مادر، پدر، دیو، پری، اسپ، مادیان۔ کجھ نانواں دی نر مادہ بناون لئی آدم جات لئی مزد اتے زن دا شبد ودھا دیندے ہن۔ جیویں پیر مرد، پیر زن، جادوگر مرد، جادوگر زن، اتے چڑی جنوراں لئی نر اتے مادہ دے شبد ورتدے نیں جیویں گر بہ نر، گر بہ مادہ، شیر نر، شیر مادہ، کنجشک نر، کنجشک مادہ۔ ایس توں ایسہ ظاہر ہوندا اے پی فارسی زبان وچ وی مادہ لئی کدھرے ”ن“ دا نشان نہیں ورتیا گیا۔ یونانی زبان وچ صدیاں توں نر توں مادہ بناون لئی ”ن“ دا نشان ورتیا جاندا اے جیویں:

مادہ

ارتھ

نر

ہیلن Helen

چانن

ہیلو Helios

کیٹھرائن Katharine

پوتر، پاک

کاتھرو Katharos

ہرمائن Hermione

یونان دے اک دیوتا دا ناں

ہرمیس Hermes

ہیروئن Heroine

دیوتاں دیاں عفتاں والا انسان

ہیرو Heros

ایسہاں ہر وی کئی مثالاں دیاں جا سکدیاں نیں۔

پنجابی اتے اردو زبان وچ وی ایہہ ”ن“ دا نشان ایوں ای نر توں مادہ
بناون لئی ورتیا جاندا اے جیویں:

نر	مادہ	نر	مادہ	نر	مادہ
مالی	مالن	پنجابی	پنجابن	موچی	موچن
دھوبی	دھوبن	ماچھی	ماچھن	جوگی	جوگن

ایس توں ایہہ ثابت ہو جاندا اے پئی نر توں مادہ بناون لئی ”ن“ دے
نشان دی ورتوں ساڈی زبان وچ یونان توں آئی اتے ایہہ ہند یونانی راجیاں دے
راج دی دین اے۔ پہلاں ایہہ نشان ”کا“ اتے ”آہ“ دے سمبندھی نشاناں وانگ
یونانیاں توں پنجاب دریاواں دی دھرتی وچ آیا تے ایہوں مسلماناں خاص کر مغلاں
دے راج وچ پنجابی سورمیاں دی زباناں دے راہیں فوجاں دی زبان وچ رل مل گیا،
جیہڑی اگے جا کے اردو دے نال مشہور ہو گئی۔

پوٹھوہاری

پوٹھوہاری اک اجوکی بھارتی آریائی بولی ہے جو پچھمی پنجاب (ہن پاکستان) دے اوس کھیت وچ بولی جاندی ہے جیس نوں پوٹھوہار کیسا جاندا ہے اتے اسہ پنجابی بولی دی اک بولڑی ہے۔ پوٹھوہار سندھ ساگر دو آب دا اک اہم حصہ ہے اتے اوس کھیت دا مچھتاں ہے جو نکیاں وڈیاں پہاڑیاں تے وادیاں، ندیاں، تالیاں تے کیاں وغیرہ نوں ہک وچ ولھیدا جلم دریا دے پچھم ول اتے چکوال تحصیل دے پورب ول پریا پیا ہے۔ پوٹھوہاری جیس کھیت وچ بولی جاندی ہے اوس وچ بٹھ لکھے علاقے شامل ہن۔

1- ضلع راولپنڈی دیاں چارے تحصیلاں، راولپنڈی، گجر خاں، کوٹہ تے کوہ مری (کوہ مری دی بولی وچ پہاڑی رنگ ودھیرے ہے)۔
2- ضلع جلم: (ا) جلم دی ساری تحصیل (ب) چکوال تحصیل دا اوہ پوربی حصہ جو راولپنڈی ضلع دے نال لگدا ہے (ج) پنڈ دادنخاں تحصیل وچ ساٹ ریش (i) دے پورب دا کجھ علاقہ (ضلع جلم دے باقی علاقے وچ ”دھنی“ بولڑی ور تیندی ہے)۔

3- جلم دریا توں پار گجرات ضلع دی اُتر دھنی گٹھ وچ جو اُتر پورب ولوں دکن پچھم ول لنگھ رہیاں پہاڑیاں تے دریا جلم دے وچکار بندی ہے۔ پوٹھوہاری بولی جاندی ہے۔

4- ضلع اٹک دی اٹک تحصیل وچ وی پوٹھوہاری بولن والا کھیت ہے (اٹک ضلع دیاں باقی تحصیلاں پنڈی گھیب، تلا گنگ تے فتح جنگ وچ ترتیب وار ”کھیبی“ ”اعوان کاری“ تے ”سوائیں“ بولڑیاں ور تیندیاں ہن)۔

5- ہزارہ ضلع دی ہری پور تحصیل دی بولی وی پوٹھوہاری ہے۔ پوٹھوہاری

دے نال لگدے دوجے کھیتراں دا دنا وی ضروری ہے، جیہناں وچ پوٹھوہاری انج مٹھلی ملی ہے کہ واضح روپ وچ حداں نکھیرئیاں اوکھیاں ہن۔ ضلع جہلم وچ پوٹھوہاری تے دھنی دیاں حداں لُنڈی پٹی وچ جا رلدیاں ہن۔ لُنڈی پٹی دے پچھم ول دھنی دا علاقہ شروع ہو جاندا ہے تے پورب ول ”پوٹھوہاری“ دا۔ لُنڈی پٹی دے پنڈ نہ دھنی وچ گئے جاندے ہن تے نہ پوٹھوہاری وچ۔ انج ایتھوں دے کسے پنڈ وچ دھنی ورتوں وچ آوندی ہے تے کسے وچ پوٹھوہاری۔

راولپنڈی دے ضلعے وچ کوہ مری دے پہاڑی علاقیاں دیاں بولڑیاں دے ناں اوٹھوں دے مقامی قبیلیاں رچھ، ڈھنڈ تے کیرئیاں دے ناں اتے ہی ترتیب وار رچھالی، ڈھنڈی تے کیرئیاں وغیرہ مشہور ہن۔ ایسہ بولڑیاں پوٹھوہاری دے ہی پہاڑی روپ ہن۔ رچھالی دا علاقہ پونچھ نال جا لگدا ہے تے اوس اتے پونچھی دا اثر کافی ڈونگھا ہے۔

ضلع انک دے وچکار پورب والے پاسے فتح جنگ دی تحصیل سواں دریا دے دوپاسیں لیٹی ہوئی ہے تے ایتھوں دی بولڑی نوں ”سوائیں“ کہیا جاندا ہے۔ سوائیں، دھنی دا ہی اک روپ ہے تے پوٹھوہاری گھسی تے اعوان کاری وغیرہ دے کھیتراں وچ گھری ہوئی ہے۔

پوٹھوہار نال لگدے علاقیاں وچ ایس اتے پوٹھوہاری دا کجھ رنگ چڑھ جاندا ہے۔ دھن نال لگدے علاقیاں وچ دھنی دا تے کدھرے کدھے گھسی دا وی اثر ہے۔ گریٹر سواں دی بولڑی نوں دھنی وچ ہی رگن دا ہے۔

ضلع انک دے دکھن ول تہ گنگ دی تحصیل وچ اعوان کاری بولی جاندی ہے۔ ایس دا ناں اعوان قبیلے دے ناں اتے ہی اعوان کاری پیا۔ ایس دی لفظی بہتی پوٹھوہاری والی ہی ہے۔ کئی گلاں وچ ایسہ پوٹھوہاری نال میل وی کھاندی ہے، پر کیاں وچ نہیں۔ جیویں اعوان کاری وچ پڑناں مانہ، تانہ ورتدے ہن۔

انک ضلع دے وچکار پچھم والے پاسے پنڈی گھیب تحصیل ہے جیس وچ گھسی بولی جاندی ہے جو اعوان کاری نال بہت میل کھاندی ہے۔

لوہن دیاں پہاڑیاں جہلم ضلع دے دکھنی حصے اتے شاہ پور، میانوالی ضلعیاں دی شمالی حداں نال کھراں دیاں جہلم دریا توں سندھ تک پیریاں ہوئیاں ہن۔ ایہناں

پھاڑیاں دے پوربی سرے دی بولڑی جو جہلم تحصیل نال لگدا ہے پوٹھوہاری ہے جد کہ چچھی سرے دی جو چکوال تحصیل دے نال لگدا ہے دھنی ہے۔

پوٹھوہاری دے روپ

پوٹھوہاری دے کئی روپ ملدے ہن۔ ضلع جہلم تے راولپنڈی دے میدانی علاقے وچ جو پوٹھوہاری بولی جاندی ہے اوہ کوٹے تے مری دیاں پھاڑی تحصیلاں وچ بولی جاندی پوٹھوہاری نالوں کچھ دکھریاں رکھدی ہے۔ کوٹے دی تحصیل وچ ہمیشہ ”اچھنا“ ”کچھنا“ ہی ورتیا جاندا ہے جدوں کہ میدانی علاقیاں وچ ”آنا“ ”جانا“ وی ورت لیا جاندا ہے۔

ایسے طرح مصوتیاں (Vowels) تے غنیاں دے ورتوں وچ وی کچھ فرق پیا ہویا ہے۔ پھاڑی تے میدانی بولڑیاں وچ ہمیشہ ہی دکھریاں ہوندا اے۔ پھاڑاں دی جغرافیائی حالت کچھ ایسی ہوندی اے کہ جے آواجائی دے راہ تے ویلے سکھاویں نہ ہون تاں واہ میداناں نالوں کٹے رہندے ہن، تے اوہناں دی بولی ویلا لنگھن نال میدانی بولی نالوں کچھ اڑ ہو جاندی ہے۔ پھاڑی، پوٹھوہاری تے کوہ مری دیاں پھاڑیاں وچ جو پوٹھوہاری بولی جاندی اے، اوہ کوٹے دی پوٹھوہاری نالوں وکھری ہے۔ ڈھنڈی، کیریاں وچ مہارٹا، تھارٹا وغیرہ پڑناں دی ودھیرے ورتوں کیتی جاندی ہے۔ پنجالی دا علاقہ پونچھ نال جا لگدا ہے تے اوس اُتے پونچھ دا اثر چوکھا ہے گریمرن ایس نوں کشمیر دیاں دکھن چچھی پھاڑیاں وچ بولی جاندی بولڑی دا ہی سروپ مندا ہے۔

میدانی علاقے وچ وی شہری تے پنڈو پوٹھوہاری وچ کافی دکھریاں ہن۔ پنڈاں دے اہڑے شہری رہنی توں وانجھے لوکاں دی بولی وچ مہارٹا، تھارٹا، اچھنا، کچھنا، وغیرہ لفظ عام ملدے ہن اتے غنے تے مصوتے دی تشدید و کچھن وچ آوندے ہن۔ اوہ شہریاں وچ نہیں شہری مینڈا، تینڈا، آنا جانا دی ورتوں کر دے ہن تے اوہ وادھو مصوتے جو شہداں نوں لکاون یاں چھٹیاون لئی پنڈو ورتدے ہن۔ اوہناں دا ورتوں شہر نہیں کر دے۔ ایس علاقے دی سرکاری بولی اردو دے انیکاں لفظ

جیناں دی ورتوں کئی پنڈو پوٹھوہاری تدبھو روپ وچ کردا ہے۔ شہری یاں پڑھیا لکھیا پوٹھوہاری تسم دے نیڑے رہن دی کوشش کردا ہے۔ جیویں پنڈو پوٹھوہاری کاگدیاں کاگت کسندا ہے پر ہر شہری کاغذ۔

جہلم تے راول پنڈی دے ضلعیاں دی پوٹھوہاری وچ کافی وکھڑواں ہے جہلم دی پوٹھوہاری اتے دھنی تے شاہ پوری دا اثر ہے۔ جہلم وچ ”سی“ ”سن“ فعل دی ورتوں وی کر لئی جاندی ہے۔ جہلم وچ وچوں، کولوں کہیا جاندا ہے پر راولپنڈی وچ دچوں، کوٹوں۔

پوٹھوہار دے علاقے وچ دیش دی وند توں پہلاں مسلماناں توں وکھ ہندو، سکھ وی وسدے سن۔ ہندوواں، سکھاں دی ثقافت، رہنی، ریت رواج، مسلماناں تالوں کچھ اڈرے سن۔ ایس لئی پوٹھوہاری دے کچھ شبد ایجیے وی ہن جو اکھ مسلمان ہی بول چال وچ ورتدے ہن۔ ہندو سکھ دوہے مترادف لفظاں دی ورتوں کردے سن، جیویں۔

ہندو، سکھ	مسلمان
پچھاہیں	نماشان
وڈ ویلے، سرگھی ویلے	فجریں
ویاہ	نکاح
پنڈا	مہب
پگ	صافہ
کئی	کٹوی
ویر وار	جمہرات

ایسے طرح کنبک، واشتا، جھانی، ورت، کڑاہ وغیرہ لفظ صرف ہندو سکھ ہی ورتدے سن اتے حلوہ، روزے وغیرہ مسلمان۔ پر جنم، بہشت وغیرہ لفظاں دی ورتوں دوہیں جاتیاں کر لیندیاں سن۔ مسلماناں دی پوٹھوہاری ہندوواں، سکھاں دے ٹاکرے وچ کچھ ودھیرے جھکی سی۔

کوئی وی دوبندے کے لفظ دا اُچارن بالکل اکو جیہا نہیں کر سکدے۔ اوہناں دے لہجے مُر، دباء اواز نوں لکاون یاں چُٹھیاون دی مانسک پر ورتی (انسانی جبلت) دا اثر اوہناں دے اُچارن اتے ضرور پیندا ہے۔ پھیر دکھو وکھرے کھیتراں دا اُچارن جغرافیائی حالات تے وتھ پاروں فرق والا اک سبھاوک (فطری) جیہی گل ہے۔ ایسے لئی اکو کن (مصدر) توں بنے لفظ دکھو وکھرے کھیتراں وچ ورتیندے ایجیہ وکھرے مڑوپ دھار گئے ہن کہ اوہناں دچلی سانجھ لہجی اوکھی ہو گئی ہے۔

پوٹھوہاری وچ اُچارن دے پکھوں کئی نو یکتیاں خصوصیتاں ہن۔ اوازاں نوں لکاون، چُٹھیاون، مصوتیاں نوں غنائی رنگ دین، وادھو مصوتیاں دی ورتوں، مصوتیاں دی ان ہوند تے ایہناں دی تھاں بدلی۔ پوٹھوہاری دے کجھ خاصے ہن۔ غنائی لفظاں دی بہوں گنتی مصوتیاں دی گھنوی ورتوں تے مصوتیاں راہیں مولنٹ بناون (جیویں چا دے دی تھاں چائی دے) وغیرہ کر کے پوٹھوہاری بڑی ریلی تے سرودی بن گئی ہے۔ ”جا کے“ دی تھاں ”جائی کے“ ”نوں دی“ تھاں نوں آں دی ورتوں جاندا دی تھاں جاناں وغیرہ نال پوٹھوہاری وچ اک سرودی لے پیدا ہو جاندی ہے جو اصل وچ سور لہراں دی ہی دین ہے۔

پوٹھوہاری وچ پھیکڑے دوہرے مصوتیاں نوں غنائی بناون دا جھکاؤ زیادہ ہے۔ ایسہ جھکاؤ دھنی وچ وی ملدا ہے، پر پوٹھوہاری وچ تاں بہت زیادہ ”اگھڑواں“ ہے۔ جیویں کہ نکلیں، بیٹھیں، کھائیں، ایس طرح تا، نے، فی وغیرہ۔ اضافی حالت لئی ورتے جاندے شبد اں دا اچارن ناں نہیں کیتا جاندا ہے۔

انگریزی دے کئی لفظ جو پوٹھوہاری وچ اپنا لئے گئے ہن اوہناں وچ وی ایسہ حالت ویکھن جوگ ہے جیویں

پوٹھوہاری
کینچ

انگریزی
کچ

ن تے ن اتے نون غنہ دی جی وده ورتوں پوٹھوہاری کیتی جاندی ہے، اوئی پنجاب دیاں ساریاں بولڑیاں وچ رلا کہ وی شاید نہیں بندی۔ فطلاں وچ تاں دا، پتھر دی تھاں ”ناں“ ہی ورتتا جاندا ہے۔ جاناں، کھاناں، روناں، ہسناں وغیرہ۔

پر مزے دی گل تاں ایسہ ہے کہ مرکزی پنجابی دے کئی لفظ جو غنائی ہن
پوٹھوہاری وچ غنائی نہیں رہے۔ پوٹھوہاری وچ غنہ دی تھاں شد لے یندی ہے۔

مرکزی پنجابی
پوٹھوہاری

کٹھنی	کندھ
کدھ	نگھ
کدھ	سندھ
سڈھ	گڈھ

پوٹھوہار دے لوک لفظاں نوں اُچارن گلیاں اکھراتے عام پنجابی نالوں زیادہ
زور دیندے ہن۔ ایسہ سردباء عام طور اتے لفظ دے دوجے مسمے اتے ہوندا اے۔
اتے دے لفظاں دا غنہ توں شد وچ وٹ جاوَن دی وجہ وی ایہو ای ہے۔ سردباء
کارن پوٹھوہاری اُچارن وچ کافی دکھرواں آگیا ہے جیویں۔

پتا توں پتا
رتا توں رتا

پوٹھوہاری ”او“ گھٹ بولدے ہن اتے کئی تاں ایس دا اُچارن وی بڑی
مشکل نال کر سکدے ہن۔ اس لئی مصوٰۃ بدلی راہیں کم لیا جاندا ہے۔ کدھرے تاں
”او“ نوں ”او“ وچ بدل لیا جاندا ہے۔ جیویں چُول نوں چول پر بہتی وار ”او“ دی
تھاں ”اے“ بولیاں جاندا ہے جیویں۔

مرکزی پنجابی
پوٹھوہاری

چوڑا	چیرا
سوتا	سینا
بھوتا	بھینا
جھوتا	جھینا

پوٹھوہاری وچ ”ہ“ دی ورتوں وی ودھیرے کیتی جاندی ہے۔ چھپی پنجاب
وچ بولیاں جاندیاں بولیاں دی ایسہ اک تکمیر دویں خصوصیت ہے۔ پنجابی دے
نیمناں لفظاں دے مڈھ وچ ”ا“ اتے ”ا“ آوندے ہن۔ پوٹھوہاری وچ ”ہ“ اتے

”رہ“ بن جانده ہن، جیویں

اوس دی تھاں ہس
ایس دی تھاں رہس
اک دی تھاں ہک

اک اکھری لفظاں دے اخیر وچ جے دوہرا مصوٰۃ ہووے تاں بہتی وار
دوہا لیا جاندا اے۔ ایس اخیر وچ واہو لگائے ”ہ“ پوری طرح اچارن نہیں
جاندا۔ ایس نال صرف ایس توں پہلے آئے مصوٰۃ دے الاون وچ کجھ فرق پے ج
ہے، جیویں۔

پوٹھوہاری

مرکزی پنجابی

جاہ

جا

نانہ

نہ

دیسہ

دے

مستے ”چھ“ دا اچارن کئی وار ”ش“ وانگ کیتا جاندا ہے۔ پر ایسے
طور اتے راولپنڈی یاں پہاڑی علاقے کوٹے تے کوہ مری دی تحصیل وچ ہی و
وچ آیا ہے، جہلم دے پوٹھوہاری علاقے وچ انج ورتوں نہیں۔ جہلم وچ ”گما چھ
سو“ (گوا دتا سو) آکھیا جاندا ہے پر راولپنڈی دے پہاڑی کھیتے ول ”گمائی شوڑیا
ایسے طرح ”اچھنا“ نوں ”اشنا“ ”گچھنا“ نوں ”گشنا“ وی اُچاریا جاندا ہے۔
دے اوہناں شبدان وچ بیہناں وچ ”او“ آوندا ہے، پوٹھوہاری وچ اُچارن گ
”او“ نوں ”و“ نال بدل لیا جاندا ہے یاں ”او“ غائب کر دتا جاندا ہے، جیویں۔

ساؤن ساون (سُون)

جیون جیون (جِین)

کھاؤن کھاون (کھان)

پوٹھوہاری اچارن وچ اکھراں دی تھاں بدلی (METATHESIS) وی

دیکھیا گیا ہے، جیویں۔

پوٹھوہاری

اصل لفظ

کاچو

چاٹو

مطلب
حویلی
میش

مطلب
حویلی
میش

پوٹھوہار دے وسٹیک اخیر لے مسمتے نوں ”و“ نال بولدے ہن جیویں چل
 نوں چل، ’اواز مارن گلیاں اُچارن وچ تاں ایسہ بڑا اکھڑواں دس آوند ا ہے جیویں۔
 پوٹھوہاری دی اُچارن سُر (TUNE) وی عام پنجابی دی سُر توں کدھرے
 کدھرے دکھری ہے۔ سُر بھادیں اک اکھڑی اکو ہوندی ہے، ’پر مڈھ وچ دبا نال
 الاون وچ فرق آ جاندا ہے۔ خاص طور اتے گھ، ’جھ، ’ڈھ، ’دھ، ’بھ وغیرہ مسمتیاں
 وچ۔ جدوں ایسہ مسمتے لفظ دے شروع وی آ جاندا ہن تاں ایہناں دا اُچارن ذرا
 نیویں سُر وچ کیتا جاندا ہے۔ خاص طور اتے اودوں جدوں ایہناں نال ”او“
 ہووے۔ جیویں گھوڑے دچلے ”گھو“ دا چارن، ”کو“ ورگا ہوندا ہے۔

پوٹھوہاری
کھوپنا
پھوچھن
تھوبی
ٹھوک
چھانی

پنجابی
گھوپنا
بھوچھن
دھوبی
ڈھوک
جھانی

پر جدوں ایہو اکھر کے لفظ دے وچکار آوندے ہن تاں ایہناں دی اواز
 کچھ ہور دی طرح ہو جاندی ہے، جیویں۔

پوٹھوہاری
گھارنا
کڑھوانا
سہاگ
ودھائی

پنجابی
گھارنا
کڑھوانا
سہاگ
ودھائی

پنجابی وانگ پوٹھوہاری دی لفظی کنی دیسی تے بدیسی سو میاں توں چٹندی ہوئی ہے تے ایس وچ کنی رنگاں دی جھلک ہے۔ بستے لفظ ویدی بولی، سنسکرت، پراکرت تے اپ بھرنش توں ہی ورثے وچ لئے گئے ہن۔ کجھ لفظ عربی فارسی وچوں تسم تے تدبھو روپ وچ اپنا لئے گئے ہن۔ کجھ لفظ پوٹھوہاری دے مرکزی پنجابی نال سانجھے ہن کجھ دکھرے وی ہن جو صرف پوٹھوہاری وچ ہی ورتیندے ہن۔

پنجاب دیاں ساریاں بولڑیاں وچوں پوٹھوہاری ہی اک ایسی بولڑی ہے، جیہ اتے ویدی سنسکرت دی بڑی ڈوٹکھی چھاپ ملدی ہے۔ انج گلدہا ہے کہ پوٹھوہاری اپنے اصلی مڈھ نالوں ناتا نہیں توڑ سکی۔ ایس علاقے وچ آواجائی دے ویلے جھکھادیں نہیں لئی باہرلا اثر ایتھوں دے وسیکناں نے گھٹ گھنیا تے بولی وچ پرانے تے چالو رہے۔ ایسے سنسکرت دے ہڈاں وچ رچے اثر کارن ہی پوٹھوہاری وچ اج تک جزویں گن پر دھان ہے۔ جدوں کہ مرکزی پنجابی رکتھرویں وچ وٹ چکی ہے۔ پڑنیویں پچھتیر دی ورتوں وی پوٹھوہاری وچ بسوں ہے۔ پوٹھوہاری نے ویدی بولی دے انیک لفظ مول روپ وچ سنھالے ہوئے ہن جیویں اچھ، گچھ، بگچھ، وغیرہ، کنی لفظ معمولی جیسی تبدیلی نال پرچلت ہن جیویں کپنا وغیرہ۔ مرکز پنجابی وچ ایسناں لفظاں دی ورتوں نہیں ملدی۔

پوٹھوہار نال آریہ جاتی دی سانجھ بڑی پرانی ہے۔ آریہ لوک جدوں بھارت وچ آئے تاں اوہناں نے جیہں اُپجاؤ تے رہنیک علاقے وچ بھ توں پہلاں رہن لیتا اوہ دھنی اتے پوٹھوہار دا علاقہ ہی سی۔ اوہناں سواں تے جہلم دریا دے کنڈھیاں اتے کنی پیڑھیاں لنگھائیاں۔ ”رگ وید“ دیاں مڈھلیاں رچاں ایسے علاقے دی ندی نالیاں تے لیاں دے بریتے اتے بہہ کے رچیاں گئیاں۔ ایس طرح ویدی بولی ایس علاقے دی مٹی وچ رچ گئی۔

پوٹھوہاری وچ انیکاں ایسے لفظ ملدے ہن، جو سنسکرت توں اپنائے گئے ہن تے ایسے لفظ پنجاب دیاں دوجیاں بولڑیاں وچ نہیں ورتیندے، جیویں۔

پوٹھوہاری

اُردو (بولنا)

سنسکرت

اُردو

کھنڈ

کنڈک

گراں

گرام

لمیار

مالا کار

ہٹھیاں کچھ انہیے لفظ دتے جانڈے ہن، جو سنکرت وچوں پنجابی تے
پوٹھوہاری، دوہاں نے اپنائے ہن۔ پر تدبھو بناون لگیاں دوہاں وچ وکھو وکھرے
روپ وٹالے ہن، دیویں۔

پوٹھوہاری
انگلپنجابی
انگلیسنکرت
انگلیریش
گنیمارریش
کمیار، گنیمارریش
گنیمار کار

جوا ترا

جوائی

جاما ترا

تراما

تانا

تامر

ترے

ترن

تر

پر سیوں

پر سینا

پر سویہ

لوہکا

ہولا

گنیمار

عربی فارسی دے لفظ

انھویں نانویں صدی توں ہی پوٹھوہار وچ مسلماناں دی آمد شروع ہو گئی
سی۔ دسویں صدی وچ تاں ایس علاقے اتے مسلمانی اثر چوکھا سارا پینا شروع ہو گیا
سی۔ گیارھویں صدی دے شروع وچ محمود غزنوی نے تاں سارے پنجاب اتے قبضہ
کر کے پنجاب وچ فارسی نوں دفتری بولی بنا دتا سی۔ ”دھنی“ تے ”پوٹھوہار“ دے
پنڈاں دے پنڈ مسلمان بنے شروع ہو گئے سن۔ جیویں جیویں فارسی دا راج دربار وچ
مان ودھا گیا تے پنجاب وچ فارسی پڑھائی جان لگی۔ ایس دا اثر عام لوکاں دی بول
چال اتے وی پین لگا۔ عربی دے جو لفظ پوٹھوہاری وچ آئے اوہ سارے فارسی وچوں
آئے۔ عربی فارسی دے کئی لفظ جو پوٹھوہاری وچ ورتے جانڈے ہن، پنجابی دیاں

دو جیاں بولڑیاں وچ نہیں ملدے جیویں، کاشک، (قاشق) اج وی جچھے لئی ورتیا جاندا ہے۔

پوٹھوہاری نے عربی فارسی دے بتے لفظ اپنے اچارن دے مطابق ڈھال لئے ہن۔ عربی فارسی دے اوہ لفظ جیہناں وچ ف، ز، غ، خ، ش دیاں آوازاں ورتیاں گئیاں ہن، اوہناں نوں کدھرے تاں اوسے آواز وچ اپنایا گیا ہے۔ کدھرے بدل کے جیویں زور دی تھیں ”جور“ یاں ”یور“۔

بیشمار فارسی عربی مول دے کجھ ایسے لفظ دتے جاندے ہن، جو پنجابی اتے پوٹھوہاری نے دکھو دکھ روپاں وچ اپنائے ہن۔

فارسی، عربی	پنجابی	پوٹھوہاری
آمدنی	آمدنی	آنوونی
اکثر	اکثر	اشکراں
علاج	علاج	علاج
کوشش	کوشش	کوشش
خاوند	خاوند	خوند
زیادتی	زیادتی	جیاستی
بنیاد	بنیاد	مُنیاد
بحث	بحث	بہونش
لائق	لائق	لیک
واقف	واقف	واکب
وحشی	وحشی	وہوش

فارسی عربی دے کجھ لفظ ایسے وی ملدے ہن جو صرف پوٹھوہاری وچ پرچلت ہن، پنجابی وچ نہیں۔ کجھ ایسے لفظ نمونے پاروں بیشمار دتے جاندے ہن۔ ایسہ پوٹھوہار دے لوکاں دی بول چال وچ عام ورتے جاندے ہن۔

فارسی، عربی	پوٹھوہاری
صحب	سنبک (ساہنک)
خفلی	خفلی

گوشا (کانا چھوسی)

ٹاس

دیکھا

نماشان

بادیاں

رو دیا

کوشا

طشتری

دیکھا

نیم شام

بادیہ

وداع

پوٹھوہاری وچ کجھ دیسی لفظ وی مدے ہن۔ جیڑے مڈھ قدیم توں ہی دلش وچ ورتے جا رہے ہن اتے جیہناں دا مڈھ سنسکرت وچ نہیں ملدا جیویں راڑ، ڈوکی میرگو، اکھلی وغیرہ۔ آریہ جاتی نے جدوں پوٹھوہار وچ اپنے قدم نکائے تاں اودوں ایتھوں دے سینک دراوڑاں نوں یاں پہاڑاں ول دھک دتیاں اپنا غلام بنا لیا۔ چکھوں ایسہ دراوڑ دکھن ول نس گئے۔ ایہناں دے کئی لفظ پوٹھوہاری وچ سبھالے پئے ہن۔ جیویں 'ملا'، 'ڈھبا'، 'مڑ'، 'سوٹا' وغیرہ

پوٹھوہاری وچ کافی لفظ ایسے مدے ہن جو نوکیلے ہن تے پوٹھوہاریاں دی اپنی کاڈھ ہن جیویں۔

اتریں (پرسوں) رہاں (کل)

ٹھڈھیاں (ماتا دے داغ) کھٹ (ڈلی)

کس (بخارا) پینی (قمض) وغیرہ

گرامری جستر

ناں (اسم) لفظاں دے معنی کرن لئی لفظاں وچ جو وگاڑیاں تبدیلی ہوندی ہے۔ اوہ تذکیر تانیث تے حالت دے کارن ہی پورمان ہوندے ہن۔ ہیشاں اسیں اسم دا ویروا دیندے ہاں۔

مذکر، مذہا

جمع

واحد

حالت

مذہیاں، مذہے

مذہا، مذہ

کرتا

نڈھیاں کی	نڈھیاں	کرم
نڈھیاں توں	نڈھے توں	کرن
نڈھیاں آسٹے	نڈھے آسٹے	شپر دان
نڈھیاں کوٹوں	نڈھے کوٹوں	اپادان
نڈھیاں نا، نے، نیاں	نڈھے نا، نے، نیاں	سمبندھ
نڈھیاں، چ، تے	نڈھے، چ، تے	ادھرن
نڈھو!	نڈھیا!	سنبودھن

بہت ساریاں مذکر اسماء نوں جینناں دے انت وچ کوئی مسمتہ آوندا ہے
پورن تے وکاری بناون گلیاں، اوہناں دے انتلے مسمتے نال ”اے“ لائی جاندا
ہے، جیویں۔

ہل	ہل
چترے	چترے
بھٹے	بھٹے

جینناں اسماء دے چھیکڑ وچ ”ا“ آوندا اے۔ اوہناں نوں وکاری بناون
گلیاں ”اے“ لا دتا جاندا ہے جیویں گھوڑا توں گھوڑے گتا توں گتے۔
مونٹ دے انت وچ ”ایں“ یا ”او“ لا کے وکاری بنایا جاندا ہے، جیویں۔

مجھ	مجھیں
اکھ	اکھیں
دپہر	دپہریں
فجر	فجریں
بھین	بھینوں

ماں، پیو، بھین، بھرا وغیرہ اسماء نوں وکاری بناون گلیاں ”او“ ودھا کے
، پیو، بھینو، بھراؤ بولیا جاندا ہے۔

پورن جمع توں وکاری جمع بناون گلیاں، اوہ اسماء جینناں دے انت و
آں، ایں، اوں ہووے کوئی تبدیلی نہیں کیتی جاندا۔
مانواں

گائیں

گائیں

پر باقی سمجھنا دے اخیر وچ ”آں“ لا کے تبدیلی کر لینی جاندی ہے۔

ساہناں

ساہن

گتیاں

گتے

جے انت وچ ”ا“ آ جاوے تاں واں، یاں، آں لا کے وکاری جمع بنایا جاندی

ہے۔

بھراواں (بھرا آں)

بھرا

خاص ناں یاں عام ناںواں دے انت وچ اے یاں ای لا کے وکاری بناون

دی رچی عام ہے۔

مندرے فی روٹی

مندر

مجھی کی گتاواپا

مجھ

مماڑی مستناں چ ناڑا پای چھوڑو

مستھن

مونٹ دا واحد توں جمع بناون لئی پوٹھوہاری وچ مرکزی پنجابی دا رنگ نہیں

درتیا جاندی۔ جے مونٹ دا اتلا اکھر ساکن ہووے تاں ایں لا کے وی جمع بنائی جاندی

ہے۔

مرکزی پنجابی

پوٹھوہاری

مجھاں

مجھیں

مجھ

چڑیاں

چڑیلیں

چڑیل

پر جے اتلے اکھر دے پچھے ”ا“ لگیا ہوئے تاں اخیر وچ ”ایں“ لایا جاندی

اے۔

مرکزی پنجابی

پوٹھوہاری

گائیں، گاواں

گائیں

گاں

ہوائیں، ہواواں

ہوائیں

ہوا

بلائیں، بلاواں

بلائیں

بلا

پوٹھوہاری وچ جو ضمیر (ii) درتے جاندے ہن، اوہ پنجابی نالوں کافی فرق

والے ہن۔ تیسواں ضمیراں دا ویرا دتا جاندی اے۔

میں

حالت	واحد	جمع
کرتا	میں سنہ	اس
کرم	رہی، رہی، رہی	اسانہ کی
کرن	مہاڑے توں، مہاڑے کولوں	اسانہ توں، کولوں
سنہردان	مہاڑے، آتے، مہاڑے تائیں	اسانہ آتے، اسانہ تائیں
اپادان	متھوں، مہاڑے توں (کولوں)	اسانہ کولوں، مہاڑے توں
سمبندھ	مہاڑا، مہاڑی	مہاڑا، مہاڑی، مہاڑے
ادھکر	مہاڑے چ، تے	اسانہ چ، ساڑھے چ
	توں	

حالت	واحد	جمع
کرتا	توں، تو، تڈھ	تس
کرم	تسکی	تسکی، تسانہ، تسانہ کی
کرن	تہاڑے توں، کولوں	تسانہ توں، کولوں
سنہردان	تساڑے آتے، تائیں	تہاڑے آتے، تسانہ
اپادان	تہاڑے توں، تہاڑے نالوں	تہاڑے توں، تسانہ توں، مہاڑے
سمبندھ	تہاڑا، تہاڑی، تہاڑے	تہاڑا، تہاڑی، تہاڑے
ادھکر	تہاڑے چ	تہاڑے چ
	اوہ	

حالت	واحد	جمع
کرتا	ہوہ، ہس	ہوہ، ہنھاں
کرم	ہس آں ہس کی	ہنھاں، ہنھاں کی
کرن	ہس کولوں، توں	ہنھاں، کولوں، توں
سنہردان	ہس آتے، تائیں	ہنھاں آتے، تائیں
اپادان	ہس نالوں، ہس توں	ہنھاں نالوں، ہنھاں توں
	ہس، ہس، ہس، ہس	ہنھاں، ہنھاں، ہنھاں، ہنھاں

ادھکن ہُجس ج، ہُستے ہُناں ج، ہُناں تے

ضمیر کوئی، کس لئی پوٹھوہاری وچ کیس کُس ورتیا جاندا ہے، دے حرف
استفہامیہ لئی کینہ، کینڈھا کائیں ج دی ورتوں کیتی جاندی ہے۔ کی ضمیر دی تھاں
پوٹھوہاری وچ کے یاں کیہ دی ورتوں کیتی جاندی ہے۔ ضلع جلم دے پوٹھوہاری کے
ورندے ہن اتے ضلع راولپنڈی دے کیہ نج واپی ضمیر لئی پوٹھوہاری وچ آپوں
ورتیا جاندا ہے۔ آپوں کچھ (توں آپ جا)۔

صفت

صفت مرکزی پنجابی وانگ ہی نانواں توں پہلاں آوندے ہن اتے تذکیر
تانیث تے حالت نوں مکھ رکھ کے نانواں نال میل کھاندے ہن، جیویں چنگا آدمی، چنگے
آدمی۔ چنگی ترمیت چنگیاں ترمیتاں۔ مرکزی پنجابی وانگ ہی پوٹھوہاری وچ وی کچھ
صفتاں نانواں دے انت وچ لا کے بنائیاں جاندیاں ہن۔

اسم	صفت
محکمہ	محکمہ
ادھ	ادھا
اوکھ	اوکھا

پر کچھ صفت فعل دے پچھے ”اوکا“ تکبیر لا کے بنائے جاندے ہن، خاص
طور اتے سے نال تعلق رکھن والے ADVERB توں۔

کل (کھ)	کلہو کا
چ	پرو کا
چ	چھو کا
کد	کدو کا

تکنا دیاں حالتاں

(1) تفضیل بعض

جدوں ٹلنا (تقابل) دو چیزاں وچ ہووے تاں تفضیل بعض بناون لئی
سادھارن حالت والے صفت ول ورتوں کیتی جاندی ہے پر ٹلنا لئی نالوں یاں کولوں
لفظ دی ورتوں کیتی جاندی ہے۔ جیویں ہوہ ہُئس نالوں پنگا۔ ایسہ کدے کدے تابع
فعل ودھ، گھٹ، ورت کے وی کم سار لیا جاندی ہے۔ ہوہ ہُئس نالوں ودھ پنگا ہے۔

(2) تفضیل کل

جدوں ٹلنا دو ودھیک چیزاں وچ ہووے تاں پوٹھوہاری وچ ہبھا سبھناں
وغیرہ لفظاں دی ورتوں کیتی جاندی ہے جیویں ”ہیہ سبھناں نالوں سوہناں“۔
ہبھناں کجھ عام ورتیندے پوٹھوہاری اسم صفت دتے جاندے ہن۔
چیرا (چوڑا) گھلھا (موٹا) گتسا (اونا، گھٹ) سوڑا (تھگ) تریڈا (ونگا ٹیڈھا)
ونگا (ونگا) وغیرہ۔

انکڑے

پوٹھوہاری وچ جو انکڑے ورتے جاندے ہن اوہ مرکزی پنجابی والے ہی
ہن۔ کجھ انکڑیاں دے اچارن وچ وکھڑاں ہے تاں اوہ پوٹھوہاری دے دھنی
وٹاندے دے اصولوں مطابق ہویا ہے، جیویں ہک، دو، ترے، چار، پنج، چھ، ست،
اٹھ، نو، دہ، یاراں وغیرہ۔ اکتی توں لے کے اٹھتی تک دے انکڑے اکتری، ہتری
تیتری، چونتری، پینتری، چھتری، سیتری، اٹھتری اچارے جاندے ہن۔ ایسے طرح ”
سو“ نوں سے کر کے اچاریا جاندی ہے۔ دوسے، ترے سے، پوٹھوہار دے پنڈاں وچ
لوکی ودھیرے کر کے دیہاں وچ گرگن دے ہن۔ جیویں، پنجال تے ترے دیہاں (65)
ہک، گھٹ پنج دیہاں (99)۔

تابع فعل

پوٹھوہاری دے بستے تابع فعل مرکزی پنجابی نال لگ بھگ میل کھاندے
ہن۔ فرق صرف اُچارن دکھواواں کر کے ہے۔

حالت	کال واچک	ستھان واچک	پرکار واچک	پرمان واچک	دشاوا
استفہامیہ:	کدوں، کدن	کتھے، کتھوں	کدوں، کدھروں	کدیں، کدیں	کدیں
کدو کا	کدوں، کویں	کدوں، کویں	کدوں، کویں	کدیں	کدیں
عطف:	جدوں، جدن	جتھے، جتھوں	جینک، جیوں	رجنا	جدھروں
جدو کنا	جدھروں	جینک، جیوں	جینک، جیوں	جینک، جیوں	جدھروں
نچے واچی:	سے، تاں	ہتھے، ہتھوں	اٹھے، اٹھوں	ہنا	ادے
تدوں، اودوں	اُڑے، اُڑوں	اُڑے، اُڑوں	اُڑے، اُڑوں	اُڑے، اُڑوں	اُڑے، اُڑوں
اُدن	اُدھر	اُدھر	اُدھر	اُدھر	اُدھر

مرکزی پنجابی دے جیناں تابع فعلوں دے مٹھ وچ "ک" آوندا ہے۔

پوٹھوہاری وچ اوہناں دی زیر پیش وچ بدل جاندی ہے۔

مرکزی پنجابی	پوٹھوہاری
رکدھر	رکدھر
رکتھے	رکتھے
رکے	رکے
رکس	رکس

جے ہتھیکہ وچ "اے" ہوئے تاں اوہ اُکے وچ بدل جاندی ہے جیویں۔

راتھے	ہتھے
اُتھے	ہتھے

فعل

پوٹھوہاری وچ کریاواں دی روپ سادھنا پنجابی نالوں بہت دکھری ہے۔

VERB SUBSTANTIVE دا فعل حال وچ انت ایوں ہوندا ہے۔

واحد	جمع	
ہاں، آں	ہاں، آں	مستکلم
ہیں، ایں، آیں	ہو، آو	حاضر
ہے، اے، ہے، اے	ہن، ان	غائب
ایسہ، وے	آیں، نوں	

ماضی وچ دو وکھرے وکھرے روپ پرچلت ہن پہلا ودھیرے راولپنڈی دے کھیت وچ ورتیا جاندا ہے تے دو جا جہلم تے گوجر خاں دی تحصیل دے وچ کدھرے کدھرے دوویں روپ وی ورت لئے جاندا ہن۔

(ا)	واحد	جمع
ا	ایا، ایہیا	آہیا
ب	آیں، اہیں	اہیو
ج	ایسہ (اہی)	اے، اہیاں

(ب)	واحد	جمع
ا	ساں	ساں
ب	سین، سیں	سو
ج	سا (سی)	سے (سیناں)

(جہلم وچ کدے کدے سن دی وی ورتوں کیتی جاندی ہے)۔

زمانہ مستقبل

فعل مستقبل لئی مرکزی پنجابی وچ ”گا، گی“ وغیرہ ورتیا جاندا ہے۔ پر پوٹھوہاری وچ سا، سی وغیرہ جیویں ”آکھاں گا“ دی تھاں ”آکھساں“

ساں	ساں	ا
سو	سیں	ب
سن	سی	ج

زمانہ حال

فعل حال دا روپ بناون لگیاں ماضی قریب دے انت وچ فعل حال ورتیا
جاندا ہے پر اوہ ماضی نال ہی جوڑ لیا جاندا ہے جیویں۔

پڑھنا آں = پڑھناں

پڑھنا ایں = پڑھنیں (پڑھناں)

پڑھنا اے = پڑھنے (پڑھناے)

مستقبل وچ پڑھاناویں پچھتراں دی ورتوں کیتی جاندی ہے، جیویں پچھو سو
(اوس نے اوس نوں پچھیا) آئیس (اوس کول ہے سی)

فعل حال نا تمام

کن : پڑھ

مذکر	واحد	جمع
ا	میں پڑھناں	اُس پڑھنے آں
ب	توں پڑھنیں (پڑھناں)	تس پڑھنے او
ج	ہیہ پڑھنے	ہوہ پڑھنے اُن

مونث

ا	واحد	جمع
ا	میں پڑھنی آں	اُس پڑھنیاں آں
ب	توں پڑھنی ایں	تس پڑھنیاں اوں
ج	اوہ پڑھنی اے	اوہ پڑھنیاں اُن

فعل ماضی ناتمام

مذکر:

ا	میں پڑھی	اُس پڑھی
ب	توں پڑھی	تُس پڑھی
ج	ہوہ پڑھی	ہوہ پڑھیاں ن

سمی بھوت کال

مذکر:

ا	میں پڑھیاں	اُس پڑھے آں
ب	توں پڑھیاں	تُس پڑھے او
ج	ہوہ پڑھیاں	ہوہ پڑھے ن

مونث:

ا	میں پڑھی آں	اُس پڑھیاں
ب	توں پڑھی ایں	تُس پڑھیاں او
ج	ہوہ پڑھیاں	ہوہ پڑھیاں ن

فعل ماضی ناتمام •

مذکر:

ا	میں پڑھنا اہیا (ساں)	اُس پڑھنے اہے (ساں)
ب	توں پڑھنا آہیاں (سین)	تُس پڑھنے اہیو (سے)
ج	ہوہ پڑھنا اہیا (سا)	ہوہ پڑھنے رہے (سے)

مونث :

ا مِیں پڑھنی ایی ایس (ہاں)
 ب توں پڑھنی ایی ایس (سیں)
 ج ہوہ پڑھنی ایی (سیا)

ا اُس پڑھیاں اہیاں (ساں)
 ب تَس پڑھیاں اہیو (سو)
 ج ہوہ پڑھیاں اہیاں (سیاں)

ماضی قریب

مذکر :

ا مِیں پڑھیا اہیا (ساں)
 ب توں پڑھیا ایس (سیں)
 ج ہوہ پڑھیاں اہیا (سا)

ا اُس پڑھے اہیاں
 ب تَس پڑھے اے
 ج ہوہ پڑھے اے

مونث :

ا مِیں پڑھی ایی (ساں)
 ب توں پڑھی ایی (سیں)
 ج ہوہ پڑھی ایی (سیا)

ا اُس پڑھیاں اہیاں
 ب تَس پڑھیاں اہیاں
 ج ہوہ پڑھیاں اہیاں

ماضی جاری

مذکر :

ا مِیں پڑھنا پیا اہیاں
 ب توں پڑھنا پیا اہیاں
 ج ہوہ پڑھنا پیا اہیا

ا اُس پڑھنے پئے اہیاں
 ب تَس پڑھنے اہیو
 ج ہو پڑھنے پئے اے

ماضی شرطیہ

مذکر:

ا	جے میں پڑھیا ہونا	جے اُس پڑھنے ہونے
ب	جے توں پڑھیا ہونا	جے تئیں پڑھے ہونے
ج	جے ہوہ پڑھیا ہونا	جے ہوہ پڑھے ہونے

فعل مستقبل ناتمام

مذکر:

ا	میں پڑھساں	اُس پڑھساں
ب	توں پڑھسیں	تس پڑھسو
ج	ہوہ پڑھسی	ہوہ پڑھسن

مستقبل جاری

مذکر:

ا	میں پڑھنا ہوساں	اُس پڑھنے ہوساں
ب	توں پڑھنا ہوسیں	تس پڑھنے ہوسو
ج	میں پڑھنا ہوسی	ہوہ پڑھنے ہوسن

فعل امر

ایس روپ وچ کن نوں ہی حاضر واحد ورتیا جاندا ہے جیویں نس، گٹ۔
 جے کن اک اکھری ہووے تے انت وچ مصوتہ ہووے تاں نال ”ہ“ لگا لیا جاندا
 اے، جیویں۔

جاہ
 کھاہ

جا
 کھا

دیس

دے

حاضر جمع وچ ”او“ اکھر کن دے انت وچ جوڑیا جاندا اے جیویں۔ سو، کٹو، جاؤ، کھاؤ، دیو۔ جدوں فعل امر آور دے روپ وچ ورتتا ہووے تاں کن دے انت وچ واحد روپ وچ ایس اتے جمع روپاں وچ ایو لایا جاندا ہے۔

کن	واحد	جمع
نس	نئیں	نسیو
کٹ	کٹیں	کٹیو
اُن	اُنیں	اُنیو

جے کن دے بھیکڑ وچ مصوتہ ہووے تاں ”ای“ یاں ”وچی“ اتے ”ایو“

یاں ”ویو“ لایا جاندا ہے۔

کن	واحد	جمع
جائیں	جائیں	جایو
آویں	آویں	آویو
کھایں	کھایں	کھایو

پوٹھوہاری وچ مرکزی پنجابی دی فعل حال دے اتلے دا، نون تاں وچ بدل دتا جاندا ہے جیوں کھاندا پیندا، سدا، وسدا نوں ترتیب وار کھاناں، پیناں، سناں، وشناں کیسا جاندا ہے۔ ہور فعلاں وچ وی جدوں ”د“ دے اخیریاں وچکار آوے تاں اوہ تاں وچ بدل جاندا ہے، جیویں۔

مرکزی پنجابی	پوٹھوہاری
کھانداں	کھانیاں
پینداں	پینیاں
رونداں	رونیاں
سدیاں	سدیاں
دینداں	دینیاں

فعل متعدی وچ ”آ“ دے مرکزی پنجابی وچ ”او“ دی ورتوں کیتی جاندی

ہے۔ پوٹھوہاری وچ ایس دا اچارن نہیں کیتا جاندا، جیویں۔

پوٹھوہاری
ٹھانا
آنا

مرکزی پنجابی
ٹھاؤنا
آؤنا

کئی وار ”او“ نوں ”و“ وچ بدل دتا جاندا ہے جیویں ”کھاؤنا“ ”آؤنا“ ”گاؤنا“۔
مرکب فعلوں وچ جے فعل دے انت وچ ساکن اکھر ہووے تاں پہلی فعل
دے انت وچ ”ای“ ودھا دتا جاندا ہے۔ ایسہ پرورتی سوراں دے لکان وچوں اُپجی
ہے۔

”رام مرس کے چلا گیا ہے“ دی تھان ”رام مرس کے چلا گیا“ تے جے پہلے
فعل دے پھیکڑ تے ”ا“ اکھر ہوئے تاں ”ای“ نال لائی جاندی ہے۔ ”کھا کے جانا“
وی تھان ”کھائی کے جانا“۔ جے پہلے فعل دے اتلے اکھراں نال اے یا اے ہووے
تاں ایہناں وی تھان ای لا دتا جاندا ہے جیویں ”لے کے دینا“ دی تھان ”لنی کے
دینا“ ”دے کے جانا“ دی تھان ”دینی کے جانا“۔

ماضی مطلق

ماضی قریب بناون لئی کن دے انت وچ ٹایاں تاں لایا جاندا ہے جیویں
”وکر“ ”توں“ ”کرنا“ ”کٹ“ ”توں کٹنا“ ”کھا توں“ ”کھانا“۔ ٹایاں تاں دی وی ورتوں کر لئی جاندی
ہے۔

کن	واحد	جمع
کھا (مذکر)	کھانا	کھانے
(مؤنث)	کھانی	کھانیاں

ماضی بعید بناون لئی کن دے پھیکڑ وی ”ایا“ لایا جاندا ہے جیویں۔ ”کٹ“
توں کٹیا۔ جمع بناون کلیاں کن دے انت وچ ”اے“ ”لگا“ ہے۔ مرکزی پنجابی وچ
وی کن دے انت وچ ”ایا“ لا کے ماضی بعید بنایا جاندا ہے۔
پوٹھوہاری وچ انیکاں ماضی مطلق ایہی وی ہن جو کے اصول نال نہیں
بندے۔ گجہ گو پٹھال دتے جاندا ہن۔

کن	واحد	جمع
لہجہ (مذکر)	لدھا	لدھے
(مونث)	لدھی	لدھیاں
رگھن (مذکر)	رگھدا	رگھدے
(مونث)	رگھدی	رگھدیاں

پورب پورن کارند تک

پورب پورن کارند تک بتاون وچ پوٹھوہاری مرکزی پنجابی نال وکھرا یوں رکھدی ہے۔ پوٹھوہاری وچ ساکن اکھر دے انت وچ ”ای“ لا کے اواز دوہری کر لئی جاندی ہے۔ جے انت وچ ”ا“ ہووے تاں اوس دے اگے ”ای“ لا لئی جاندی ہے۔

مرکزی پنجابی	پوٹھوہاری
چُرس کے	چُرسی کے
سُٹ کے	سُٹئی کے
آکھ کے	آکھی کے
کھا کے	کھائی کے

نال ہی پورب پورن کارند تک دے سنبودھک ”کے“ نوں وی دوہرا کرن لئی ”اے“ دی اواز لا کے ”کے“ وچ بدلایا جاند ا ہے۔ کئی وار دا، دے، دی، دیاں نوں بھوت کارند تک دے وچ ورت لیا جاند ا ہے۔ مرکزی پنجابی وچ ایس تھال ”ہویا، ہوئے، ہوئی اتے ہوئیاں“ دی ورتوں کیتی جاندی ہے۔

پنجابی	پوٹھوہاری
--------	-----------

اوہ کدوں دا آیا ہویا ہے؟ اوہ کدوں نا آیا ہویا ہے؟

یو بکی کارند تک بتاون گکیاں وی کن دے انت وچ ای لائی جاندی ہے تے نال کے جوڑ لیا جاند ا ہے، جیویں۔

پنجابی	پوٹھوہاری
--------	-----------

دوڑی کے

تکی کے

کئی کے

تھکی کے

دوڑ

تک

کٹ

تھک

جے نہ نترتا دس لئی ایس کارند تک نوں دوہرایا جاوے تاں ”کے“ دی ورتوں اکو وار کیتی جاندی ہے۔

دوڑی دوڑی کے

تکی تکی کے

حالت

پوٹھوہاری وچ حالتاں نال جو پچھتراس تے وِھکتیاں ورتیاں جاندیاں ہن، اوہ مرکزی پنجابی نالوں کجھ وکھریاں ہن۔ مرکزی پنجابی وچ تاں وِھکتیاں دی ورتوں لگ بھگ غائب ہوندی جا رہی ہے، پر پوٹھوہاری دے جڑویں سبھا کارن وِھکتیاں ول جھکاؤ کافی زیادہ ہے۔

پوٹھوہاری وچ مرکزی پنجابی دے سمبندھک پچھتر دا، دے، دی اتے دیاں وغیرہ نا، نے، نی، اتے نیاں وچ بدل جاندیاں ہن جیویں مانویں نا پتر (ماے دا پتر)۔ مرکزی پنجابی وچ ورتیندی سمبندھکی پچھتر نوں دی تھاں پوٹھوہاری وچ ”کی“ دی ورتوں کیتی جاندی ہے۔ جیویں:

”اوس نوں بلا“ دی تھاں ”ہُس کی سد“۔ ایسہ ”کی“ کئی رار اُچارن لگیاں ”ای“ ہی ہسنائی دیندی ہے۔ جیویں ہُس ای سد۔ کئی وار ”نوں“ دی تھاں آں یاں ”آسہ“ دی وی ورتوں کیتی جاندی ہے، جیویں۔ ”ہُس آں سد“۔

اپادان کارک لئی پنجابی وچ ”توں“ پچھتر ورتیا جاندے ہے۔ پر کئی وار ناٹو نال اپادان وچ ”اوں“ دی لادتا جاندے ہے۔ پوٹھوہاری وچ ”توں“ اُسپرگ نہیں ورتیا جاندے اتے توں وچلا ”اوں“ دوہرا کر کے ”اوں“ بنا لیا جاندے ہے، جیویں۔

پوٹھوہاری

مرکزی پنجابی

پنڈوں	پنڈتوں، پنڈوں
شہروں	شہرتوں، شہروں
گھروں	گھرتوں، گھروں
بزاروں	بزارتوں، بزاروں

ادھکن کارک وچ و بھکتی رچنہ دی ورتوں کیتی جاندی ہے یعنی تیں 'چ' تے، آپ دی ورتے جاندی ہن۔ و بھکتی پرتیہ واحد وچ اے اتے جمع وچ "ایں" دی ورتوں ہوندی ہے، جیویں۔ گھرے، گھریں، جنجے، جنجیں، دے، دےں۔

پوٹھوہاری سبھاوچ جڑویں، ہے اتے ایس وچ فعل دے انت وچ چکھتر لا کے ضمیراں دا کم سار لیا جاندی ہے۔ مرکزی پنجابی وچ ضمیراں دس والے چکھتر بالکل نہیں ملدے۔ ملتان بولڑی وچ ایسہ حالت بہت مدی ہے اتے ملتان وچ متکلم لئی دی چکھتر ورتن دا رواج کافی ہے۔ جدوں کہ پوٹھوہاری وچ ودھیرے کر کے حاضر تے غائب چرکھ دے ضمیراں لئی ہی چکھتر ورتے جاندے ہن۔

پوٹھوہاری وچ فعلوں دے انت وچ جو چکھتر لائے جاندے ہن، اوہ ایسہ ہن۔

جمع	واحد	
اے	آں، اے	متکلم
نے	ای	حاضر
نے	س	غائب

متکلم

اوس مینوں ماریا ہے	ہس کنیاے
میں اوس نوں ماریا ہے	ہس آں کنیاے
مینوں مار پئی ہے	گٹ پئی اے

حاضر

توں کھادا پیتا ہے
تساں کھادا پیتا ہے
تیرا گھر کتھے ہے
اوہناں دا گھر کتھے ہے

کھادا پیتا ای
کھادا پیتا نیس
گھار کتھے ای
گھار کتھے نیس

غائب

اوس نے کھادا پیتا ہے
اوس نوں بخار ہے

کھادا پیتا
کس اہس

کئی وار فعل نال دوہرے پچھتر وی لائے جانڈے ہن تے اکو فعل وچ دو
ضمیر مرکب کر لئے جانڈے ہن، جو بولی دی مجڑویں ہون دا پر تیک ہن، جیویں۔
کھوانئیں، وچ کھوا، دے نال جو ”ایں“ لگا ہویا ہے، ایسہ حاضر دا پچھتر تے ”س“
غائب مطلب ہے۔ توں اوس نوں کھوا، ایسے طرح سمجھائیں، توں اوس نوں سمجھا۔

کچھ لفظاں دی اچھی ورتوں

پوٹھوہاری وچ فعل دے پہلاں یاں کئی وار پچھوں وی کدے کدے ”چا“
دی ورتوں کیتی جاندی ہے، جیویں۔ اُس آں چا آکھ، دُده چا پلا سو۔
ایسہ ”چا“ زور پاؤن لئی ورتیا جاندا ہے۔ کئی وار ایسہ کارج دی ٹیکھرتا
نوں وی دسدا ہے۔

ایسے طرح فعل دے بعد کدے کدے ”کھاں“ ورتیا جاندا ہے تے ”چا“
وانگ ایسہ وی کسے کارج دے کرن لئی زور پاؤن لئی ورتیا جاندا ہے۔
اس آں آکھ کھاں

کئی وار ”چا“ تے ”کھاں“ دوویں اکو فقرے وچ دی ورت لئے جانڈے

ہن۔

اس آں چا آکھ کھاں

دوہ چا پلا کھاں

ایسے طرح ”آر“ دی فعل توں پکھوں ورتیا جاندا ہے تے زور پاؤن لئی ہی ورتیا جاندا ہے۔

آکھیں آر مو

سوائیں آر مو

حاشیے

(i) سالٹ ریخ، یاں نمک دیاں پہاڑیاں جہلم ضلع دے دکھن ول تے شاہ پور تے میانوالی دے نلیعیاں دے اُتر ول جہلم دریا توں سندھ تک پیریاں پئیاں ہن۔ ایہناں دا کجھ علاقہ ضلع جہلم دی پنڈ داؤن خاں تحصیل وچوں لنگھدا ہے۔ ایتھوں لنگھدے سالٹ ریخ دے پوربی حصے دی بولڑی اوہو پوٹھوہاری ہے جو جہلم تحصیل وچ بولی جاندی ہے۔ پچھمی حصے وچ ”دھنی“ بولی جاندا ہے پچھم ول سالٹ ریخ شاہ پور وچوں لنگھدا ہے تاں ایدہی بولڑی ”شاہ پوری“ ہو گئی ہے۔ سو سالٹ ریخ دے سارے علاقہ وچ اکو بولی تھیں ورتیندی۔

(ii) جہلم پار دے نیڑے والے علاقے وچ مینوں تینوں اوس توں یاں اوہنوں وغیرہ لفظاں نوں مُنوں، مُتوں، اُنوں، دا روپ دے وتا جاندا ہے۔ ایس توں اگلے ہزارے والے پاسے ودھدے ہوئے ایہو لفظ مانہ، تانہ، اسانہ پھیر مہیں تھیں، ایس تے فیر مکی، مکی، اسکی بن جاندے ہن ایس توں وی ہورا گیرے جا کے ایہ لفظ منکھی، مکھی، اسکی دا روپ وتا لیندے ہن۔ پوٹھوہاری شبد کوش، بھاشا و بھاگ پٹیا لا۔

مھاڑے توں مینڈا، تینڈا دی ورتے جاندے نہیں پر ایہ دھنی دا اثر ہے۔

مواعظِ نوشہ

(پنجابی دی قدیم ترین نثر)

پنجابی شاعری دی باقاعدہ ابتداء بابا فرید دے کلام توں ہوندی نظر آوندی اے۔ بھاویں ایس توں وی پہلاں اکا دکا شاعراں دے شعر مدے نیں تے بابا فرید دی صاف ستھری تے رواں زبان توں وی ایسہ اندازہ لایا جا سکدا اے کہ اوہناں توں پہلے پنجابی شاعری ہوندی رہی اے، پر کیوں جے ایس توں پہلے دا کوئی پکا پڑا کھرڈا اے تاں ہتھ نہیں لگ سکیا ایس لئی پہلے صاحب دیوان شاعر ہون دا اعزاز بابا فرید نوں حاصل اے۔ ایسے طرح پنجابی وچ نثر لکھن دا رواج وی یقیناً پرانے زمانے توں رہیا ہووے گا، پر نثر دی کوئی کتاب ہتھ نہ آون پاروں ایسہ فیصلہ کرنا مشکل سی کہ پنجابی نثر دی ابتداء دا سرا کس لکھاری دے سر بھدا اے۔ پنجابی زبان ایس حوالے نال بڑی خوش قسمت اے کہ ایس نوں شروع توں اللہ والیاں دی سنگت ملی۔ جے ایہدے وچ شاعری دی ابتدا بابا فرید ورگے اُچ پدھر دے صوفی دے ہتھوں ہوئی تے نثر دائمہ وی پنجاب دے عظیم روحانی بزرگ تے سلسلہ نوشاہی دے بانی حضرت حاجی محمد نوشہ گنج بخش دے ہتھوں بچھا۔ بہت سارے لکھاریاں نے نوشہ گنج بخش دا دور شیر شاہ سوری دے پتر اسلام شاہ توں لے کے شاہ جہاں تک مرتبہ اے (1)۔ پر ایسہ دور زیادہ تر زبانی روایاں تے اندازے نال مقررہ کیتے گئے۔ ایساں نال مرتبہ کیا گیا اے۔ ایس دے مطابق نوشہ صاحب 1552ء / 959ھ وچ پیدا ہوئے۔ 1654ء / 1064ھ وچ فوت ہوئے۔ خاندانی مخطوطے، محکمہ مال دا ریکارڈ تے تاریخی حوالے ایس دور دی تصدیق نہیں کردے۔ ساڈی تحقیق دے مطابق نوشہ صاحب 1602ء / 1014ھ نوں شاہ جہاں دے عہد وچ پیدا ہوئے تے 1691ء / 1103ھ

ہ وچ اورنگ زیب عالمگیر دے سے وصال فرمایا (2)۔ گارسا دتاسی نے اپنے خطبیاں وچ ایس گل دا واضح لفظاں وچ ذکر کیتا اے کہ آکھیا جاندا اے پئی حاجی محمد ہوراں دی تبلیغ نال کوئی در لکھ ہندو اسلام دے دائرے وچ داخل ہوئے۔ حاجی محمد نوشہ گنج بخش تے آپ دے مریداں (بیہڑے دلی تے کابل تیکہ پھیلے ہوئے سن) دیاں تبلیغی کوشاں دا جائزہ لیے تے گارسا دتاسی دا بیان حقائق اتے مبنی دکھائی دیندا اے۔ ایسوں ایس گل دا وی پک ہو جاندا اے کہ ساڈے صوفیاں نے ایڈی وڈی تعداد توں متاثر کرن لئی یقیناً اوہناں دی زبان وچ ای گل بات کیتی تے اپنے تبلیغی مشن دی کامیابی دی نینہ غوامی زبان اتے رکھی۔ بابائے اردو مولوی عبدالحق ایسے حقیقت نوں تسلیم کردیاں ہویاں لکھدے نیں۔

”دلوں کو ہاتھ میں لانے کے لیے سب سے پہلے ہم زبانی لازم ہے۔ ہم زبانی کے بعد ہم خیالی پیدا ہوتی ہے۔ درویش کا تکیہ سب کے لیے کھلا تھا۔ بلا امتیاز ہر قوم و ملت کے لوگ ان کے پاس آتے اور ان کی زیارت اور محبت کو موجب برکت سمجھتے۔ خاص و عام کی کوئی تفریق نہ تھی۔ خواص سے زیادہ عوام ان کی طرف جھکتے تھے۔ اس لیے تلقین کے لیے انہوں نے جہاں اور ڈھنگ اختیار کیے ان میں سب سے مقدم یہ تھا کہ اس خطے کی زبانیں سیکھیں تاکہ اپنا پیغام عوام تک پہنچا سکیں۔ چنانچہ جتنے اولیاء اللہ سرزمین ہند پر آئے یا یہاں پیدا ہوئے وہ باوجود عالم فاضل ہونے کے خواص کو چھوڑ کر عوام سے انہی کی بولی میں بات چیت کرتے اور تعلیم کی تلقین فرماتے۔“

نوشہ گنج بخش پنجاب دے جم پل سن۔ اوہناں دے وڈ وڈیرے موضع چمن وال توں ہجرت کر کے موضع گھگا نوالی تحصیل پھالیہ ضلع گجرات آوے سن۔ اوہناں نے جوانی ویلے پنجاب دے اک وڈے صوفی حضرت شاہ سلیمان نوری بھلوالی دے ہتھ اتے بیعت کیتی تے اوہناں دی اجازت خلافت نال نوشہرہ تارڑاں تحصیل پھالیہ ضلع گجرات وچ اپنا تبلیغی مرکز قائم کیتا۔ اگرچہ آپ نے حج دی کیتے تے ”چار بار“ (3) دے حوالے موجب مضر دا سفر وی کیتا پر آپ دی تبلیغ دا مرکز پنجاب ای رہیا۔ آپ نے ایسوں ای اپنے مریداں نوں تربیت دے کے کابل تے دلی تیکہ بھیجا۔ آپ دے مخاطب اوہ لوک سن بیہڑے آل دوالے وسدے سن۔ آپ نے

اوہناں دی زبان وچ ای اوہناں نوں دین دا رستہ دیا تے اوہناں دی زبان وچ ای اوہناں دیاں دینی تے دنیاوی مشکلاں حل کیتیاں۔ آپ دی پنجابی شاعری تے نثر دوہاں وچ آپ دے مخاطب عوام نیں۔ اوہناں نے اپنی شاعری وچ بابا فرید دی طرح مخاطب اپنے آپ نوں یاں فیر اپنے چیتے مرید حضرت پیر محمد پیمار ہوراں نوں ای کیتا اے، پر گل لوکاں نوں ای سمجھائی اے۔ شاعری دے مقابلے تے وعظاں وچ نوشہ صاحب نے سدھا سانواں عوام نوں مخاطب کیتا اے۔ وعظاں نوں پڑھیاں ہویاں انج محسوس ہوندا اے جیویں کوئی سیانا بندہ سچ بھالائے بیٹھے بندیاں دے کناں وچ پیار تے محبت دا رس گھولدا چلا جا رہیا اے۔

پنجابی ادب وچ ایہناں وعظاں دی اہمیت کئی حوالیاں نال بندی اے۔ ایہ وعظ شاہ جہاں دے عہد وچ عوامی پدھراتے اسلامی تبلیغ دا اہم مڈھ ماخذ نیں۔ مواد دے حوالے نال اسلامی شرع دے مڈھلے مسلیاں دی سدھی سانویں دس پاندے نیں، پنجابی نثر دے حوالے نال ایہ نثر دا باعتبار قدیم نمونہ نیں۔ ایہناں تئیں پہلوواں نوں مکھ رکھ کے ایہناں وعظاں دا ذرا تفصیل نال جائزہ لواں گے۔

مغل بادشاہ شاہ جہاں دے عہد وچ اسلامی تبلیغ دے حوالے نال ایہناں وعظاں دا جائزہ لین لئی سانواں اوس عہد توں ذرا پچھے اکبر دے عہد تک نظر مارنی پئے گی۔ مغلاں دے خاندان وچوں اکبر اکبر اک جیہا شہنشاہ اے، بھیدی حکومت دا عرصہ سارے مغل حکمراناں نالوں زیادہ اے۔ اوس تقریباً 55 ورھے حکومت کیتی۔ اوہدی ذہانت وچ شک نہیں کیتا جا سکدا، پر اوس دا ان پڑھ ہونا کئی مسیبتاں دا سبب بنیا۔ اوسدا دین بارے علم محض مجلسی تے صنیاں جسنایاں گلاں اتے سی۔ اوس دی ایسے کمزوری توں فائدہ اٹھاندیاں ہویاں ملا مبارک ناگوری تے اوہدے دوہاں پتراں ابوالفضل تے فیضی نے اکبر دیاں فکری تلاواں اپنے ہتھ وچ لے لیاں۔ اوہ دینی معاملات وچ ایسا بے بس ہو کے رہ گیا کہ ملا بدایونی (4) دے بقول دربار وچ باجماعت نماز ترک کر دتی گئی۔ اسلام تے پیغمبر اسلام دے بارے نازیبا کلمات دربار وچ سرعام کہے جانے پر اکبر دے چہرے تے ملال تک نہ ہوندا۔ اسلامی احکاماں تے شعائر بارے بھرے دربار وچ مناظرے ہوندے۔ ہندو تے عیسائی عالم مناظریاں وچ

اکبر دی دینی غیرت اوہناں نوں روک نہ سکدی۔ بادشاہ نوں سجدہ ہون لگ پیا۔ بلکہ اکبر نوں نبی تک بنا دتا گیا تے اوہدی شان وچ ایہو جیسے مصرعے کہے جان لگ پئے ”یک نبی رفت و دیگرے پیدا شد“ اکبر نے ایسہ منصب وی قبول کر لیا۔ اوس ہندوواں نوں قریب لیان لئی ہندو عورتاں نال ویاہ کیتے۔ اپنیاں ہندو بیویاں نوں خوش رکھن لئی مندر اں وچ جان لگ پیا۔ متھے تلک لگان تے سورج درشن دی ریت نوں محلاں وچ چالو کیتا گیا۔ لوک بادشاہ دا دیدار کرن لئی سویرے سویرے محل دے باہر کھلو جاندے۔ اکبر نے مختلف بمبیاں نوں قریب رکھن لئی اوہناں دیاں مذہبی رسماں نوں اپنا لیا۔ انج اوس نے مختلف مذہباں وچوں اپنی پسند تے اپنے مفاد دیاں اصولاں نوں اک تھاں اکٹھا کر کے اک سانجھا دین بنان دا چارا کیتا جیہیں نوں دین الٰہی دا ناں دتا گیا۔ اوس دے ایس عمل نوں جے اوس دا سیاسی دین آکھیا جاوے تے غلط نہیں ہووے گا۔ ایس دین دے تحت اسلام علیکم دی تھاں اللہ اکبر دا مہمل جیہا کلمہ جاری کیتا گیا۔ ایہدے توں نہ تے ایسہ پتا چلدا اے کہ ایسہ کلمہ اللہ رب العزت دی بڑھائی واسطے بولیا جاندا سی یاں اکبر دی بڑھائی لئی اختیار کیتا گیا سی، جے اکبر اپنے آپ نوں نبی کہلوا کے خاموش رہ سکدا اے تے اوہدے کولوں خدا کہلوان دی توقع کرنا وی قیاسوں باہری گل نہیں سی۔ اکبر دے ایس رویے دا عوامی سطح اتے بیہوا اثر ہویا اوہدے نتیجے وچ لوک اسلام توں دور ہوندے گئے۔ نویاں نویاں بدعتاں شروع ہو گئیاں۔ اسلام دے اصل احکامات نوں ترک کر کے من گھڑت روایتاں نوں عقیدت دی بنیاد بنان دا رجحان عام ہو گیا۔ ایس پورے عرصے وچ اکبر نے اپنی بادشاہی تے پکی کیتی پر اسلام دا جو حلیہ وگاڑیا گیا اوہ اک لمی داستان اے۔ اکبر اپنا کجھ کرن دے باوجود لوکاں دے دلاں اتے حکمرانی نہ کر سکیا۔ مسلمان پہلے ای اوہدے کولوں ناراض ہو گئے سن تے خوش اوہ ہندوواں نوں وی نہ رکھ سکیا سگوں ہندوواں اوہدی قبر تے لتاں مار کے اپنے غصے تے نفرت دا اظہار کیتا۔ ایہو وجہ اے کہ اوہدے مرن توں فوراً بعد اوہدے بنائے ہوئے دین وچ دراڑاں پین لگ بیہیاں تے شاہ جہاں دے عہد تیکر اپڑیاں ایسہ خود ساختہ دین ہمیشہ لئی ختم ہو گیا۔ اکبر دے پتر جہانگیر دے دربار وچ وی سجدے دی رسم جاری رہی، جیہدے خلاف حضرت مجدد الف ثانی نے حکومتی سطح اتے آواز بلند کیتی۔ ایہدے لئی اوہناں

نوں کئی تکلیفیں اٹھانیاں ہیں۔ آخر جمائگیر نوں اپنی غلطی تسلیم کر کے توبہ کرنی پئی۔
 دربار سرکار وچ حاضری دین والیاں نوں سدھے رستے اتے لیان دا فریضہ حضرت
 مجدد الف ثانی نے بڑے سوہنے طریقے نال انجام دتا۔ وحدت الوجود دی بجائے
 وحدت الشہود دے نظریے دا پرچار ایسے سلسلے دی کڑی سی تاں جے ہندو تے مسلم
 مذہباں دی الگ الگ انفرادیت تے وکھری وکھری ثقافت دی پہچان ہو سکے۔ جمائگیر
 دے سدھی راہ اتے آجان نال درباری فضا تے ٹھیک ہونی شروع ہو گئی پر عوامی
 سطح اتے بیڑیاں بدعتاں جنم لے پکیاں سن اوہناں دے خلاف شاہ جہاں دے عہد
 وچ حضرت نوشہ گنج بخش نے اک مضبوط تے بھرواں تبلیغی مشن چالو کیتا۔ آپ دی
 دعوت اتے ارد گرد دے عالم فاضل آپ دے حلقہ ارادت وچ شامل ہوئے۔ اینہاں
 وچوں پیر محمد پیچار، شاہ عبدالرحمان بھڑی والے، قاضی خوشی محمد، قاضی رضی الدین
 (گجرات دے قاضی سن) فضیل کابلی، حافظ محمد معموری، شاہ فتح دیوان، تے سید صالح
 محمد دے ناں بڑے اگھڑویں نیں۔ فارسی زبان دے معروف شاعر ملا غنیمت کنجاہی
 موخر الذکر سید صالح محمد دے مرید سن۔ آپ نے اینہاں نلیفیاں دی نہ صرف
 ظاہری بلکہ باطنی تربیت وی کیتی۔ چنانچہ ایسہ لوک اجازت تے خلافت توں بعد جدھر
 وی گئے لوکاں دیاں تقدیراں بدل کے رکھ دتیاں۔ سید اصغر علی گیلانی قادری نے ”
 شجرة الانوار“ (قلمی تصنیف) 1193ھ وچ لکھیا اے کہ نوشاہی خانوادے وچ نظر تے
 مستی دا سلسلہ آج وی جاری اے۔ جدوں کہ مفتی غلام سرور نے ”گنجینہ سروری“
 وچ ایس حقیقت دا اعتراف کیتا اے کہ آپ دے سیکڑے نلیفے کامل ولی بن کے
 دور دراز ملکاں چلے گئے تے پنجاب وچ وی ہزاراں نوشاہی پھیلے ہوئے نیں۔ نوشہ گنج
 بخش نے ہدایت تے تبلیغ دا بیڑا سلسلہ شروع کیتا اوہ یقیناً عوام دی زبان پنجابی وچ
 سی تے آپ دے ایسہ پنجابی وعظ ایسے سلسلے دی اہم کڑی نیں۔ چنانچہ ایس پورے
 پس منظر وچ اسلامی نظام حیات تے فکر دے حوالے نال عوامی پدھرا تے اینہاں
 وعظاں دے اسلامی تبلیغ دا اہم مذہب ماخذ ہون توں انکار نہیں کیتا جا سکدا۔

ہن تک نوشہ گنج بخش دے چھ وعظ لکھے جا سکے نیں۔ پنج وعظ شرافت
 نوشاہی مرحوم ہوراں ”مواعظ نوشہ پیر“ دے ناں نال چھاپے سن تے بھیاں وعظ

عکس سمیت اسان اپنی مکی جیسی کتاب ”آکھے نوشہ قادری“ وچ چھاپ دتا سی۔ اینہاں وعظاں دے فکری انگ بارے غور کرن توں پہلاں ایہہ گل مکھ رکھنی ضروری اے کہ نوشہ صاحب نے ایہہ وعظ اک خاص مقصد دے تحت لکھے نیں تے اوہناں دا سدھا واضح تے صاف مقصد اسلام دے بنیادی یاں اساسی مسئلیاں نوں سدھے سانویں طریقے نال لوکائی دے دلاں تے دماغاں تیکر اڑانا اے۔

نوشہ صاحب دے مخاطب عام لوکائی سی تے لوکائی وی اودہ جیڑی زیادہ پڑھی لکھی نہیں سی تے نہ ای دین دے بارے زیادہ واقفی رکھدی سی۔ اتوں اکبر دے لادینی نظریات توں وی متاثر سی چنانچہ ایہو جیسے لوکاں دے عقیدیاں نوں بدلنا کوئی سوکھا کم نہیں ہوندا۔ ایہدے لئی پیار محبت تے گل بات دا غیر محسوس طریقہ موثر ترین ہتھیار ثابت ہو سکدا اے۔ نوشہ گنج بخش کیوں جے اپنے ویلے دے ولی تے اچ پدھر دے عالم سن۔ اوہناں دا زیادہ وقت عام لوکائی وچ گزر دتا سی ایس لئی تحریر تے تقریر دے ایس فن توں پوری طرح واقف سن۔ چنانچہ اوہناں نے اینہاں وعظاں وچ تصوف تے توحید دے ڈونگھے مسئلیاں نوں نہیں چھیڑیا سگوں اسلامی شرع دے عقیدے ورگے مڈھلے مسئلیاں نوں بڑے سادہ جیسے انداز وچ بیان کیتا۔ اوہناں دے وعظاں دی پہلی فکری خوبی ایہہ اے کہ نوشہ صاحب ابتدا وچ جیڑی گل چھیڑ دے نیں اگے چل کے اوہے نوں ای ہور سنگھیر سنگھیر کے دسدے چلے جاندے نیں تے ایہہ خوبی سارے وعظاں وچ پائی جاندی اے۔ مثلاً پہلے وعظ دے شروع وچ اوہناں رب دے قادر مطلق ہون دی دس پائی اے۔ فرماندے نیں۔

”بابا سائیں والیاں فرمایا ہے جو سائیں خود مختار ہے۔ جو مندا ایس سو بندہ نیں۔“

نثر دے ایس نکلے چنے ٹوٹے وچ اودہ تن بنیادی گلاں دس گئے نیں۔ پہلی رب تعالیٰ دے قادر مطلق ہون دی، دوجی بندے دے بندگی کرن دی تے تہی ایہہ کہ ایس توں پہلے وی ”سائیں والے“ موجود سن یعنی تیس وی اللہ دی وحدانیت تے خود مختاری دا اوہے طرح اقرار کرو جیہیں طرح تہاڈے توں پہلے اللہ والے کردے آئے نیں۔ اللہ والیاں دے حوالے نال گل ایس لئی کیتی گئی اے کہ انسان ہمیشہ انسان کولوں ای متاثر ہوندا اے۔

توحید اسلام دا مدھلاتے ات ضروری رکن اے تے ایہو نقطہ ہر دور وچ مسلمان صوفیاں دے فکر دا آغاز تے انجام رہیا اے۔ چنانچہ نوشہ گنج بخش نے اپنے پہلے وعظ وچ ای رب دے قادر مطلق ہون دی گل چھوہ دتی اے۔ رب تعالیٰ دے قادر مطلق ہون دے نال نال اوہدے من تے نہ من والیاں دے انجام دی دس وی پائی اے۔ اوہناں دا فرمان اے کہ موت اک اٹل حقیقت اے جینے ایس عارضی زندگی نوں اک دن ختم کر کے رکھ دینا اے۔ موت رب ڈاڈھے دا نہ ٹلن والا حکم اے۔ ایس حکم دے آوندیاں مومن دی جان سوکھی تے کافر دی جان اوکھی نکلے گی۔ ایسے وعظ وچ ایس گل دا بیان اے کہ اللہ نے کئی کماں لئی فرشتے مقرر کیتے ہوئے نیں۔ انسان دی جان وی فرشتے دے ذریعے ای کڈھی جائے گی۔ چنانچہ فرشتیاں دے نال نال قیامت دی گھڑی اُتے ایمان لیانا وی ضروری اے۔ اوہ اسرائیل دے صور پھوکن ، دنیا دی تباہی تے مڑ صور پھوکن اتے موت توں بعد دی حیاتی دا ذکر کردیاں ہویاں ایس حقیقت نوں واضح کردے نیں کہ آخرت وچ اوہو کامیاب ہووے گا جیہڑا سچا اے۔ جینے دنیا وچ سچ نوں انگ لایا تے پچیاں دے نال یاری رکھی۔ اتھے اوہ قرآنی واقعات دے حوالے نال حضرت موسیٰ نوں سچ تے فرعون نوں جھوٹھ دا نمائندہ بنا کے ایس گل دا جُھکا دیندے نیں کہ جھوٹھے ہمیشہ غرق ہوندے نیں تے سچ ہمیشہ کامیاب۔ اوہ انسان نوں رب ولوں ملیاں ہوئیاں نعمتاں اتے شکر ادا کرن تے حشر دے میدان وچ کیتے دا پھل پاؤن اتے یقین رکھن دی تلقین کردے نیں۔ اوہ آکھدے نیں کہ جیس طرح فرعون نے موسیٰ علیہ السلام دی سچائی نوں نہ من کے اپنی آخرت خراب کر لئی ایسے طرح ابج جیہڑے لوک اللہ دے نیک بندیاں دے آکھے نہیں لگن گے اوہناں دا انجام وی فرعون دی طرح درد ناک ہووے گا۔ غور کیتیاں صاف پتا چلدا اے کہ اکبری عہد توں لادینیت دے پرچھاویں بیٹھاں پروان چڑھن والے ذہناں نوں تبدیل کرن لئی حضرت مجدد الف ثانی توں لے کے نوشہ گنج بخش تیکر مسلمان صوفیاں نوں کئی محنت کرنی پئی ہووے گی۔ قدم قدم تے بدعتاں تے الحادی رکاوٹاں نال واہ پیا ہووے گا۔ جگہ جگہ اتے مخالفتاں نے سر پکيا ہووے گاتے اچیہ نازک موقعیاں اتے نوشہ گنج بخش ہوراں کمال بُردباری ، حوصلہ تے برداشت توں کم لیا تے ہر کسے نوں ”بابا لوکا“ کہہ کے مخاطب کیتا یعنی اوہناں

دے اخلاق نے اوہ کم کر دکھایا بیڑا حکمرانوں دی تلواری نہ کر سکی۔

پہلے وعظ دا موضوع توحید اے تے دوجے وعظ دا موضوع انسان دا دل اے۔ نوشہ صاحب نے ایس وعظ وچ ایس حقیقت نوں بیان کیتا اے کہ مندے کماں پاروں انسان دے دل اتے کالا داغ پے جاندا اے تے جے انسان ایس داغ نوں دھون دی بجائے بار بار گناہ دی لذت نوں پکھدا رہوے تے اک دن گنہگاری دا امہ داغ ودھدا ودھدا پورے دل نوں کالا کر دیندا اے تے ایجیہ بندے اخیر دوزخ دا بالن بن جاندے نیں۔ اوہناں کول وقت ہوندا اے پر اوہناں دا مردہ دل (ضمیر) اوہناں نوں توبہ دا رستہ نظر نہیں آون دیندا۔ ایسے وعظ وچ نوشہ صاحب نے اک ہور حقیقت بیان کیتی اے کہ جے ایجیہ گناہ گار بندے کسے اللہ والے دے لڑ لگ جان، کسے نیک انسان نوں اپنا رہبر من کے اوہدی صحبت وچ بیٹھنا شروع کر دین تے اوہ دل دی صفائی دا رستہ دس سکدا اے۔ جے دل دا شیشہ صاف ہووے تے ربی نور دے لشکارے اپنے آپ نوں نظر آون لگ پیندے نیں۔ بندے نوں اپنی حقیقت دا پتہ چل جاندا اے تے فیر اوہ ربی نظاریاں وچ انج کُھب جاندا اے کہ اوس نوں گناہ دا تصور تک نہیں ہوندا۔ مطلب ایہہ اے کہ نوشہ صاحب ایس وعظ وچ مرشد دی اہمیت اتے زور دیندے نیں تے آکھدے نیں کہ مرشد دے دے ہوئے رستے اتے چل کے انسان اپنی حقیقت نوں پا لیندا اے تے اوس دا دل گناہواں دی سیاہی توں صاف ہو جاندا اے۔ اوہ ایجیہ بندیاں دی زندیا کردے نیں بیڑے ربی گیان نال بھرپور بندیاں (یعنی اللہ والیاں) نوں کوئی اہمیت نہیں دیندے نہ اوہناں دے لاگے بیٹھدے نیں تے نہ اوہناں دی نصیحت اتے عمل کردے نیں سگوں مخالفت دا راہ پھردے نیں۔ ایجیہ بندے اج وی عیش و عشرت اتے بلاشبہ خوشیاں مناندے نیں پر اخیر قیامت دے دیھاڑے ڈھاکیں مار مار کے روون گے۔

تیجے وعظ دا موضوع وی دوجے وعظ نال ای رلدا ملدا اے پر ایہدے وچ سچ اتے زیادہ زور دتا گیا اے۔ اوہ فرماندے نیں کہ سچا تے سدھارستہ سوکھا نہیں لہندا۔ ایہہ رستہ اوہناں خوش نصیاں نوں ملدا اے بیڑے نیک بندیاں دی بہنی بہہ کے اوہناں دیاں نصیحتاں اتے عمل کردے نیں۔ نوشہ صاحب ایجیہ بندیاں دی عقل اتے حیرت دا اظہار کردے نیں، بیڑے مسلسل گناہ دی زندگی بسر کردے نیں

تے بظاہر ایسہ آکھدے نیں کہ اوہناں نوں راہ دکھان والا کوئی نہیں۔ نوشہ صاحب فرماندے نیں کہ ہدایت اوہناں لئی اے جیہڑے ہدایت دے رستے رُٹنا چاہندے نیں۔ اللہ والے ہر ویلے اوہناں نوں سدھی راہ دس لئی بیتاب رہندے نیں۔ ایسے لوک ہدایت تاں ای پا سکدے نیں جے جھوٹھ نوں چھڈ کے سچ دی روشنی نوں اپنے سینے وچ اتار لیں۔

تیجے وعظ دا موضوع نیک لوکاں دی سنگت اختیار کرنا سی تے چوتھے وعظ دا موضوع اللہ والیاں دی اطاعت قبول کرنا اے۔ ایہدے لئی اوہ قرآن مجید دیاں تلمیحاں ورتدے نیں کہ اللہ والیاں دی گل نہ منن والیاں، اوہناں نوں تنگ کرن والیاں، تے خواہ مخواہ مخالفت کرن والیاں اتے اوہ طرح عذاب نازل ہوندا اے جیہں طرح قوم ثمود اتے حضرت صالح پیغمبر دی مخالفت کرن پاروں نازل ہويا سی۔ قوم ثمود نے پیغمبر نوں ایہتوں تیکر پریشان کیتا کہ اوہناں دی اونٹنی نوں وی ذبح کر دتا۔ اللہ تعالیٰ نے حق سچ دی مخالفت سیوں اپنا قہر نازل کر کے اوس قوم نوں نیست و نابود کر دتا۔ چنانچہ دنیاوی شان و شوکت تے اپنی وڈیائی اتے غرور نہیں کرنا چاہیدا کیوں جے جی تے وڈی ذات اکو ای اے تے اوہ رب دی ذات اے، جیہدی ربوبیت تے وڈیائی دا اقرار ایس کلمہ طیبہ راہیں کرنے آں۔

پنجویں وعظ وچ اوہناں لوکاں دا ذکر اے جیہڑے بظاہر اسلام تے قبول کر چکے نیں پر اوہناں دے خون خمیر وچوں ابے ہندو دھرم دے اثرات نہیں گئے۔ چنانچہ ایسے لوکاں دے مومنوں اذان دی آواز سن کے کلمے دی تھاں ”سچ نام کرتا چوکھ“ نکل جاندا اے۔ ایسے بندیاں نوں ایس وعظ وچ ایہہ جُھڈا دتا گیا اے کہ اسلام قبول کرن دا مقصد صرف زبانی کلمے دا اقرار نہیں اے سگوں ایس نوں اپنے خون خمیر تے روح وچ رچان دی ضرورت اے تاں جے ہر ساہ دے نال اللہ سچے دا نال ای زبان اتے آوے۔

بھیویں وعظ وچ اسلامی احکامات نوں عملی صورت دین اتے زور دتا گیا اے۔ خدا دی وحدانیت دا اقرار، اوہدے نیک بندیاں نال پیار کرن، اوہناں دی نصیحت اتے عمل کرن، دکھیاں دی سیوا کرن، مکھیاں لنگیاں دی مدد کرن، لاچ توں بچن، غرور تکبر توں پرے رہن، کسے نال ظلم زیادتی نہ کرن، درویشی اختیار

کرن ، ادھار نہ لین ، نگنن نہ بنن ، شیخی نہ مارن ، پل پل ساہ خدا دی امانت سمجھن ،
 مہماناں دی خاطر مدارت کرن تے وڈیاں دی عزت آدر کرن دی تلقین کیتی گئی
 اے۔ جے ایہہ آکھیا جاوے کہ پنجاب و عظام دا نچوڑ تے روح بھیسویں و عظم وچ
 پوری طرح بیان کر دتی گئی اے تے غلط نہ ہووے گا۔ انج محسوس ہوندا اے جیویں
 ایہہ و عظم نوشہ صاحب دی زندگی دے آخری دنوں دا اے کیوں جے ایہدے وچ
 و عظم گھٹ تے نصیحت دا رنگ زیادہ گوڑھا اے۔ ایہناں و عظام دی فکری اساس
 نوں ویکھدیاں ہوياں ایہہ آکھیا جا سکدا اے کہ ایہہ و عظم اوہ تبلیغی نصاب اے
 جیہدے وچ اسلامی عقائد دی روح سموئی گئی اے تے ایسے روح دی عملی صورت
 شرع اے۔

نوشہ صاحب دے و عظام اتے لسانی تے تاریخی حوالے نال گل بات کرن
 توں پہلے ایس حقیقت نوں ذہن وچ رکھنا ضروری اے کہ پنجابی زبان تاریخی تے لسانی
 کچھوں ہزاراں ورہے پرانی اے تے ایس حوالے نال ایہدے وچ تخلیق ہون والا
 ادب وی کافی پرانا اے۔ پر پنجابی زبان دا اوہ روپ جیہڑا اج ساڈے سامنے ہے یاں
 جتھوں سانوں پنجابی سمجھ آون لگ پیندی اے ایہدا مڈھ صحیح معنیوں وچ اودوں بجھتا
 شروع ہويا جدوں مسلمان باقاعدہ پنجاب وچ آن کے آباد ہوئے۔ بھادیس عریاں دے
 تجارتی تعلقات ہندوستان نال بہت پرانے سن پر اک فاتح تے مبلغ دی حیثیت نال
 مسلمان محمد بن قاسم دے حملے (712ء) ولے آئے۔ مسلمان مبلغاں دیاں بھرویاں
 کوشاں دا سلسلہ نویں دسویں صدی توں شروع ہوندا دکھائی دیندا اے ، جیہڑا
 یارھویں بارھویں صدی وچ اپڑ کے باقاعدہ اک تحریک دی شکل وٹا گیا۔ 1005ء دے
 نیزے حضرت اسماعیل نے لہور دے آل دوالے نوں اپنی تبلیغ دا مرکز بنایا تے
 ایہناں توں مگروں 1070ء وچ ملتان وچ اسماعیلیہ فرقہ دے اٹھارویں امام مستنصر باللہ
 نے تبلیغی سلسلے دی ابتداء کیتی۔ ایہہ بزرگ ست گور نور دے نال نال وی مشہور
 نیں۔ ایس سلسلے نوں اگے ودھاون وچ شاہ شمس سہروردی (1276ء - 1165ء) پیر
 شباب الدین ، پیر صدر الدین ، پیر کبیر الدین حسن دریائی تے پیر تاج الدین نے اہم
 کردار ادا کیتا۔ 1467ء تیکہ ایہناں مختلف بزرگاں نے جیہڑی شاعری کیتی اوس نوں
 ”گرنان“ آکھیا جاندا اے تے ایہہ لوہانکا رسم الخط وچ اے۔ ایس عرصے تیکہ سوائے

لظم توں نثر دا کوئی نمونہ نہیں ملدا۔ پر ایس دا مطلب ایہہ نہیں لیا جا سکا کہ اوس زمانے وچ نثر نہیں سی لکھی جاندی عام لوک نثر وچ ای گل بات کردے سن تے شعر وی اودوں ای تخلیق ہوندا اے جدوں زبان لوکاں دیاں کہن تے سُمن دیاں ضرورتاں پوریاں کرن دے قابل ہو جاوے۔ ایس طرح لظم تے نثر دی عمر تقریباً "اکو بیس سترہویں جا سکدی اے۔ شاہ شمس سبزواری تے اوہناں توں بعد دے بزرگاں دی زبان اونی صاف نہیں جی بابا فرید گنج شکر دی شاعری وچ نظر آوندی اے جدوں بابا فرید ایہہ آکھدے نیں۔

اُٹھ فریدا مُستیا ، جھاڑو دے میت!
توں مُستا رب جاگدا تیری ڈاڈھے نال پریت
تے بابا جی دا ایہہ شلوک صاف دسدا اے کہ اوس ویلے کس قسم دی پنجابی بولی جاندی سی۔ ایس توں کجھ عرصہ پہلے تک زبان دا انداز ایہہ سی۔

روپا محمد سونا خدائی دوہوں وچ دنیا غوطہ کھائی
بابا رتن حاجی ایسی کہیں جتے نیارا راہیں
حاجی بابا رتن دے ایس شلوک دا جماندرا اپ بھرنش تے برج بھاشا ورگا اے جدوں کہ بابا فرید دا شلوک دسدا اے کہ پنجابی زبان نے بابا فرید دے عمد وچ ای اپنا تعلق برج بھاشا تے اپ بھرنش نالوں توڑ لیا سی۔ ایہدے مقابلے تے عربی فارسی دے لفظاں نوں پنجابی وچ زیادہ جگہ ملن لگ پئی تے روز مرے تے محاورے شاعری وچ ورتے جان لگ پئے سن۔ اتھے ایہہ وی گل یاد رکھن والی اے کہ محاورہ یاں اکھان کسے زبان وچ عوامی سطح اتے ورھیاں بدھی تجریاں توں بعد ہوند وچ آوندا اے، پر ایہہ سارا کجھ بابا فرید تے اوہناں توں بعد امیر خسرو (1325ء - 1253ء) دے کلام وچ، جیس بھرپور طریقے نال نظر آوندا اے اوہدے توں انج گلد اے جیویں ایس عمد توں پنجابی زبان دا اک نواں دور شروع ہویا اے۔ ڈاکٹر موہن سنگھ دیوانہ ہوراں اپنی کتاب "پنجابی ادب دی مختصر تاریخ" وچ امیر خسرو دیاں جبریٹیاں چالھی جُجھارتاں دتیاں نیں اوہناں وچ شعر تے نثر دا ریلواں جُجھواں ڈھنگ پایا جاندا اے۔ مثلاً "ایہہ جُجھارتاں دیکھو۔

2 - پاروں آیا بابا لشکری ، جاندا جاندا کر گیا لشکری۔

3 - نکا جیہا ویٹر کا دو سنگیاں مارے۔

4 - عجب ڈنھی اک گڑی راجے پک لہائے۔

5 - چونے گچ حویلی بوہا کوئی نہ۔

6 - آلا بھریا کوڈیاں وچ تو تک نہچے۔

بعض لکھاریاں نے اینناں بھارتاں نوں لظم دی بجائے نثر دے ٹوٹے قرار دتا اے پر کیوں جے اینناں وچ نثر دا کوئی اصول مکھ نہیں رکھیا گیا بلکہ شعری انداز وچ لکھیاں گیاں نیں ایس لئی ایس اینناں نوں سدھی سانویں نثر نہیں آکھ سکدے۔ پندرھویں سولہویں صدی وچ بابا نانک (1539ء - 1449ء) تے بابا فرید گنج شکر دے شلوک گرنتھ وچ داخل کرن لئی اوس ویلے دے گدی نشین ابراہیم فرید ثانی کولوں اجازت لئی۔ ایس موقعے اتے دوہاں بزرگاں وچکار جیہڑی گل بات ہوئی اوس نوں گوشت دے روپ وچ محفوظ کرتا گیا۔ ایس گل بات نوں وی نثر دے نمونے دے طور تے پیش کیتا جاندا اے۔ حالانکہ ایہہ وی منظوم اے ملاحظہ کرو۔

سوال نانک جی: پڑھتے پڑھتے دند گھسے کسے نہ کہیتی ہو۔

جواب فرید ثانی: اکیو حرف پریم دا پڑھے سو پنڈت ہو۔

سوال نانک جی: صاحب ویاں دو حد اں - کس نوں پکڑاں کس نوں چھڑاں۔

جواب فرید ثانی: صاحب کی دو حد سچ نوں پکڑ گوڑ نوں چھڑ۔

نانک جی توں بعد اوہناں دے مریداں اوہناں دیاں جنم ساکھیاں نثر دے روپ وچ لکھیاں پر اوہناں دی زبان برج بھاشا ورگی اے خالص پنجابی نہیں۔ صرف اک نمونہ لکھو۔

”اک دن بابا نانک بیٹھا تھا دھیان کیا تب دیکھے تاں

پر میشر کاسرن کوئی ناہیں کرتا۔ سبھ مایا کوں لپٹائے پڑی ہے۔ تب

بابے نانک نے کیا ، اے پر میشر تجھ کوں کوئی نہیں جانتا دھیانا

گاتا سبھ مایا مایا کر دی ہے۔“

1604ء دے نیڑے گوروارجن نے گرنتھ مرتب کیتا پر اوہدی زبان اتے

ایہہ رنگ ہو ر پکھا ہوندا گیا اے۔ ایہو ای دور اے جدوں اگے چل کے حضرت

نوشہ گنج بخش نے شاعری تے نثر راہیں اپنے وچاراں دا اظہار کیتا۔ مسلم تے غیر مسلم شاعراں تے ادیبان دے حوالے نال ایہہ گل کھل کے سامنے آوندی اے کہ ہر قوم دے ادب دے ابتدائی نمونیاں اتے مذہب دا رنگ غالب اے۔

نوشہ گنج بخش دے وعظ پڑھدیاں ہوياں صاف پتہ لگدا اے کہ ایہہ نثر بڑی صاف ستھری تے سمجھ آون والی اے۔ ایس توں پہلے جنے وی نمونے مدے میں اول تے اوہ نثر نہیں تے جے دھکو دھکی اوہناں نمونیاں نوں نثر ثابت کر دی ویا جاوے تے اوہ پنجابی دی نثر نہیں سگوں برج بھاشا تے اپ بھرنش دے بچے کچھ نمونے آکھے جا سکدے نیں۔ چنانچہ نوشہ گنج بخش اوہ پہلے مسلمان صوفی میں بیہڑے شاعر ہون دے نال نال نثر نگار وی نیں تے اوہناں دی نثر نوں پنجابی دی قدیم ترین نثر آکھیا جا سکدا اے۔ تحقیقی کچھوں ایہہ ثابت ہوندا اے کہ اوہناں ایہہ وعظ اپنے مرشد حضرت خلی شاہ سلیمان نوری کولوں خلافت تے اجازت توں بعد 1065ھ توں 1103ھ دے درمیانی عرصے وچ لکھے۔

ایہناں وعظاں وچ لسانی تے فنی حوالے نال کئی خوبیاں موجود نیں۔ ایہناں وعظاں وچ نیم لندا بولی اپنائی گئی اے۔ ایس ایہوں نیم لندا بولی ایس لئی آکھیا اے کہ اوہناں صرف مستقبل دے سمجھ لئی مرکزی بولی وچ ”ہووے گا“ دی تھاں ”ہو“ ورتیا اے۔ ایس طرح اک دی تھاں ہک استعمال کیتا اے۔ نوشہ پیر نے بہن وال (پنڈ وادن خان) توں لے کے گجرات دی مجوہ وچ اپنی حیاتی گزاری۔ ایہہ علاقہ اک پاسے پوٹھوہار تے دوجے پاسے پہاڑی بولیاں دے اثر تھیں آوندا اے تے ایہدے چڑھدے پاسے میدانی علاقہ اے۔ چنانچہ ایہہ علاقہ اپنی جغرافیائی کیفیت پاروں پنہاں تے جہلم دا مرکز بن جاندا اے۔ ایس علاقے دے لہجے اتے آل دوانے دے علاقیاں دے لہجے وی اثر انداز ہوئے نیں۔ ایہناں وعظاں دی زبان اتے ایہہ اثر جستر تے لفظی دے حوالے نال ویکھیا جا سکدا اے۔ جیویں کرلیا تیس ، آکھوس ، کٹھے ، سکے وغیرہ ایس طرح بھاشا دے کچھ لفظ وی ہن جیویں ”سکھر“ تاہیں وغیرہ وغیرہ۔

نوشہ گنج بخش دے ایہہ وعظ خطابی نثر دے زمرے وچ آوندے نیں۔ نوشہ صاحب اوہناں ساریاں خوبیاں توں واقف نیں ، بیہڑیاں خطابی نثر وچ ہونیاں ضروری

نہیں۔ اوہناں دا گل کرن دا انداز بڑا نرم ، دھیما تے ایٹا مٹھا اے کہ اوہ جدوں گل شروع کر دے نیں تے مٹنن والے دا دھیان اپنے آپ اوہناں ول کھیجا جاندا اے۔ رب نوں سائیں ، رب دے نیک بندیاں نوں سائیں والے تے عام لوکاں نوں ”بابا لوکا“ دے لفظ دے کے اوہناں نے اپنے وعظاں وچ جیڑی نرمی تے حلیمی پیدا کیتی اے اوہ اوہناں دی ساری نثروں مٹھاتے من کھچواں بنا گئی اے۔ ذرا وعظاں دے ابتدائی جملے دیکھو۔

پہلا وعظ

بابا! سائیں والیاں فرمایا ہے جو سائیں خود مختار ہے جو
مندا بیس سو بندہ بیس۔ اوہ جویں رکھے تویں رہیے۔ اوس
تے کسے دا حکم ناہیں۔ اوہ سب دا حاکم ہے۔ کون سائیں نوں
آکھے ایوں نہیں تے ایوں کر۔۔۔۔۔۔

بابا! سائیں لوک سائیں دے مناون ، بھلیائی دے کراون
آوندے ہین۔ اینناں نوں ہور کسے کم دی غرض ناہیں۔ قصے
کہانیاں بے فائدیاں نال اینناں نوں کیہ؟ جو آکھن قیامت
کدوں ہوسی۔ جدوں ہوسی ، بدوں ہوسی تنناں چنگیائی کردتے
سائیں تھوں ڈرو۔ کلمہ سچ دا بھرو۔

دو جا وعظ بابا ! جو کوئی نت مندائی کروا ہے تس دے ہاؤں تے
دوسری دا کٹ ہو لکے ودھدے ودھدے بجھ جاویدا ہے تے
ہاؤں کالا کر دیندا ہے۔

تجنا وعظ بابا! جے توں واٹ چچی رسدھی، سولی سائیں والیاں دی
ملیں تاں کدیں نہ ٹھڑیں تے کدیں نہ رتھڑیں۔ پر ایسہ واٹ
سائیں والیاں نال ملیاں سچے ساتھ رلیاں پچیاں گلاں سنیاں
بجھیاں، پچیاں دے آکھے لگ ٹریاں چلیاں بھدی ہے۔

چوتھا وعظ

تو بابا ! سائیں سائیں والیاں وال ڈنگیائی بھلی تھیں
- جو آکڑی - سو آکڑی - کسے ڈیائی تے مھلیے تھیں - پڑھ کلمہ
بچ دا - (آخری حصہ)

پتھرواں و غظ صنو سگھرے بالو! درویش نوشاہ دی مت - بھ

وڈیاں تھوں سبھ وڈیائی تھوں وڈی وڈیائی سائیں دا ہک جانن
ہے۔ سائیں دے پیاریاں نال پیار کرن ہے۔

سیانیاں دا قول اے کہ تحریر ہمیشہ لکھن والے دی شخصیت دا پرتو ہوندی
اے۔ نوشہ گنج بخش دی طبیعت دی علمی، بردباری، اخلاق، ہمدردی، بے لوث
خدمت گزاری تے علمیت ورگیاں سفتاں تے خوبیاں نے اوہناں دے فن وچ ایہی
روح پیدا کر دی اے کہ پڑھن والا لسانی سطح توں وکھ روحانی سطح اتے وی اوس توں
متاثر ہوویں بغیر نہیں رہ سکا۔ جیوں جیوں اینناں وعظاں نوں پڑھدے چلے جاؤ
طبیعت وچ اک لطیف جیہاگداز پیدا ہون لگ پیندا اے تے ایہہ احساس بار بار
ساڈی روح نوں مُبدا اے کہ ایہہ وعظ کسے ایہی سفتاں والی عظیم ہستی دے نیں،
بیدار دل شیشے وانگوں صاف تے جیہدی سوچ بڑی اُچی تے سچی اے۔ کاش کدی
ایہناں وعظاں دے لکھاری نال ملاقات وی ہوندی جیہڑا عظیم صوفی، وڈا مفکر، مصلح
تے ہادی اے۔ جیہڑا شریعت تے طریقت دا رہبر اے، جیس نوں دینی تے دنیاوی
علوم اتے عبور حاصل اے تے اوس دا دل تے علم سمندروں وی ڈونگھا اے۔

حوالے

- 1 - شرافت نوشاہی، شریف التواریخ۔ اذکار نوشاہیہ، تذکرہ نوشہ گنج بخش۔
گنج شریف، برق نوشاہی، نوشہ پیر، تذکرہ نوشہ گنج بخش۔
- 2 - نوشہ گنج بخش حیاتی، فکر تے فن (تحقیقی مقالہ، پی ایچ۔ ڈی) ڈاکٹر
عصمت اللہ زاہد۔
- 3 - ”چار بہار“ نوشہ گنج بخش دے ملفوظات نیں، جیہڑے پنجابی زبان دے
مشہور شاعر ہاشم شاہ تھریالوی نے مرتب کیتے۔
- 4 - منتخب التواریخ۔

پنجابی ادب دی ترقی وچ انگریزاں دا حصہ

پنجابی زبان تے ادب بارے انگریزاں دا کم ولیم کیری دے نال توں شروع ہوندا اے۔ برصغیر ہندوستان وچ جدوں تجارتی کمپنیاں نے اپنے پیر جمائے تے ایسٹ انڈیا کمپنی نے کلکتے وچ فیکٹری بنائی تے تجارت دے نال نال اتھے وی سیاست وچ پیر پالیا۔ شروع شروع وچ انگریزاں دی ایسہ پالیسی رہی کہ مقامی وکلاں دے مذہب وچ دخل نہ دتا جائے۔ ایس پاروں اتھے پادریاں تے مبلغاں دے آون دی حوصلہ افزائی نہ کیتی گئی۔ انگریز ملازماں دی مذہبی تربیت لئی راکا دکا پادری ایاندا جاندا سی، جیہڑا اوہناں نوں مذہبی درس دیندا رہندا سی۔ جدوں انگریزی قبضہ ودھدا چلا گیا تے انگلستان وچ مذہبی تبلیغ لئی زور ودھیا۔ کسیاں انگریزاں مذہب دی خاطر انگلستان وچ تبلیغ لئی اپنیاں جائیداداں وقف کرنیاں شروع کیتیاں تے چندے وی دینی انجمنیں نے جمع کرنے شروع کیتے۔ اُنہویں صدی دے شروع وچ تبلیغ دا ہڑھ آ گیا۔ پبلسٹ مشنری سوسائٹی دے قیام نال کیری تے ہور کئی دوجے مبلغ سامنے آئے۔ دوجے ملکاں وچ وی انجیل دے پیغام نوں سنان دا شوق اک کانگ وانگوں آ گیا۔ پر ایس ویلے انگریزی حکومت پادریاں نوں اجازت دین توں انکاری ہوئی تے انگلستان دیاں کئی تبلیغی جماعتیں نوں سوچنا پیا کہ کس طرح اوہ ہندوستان وچ اپنا تبلیغی کم شروع کرن۔ تبلیغ دا لائسنس نہ ملن توں بعد ایسہ سوچیا گیا کہ پادری لوک کلکتے دی تھاں تے اپنا ڈیرہ ڈنڈا کلکتے توں پندرہ میل شمال ول دریا دے کنڈھے سی رام پور وچ لان۔ 1799ء وچ ایس قصبے تے ڈنمارک دی حکومت دا قبضہ سی۔ اتھے رہن والے ڈنمارک دی رعایا تصور ہوندے سن ایہناں تے انگریز قانون لاگو نہیں سی کیتا جا سدا۔ ولیم کیری نے 10 جنوری 1800ء وچ اتھے اپنی رہائش اختیار کر لئی۔ ایتھوں آسانی نال کلکتے تے دوجے نیزے دے پنڈاں وچ جا کے کم کیتا جا سدا سی۔ ایس

طرح ”ہوڑا“ دا اہمہ علاقہ پادریاں دا گڑھ بن گیا۔ چھ مشنریاں اتھے اپنا اک تھاں خرید لیا تے اک پریس لایا۔ مذہبی کتاباں دے بنگالی تے دوجیاں زباناں وچ ترجمے کرنے شروع کیتے۔ 1805ء وچ عیسائی پادریاں لئی انگریزاں دے قبضے وچ آئے ہوئے علاقے وچ تبلیغ کرن وچ قانونی مشکلاں بینیاں شروع ہوئیاں تے اینہاں نوں مقامی لوکاں وچ تبلیغ توں منع کر دتا گیا۔ سی رام پور تے اوہدے آلے دوالے ای دوجیاں سرگرمیاں سنگڑ کے رہ گئیاں۔ 1808ء دے موسم بہار وچ انگریزاں دا قبضہ سی رام پور تے وی ہو گیا تے ہُن پادری ہور وی مشکل وچ پھس گئے۔ ایس ویلے تک ولیم کیری تے اوہدیاں ساتھیاں نے پریس لائے۔ بائبل دے ترجمے بنگالی زبان دے علاوہ سنسکرت، اوڑیہ، مرہٹی، ہندی تے گجری وچ چھاپنے شروع کیتے۔ فارسی، تلگو، کناری، پنجابی، برہمی تے چینی ترجمے وی تیار کیتے تے چار زباناں وچ پوری بائبل دا مکمل ترجمہ وی کر چھڑیا۔ 1811ء وچ پادریاں نوں حکومت نے سہولتاں دین دا ارادہ کیتا تے ولیم کیری تے اوہناں دے ساتھیاں نوں سکھ دا ساہ آیا۔ آخر 1813ء وچ پارلیمنٹ نے کمپنی نوں نواں چارٹر دتا تے تبلیغ دی کھل مل گئی۔ 1805ء وچ بیہڑی سختی ہوئی سی اوہدا ہن علاج ہو گیا۔ ایس دوران وچ 1810ء وچ کیری نوں آگرے وچ نواں مرکز کھولن دی اجازت ملی۔ کیری نوں شمالی ہند دے ایس وڈے شہر نوں مرکز بنان دا حوصلہ ہویا۔ اہمہ تھاں وی سکھاں دے علاقے دے نیزے سی۔ ایس کر کے ہُن اوس بائبل دے ترجمیاں لئی پنجابی زبان نوں اہمیت دینی شروع کیتی۔ 1802ء وچ نواں تے پرانا عہد نامہ بنگالی دے ترجمے تے فیر جنوب دیاں دوجیاں زباناں (اوڑیہ، سنسکرت، ہندی، مرہٹی) دی واری آئی۔ 1801ء وچ کیری فورٹ ولیم کالج وچ بنگالی معلم ہویا تے اوس نوں مقامی لوکاں وچ تبلیغ دی اجازت ملی۔ 1805ء وچ کیری نوں فورٹ ولیم کالج وچ بنگالی دا پروفیسر بنا دتا گیا تے اوہدا لکھن پڑھن دا کم سکھلا ہو گیا۔ اوس سی رام پور وچ اپنا اڈا قائم رکھیا۔ اوہ کلاس لین واسطے گلکتے آوندا جاندا رہندا سی ایس زمانے وچ اوس دب کے ترجمے کرن دا کم جاری رکھیا، تے نویں عہد نامے دے مقامی ترجمے 1812ء توں شروع ہوئے۔ مس کیتھر س سمتر اپنی کتاب Early Indian Prints وچ نویں تے پرانی بائبل دے پنجابی ترجمے بارے لکھدیاں نیں (پنجابی کتابیں، ضمیمہ، دیباچہ، صفحہ 18 تے 19) پنجابی

وچ سی رام پور وچ پہلا ترجمہ 1811ء وچ پھپھا۔ اوہناں دا خیال اے اسہ ترجمہ غالباً ”اگورام سنگھ پنڈت نے کیتا سی۔ ایس سال مگروں 1812ء وچ کیری نے پنجابی دی گرامروی چھاپ چھڈی۔ ایدے اتے کیری دا ناں وی پھپھا سی۔ کیری نوں زبان سکھن دا بڑا چاہ سی۔ اوس تھوڑی جیہی محنت نال بنگالی تے اینا عبور حاصل کر لیا کہ اوہدی گرامر لکھی۔ ایسے طرح سنسکرت، مرہٹی، پنجابی، تلگو تے کناری دیاں گرامراں وی لکھیاں تے ڈکشریاں وی تیار کر دتیاں۔ 14 مارچ 1812ء نوں سی رام پور دی عمارت وچ اک لگ گئی بیس وچ کتاباں تے کاغذ دا سارا شاک تے کیری دے بھ ترہیاں دے مسودے سڑ کے سواہ ہو گئے۔ کوئی دس ہزار پونڈ دا نقصان ہو گیا۔ ولایتی کاغذ اک ہزار رم، کئی من دیسی کاغذ، چار ہزار چار سو پونڈ دا سکے دا ٹائپ، عبرانی، فارسی، عربی تامل زبانوں دا کل ولایتی ٹائپ، ناگری، تلگو، پٹھانی، برہمی، مرہٹی، پنجابی، اوڑیہ، تامل، چینی تے کشمیری زبانوں دے اک سو چار فاؤنٹ وی ضائع ہوئے۔ پریس دیاں مشیناں دے صرف ڈھالن والے سچے بچ گئے تے اینہاں دی مدد نال چھاپن واکم پھیتی چل پیا۔ ترہیاں بارے کیری خود آکھدا اے۔ ”سنسکرت دا ترجمہ آپ منشی نوں لکھاندا ساں باقی ترجمے پہلاں دوجیاں زبانوں دے پنڈت کردے سن، گورکھی دے ترجمے وی پہلاں پنڈتاں نے کیتے۔ اینہاں ترہیاں تے میں نظر ثانی کردا ساں۔ سنسکرت وچ سیموکیل دی دوجی کتاب تے سلاطین دی پہلی جلد سواہ ہوئی۔ اوڑیہ دا سارا ترجمہ بچ گیا۔ کشمیری، برہمی نسخے وی بہت سارے اک توں بچ گئے۔ بنگالی ڈکشنری دا تریبی صفحے دا تنگانہ گرامر ساری، پنجابی دے مسودے دے کئی جزو محفوظ رہ گئے تے پھیتی ترجمے چھاپن واکم اگے ٹر پیا۔“ 1812ء توں بعد پنجابی دیاں جیہریاں کتاباں سی رام پور وچ چھاپے چڑھیاں اوہناں دی فرست کجھ انج اے۔

1815ء وچ پنجابی وچ بالیل وچوں موسیٰ دیاں پنج کتاباں تے تواریخ دیاں دو

کتاباں۔

1817ء وچ انانجیل متی، مرقس تے لوقا۔

1817ء وچ موسیٰ دیاں پنج کتاباں۔

1819ء وچ تواریخ، کتاباں۔

1826ء وچ صحائف انبیاء۔

ایسہ سارے ترجمے جے کیری دے کیتے ہوئے نہیں تے اوہدے نظر ثانی کیتے ہوئے ضرور نہیں۔ 22 جنوری 1818ء نوں کیری نے اپنے اک خط وچ ایسہ خبر دتی سی کہ گورکھی زبان وچ یوحنا دی انجیل اخیر تیکر ترجمہ ہو چکی اے۔ 1830ء وچ فورٹ ولیم کالج وچ پڑھائی بند ہو گئی تے کیری نوں تیشن مل گئی۔ آمدنی گھٹی تے اخیر بیسناں دو بینکاں وچ مشنری داپیسہ سی اوہ فیل ہو گئے تے سی رام پور دے مرکز نوں پیسے ولوں ڈاڈھی تھوڑ ہو گئی۔ مگروں کیری 9 جون 1834ء نوں فوت ہويا تے سی رام پور دی مشنری دے کم نوں دھکا لگا۔

ایس جائزے توں پتہ لگدا اے پئی عیسائیاں نے سبھ توں پہلاں مذہبی ضرورتاں لئی پنجابی زبان ول توجہ کیٹی تے سبھ توں پہلاں بائبل دے ترجمے پنجابی گرامر تے ڈکشنری دا کم ہويا۔

شمالی ہندوستان ول عیسائیاں دی توجہ لدھیانہ مشن دے قائم ہون نال ہوئی۔ پادری جان لاری تے پادری ولیم ریڈ نوں ایسہ اختیار سی کہ اپنا تبلیغ دا میدان خود انتخاب کرن۔ اوہناں ایسہ تھاں چنے: اول آسام، دوم اودھ تے روہیل کھنڈ، سوم گنگا تے جمنہ دا درمیانی علاقہ یعنی دو آب، چہارم پنجاب، پنجم راجپوتانہ، ششم وسطی صوبے ایسناں وچوں پنجاب نوں مرکزی حیثیت حاصل سی۔ ایس لئی 1834ء وچ لدھیانہ وچ پہلا مرکز بنایا گیا۔ لاری 1834ء وچ لدھیانہ وچ ڈیرا لایا۔ ستمبر 1835ء وچ اپڑیا۔ لدھیانہ سبھ توں وڈا مرکز بنیا۔ ایہدے بعد سہارنپور (1836ء) سہاتھو، جالندھر (1847ء) انبالہ (1849ء) پنجابی وچ سکھاں دی حکومت 1849ء وچ چکی تے انگریزاں دا قبضہ ہو گیا۔ ایس توں بعد پورے پنجاب وچ عیسائیاں دیاں مشنریاں قائم ہون دیاں گئیاں۔ ڈیرہ، راولپنڈی، ہوشیارپور، فیروزپور کئی سنٹر کھلے پر جو اہمیت پنجابی ادب لئی لدھیانہ نوں ملی کسے ہو رہا تھاں نوں نہ مل سکی۔ پادریاں تبلیغ لئی کئی طریقے ورتے۔ لوکاں وچ پنڈ و پنڈ تقریراں تے مباحثے کرن دے علاوہ اپنا لٹریچر چھاپ چھاپ پہلاں مفت تے فیر تھوڑی جیسی قیمت رکھ کے وپچیا۔ ہسپتال تے مدرسے قائم کیتے۔ بیسناں وچ لوکاں دی مذہبی برین واشنگ کیٹی جاندی سی، نوکریاں دین دوان دا لارا وی دیندے سن، سبھیاں دی مالی امداد تے معذوراں دی

مدد نال وی عیسائی بنان وچ مدد ملدی سی۔ پر مذہبی لٹریچر پراپیگنڈے دا سبھ توں وڈا وسیلہ سی۔ 1836ء وچ لدھیانے وچ اک پریس لایا گیا۔ ایستھوں پہلی چیز جیہڑی چھپی اوہ اک فارسی کتابچہ سی ”ساری دنیا لئی اک پیغام“ ایس وچ پہاڑی وعظ دا ترجمہ سی تے نال نویں عہد نامے وچوں کچھ حصے سن۔ کیپٹن ویڈ (Wade) پولیٹیکل ایجنٹ دی مدد نال اک فارسی اخبار ”لدھیانہ اخبار“ وی جاری کیتا گیا۔ فارسی ول توجہ دا سبب ایہہ سی کہ ایس ویلے سکھاں دی سرکاری زبان وی فارسی سی، پر پادریاں دا واہ تے بہتا مقامی لوکاں نال سی۔ ایس کر کے مقامی زبانوں ول بہتی جھیتی توجہ ہو گئی۔ اردو دیاں کتاباں اردو اکھراں وچ وی تے رومن اکھراں وچ وی چھاپیاں گئیاں۔ پنجابی زبان دیاں کتاباں گورکھی وچ وی تے اردو حرفاں وچ وی چھاپیاں۔ ہندی دیوناگری وچ تے کشمیری اردو رسم الخط وچ، سندھی گورکھی رسم الخط وچ، ہماری دیوناگری وچ، چھاپیاں گئیاں۔ چھاپے نے اٹھ سالاں وچ (1844ء تیکر) 18,000,000 صفحے دوجے دس سال وچ 39,000,000 تہی دہائی وچ 55,000,000 چوتھی وچ 80,000,000، پنجویں وچ 75,000,000 تے ایس طرح کل 48 ورہیاں وچ 267,000,000 صفحے چھاپ چھڈے۔ (تفصیل لئی ویکھو P. Mission in India History of A. الہ آباد 1886ء) لدھیانہ مشن نے پنجابی زبان وچ جو کم کیتا اے اوہدا تجزیہ کریے تے پتہ لگدا اے پئی:

1- عیسائی پادریاں نوں پنجابی سکھان لئی۔

(الف) گرامراں تے ڈکشنریاں دی تدوین۔

(ب) سرکاری انگریز ملازماں نوں زبان سکھان لئی سیکور کتاباں تے درسی کتاباں۔

2- (الف) مقامی لوکاں نوں عیسائی بنان لئی بائبل دے ترجمے تے تشریحاں۔
(ب) تبلیغی لٹریچر:

1- اخلاقی قصے جیہناں وچ نیکی دی تلقین سی۔

2- ہندوواں نوں عیسائی کرن لئی خاص خاص کتاباں۔

3- دوجیاں مذہباں دے من والیاں نوں اڈے لان لئی کتاباں۔

4- مناظرے دیاں کتاباں۔

5- کتاباں چھاپن دے سرکاری آرڈر

جے کر وڈی وند کرے تے ایہناں کتاباں نوں دو حصیاں وچ وٹیا جا سکدا اے:

(الف) علمی کتاباں۔

ڈکشنریاں، گرامراں تے حوالے دیاں کتاباں۔

(ب) عام لوکاں لئی مذہبی رسالے تے کتاباں۔

ساڈے لئی (الف) حصہ زبان اہم اے۔ پنجابی زبان دیاں ڈکشنریاں دی ابتداء شارکی دی ڈکشنری توں ہوئی۔ ایہ ڈکشنری عربی دیاں لغاتاں وانگوں نہیں سی کہ لفظ دے اصل نوں سامنے رکھیا جائے تے پہلے تے اخیرے حرف نوں بنیاد بنایا جائے۔ ایہ فارسی دی طرز تے وی نہیں سی جیہں وچ حرف ججی دی سختی نال پابندی نہیں ہوندی۔ ایس وچ ادہ انگریزی سچا ورتیا گیا، بیہٴ اوس توں پہلاں فورٹ ولیم کالج وچ اردو لئی ورتیا گیا سی۔ ایہ ڈکشنری پنجابی سکھن والے پادریاں دیاں ضرورتاں لئی سی۔ ایہدے بعد پنجابی زبان وچ ڈکشنریاں لکھن دی اک روایت چل پئی۔ پادریاں نوں پنجابی ادب نالوں زیادہ واہ پنجابی لوکاں نال پیندا سی۔ پنڈاں وچ پنجابی دے علاقے وار انگ سن۔ پہلاں لدھیانے دی بولی بارے ڈکشنریاں بنان دا چارا ہویا، فیروپھوس صدی وچ لالپور، حافظ آباد تے دوجیاں علاقیاں دیاں ڈکشنریاں دی عیسائی پادریاں تے دوجے انگریزاں نے چھاپیاں۔ شروع شروع وچ مقامی ذخیرہ الفاظ دل دی توجہ کیتی تے ایہدی ڈکشنری دی بنی۔ ایس طرح پادریاں اپنی اپنی ضرورت لئی کم کیتا۔ گرامر بارے زیادہ کم ہویا۔ سی رام پور توں ایہ روایت لدھیانے مشن دے ہتھ لگی تے ایہدے بعد دوجے علاقیاں وچ پنجابی دیاں گرامراں لکھیاں جان لگ چیاں۔

جان نیوٹن نے لدھیانے وچ بہہ کے 1851ء وچ ”گرامر آف دی پنجابی اینگوئج“ لکھی۔ ایس توں پہلاں 1849ء وچ ایس سی۔ شارکی نے بساوا سنگھ نال رل کے اک کتاب چھاپی سی، جیہدے وچ ڈکشنری تے گرامر تے بول چال درج سی۔ پر جان نیوٹن ہوراں دی کتاب کئی لحاظ نال ڈاڈھی اپی اے۔ ایس وچ ولیم کیری دی گرامر توں وی فائدہ اٹھایا گیا اے۔ پر ایہدا مقصد صرف انگریزی جانن والیاں نوں

پنجابی سکھانا نہیں بلکہ اوہناں انگریزی جانن والیاں نوں پنجابی سکھانا اے، جیہڑے ایس توں پہلاں اردو چنگی طرح جاندے نیں تے اردو دی مدد نال پنجابی سکھنا چاہوندے نیں۔ کتاب دی ونڈ ایس طرح دی اے کہ انگریزی گرامرں دی ترتیب نوں ساہنے رکھ کے زبان دے قاعدے بنائے گئے نیں۔ سبھ توں پہلاں اسم، اوبدے بعد ضمائر فیر فعل تے فیر صفت نوں درج کیتا گیا اے۔ ایس دے بعد علم نحو دے بارے وچ لکھیا گیا اے۔ جان نیوٹن دی کتاب ایہدے بعد پنجابی گرامر لکھن والیاں لئی نمونہ بن گئی۔ ایہناں دے پتر ای پی نیوٹن نے 1890ء وچ اپنے پیو دی گرامر نوں بنیاد بنا کے اک کتاب لکھی جیہدے وچ کئی دودھ کتے تے ایہنوں پنجابی سکھن والیاں لئی بہت زیادہ مفید بنا دتا۔ خاص کر کے کتاب دے پندرھویں باب وچ اوہناں پنجابی زبان دے بعض بڑے باریک مسلیاں نوں بڑا کھول کے بیان کیتا اے۔ ایس کتاب وچ اردو جانن والیاں دیاں ضرورتاں نوں ساہنے نہیں رکھیا گیا بلکہ انگریزاں نوں جیہڑیاں مشکلاں پنجابی سکھن وچ پیش آندیاں سن اوہناں نوں حل کرن دا چارہ کیتا اے۔ کتاب دی عام ونڈ اوہو ای اے جیہڑی کہ جان نیوٹن ہوراں قائم کیتی سی۔ ویسویں صدی وچ ایس کم نوں ڈھیرا گے لے جان وچ ڈاکٹر گراہم بیلی ہوراں نے 1904ء وچ ”اے“ بریف گرامر آف پنجابی ایز سپوکن ان وزیر آباد ڈسٹرکٹ“ لکھی تے 1925ء وچ کوہنگ ہوراں نال مل کے ”مینوئل اینڈ گرامر“ دے نال نال وڈی کتاب لکھی۔ ایہناں کتاباں وچ صوتیات دے نویاں اصولاں نوں ساہنے رکھیا گیا اے تے بول چال نوں بنیاد بنایا گیا اے۔ نیوٹن دی کتاب سکھی پنجابی دی گرامر سی تے بیلی دی کتاب مسلمانی پنجابی دی گرامر اے۔ بیلی پنجابی زبان دے ودھیرے جانن سن اوہناں ایس زبان دے اتے چنگا چوکھا کم کیتا اے تے ای۔ پی نیوٹن نالوں نمبر لے گئے نیں۔ اپنی کتاب وچ ایہناں ونڈ وی بدل دی اے۔ اسم دے بعد صفت، صفت دے بعد ضمائر نوں رکھیا اے۔ ایس ترتیب نال ایہہ کتاب انگریزاں نوں پنجابی سکھان لئی دو جیاں کتاباں نالوں زیادہ کار آمد ہو گئی اے۔

حوالے دیاں کتاباں دی پنجابی وچ بہت تھوڑی رہی اے چنانچہ

Weithbrecht 1886ء وچ اپنی کٹلاگ دے دیباچے وچ ایس دا بہت گلہ کرا اے۔ کی دی وجہ شاید ایہہ اے کہ پنجاب دے شہراں وچ اردو دا چلن سی تے

پادری زیادہ اردو وچ اپنے علمی کم کردے رہے۔ جدوں پنڈاں وچ تبلیغ دی لوڑ پئی تے پنجابی وچ مذہبی رسالیاں دا زور ہویا، علمی کم فیروں گھٹ ہویا۔ فیصل آباد (لاکل پور) تے دوجیاں قسماں وچ پنجابی اکھان تے رہتل بہت تال تعلق رکھن والے لفظاں دے رسالے ضرور بنائے گئے پر بہت وڈا کم نہ ہو سکيا۔ لے دے کے کلنگاں دا تھوڑا جیہا کم ہویا۔ سبھ توں پہلاں 1872ء وچ ڈاکٹر Murdoch نے Indian Christaian Literature چھاپی فیرو پادری H. U. Weithrecht نے 1886ء وچ descriptive Catalogue of Urdu Christian Literature A دے ناں تال اپنی کتاب چھاپی۔ جیس دے وچ اک ضمیمہ وی شامل اے۔ جیس وچ پنجابی دیاں کتاباں دی فہرست اے۔ ایس توں مگروں لسانیات دے حوالے تال گریسن دی A Linguistic Survey of India اے جیس دی نویں جلد پنجابی ادب بارے اے تے لسانی لفظاں توں علاوہ ایس وچ پنجابی کتاباں دی فہرست وی شامل اے۔ ایس توں بعد Blomhardt نے پنجابی دیاں چھپیاں ہوئیاں کتاباں دی فہرست چھاپی۔

مذہبی رسالیاں وچ بائبل دے چھ حصیاں دا پنجابی ترجمہ، قصے، کہانیاں دی شکل وچ مذہبی مبلغ لئی نکیاں نکیاں کتاباں تے مناظرے دے کچھ رسالے نیں تے بھجن تے گیتاں دیاں کتاباں نیں۔ ایہناں کتاباں دیاں مندرجہ ذیل خصوصیتاں نیں۔

- 1- ایہ کتاباں بول چال دے لہجے وچ نیں۔ زیادہ زور ہندوواں نوں عیسائی بنان تے اے۔ ایس لئی ایہناں وچ ہندی تے سنسکرت دا رنگ کچھ زیادہ اے تے مانجھے دی بولی ول بہتی توجہ اے۔

- 2- زیادہ کتاباں گورکھی حرفاں وچ نیں۔ مسلمانی پنجابی ول توجہ نہیں کیتی تے فارسی رسم الخط وچ ٹاویں ٹاویں کتاب ویسویں صدی دے آگے لکھنی شروع ہوندی اے۔

- 3- پادریاں سکھاں لئی جیہڑیاں کتاباں چھاپیاں اوہ رومن رسم الخط وچ سن۔ گورکھی وچ وی عجیب حال اے کہ اردو تے ہندی دیاں بعضیاں کتاباں نوں اوسے طرح اُتھ کے چھاپ دتا اے۔ اوہناں دی زبان پنجابی نہیں صرف رسم الخط پنجابی اے۔ ایہدے علاوہ پنجابی زبان دیاں کتاباں وی شروع وچ ساریاں

گورمکھی رسم الخط وچ نہیں۔

4- جدوں ہندوواں وچ انگریزی زبان دی چرچا ہوئی تے مذہبی تحریکاں سائنس دھرم تے دوجیاں تحریکاں اٹھیاں تے اینناں دا مقابلہ کرن لئی اوہ موضوع لئے جیڑے مقابلے لئی ضروری سن۔ سرسید دی تحریک ابھری تے ایہدا جواب دی مناظریاں نال دین لگ پئے۔ ایتھوں مناظریاں دے رسالے بہت سارے لکھے تے چھاپے گئے۔ بینناں وچ زبان ڈاڈھی سخت اے۔

5- اینناں کتاباں وچ ادب ول توجہ بالکل نہیں، صرف مذہبی ضرورتاں تے مذہبی عقیدے نوں ساہنے رکھیا گیا اے۔

6- اینناں کتاباں وچ پادری شہراں دی بجائے پنڈاں دے واسیاں نوں ساہنے رکھن لگ پئے سن۔ ایس نال زبان ادبی دی تھاں تے بول چال دی ہوئی تے علمی دینی دی تھاں تے ورتن دی بولی نوں بہتی اہمیت دتی جان لگ پئی۔ بائبل دے ترجمے وی نظر ثانی کر کے آسان زبان وچ ڈھالے جان لگ پئے۔

7- ویسویں صدی دے شروع وچ لوک ادب ول توجہ کیتی گئی بعضے انگریز حاکماں نوں پنڈاں دے کلچر دا شوق ہويا۔ انگریز لکھاریاں نے پنجابی دے کئی تمیماں نوں پنجابی توں انگریزی وچ ترجمہ کر کے رسالیاں وچ چھاپیا تے کتاباں وی لکھیاں۔ Temple دی Tales from the Punjab ایس سلسلے دی کڑی اے۔ لوک ادب دے علاوہ پنجابی دے وڈے وڈے شاعراں دے کلام نوں وی ترجمہ کیتا گیا۔ پادریاں دی جھولی وچوں نکل کے پنجابی ادب زیادہ ترقی کرن لگ پیا تے ادب دیاں تاریخاں تے لسانیات بارے چوکھا کم ہون لگ پیا۔

اقبال دے خطیاں دا پچھواڑ تے پنجابی ترجمہ

(1)

مسلمان دسیب وچ ساڈے اتھے برصغیر اندر اپنی سوچ فکر دے علمی ورثے اُپر تنقیدی نگاہ پاون دا اُلاز سوجھواناں اندر لگ بھگ اُنہویں صدی وچ ویکھن وچ آوندا ہے۔ مغرب ولوں سائنس دھارا، فلسفے بھری سوچ تے ریت نویاں گلاں جدوں ساڈے پاسے آیاں تاں ساڈے ریتھے بدھے مذہبی عقیدے وی رولے وچ پے گئے۔ ہر مسئلے بارے شک سُجھا کھل گیا۔ گوہ کریئے تاں 1406ء توں لے کے جدوں ابن خلدون مویا، 1890ء تیک کوئی وڈا مسلمان سوجھوان اسلامی دنیا اندر وِولا ای وکھالی دیندا ہے۔ علم دی ہر نشی مک گئی تے رُخ مُنڈ ہو کے رہ گئی جیویں پٹھان علم دیاں جزاں دا پانی ای مک گیا ہووے۔ نویاں زویاں سوچاں پرانیاں ہو گئیاں۔ مغربی تہذیب نوں ودھا چُھلار وی اینساں وچالیاں صدیاں وچ ای نصیب ہویا۔ پتہ پیا لگدا سی پئی جُن مغربی تہذیب دی علمی چڑھ چُنی ہی چُنی ایں۔ ڈھیر چراں پچھوں کدھرے اُنہویں صدی وچ آکے اسلامی علاقیاں اندر کتے کتے سوجھوان اُبھر دے نظر آوندے نیں، جیہناں دی اہمہ ریتھ سی پئی پرانے اسلامی علمی ورثے نوں نویں طور تے رنگ وچ بنا جوڑ کے اک واری پھیر سامنے آندا جائے تاں جو نویاں مسلمان نسلاں اوہدے توں زریاں چُریاں دا نبھیاں ہو کے سدھیاں مغربی تہذیب دی جھولی وچ ای نہ بہن، انج جے پچھانہ پر تن ہی مشکل تھی وُجے۔ سو ایسے اُلاز پٹھ مڑھوں دوجی صدی ہجری دے معتزلہ تے عقل پرست ”اخوان الصفا“ دی سوچ فکر تے عقل عقیدے دا نویاں رنگاں وچ اک واری مُڑ چرچا شروع ہو گیا۔ اوہناں بزرگاں نے مذہبی عقیدیاں تے سوچاں دی عقل دی لو پٹھ شرح کیتی ہائی۔ اُنہویں صدی اندر سائنس دیاں نویاں ایجاداں تے سائنسی سوچاں نے مذہبی عقیدیاں نوں اُتھل پتھل

کر کے رکھ دتا سی۔ مسلمان عالماں وچوں بعضے بعضے نے جی رکھ کے سوچیا پئی ہُن
 پرانے مذہبی عقیدیاں بیٹھ سائنس سوچ دیاں نینہاں رکھیاں ہئاں چارہ ای کوئی نہیں
 تاں اسلام تے مسلمان دوہاں دی گھنڈی ہے تے انج نہ کریے تاں مذہب تے فلسفہ
 نالے سائنس دا آہنے ساہنے فرق تے بیڑا دن سو دن ودھدا ویندا وے۔ بچھلیاں
 صدیاں اندر مغربی جاگ چٹکیار تے تحریک احیائے علوم توں اکھیں ٹوٹ کے مسلمان
 اگے ای ڈھیر گھانا کھائی بیٹھے سن۔ اُتوں مغرورے وی مسلمان ڈھیر گئے سن اکو ایہو
 گل سوچ کے پئی ساڈے وڈ کے بڑے عالم فاضل بندے سن۔ اسیں اج کسے نوں کیہ
 جاندے ہاں۔ ساڈا بھلا کون مقابلہ کر سکدا ہے۔ ایہہ نویں سوچ تے ایویں کوڑی
 سوچ ہے۔ پکی سوچ تاں صرف ساڈی سی پر مسلماناں دا ایہہ رویہ اوہناں دا اپنے
 آپ نال اک وڈا دھوکا سی۔ اوہو گل اکھے ”گلیں باتیں میں وڈی تے کرتوتیں وڈی
 رجھانی“ پر انج سوچیاں آکھیاں نویں سوچ دا مقابلہ تے نہیں سی کیتا جا سکدا۔ سو
 ایہہ اوہ حادثہ ہائی سگوں دھروہ، بیڑا ایس زمانے وچ پچھلی صدی اندر مسلماناں نال
 ہو گیا تے اوہ علم تے فن دی ہر شئی دے سارے پھل پتے کھا گوا کے بہہ گئے۔ نویں
 کھوج پرکھ دا اُگلار ای مک گیا۔

مغروریا ہو یا مسلمان علمی رویہ ہے تاں اتھے ساڈے وی ڈھیر سی باقی
 اسلامی دنیا وانگوں، پر اتھے اٹھارویں صدی وچ شاہ ولی اللہ جیہا نویں ترقی پسند مذہبی
 تے سماجی سوچ دا عالم وی جیہا۔ اپنی شاندار کتاب ”حجتہ اللہ البالغہ“ راہیں خاص طور
 اتے جو کجھ نویں فکر اوہناں کھلاری، اوس توں آون والے مسلمان سوجھوان اپنے
 آپ نوں ڈراڈارکھ ای نہیں سکے۔ صدیاں دی وچہ مگروں شاہ ولی اللہ پہلے دینی عالم
 سن، جیہناں مسلمان روایتی عالماں دی پتھر سوچ دے ورودھ ڈٹ کے گلاں کیتیاں۔
 اک ابن خلدون تے اوس توں کچھ پھیر شاہ ولی اللہ ای دسدے نیں، جیہناں مسلمان
 وسیب دی پتھر سوچ نوں بلون کے رکھ دتا تے سماجی بنیاداں اُپر نواں تے ڈھکیاں
 گلاں کیتیاں۔ انج جے مسلمان وسیب اک واری پھیر اسلام نوں اک صحت مند
 تھڑھلی پا دیون والا نظام تے عقیدہ لگن لگ پیا جیہا کہ لوکاں اوہدے اتے فخر تے
 مان کر سکے۔ سر سید احمد خاں، مفتی محمد عبدہ، شیخ جوہری منظاوی، رشید رضا، فرید
 وجدی آندی تے سید جمال الدین افغانی انجیہ عالماں وچوں سن، بیڑے سوچاں دیاں

نویاں یہاں اتے ٹُپے۔ ایہناں بزرگاں نے ای اگے جا کے اسلام وچ عقل دی ریت روایت اتے سوچیا تے پرکھیا۔ علامہ اقبال دا آکھن ایں۔

”سید احمد خان دا اثر مجموعی طور تے ہندوستان تیک ہی رہیا۔ ایہہ بھاویں تاں نویں زمانے دے پہلے مسلمان سن، بیہناں آون والے دناں دی جھاک پھلاں ای دیکھ لئی سی۔ اوہناں دی حقی اُچھائی ایس واقعہ توں پتہ لگدی ہے جے اوہ پہلے ہندوستانی مسلمان نیں، بیہناں اسلام نوں نویں رنگ وچ پیش کرن دے جتن کیتے تے ایس کم دے پچھے لگ گئے۔“

ایسے طرح دی گل حالی نے وی کیتی اے۔ سر سید دی حیاتی بارے اپنی کتاب ”حیات جاوید“ اندر اوہ لکھدے نیں۔

”سر سید نوں کسے کچھوں وی دیکھیا جاوے اوہ اک بھارا پتھر جا پدا ہے، بیرا اسلامی وسیب دے ٹھہرے ہوئے بند پانی اندر دھڑم جا ڈگاتے اوس توں بیریاں لہراں اٹھیاں، اوہ اج تیک اگانہ دیاں اگانہ لگیاں پیاں جاندیاں نیں۔ بھاویں اوہناں دا رخ اوہ اج نہ ہووے، بیرا سر سید دا اپنا سی۔“

سر سید اوہ پہلا دلیر عالم ہائی جیہیں وچ وجا کے لائی لگ ہوون نوں مسلماناں دے وقار دے ورودھ آکھیا۔ سو مکدی گل ایہہ دے پئی برصغیر اندر بیہناں بزرگاں نے اسلامی سوچ دی نویں ترتیب دے جتن کیتے اوہناں وچوں سر کڈھ سر سید، امیر علی، چراغ علی تے اقبال نیں۔ ایہہ سارے اوہ لوک نیں، بیہناں قرآن نوں اپنا آگو نیا تے علم حاصل کرن واسطے عقل تے دوجے ہر نویں طریقے نوں ازماون ول توجہ دتی۔ ایہناں بنیادی طور اتے اللہ دی وحی اُپر اپنی سوچ فکر دی نینہ رکھی۔

(2)

اقبال دیہویں صدی دے سر کڈھ مسلمان متکلم تے قیہہ آکھ جا سکدے نیں۔ اوہناں عقل اتے اپنیاں نویاں سوچاں دی راہ رکھی۔ نویں فلسفے دے جانو تے پڑھیاں ہون پاروں اوہناں نوں ایس گل دا پورا پورا احساس سی پئی کسے دی تہذیب دی فکری نینہ فلسفے اُپر ای چکی جاندی ہے تے دنیا بھر دیاں قوماں اپنے اپنے اتھچے

فلسفے دے ہی سارے ترقی دے پڑاواں اُپر چُجھدیاں نیں۔ سیاسی، تعلیمی، سماجی، ثقافتی، سائنسی تے ویسی لوڑاں تداہی کدھرے پوریاں کیتیاں جاسکدیاں نیں۔ اپنے جیون جاگن تے مل ورتن دے فلسفے توں وانجھیاں دکھیاں رہ کے تہذیبیاں تے وسیب پہلاں ڈھے جاندے نیں تے اخیر مرگ جاندے نیں۔ تہذیبی ڈھاہ دی بیماری اودوں لگدی ہے جدوں اوہناں دیاں سوچاں تے اوہناں دے علم عمل ویلے دیاں لوڑاں اتے پورے نہیں اتر سکدے۔ کسے وی تہذیب وسیب اُپر نیتن والا ایسہ پل بہوں ڈراواتے نازک ہوندا ہے۔ جیسے وچ اقبال اک شاعر، فلسفی، فقیہ، متکلم تے اسلامی وسیب دی نبض دے جانو دی حیثیت نال اُبھرے، اوس گھڑی برصغیر دے مسلمان عوام ذہنی طور اتے ڈگے ڈھکے، نفسیاتی بیماریاں دے شکار تے حیاتی دی ہر پدھرا تے محرومیاں دے پھٹے ہوئے سن۔ اوہ تے بس ہر ویلے اپنے ماضی وچ ہی لک چھپ کے رہ گئے سن۔ اوہ حالوں بے حال سن تے آوندی کل نال اوہناں دا واسطہ نرنا کے آون والے ممدی دی اڈیک ورگی گل نال ای رہ پکیا سی۔ اسلام دا کوئی دوجا جاندار حوالہ اوہناں نوں یاد ای نہیں سی۔ اوہ تے ساریاں ڈھیریاں ڈھائی بیٹھے سن۔ ایس وچ تے کوئی شک والی گل ای نہیں پئی مسلمان قوم دا ماضی واقعی بڑا شان دار سی، پر رزے ماضی نوں چٹ کے اگلے دناں دی سگوں آون والے باعزت دناں دی کپی پیڈی اُساری تاں نہیں ہو سکدی۔ جیسے قوم دا اپنے دین دی انقلابی تعلیم اتوں ایمان ای ختم ہو گیا ہووے، اوہ نویں سہ دیاں لوڑاں، تقاضیاں تے اپنے مستقبل توں وی ترین لگ پیندی اے۔ مڑ رٹا ایس گل دا ایسہ نکھدا اے جو اودھا اپنے اتے بھروسے تے عمل دی قوت دوویں چیزاں ختم ہو کے رہ جاندیاں نیں۔ کجھ ایہو گل سوچ کے اقبال ہوراں وی اپنے اک خط وچ لکھیا سی۔

”ہندوستان دے مسلمان کیاں صدیاں توں ایرانی اثر بیٹھ نیں۔ اوہناں نوں عربی اسلام، اودے مقصد تے غرض دا کجھ وی پتہ تھوہ نہیں۔“

”روزگار فقیر“ دے حوالے نال ایسہ گل وی اقبال نے آکھی سی۔

”ہندوستانی مسلمان عربی اسلام نوں ڈھیر سارا مچھل بھٹلا چکے نیں۔ اوہناں

عجمی اسلام نوں ای سمجھو کجھ سمجھ لیا ہے۔“

اقبال آکھیا۔

”ایس گھڑی اسلام زمانے دی کسوٹی اتے کیا کھڑا ہے۔ لگدا انج ہے جیویں
اجیہا ویلا تاں اسلام اتے کدے وی نہیں آیا۔“

اقبال سمجھدے سن پئی مسلماناں دی مادی تے ذہنی غریبی دے پچھواڑ وچ
وی کجھ گلاں ضرور ہن۔ ایسے کر کے اوہناں قوم دی نویں فکری تے ثقافتی اُساری ول
وی توجہ دتی۔ 1926ء وچ اوہناں سید سلیمان ندوی ہوراں نوں اک چٹھی وچ لکھیا
سی :

”اج مسلماناں اتے روحانی لحاظ نال کجھ اوہو جیہا وقت ویلا لگدا ہے، بیدار
مڈھ یورپ وچ لو تھر دے زمانے وچ بجھا سی۔ پر ایس ویلے کیوں جے کوئی خاص وڈا
آدی مسلماناں دی آگوائی تاں کردا نہیں پیا۔ ایس کر کے ایس تحریک دا آون والا
زمانہ میرے بھانے کجھ خطریاں توں خالی نہیں۔ نالے مسلماناں نوں تاں ایسہ وی پتہ
نہیں عیسائیت واسطے بیرونی اصلاحی تحریک لو تھر نے چلائی سی، اوہدا شاکیہ سی
بکلیا۔“

1905ء وچ ایہو کجھ سوچ کے پئی اج دے زمانے اندر جو کوئی وی قرآن
دے حوالے نال اجے وی فقہ دی نویں پرکھ کر کے قرآن دے حکم احکام دی سچائی
ثابت کرے گا، اوہو ای اسلام اندر اج دا مجدد ہوسی۔ تے اوہو ای لوکاں دا ساریاں
توں وڈا خدمت گار وی۔ صوفی غلام مصطفیٰ تبسم ہوراں نوں اقبال نے اک خط وچ
لکھیا۔

”مینوں دکھ ہے پئی اج دے مسلمان فقہا نوں یاں تے سے دے اُلاں دا
کوئی تھوہ پتہ ای نہیں یاں پھیر اوہ اجے وی پرانیاں گلاں کیتی جاندے نیں۔ اوہناں
نوں اندازہ ای نہیں پئی مذہب اسلام اج سے کسوٹی اتے کیا کھڑا ہے۔“

ایسہ سی اوہ حال احوال تے کجھ ایسا کجھ سوچ کے اقبال نے اسلامی فکر دی
نویں ترتیب دا سوچیا۔ سو اوہناں مسلمان دا نے پردھانیاں، سوجھواں تے عالماں
واسطے کجھ اجیہیاں راہواں سوچیاں، بیرونی چانن ول جانیدیاں سن تے اک جاندار،
زورور مستقبل دی دس پاندیاں سن۔ اوہ آپ مشرقی علاقیاں دے فرد سن۔ ایس
کر کے مشرق دیاں ریٹاں روایتاں نوں توڑنا یاں اوہناں دی مخالفت کرنا اوہناں نوں
نہ ڈکھدا سی تے نہ ہی اوہناں دے وس دی گل ہائی۔ اوہناں نوں تے سگوں اپنیاں

روایتاں تے بڑا مان سی۔ دوجے پاسے مغرب دی سوچ نوں وی بے سوچے سمجھے ایویں رد کر دیوں دی اقبال دے بھانے کوئی عقل دی گل نہیں سی۔ نہ ای اک عالم دی دیانت داری سی۔ سو اپنے خطیاں وچ اقبال نے پوری کوشش کیتی پئی سوچ فکر، عقل مت تے علم فن دے ہر میدان وچ جو کجھ مسلمان کر چکے ہن اج پھیر اک واری اوس دی کھول کھلار کے دس پائی جاوے۔ اقبال نے مغرب تے مشرق دی سوچ فکر نوں بڑے سچ تے ڈھب نال رلا کے قرآن دے قول اتے پرکھ پڑچول کر کے اوہناں نوں نویں اسلامی سوچ دا سرناواں بنایا، پر ایہہ علمی رویہ اختیار کر کے اوہناں مغرب دی فکر نال بس ایٹا کجھ واسطہ ای رکھیا جتا کجھ اک متکلم نوں سائنسی رویے تے سوچ فکر نال ڈھکا ہے، حدود باہر نہیں۔ اقبال اپنے ایس علمی رویے نوں وی اسلامی ورثے دی ہی اک شکل آکھدے نیں۔ اقبال نے انج کدھرے دی تے کدی وی تہذیب تے ثقافت دیاں اوہناں قدراں یہاں نوں قبول نہیں کیتا، جیڑیاں مڈھلیاں دینی قدراں دے درودھ نیں۔ اوہ کھندے نیں پئی مشرق دی دینی روایت ایسے کر کے بھیڑی پے گئی جو آخرت دے عقیدے بارے خاص طور اتے مسلماناں نے بڑے ڈھیریاں ڈھاہ دیوں والے ڈھب وچ غور فکر کیتا۔ سو ایہیہ حالات وچ ایس گل دی بڑی لوڑ نہائی جے اسلامی سوچاں نوں نویاں ساہنے دس والیاں سچائیاں دی نینہ اتے اُساریا جائے۔

اقبال ایہہ رٹا کڈھ چکے سن پئی مسلمان اپنی نااہلی تے روحانی غریبی سیوں ملت دے اتحاد نوں وطن پرستی تے قوم پرستی جیسے وچاراں نال گڈمڈ کر چکے سن۔ انج اوہ اک طرح نال مایوس ہو چکے سن پئی جُن ساڈی روحانی حالت دی اک واری پھیر سنور سکدی ہے۔ ایہا کجھ سوچ کے اوہ تصوف دی راہ پے گئے جتھے سہل سوکھ ہوں بھدی سی، پر اقبال نوں ایہہ پک ہائی جو اسلام اجے وی اک جیوندی جاگدی قوت ہے، جیڑی انسان نوں نسل، وطن دی قید توں آزاد کر سکدی ہے تے ایس گل دا امکان اجن مکا نہیں۔ 1921ء وچ مسلم کانفرنس دا صدارتی خطبہ دیندیاں اوہناں آکھیا۔

”تماڑے مذہب دی اُچ خیال دے تھوہ مولویاں دیاں پرانیاں دقیاںوسی دے کلاوے وچوں نکلنا چاہوندے نیں۔ روحانی طور اپر ایس اتھہ خیالاں تے جذبیاں

دے بندی خانے وچ حیاتی پئے گزار دے ہاں، جیہناں نوں ایسں صدیاں توں اپنے اتھیں اپنے آلے دوالے بنیا ہویا ہے۔ اج ایس گل دے آکھن دی لوڑ اے بھادیں پرانی بڈھی نسل واسطے ایسہ گل شرم دیوان والی ہی کیوں نہ ہووے پئی ایسں اپنی نوں پوج نوں نوں دور دیاں معاشی، مذہبی تے سیاسی اوکھتاں نال رنہزن واسطے اسلحہ نہیں دے سکے۔“

اقبال سمجھدے سن پئی اسلام چھڑے عقیدیاں دے کسے پراگے یاں پنڈ دا ناں نہیں۔ ایس نوں بعضے مذہبی ٹھیکیداراں دی ملکیت وی نہیں آکھیا جا سکدا سگوں ایسہ تاں رزا چرا حرکت برکت دا دین ہے۔ اسلام چاہندا ہے جے انسانی حیاتی تے سنسار دی گن نوں سمجھے۔ اسلام ایس سمجھ مطابق زندگی دے اُلاار نوں اختیار کرن دا ناں ہے۔ اسلام دا مقصد زندگی رزی کسے اکو ڈھب شکل وچ پھراون دا ناں نہیں۔ اسلام نوں تاں اصل وچ اک ہمیش جاری ساری رہن والے انقلاب تے چڑھانوں راہ دیونی ہائی، بیڑی نہیں دتی گئی۔ اقبال آکھیا۔

”دینی علماں دی سربراہی تاں کسے اجیہے پروفیسر کول ہوونی چاہیدی ہے جیہں اسلامی دینیات تے نوں یورپی فکر تصور نوں ڈھیر تے سوچ وچار کسے پڑھیا ہووے تاں جے اوہ مسلم دینیات نوں نوں فکر نال ساواں بنا کسے پیش کر سکے، پرانی دینیات دا پورا تانا پینا ای بھیج پکيا ہے، جیہں دا مڈھ اصل وچ یونانی حکمت اُپر سی۔ ہُن ویلا آن لگا ہے جو ایس دے نوں پُو لے بدھے جاوے۔“

(3)

دسمبر 1928ء دے آخری دیہاڑیاں وچ اقبال ہوراں نوں سدا ملیا جے اوہ مدراس دی مسلم ایسوسی ایشن واسطے اپنے خطبے پیش کرن۔ سو اقبال نے اوتھے جا کے تن دن اپنے خطبے دتے۔ دکھنی ہندوستان دے ایس سفر وچ اقبال بنگلور تے سرنگا پٹم وی گئے۔ اک خطبہ میسور یونیورسٹی وچ وی دتا۔ جنوری 1929ء نوں اقبال حیدر آباد دکن اپڑے۔ اتھے عثمانیہ یونیورسٹی وچ خطبے پڑھن دا دو جا دور شروع ہویا۔ ایتھوں اوہ علی گڑھ آ گئے تے مسلم یونیورسٹی دے شعبہ فلسفہ نے خطبیاں دے تیجے

دور دا پر بندھ کیتا۔ ایس اکٹھ وچ صدر شعبہ فلسفہ ڈاکٹر سید ظفر الحق ہو راں اقبال نوں ڈھیر خراج نذر کیتا۔ اوہناں اقبال دے خطیاں نوں اک ذہنی دعوت دا نال دتا۔ اوہناں اپنی تقریر وچ آکھیا۔

”اسلام دے اصولاں تے نویں سائنس تے فلسفے بارے اقبال بڑی ڈو سمجھی جہات رکھدے نیں۔ اینناں مسلیاں بارے اوہناں نوں بڑیاں بھرویاں تے نرویاں معلومات دا تھوہ ہے۔ سوچ فکر دے اک پویوں (اگّا) نویں نظام دی اُساری کرن واسطے اقبال بڑی سمجھ بُدھ دے مالک نیں۔ اسلام تے فلسفے نوں اک دونجے دے نیزے لیاون بارے جو قدرت اوہناں کول ہے اوس وچ اوہ اپنی مثالہ آپ ای نیں۔ ایسے گل نے اوہناں نوں ایس پاسے آندا پئی اوہ ایس روایت نوں مُڑ تازہ کرن جیس داندھ صدیاں پہلوں نظام تے اشعری عالماں نے اودوں بدھا ہائی، جدوں یونانی علم حکمت اوہناں دے پیش پے گئے سن۔ اپنے خطبے بیہڑے اوہناں اج سنا کے کے بوا کرم کیتا سو اینناں نال اصل وچ اقبال نے اک نویں کلامی علم دی نینہ رکھی ہے۔ نالے حقّی گل تے ایسہ وے پئی ایہو جیہا کم اوہ آپ ای کر سکدے سن۔“

ڈاکٹر ظفر الحسن نے اینناں خطیاں نوں نالے نال اسلام دے اچے اصولاں دی اک شاندار تشریح آکھیا تے نالے اینناں نوں اج دے عالماں واسطے بڑے معیناں والی دینی تحریک وی دیا۔ اینناں خطیاں نوں اوہناں دا PREGNANT SUGGESTIONS خوبصورت نال دتا۔

1930ء وچ جدول اینناں خطیاں دا پہلا ایڈیشن لندن نوں چھپیا تے ایسہ خطبے چھ سن۔ 1934ء وچ ARISTOTALEAN SOCIETY LONDON دے سدے تے اقبال نے اپنا ستواں خطبہ اُیکیا تے پھیر لکی موٹی تبدیلی نال اپنی مکمل شکل وچ ایسہ سارے خطبے

THE RECONSTRUCTION OF RELIGIOUS THOUGHT

IN ISLAM

دے سرنا نویں سٹھ چھاپے چڑھے۔ ایسہ خطبے پڑھ کے اقبال دے سکھائی تے اپنے زمانے دے بہوں وڈے عالم سرڈنفس راس نوں وی آکھنیا۔

”خطیاں راہیں اقبال نے اسلام نوں مڈھ بنا کے اک بہتر عالمی نظام کھڑا

کرن واسطے اپنے نظریے تے مقصد پیش کیتے نیں۔ شاید بھائیں تاں اوہ ایہناں خطیاں دے حوالے نال ای آون والے وقتاں وچ ہور بہتر طریقے نال یاد رکھے جاس۔“

(4)

اسلامی الٰہیات یاں اسلامی فکر دے سرناوینس بیٹھ ترتیب دتے گئے ایہناں خطیاں دا مڈھلا فقرہ ہی اصل وچ ایہناں ساریاں خطیاں دی روح اے۔ فقرہ ایہہ وے۔

”قرآن اک ایسی کتاب اے، جیڑی فکر دے مقابلے تے عمل اتے ڈھیر زور دیندی ہے۔“

ایہناں خطیاں دا دیباچہ اک نویں مجھ بڈھ لاوندا ہے، جس وچ اقبال نے وچ وچا کے آکھیا۔

”قصوف دے درست سلسلیاں نے تاں شاید اساں مسلماناں دے حال احوال تے واپری دی تربیت آگوائی واسطے ڈھیر خدمت کیتی ہوسی، پر اگانہ جا کے ایہناں سلسلیاں دی آگوائی بیہناں حضراتاں دے ہتھ آئی اوہ اج سے دے ذہن پڑھ ہی نہ سکے تے نہ ایس توں اوہناں کوئی لایکھ پکیا۔ اوہناں دے طور طریقے اج دی اوہا نیں، جیڑے اصل وچ اوہناں لوکاں واسطے وضع کیتے گئے نیں، بیہناں دے تہذیبی حوالے دا نکتہ اوہ ہے ای نہیں جو اسانوں اج درپیش ہے۔ میں اسلام دی ریت روایت تے سوچ فکر جیہیاں ہور چیزاں دا لحاظ رکھ کے تے نال ای اوہناں ترقیاں نوں ساہنے رکھ کے جیڑیاں اج علم دیاں وکھو وکھ شاخاں وچ ہوئیاں نیں۔ اسلامی الٰہیات نوں اک نویں شکل دے کے ایہہ پاڑے میلن دی کوشش کیتی ہے۔ ایہہ کوئی غلط مطالبہ تاں نہیں پئی جیہیں قسم دا علم سانوں مذہب دے حوالے نال نصیب ہوندا ہے، اوس نوں سائنس دی زبان وچ سمجھن دے جتن کیتے جاون۔ ایس قسم دے کم واسطے اجوکے سے توں چنگا تے ڈھکدا ہور کیڑا سا ہوسی۔ اوہ دن وی پیا آوندا ہے جدوں مذہب تے سائنس دیاں ایہیاں سانجھاں دا تھوہ لگسی، جیڑیاں

اجن ساڈی اکھوں اوہلے نیں۔ یاد رکھن والی گل ایہہ ہے پئی فلسفے دی مجھ بُدھ والی اوہ شے جیہنوں بھنگی حاصل ہووے، اوہ کوئی نہیں ہوندی۔ جیویں جیویں ایس جہاں اندر ساڈا اقدام اگانہ پیندا ہے تے سوچ فکر دیاں رنت نویاں راہواں لہدیاں نیں۔ ہو سکدا ہے جو اوہ نظریے جیہڑے اج ایہناں خطیاں راہیں پیش کیتے گئے نیں، اوہناں توں ودھیر بہت نظریے ساڈے ساہنے آوندے رہن۔ مڑوی ساڈا فرض ہر حال اندر ایہا ہے جو ایس انسانی فکر سوچ دے ودھا، پھلار تے چنگیار توں اپنی نظر دا بھنی نہ کرے تے ایس معاملے وچ پوری کھل تے احتیاط نال پرکھ پڑچول تے تنقید والی اک کھلی رکھیے۔“

ایہہ خطبے ایڈی اہمیت رکھدے سن پئی اقبال چاہوندے سن جو ایہناں نوں دوجیاں زباناں وچ ترجمایا جاوے۔ سو ایہو سوچ کے اقبال نے میر غلام بھیک نیرنگ نوں اک داری لکھیا۔

”ایہہ خطبے میں اوہناں مسلماناں نوں مونہہ رکھ کے اُلکے نیں، جیہڑے مغربی فلسفے دے اثر پٹھ آچکے نیں تے ایہہ وی چاہوندے نیں پئی اسلامی فلسفے نوں نویں فلسفے دی زبان وچ بیان کیتا جاوے۔ تے جے کر ساڈیاں پرانیاں سوچاں اندر کج خامیاں وی نیں تاں اوہناں دا اُپا کیتا ونجے۔ میں تاں اُسار چاہتا تے جے کر ایس اُساری وچ میں اسلامی فلسفے دیاں چنگیاں روایتاں نوں وچ سمیٹ لیا ہے پر میرا خیال جو شاید اوہ خواں دنیا نوں ایس توں کوئی ڈھیر فائدہ نہ پہنچ سکے گا، کیوں جے ڈھیر گلاں دے بارے میں فرض کر لیا اے پئی اوہ ایہہ خطبے پڑھن سُنن والے نوں پہلاں ای پتہ ہون۔ میرے لئی ایس توں بناں کوئی چارہ ای نہیں سی۔“

(5)

دکھو دکھ سرانویاں پٹھ ترتیب دتے گئے ایہناں ستاں خطیاں دی بحث و یکمن نوں وکھری وکھری ہے، پر ایہناں دے اندر واندراک اجیہا سلسلہ وار رشتہ ہے تے نالے اک منطقی تعلق وی بیس پاروں ایہہ ست خطبے دراصل اک مکمل کتاب وی ہن۔ خطیاں دے سرانویں ایہہ نیں۔

1- علم اتے مذہبی درشن 2- مذہبی یاں روحانی درشناں دا معیار 3- خدا کیہ ہے تے دعا کیہ ہے 4- خودی، جبر، قدر تے مرن توں کچھے دی حیاتی 5- اسلامی ثقافت دی روح 6- اسلام وچ اجتہاد 7- کیہ مذہب دا کوئی مستقبل ہے۔

اقبال دا موضوع اینناں کل خطیاں وچ مذہبی سوچ فکر ہے۔ ایسے چیز نوں اسلام دے حوالے نال اسلامی العیات آکھیا جاندا ہے۔ پہلے دو خطیاں وچ خالص علم تے علم دی جڑ بنیاد بارے بحث ہے۔ سوچ تے عرفان دے راہیں اللہ سائیں دی ذات دا منیوا کیتا گیا ہے کیوں جے عقل تے وجدان علم دے دو بڑے معتبر ذریعے نیں۔ عقل خیالاں تے وجدان محسوسات دے ذمہ دار نیں، پر ڈونگھا تھوہ کریے تاں وجدان وی اصولوں عقل دی ہی اک اچی پدھر ہے تے اسلامی تہذیب دی چنگیاریاں چھلار وچ دوہاں دا اکو جیہا تھہ ہے۔ علم دیاں جُوباں دی تشریح کردیاں اقبال آکھدے نیں جے سنن منکھ دی تواریخ دا پڑھن ہے تے دیکھن توں مراد فطرت دا پڑھن ہے۔ رہیا دل دماغ سو اینناں اندر انسان دیاں ذہنی تے روحانی خوبیاں شامل نیں۔ جیویں جیویں انسان علم دیاں اینناں ساریاں جُوباں دے استعمال تے قادر ہوندا ویسی ربی آیتاں دے عیان یاں بندے دے اندر تے اوہدے باہر رب سائیں دے قانون دے اثر توں پر دے گھدے جاسن۔ اقبال وجدان دی طاقت نوں بندے دے تحت الشعور دا حصہ آکھدے نیں۔ ایسے کر کے اوہ ایس چیز نوں محسوس داناں وی دیندے نیں۔ ایس دے باوجود اقبال وجدان دے اپنے الگ وجود توں منکر نہیں کیوں جے وجدان دا انکار تاں روح دا انکار ہے۔ اللہ دے رسولؐ نے تاں وقت نوں وی اللہ آکھیا ہے۔ اج زمانے دے فلسفی تے سائنس دان وی ویلے یاں TIME نوں ازلی تے ابدی من دے ہن۔ ایس ڈھب دا احساس گویا اللہ دے وجود نوں سمجھن دا اک نواں ڈھب ہے۔ مطلب ایہہ دے جے اللہ نوں محسوس تاں نہیں کیتا جا سکدا پر آپوں محسوس دا وجود اللہ دے اثبات دی شکل تاں ہے۔ اقبال ایسے نکتے نوں وجدانی واپری یاں تجربے واسطے اک اہم چیز یاں لوڑیاں ضرورت آکھدے نیں۔ یونانی فلسفے دے اثر پیٹھ مسلمان وجدان تے عقل وچ فرق من کے علم فن وچ مغرب توں کدھرے پچھانہ رہ گئے۔ اقبال نے محسوس کیتا پئی اضافیت تے زمان مکان دے نظریے نے عقل تے وجدان دے برت نوں ہور کھلا کر دتا ہے۔

ہن مسلماناں نوں اسلام دی تہذیبی ترقی واسطے نوں راہ لیکن پوس۔ تیجے تے چوتھے
 خطبے اندر اللہ دی ذات و تصور، اوہدیاں مہنتاں، بندہ، ایہہ سنار، موت توں کچھے
 دی حیاتی، دعا، خیر، شر تے جبر قدر دے مسلیاں بارے بحث کیتی گئی ہے۔ گویا ایس
 گل نوں موضوع بنایا گیا ہے پئی زمان تے مکان وچ بندے دا اپنی زندگی گزارن دا
 طور اطوار تے سچ کیہ ہونا چاہیدا ہے۔ خدا نہ ہوندا تاں اوہدا تصور وی نہ ہوندا
 کیوں جو معروض دے ہئاں تصور دی کوئی قدر و قیمت نہیں۔ اقبال ایسے نوں اوہ
 روحانی تجربہ یاں واپری آکھدے نیں، جیس پاروں اک روحانی سرور نصیب ہوندا
 ہے۔ اوہ کہندے نیں ایہہ قوت مادی، حیاتی تے شعوری تن پڑاواں توں لگھ کے
 نصیب ہوندی ہے۔ زندگی اک اجیسا جوہر ہے، بیہرا انسانی حیاتی دے اندر باہر دیاں
 ساریاں سمتاں نوں اک دوجے دے نیڑے کر دیندا ہے۔ موجودات دے ایس جہان
 اندر ہر چیز حرکت وچ ہے تے یقین دی پکیائی توں ہئاں کے مثبت عمل دی توقع تاں
 کیتی ہی نہیں جا سکدی۔ اتھے اقبال نے خودی دے قدر بخش تے اثر پاؤن والے
 پکھاں بارے بحث کیتی ہے تے کامل انسان دی خودی نوں قدر بخش رمتھیا ہے۔ اقبال
 دے بھانے کامل انسان دی خودی نوں دائمی بقا مل جاندی ہے۔ مادے نوں اقبال اک
 اجیسی روح دیا ہے جو زمان مکان دے اندر گھری ہوئی ہے۔ اصل وچ ایہا روح
 انسانی ایٹما ہے، بیہرہ اپنی پڑاء دی کھوج وچ ہر ویلے چالو رہندی ہے تے ایسے
 پڑاء دے حصول دی خواہش جدوں زمان مکان دے اندر کوئی روپ وٹاندی ہے تاں
 یاں روپ دھارن دی سدھر بندی ہے تاں مملکت دا قائم ہون سوکھا ہو ویندا ہے۔
 سو جو کچھ ویکھن نوں مادی یاں دنیاوی ہے اوس دی اصل روحانی ہے۔ مادی شے
 دی اکا کائی حقیقت ای نہیں ہوندی جدوں تائیں اوہناں دی بنیاد روحانی نہ ہووے۔
 ایس کر کے مملکت دا وجود اسلام دی بحالی وچ دراصل انسانی اداریاں دے روحانی
 کچھ نوں ہی اپنی رسکھڑا تے اتارن ہی دا اک روپ ہے۔ اسلامی فکر فلسفے دی وچلی گل
 ہی ایہہ ہے پئی مسلمان روح، مادہ، حیاتی، موت تے موت توں کچھے دی حیاتی ہر گل
 اتے پیدا یقین رکھے۔ جے کراچ ہو وئجے تے ایس جگہ اندر انسان دے مڈھلے مسئلے
 یعنی خدا، تخلیق، دعا، جبر قدر، خیر و شر تے موت توں کچھے دی حیاتی ساریاں گلاں
 دے معنی سوکھے ہو وئجن تے جدوں ایہہ پڑاء لگھ آئے تاں اسلامی ثقافت دی نینہ

اس لئے ای بچ کے رکھی جاندی ہے۔

اسلامی ثقافت، شہری نظام، ریاست تے قانون دی بحث پنجویں تے چھیویں
 خطیاں اندر چھوہی گئی ہے۔ اقبال اسلام دی ویہی تواریخ نوں ظاہر تے باطن دو
 حصیاں وچ ونڈ دے نیں۔ اسلام دی اوپری تاریخ بادشاہواں دی زور اوری تے وڈ
 ہت نوں آکھ دے نیں تے باطنی تاریخ اوہ ہے جیہیں اُپر اسلام دی دینی سوچ فکر دی
 نویں ترتیب دی بنیاد ہے۔ اسلام نے ایس جگہ دی تاریخ وچ کئی کچھوں انقلاب
 آندا۔ علم دی دنیا وچ اسلام دا آون اک طرح نال استقرائی عقل دا ظہور ہے۔
 الہامی کتاباں وچوں صرف قرآن نے تھوہ لاون، سوچ فکر کرن اپنے اندر باہر گوہ نال
 جھاتی مارن دا سداعام دتا ہے۔ قرآن دے بھانے انسان دی تاریخ علم حاصل کرن دا
 اک ترجیحا ذریعہ اے۔ قوماں دے لہا چڑھا بارے قرآن دا نظریہ ایہہ ہے پئی قوماں
 دی جانچ پرکھ اوہناں اک سمجھ کے کیتی جاندی ہے۔ قوماں نوں اپنے بھیریاں عملاں
 دے نئے ایسے دنیا اندر وی بھوگنے پوندے نیں۔ ایہہ انسانی وسیب اصل وچ سائنسی
 تقاضا ہے۔ سائنسی ڈھنگ نال تاریخ لکھن دی صورت اودوں اگھڑ دی ہے جدوں
 عقل دی پکیائی، ڈھیر تجربہ تے حیاتی تے وقت دے بارے بعضے مدھلے تصور چنگی
 طرح نال عقل وچ آجاوے۔ اسلامی ثقافت دے معنی ایس توں اڈہور کجھ وی نہیں
 پئی چیزاں نوں و لکھن چاکھن دے ڈھنگ دی تبدیلی آوندیاں ای تصور نوں نویں
 معنی لہجہ جاوے کیوں جے اسلام اپنے آپ وچ اک ایہی تحریک ہے، بیہوشی ہر دور
 دیاں تبدیلیاں نوں اپنے اندر جبر کے تجربے تے روایت نوں نویں سرے توں ترتیب
 دیندی ہے۔ ایہو تاں وجہ ہے جو قرآن نرے پرے عقیدے دی تھاں عمل یاں
 تجربے دے اختیار کرن اتے ڈھیر زور دیندا ہے۔ جدوں تائیں اسلام اک تہذیبی
 قوت سی مسلمان ساری دنیا اتے چڑھ کے رہے تے جدوں اسلام صرف عقیدیاں تے
 ریتاں رسماں دا اک ڈھیر بن کے رہ گیا تے اسلام دا کھلار تے اوہدا تہذیبی وقار
 دوہاں دا چھلار رک گیا۔ انسان دا درجہ وار ترقی دا ذکر اقبال نے اپنیاں خطیاں وچ
 اسلامی وچ فکر دے چانن وچ کیتا ہے۔ ارتقاء دے نظریے بارے اوہناں بڑا
 ضروری نکتہ ایہہ ہائی پئی ایہدا تصور نہ صرف اسلامی فلسفے وچ سگوں قرآن اندر وی
 کھول کھلار کے لہجہ جاندی ہے۔

اجتہاد نوں اقبال نے مذہب دی کن یاں جوہر دیا ہے۔ آخری خطبے وچ اقبال ہوراں اج دے زمانے واسطے فلسفے تے مذہب دی لوڑ امکان تے انسانی تہذیب تے تمدن دے مستقبل بارے گوہ کیتا ہے تے ایسہ گل منی ہے پئی انسان دی تقدیر بہر حال کے ایسی اعلیٰ اچی ہستی نال نھئی ہے جو ایس کل سنار دے ذرے ذرے اتے حاکم ہے۔ ایسے پاروں مذہب اک اجیسی سچائی ہے، جیس دا انکار کیتا ہی نہیں جا سکدا۔

(6)

خطبات راہیں اصل وچ اقبال نوں نسل نوں ایسہ دنا چاہوندے سن پئی جے اوہ مغرب دی ترقی پسند قوت نوں اپنے اندر اتار سکے، جیہڑی پچھلیاں پنجواں صدیاں وچ فلسفے تے سائنس دے میدان وچ اگھڑ کے سامنے آئی ہے تاں اسلام اپنے منن والیاں دے اندر آپ اک نوں روح دا چھوکا مار دیسی۔ اقبال نے اپنی نظم ”خطاب بہ نژادونو“ اندر وی ایہو جیہ گل کتھہ کیتی ہے اوتھے وی اقبال نے مغربی تہذیب تے سوچ بارے مسلماناں دے شک شبے دی گل ٹوری ہے، پر نال ای اسلامی سوچاں دی نوں پرکھ پرچول کرن بارے زور دتا ہے۔ ایسہ گل اقبال واسطے وانگ عقیدے دے ہائی پئی مغربی سوچ فکر دی دھار توں بچن دی صرف اکو صورت ہے جو اسلامی فکر، ثقافت تے وسب دے الار مغربی فکر توں ضرور اثر لین۔ اوہناں نوں ایس گل دا احساس ہائی پئی مغرب دا ابھوکا فلسفہ، مذہب تے الہام دی لوٹوں وانجھیاں رہ کے اک پاسے گمراہ ہو گیا ہے تے دوجے پاسے سائنسی تجربہ گاہ جیسی کوئی شے بن کے رہ گیا ہے۔ اوہناں نوں پک ہائی پئی اسلامی فکر دی نوں فلسفیانہ ترتیب دا مغربی تمدن نال رلا ملا صحت مند فکری تے ویسی نئے کڈھی۔ خیر ایہدا ایسہ مطلب وی نہیں پئی اقبال مغربی تہذیب دی ہر شے نوں انہری اکھر جان دے ہن یاں پھیر بنیاں سوچیاں سمجھیاں اوہنوں اختیار کر لین دے قائل سن۔ اوہناں نوں مغربی تہذیب دے بے شمار اخلاقی تصور تے قدراں دی ڈٹ کے نکمیدی وی کیتی ہے، پر حق گل ایسہ دے نالو نال اوہ ایسہ وی چاہوندے سن جو نوں سیاسی تے معاشی نظام نوں

ایہیں انسانی قدراں دے مطابق ڈھالیا جاوے، جینناں دیاں جڑھاں اسلامی آفاقی تعلیم دے اندر ڈونگھ وچ ہوں۔

(7)

اقبال اسلام دے ماضی نوں اک واری پھیر ساہنے لے کے آون نوں ایس کر کے وی ضروری سمجھدے نہیں تاں جے اسلام واسطے اجو کے زمانے دیاں اصطلاحواں دی کوئی منطقی بنیاد مہیا کیتی جا سکے بھادیں تاں ایہو سوچ کے اوہناں دے واسطے PRAGMATIC TEST دی اصطلاح ورتی۔ انج ایہہ گل دی سچ ہے پئی اپنے نظریاں دے ثبوت واسطے اقبال نے جیہڑیاں دلیلاں دیتاں نہیں اوہ پہلاں توں قائل لوکاں دے یقین نوں تاں ضرور ہور پکا کر دیندیاں نہیں، پر ایہیں وی نہیں، جیہڑیاں انکاری لوکاں نوں کجھ نہ کجھ قائل نہ کر سکن۔ اپنے علم کلام دے ذریعے اقبال نے علی گڑھ تحریک نوں اک طرح نال ذرا ودھیر ڈھکدے لفظاں وچ بیان کردتا ہے سگوں انج وی آکھیا جا سکدا ہے پئی ایہناں خفیاں اندر علی گڑھ تحریک بالغ ہوندی نظر آوندی ہے۔ اقبال دے ایہناں فکری اُکاراں نوں حیاتی دیاں کئی ہور پدھراں اتے وی شناخت کیتا جا سکدا ہے۔ اک تاں ایہو گل پئی قرآن نے جیہڑا ایہہ دعویٰ کیتا ہے پئی اوہ اک سلسلہ وار، جامع تے حرکت پیدا کر دیون وادنا کتاب ہے، اقبال نے ایہدا ثبوت مہیا کرن دی ذمہ داری خطبات راہیں اپنے سر لے لئی ہے۔ دوجی ایہہ گل پئی عقل پرستی تے ایمان دے وچالے قرآن اصولوں کے سمجھدے دا قائل ای نہیں۔ جستوں تیک قرآنی مقصداں دا تعلق ہے مذہب تے سائنس دوہاں نوں اک دوجے توں وکھرا نہیں جان دا۔ تربیتی گل ایہہ پئی اقبال نے اسلام دے ثقافتی تے فلسفے دے ورثے نوں اک واری پھیر اُسارن دا بڑا جتن کیتا ہے تے ایس کوشش وچ اوہ ڈھیر سارا سچل وی رہے ہن، پر مسئلہ ایہہ دے پئی دین دی موجودگی وچ فلسفے دا وجود باقی رہندا ہے تے اک فلسفی دینی اصولاں دی پابندی کر دیاں ہویاں دی دینی سوچاں دی نویں ترتیب دیون دے عمل وچ حصہ لے کے دین دی شوکت شان وچ وادھے دا باعث بن سکدا ہے، پر ایہدے جواب وچ اقبال آپ

ایس دی اک سکلکسٹی مثال نہیں۔ چوتھی گل ایسہ وے پئی وحی تے الہام دا آسرا لے کے بندہ سوچ دے جنگل وچ گمراہ ہوئے بغیر پندھ کر سکدا ہے۔ ایسہ سفر موجودات نوں نویاں رشتیاں وچ ڈھال کے اک طرح دی تخلیقی نس بھیجیاں بلہ گلا وکھا سکدا ہے۔ جے کر وحی دے چائن توں بغیر صرف کجھ فرضی گلاں اُپر ہی اک ایسی عمارت دی اُسار ہو سکدی اے جیس اُپر کوئی منطقی اعتراض وی نہ کیتا جاسکے تے لازمی گل پئی اوہ عمارت جیہڑی خالص وحی دی بنیاد اتے تعمیر ہو سی، اوہ تاں لازماً اک صحیح تے پختہ ہو سی۔ اتھے ہُن جے کر بندہ اپنیاں تخلیقی صلاحیتاں وی نال رلا لے تاں سوچ فکر دیاں ایسہ بنیاداں ودھیر مضبوط ثابت ہوسن۔ پنجویں تے سبھ توں اہم گل ایسہ ہے جو اقبال ہوراں خطیاں راہیں پوری کوشش کیتی اے جو فکر، فن، علم، دانش دے حوالے نال مسلماناں نے جو کجھ کیتا ہے اوس نوں سامنے لیاندا جاوے۔ پر ہُن ایس گل دا تے دائرو ای کوئی نہیں پئی مسلماناں تے فلسفے نوں کدی ایس قابل ای نہیں جاتا پئی ایس دے وسیلے نال کون مکان تے بندے دی حیاتی دے معنی بڑی آسانی نال سمجھ جا سکدے نیں تے نالے ایسہ وی پئی دینی اصولاں دی تشریح فلسفے دے تعاون نال وی کر لئی جاوے تاں حرج کائی نہیں۔

اج اقبال دے خطیاں دے حوالے نال اسلام دی سوچ فکر نوں ہور اگانہ ودھاوون دی بہوں لوڑ ہے۔ جے سر سید تے اقبال دے فکر دے سوئے ٹنک ٹنک گئے تے جے مسلماناں نے اپنے کول دگن والیاں ایہناں نہراں دے تازہ پانیاں نوں اپنے علم فن تے فکر عقل دے چپ چمتے پتھن وچ آون توں ڈکی رکھیا تے مڑ اسلام دی کسے نشاۃ ثانیہ دی امید بھی نہیں رکھنی چاہیدی۔

(8)

اقبال جیوندے جی اپنے ایہناں شاندار خطیاں بارے منوں چاہوندے سن پئی کوئی ایہناں دا مسلماناں دیاں مشرقی زباناں وچ اُتھن کرے۔ سید نذیر نیازی ہوراں کجھ حصیاں دا ترجمہ کر کے اقبال نوں دکھایا وی سی، جیس نوں پڑھ کے اوہ خوش وی ہوئے سن۔ اصل وچ گل ایسہ وے پئی ایہناں نوں ترجمہ کرنا ہماری ساری

دے وس دی گل ای نہیں۔ انج تاں اینناں خطیاں دا عربی تے فارسی وچ وی اُلٹھا ہو پکیا ہے، پر نذیر نیازی دا اردو ترجمہ بڑا جان مار کے کیتا گیا ہے۔ اردو زبان دا اسلوبی وقار جُن اک ایسی پدھراتے اپڑ پکیا ہے جو ایسہ زبان کے فلسفیانہ تے سائنسی تحریر دے اصل وقار نوں قائم رکھ سکدی ہے، پر جتھوں تیک پنجابی زبان دا تعلق ہے اول تے ایس اندر نثر ای بہوں گھٹ لکھی گئی ہے تے جو کجھ ہے وی اوس وچ عالمانہ تحریراں دے ترجمے آئے وچ لُون دے برابر لہجے نیں۔ دھن شریف کنجہای نیں جیہناں ایسہ بھارا پتھراپنے موڈھیاں اتے چایا تے انج چایا جے توڑ منزل تیک اپڑا کے ساہ لیا۔ حقیقت انج ہے جے پنجابی شاعری تے تنقید اندر اوہناں دا بڑا ناں ہے، جیویں اقبال دا شاعری دے کھیت وچ۔ پر جیویں اقبال دا علمی کارنامہ اوہدے خطبے ہن ایویں شریف کنجہای دا کارنامہ اینناں خطیاں دا پنجابی ترجمہ ہے۔ جیویں اقبال دے خطیاں نوں انگریزی تاں کیہ اردو وچ وی پڑھے لکھے لوکاں نے بہت گھٹ پڑھن دی کوشش تے خواہش کیتی ہے۔ انجے پنجابی پڑھن لکھن والیاں نے وی ہاری ساری شریف کنجہای دے ترجمے نوں ہتھ نہیں پایا۔ ایسہ اساڈے وسیب دا علمی المیہ ہے۔ جے رویہ ایہو ہے تے اساڈے سارے دعوے ای غلط ہو کے رہ جاندے نیں۔

شریف کنجہای آکھ دے نیں۔

”الہامی کتاباں توں سوا کوئی کتاب سب دے پڑھن واسطے نہیں ہوندی۔ لوک اپنی اپنی پسند تے اپنے اپنے علم مطابق اپنے پڑھن لئی کتاباں دی چون کردے، نیں تے بہت گھٹ نیں جیہناں نوں فلسفے دیاں کتاباں نال دلچسپی ہوندی اے۔ بھاویں علامہ دے اپنے کسں مطابق فلسفے دا وکھر شعری تے مذہبی وکھرنالوں وکھرا نیں تے اوہ زندگی تے کائنات بارے سانجھے سوالاں دے حل ڈھونڈ کے پیش کردے نیں، پر اک خاص حد توں اگے جا کے فلسفہ ہر کسے دے وس دی شے نہیں رہندا۔ ایس دے گھم گھیر آدمی نوں ہفا دیندے نیں تے ایسے کر کے پڑھے لکھے لوکاں وچوں بہت تھوڑے نیں، جیہناں دا علامہ اقبال دے انگریزی لیکچراں نال اوہو اگوڑھ اے، جیہرا اوہناں دیاں دو جیاں کتاباں نال اے۔“

شریف کنجہای ہوراں ایس اوکھے کم نوں کیوں ہتھ پایا۔

”ترجمہ کرن دا اک کارن تاں ایہہ سی جے فلسفے دا بہت تھوڑا علم رکھن دے باوجود مینوں ایہناں سوچاں وچ سواد آوندا اے تے دو جا پنجابی زبان نال میرا پیار، جیس دا مینوں مان وی اے۔ پنجابی نثر وچ پاکستان بنن توں لے کے اج تک علمی کتاباں بہت گھٹ لکھیاں گئیاں نیں تے ترجمہ تے شاید کسے وی قابل ذکر کتاب دا نہیں کیتا گیا۔ پھیر ایہناں لیکچراں وچ کیتیاں گئیاں گلاں ول دھیان دی لوڑ اج علامہ صاحب دے ویلے نالوں وی زیادہ جاہدی اے۔“

شریف کنجاہی کہندے نیں پئی کوشش کیتی ہے کہ ترجمہ کردیاں اصل دساں وچ کوئی مغالطہ نہ پوے۔ ایہو ایس ترجمے اندر شریف کنجاہی ہوراں دا کمال ہے۔ انج جاہدا ہے جے ایہناں خطیاں دا ترجمہ پنجابی وچ کرن گئیاں انجے سوچتا وی نالو نال پیا ہے جیویں اقبال نے ڈوگھی سوچ سوچ کے ایہہ خطبے اُلکے سن۔ ایسے کر کے کدھرے کدھرے تے انج جاہدا ہے جے عبارت ترجمہ نہیں سگوں لکھی ای پنجابی وچ گئی ہے۔ ایہہ اپنے ایس ڈھیر ادھے علمی کم نال شریف کنجاہی ہوراں دے خلوص دے چنگے تے دا ثبوت ہے۔

ترجمہ کردیاں اک وڈا کم اوہناں فلسفے تے سائنس دیاں اصطلاحواں دا ترجمہ سی، بیہڑیاں اقبال نے آسانی نال ورتیاں نیں، پر پنجابی وچ تے ایہہ گل کسے ڈوگھے وین اندر چھپی مار کے موتی لہہ لیاون دے برابر گل بائی۔ شریف کنجاہی ہی ایس وچ وی بہوں سارے کامیاب تے سہل رہے ہن۔ ایہہ نویاں ترجمائیاں گئیاں علمی اصطلاحواں پنجابی علمی مضموناں تے تنقیدی مضموناں دے جے کر کدے حصہ بن سکدیاں تے ایہناں دی درست ورتوں تے اگانہ ڈھکے ہون دا نتارا وی ہوندا رہندا، ایہہ تاں تہ ہوندا جے ایہناں پنجابی وچ اتھے ہوئے خطیاں نوں کوئی پڑھیا لکھیا سو جھوان پڑھدا وی۔ سو ایہہ گل اک حادثے توں گھٹ نہیں پئی ایہہ اصطلاحواں جے توڑی وی پنجابی تنقید دا کج زیادہ حصہ نہیں بن سکیاں۔

شریف کنجاہی کہندے نیں۔

”لیکچراں وچ ورتیاں گئیاں اصطلاحواں دا ترجمہ بڑا تریڈا کم سی۔ ایس سلسلے وچ میں پنجابی دے لفظ وی گھرے ورتے نیں، گوانڈھی زباناں کولوں وی منگے نیں تے اردو وچ چالو اصطلاحواں کولوں وی کم لیا اے۔ بعض اصطلاحواں دا ترجمہ وکھ

وہ تھانویں وہ وہ کیتا گیا اے، تاں جے پڑھن والے آگوں توں جیس جیس نوں
مناسب سمجھن دے، رواج دے لین دے۔“

کے اک اصطلاح واسطے دو ترے برابر دے ترجمہ مہیا کر دیوں اک بڑی
وڈی علمی کوشش ہے، پر ہرکھ ایسہ دے جے ایس توں لکھن والیاں بہوں گھٹ لاہ
چکن دی مثال سامنے آوندی ہے۔ ایسے کر کے ایسہ شاندار ترجمہ اپنی مثال آپ
ہوون دے باوجود اگانہ علمی پنجابی نثر لکھن والیاں واسطے کوئی عملی مثال نہ بن سکيا۔
ایس وڈی گھٹ دی ذمہ داری پنجابی لکھاریاں اتے آوندی ہے، ترجمہ کار اتے
نہیں۔ عذریاں انگریزی اصطلاحواں دے ترجمے کمال دے نیں جیویں:

DOGMA	منوتی	RESPONSE	پرتا
PLANETS	پھر اکلاں	SPIRIT	اندرتا
OUT LOOK	نکواڑ	CONCRETE THOUGHT	تھوہی سوچ
INSE PERCEPTION	حس کیز	IMPLUSE	اکسان
EMOTIONAL	موجل	CONCEPT	چیتہ
ORGANIC WHOLE	انگ روپی	PROCESS	چلار
VISIBLE	دسل	MYSTICAL	مستار

کمال دی گل ایسہ دے پئی جدوں خطبے انگریزی زبان وچ لکھے گئے سن تاں
اوہ زبان اپنی ترقی شدہ اسلوبی حیثیت وچ موجود سی، پر پنجابی زبان دی نثری صورت
اجن انج نہیں۔ مژ کامیاب ترجمہ کر لیون کے معجزے یاں جادوگری توں گھٹ نہیں۔
ویہویں صدی فلسفے تے سائنسی علماں دے رعب دابے دی صدی ہے، بیہڑی ہن
صمکن والی ہے۔ پنجابی زبان دے ادب اندر ہر شے لہجہ ویسی پر ایہو گلاں کدھرے نہ
لہسن۔ سو شریف کنجاہی ہوراں ایس صدی وچ ایسا اوکھی گھائی عبور کر دکھائی ہے۔
انج ایسے صدی دے تیجے دہاکے وچ رسالہ ”سارنگ“ نوں انٹرویو دیندیاں اقبال ٹھیک
آکھیا ہائی پئی۔ ”پنجابی بولی ایس ویلے کوئی علمی زبان نہیں۔“ شریف کنجاہی نے اقبال
دے خطیاں دا ای ترجمہ کر کے بیہناں نوں اوس آپ ”حرف پچھا تھی“ آکھیا
ہے۔ پنجابی بولی علمی زبان بناون دی کامیاب کوشش کر دکھائی ہے۔ اقبال نے ایسے
انٹرویو وچ گل کر دیاں اگانہ جا کے آکھیا سی۔

خطباتِ اقبال دا پنجابی رُوپ

علامہ اقبال دے خطبیاں نوں کسے وی دوجی زبان وچ ترجمانا کئی حوالیاں نال اک اوکھاتے وڈی ذمہ داری داکم ہے۔ ایہہ خطبے روایتی حوالے نال دیکھیتے تے کوئی خالص فلسفیانہ انداز نال نہیں لکھے گئے۔ ایسے لئی اینہاں دے بارے اک تھانویں علی عباس جلاپوری آکھیا ہے کہ اینہاں خطبیاں وچ اقبال فلسفی توں ودھ اک متکلم نظریں آوندے ہن۔ اقبال اصل وچ اک بھروں تے ہوں کچھی شخصیت دے مالک ہن۔ اوہناں نوں شاعری، مذہب، فلسفہ، تاریخ، علم الکلام، تصوف، سائنس تے نفسیات نال ڈاڈھی دلچسپی سی تے اوہناں دے خطبیاں وچ وی ایہہ علمی پچھوکڑ جھلکارے پیا ماردا ہے۔ اتھے گوہ گوچری گل ایہہ ہے کہ اینہاں علماں دے راہیں علامہ اقبال ہووے کھنا کیہ چاہوندے ہن؟ اتے اساڈے ترجمہ کار تائیں ایہہ گل کس حد تک اپڑی ہے؟ شریف کنجاہی ہوراں نے وی اینہاں سوالاں تے گوہ کیتا تے اقبال دے خطبیاں نوں بڑی محنت تے ذمہ داری نال ترجمایا۔ کسے وی لکھت دا ترجمہ اونے چر تائیں کامیاب قرار نہیں دتا جا سکدا جے چر تائیں ترجمہ کار اوس گل توں چنگی طرح جانو نہ ہو جاوے، جو لکھاری کھنا چاہوندے ہے۔

اقبال دے خطبیاں نوں پڑھ کے تے پھیر پڑھا کے (بیسرا اصل وچ شیواں نوں سمجھن دا ہی اک عمل ہوندا ہے) ایسے ٹے تے اپڑیا ہاں کہ اوہناں نے اینہاں دے وچ کچھ دُپھیڑاں (Distinctions) نوں میلن دی کوشش کیتی ہے جیویں دین تے دنیا، فکر تے وجدان، تصوف تے سائنس، نفسیاتی تے مذہبی تجربے دی تحقیق، ذہن تے مادے وچ بیسری دوئی سائنس، مذہب، تصوف، فلسفے تے سائنس نے قائم کیتی ہوئی ہے (خاص طور تے جدوں علامہ اقبال ہووے ایہہ خطبے لکھ رہے سن۔) ایسے دوئی دے خلاف ایہہ خطبے اقبال دا اک فکری تے علمی کارنامہ ہن۔ نذیر نیازی

ہو راں، جیمنان نے اینناں خطیاں دا اردو ترجمہ وی کیتا ہے، دا ایسہ کہناچ ہے کہ اینناں دے وچ انسانی زندگی دے کجھ بنیادی مسئلیاں تے غور کیتا گیا ہے تے حقیقت تیک اپن لئی کئی علماں تے فناں کولوں مدد وی لئی گئی ہے۔ ایس زوایے توں دیکھیے تاں ایس کتاب نوں ”غیر فلسفیانہ“ آکھنا وی اوکھا تھی جاندا ہے۔

جدوں اقبال دین تے دنیا دی تفریق دی زندیا کردے ہن تاں اوہوں اوہ اسلام دا موازنہ دوجے مذہباں نال کر کے اپنی گل سمجھاؤں دی کوشش کردے ہن، جیمنوں ایس Comparative Religious Studies آکھ سکدے ہاں۔ فکر تے وجدان وچ دوئی دا انکار اقبال نے مذہبی تے فلسفیانہ دوواں سطحاں تے کیتا ہے۔ برگساں دا حوالہ دیندیاں اوہ آکھدے ہن کہ وجدان، فکر دی ہی اک ترقی یافتہ شکل ہے۔ اقبال ہو ریں امام غزالی نال وی اختلاف کردے ہن۔ اوہناں دے آکھن موجب امام غزالی نے وی فکر تے وجدان وچ بیڑا رشتہ قائم کیتا ہے اوہنوں سیہانیا نہیں۔ امام غزالی تے دوجا اعتراض اوہناں نوں ایسہ ہے کہ امام صاحب نے اپنی علمی تجسس دی بنیاد شک تے رکھی، بیڑی قرآنی تعلیمات دے مطابق نہیں۔ ایس مقام تے اقبال واقعی اک متکلم دا رُوپ وٹا جاندا ہے ہن۔ فکر تے وجدان دوواں نوں اصولوں (فی نفسہ) اک من کے اوہ امام غزالی تے کانٹ دوواں نال اختلاف کردے ہن اتے اپنے ایس اختلاف دی وضاحت لئی فکری تے منطقی دلیلاں وی دیندے ہن، پر روایتی فیلسوفاں ہار اپنے علم دی بنیاد شک تے نہیں رکھدے۔ اقبال دے ایس طریقہ کار یاں رویے توں اک دلچسپ صورت حال پیدا ہوندى ہے۔ اقبال دا پڑھناں کتے نہ کتے جھکا وی ہے تے پریشان وی ہوندا ہے۔ اوہ اپنے پہلاں توں بڑھتے، اگدوں چت دھرے خیالاں توں ہڈیاں کجھ گھبراؤندا وی ہے اتے کتے کتے بہوں دلچسپی وی محسوس کردا ہے۔ خالص فلسفی، خالص فنکار اتے خالص صوفی منش انسان یاں کسے مذہبی مفکر دا ایس کتاب نال نباہ کوئی آسان گل وی نہیں۔

جیسن ویلے اقبال تصوف تے سائنس وچ دوئی نوں من توں انکار کردے ہن، اوتھے وی اوہ اپنے آپ نوں اک مشکل تھاں تے کھلا دے جا پدے ہن۔ مذہبی تجربے نوں وی اوہ اک ”حضورِ تجربہ“ قرار دیندے ہن یعنی اک ایہیا تجربہ جیڑا ایس اپنے حواس دے راہیں اک معروضی شے دا بظاہر ناظر تے منظور دی دوئی نال

مشاہدہ کر دے ہاں۔ اقبال مادے دے قدیم تصور نوں غلط قرار دے کے اتے مادے دی حیثیت دا اصولوں انکار کر کے ایس نتیجے تے اپڑدے ہن کہ فکر تے مادہ اپنی اصل وچ اک ہن۔ اوہ برکے دا حوالہ ایس سلسلے وچ دیندے ہن اتے جدید فزکس دا حوالہ دے کے وی اوہ فزکس دے قدیم اصول دی زندیا کر دے ہن کہ مادہ اپنے آپ وچ کوئی مستقل شے ہے۔

اقبال ذہن تے مادے دی تفریق توں انکار کردیاں زماں تے مکاں دے نظریاں تیک اپڑدے ہن۔ جے ذہنی تے روحانی جوہر نوں کائنات دا اصل منیے تاں پھیر زماں یاں وقت دا نظریہ بہوں اہم ہو جاندا ہے۔ جے دوجے پاسے مکاں نوں اصل من لئیے تاں مذہب تے روحانیت دی گنجائش محک جاندی ہے۔ آئن سٹائن ایسے لئی قبال نوں بہوں پسند ہے کہ اوس دی تحقیق نے نیوٹن دی مکینیکل فزکس وچ انقلاب برپا کر دتا تے مذہب تے روحانیت لئی گنجائش پیدا کر دتی۔ اوہناں اپنے خطیاں وچ ایس گل دی کافی وضاحت کیتی ہے کہ زماں تے مکاں دا مسئلہ مسلمان فیلسوفان تے علم الکلام دے ماہراں لئی زندگی تے موت دا مسئلہ کیوں بن گیا سی؟ اوہناں نے آپوں وی ایس مسئلے تے شاندار بحث کیتی ہے تے جدید نفسیات توں لے کے جدید سائنسی تحقیق تیک سبھ کولوں مدد لین دی وی کوشش کیتی ہے۔

اسیں ہن تیک ایسے مسئلے تھڑے ساہنے رکھے ہن، جیڑے اقبال دے خطیاں دا موضوع ہن۔ ایہناں مسئلاں دی وضاحت توں وی ایہہ گل منتردی ہے کہ اوہناں نے کوئی روایتی تے تکنیکی (Technical Philosophical) طریقہ نہیں ورتیا۔ ایسے پاروں ایہہ مسئلے تے اوہناں دے جواب لکھاری تے قاری دوواں نوں کئی وادیاں دی سیر کراوندے ہن، پر جتھوں تاں شریف کنجاہی ہوراں دا تعلق ہے اوہناں اک ایہی وادی دی سیر وی کیتی ہے جو کہ رزوی ترجمہ کرن والا ہی کر سکدا ہے۔ ایہہ اکھراں، شبدان، زبان دیاں رمزاں تے گھنٹاں دی وادی ہے۔ ایہہ تاں واضح ہے کہ شریف کنجاہی ہوراں نے ایس گل نوں چنگی طرح سمجھ کے ترجمے دے کم نوں ہتھ پایا کہ ایہدے وچ کیہ کیا گیا ہے۔ جے شریف کنجاہی ایہہ نہ سمجھدے تے کدی ایٹا کامیاب ترجمہ نہ کر سکدے۔ اوہناں دا اپنا تعلق شاعری، فکر تے مذہب نال ایٹا گڑھا ہے کہ اوہناں نوں ایہناں خطیاں دی سیماں وچ کوئی

اوکڑ نہیں ہوئی، پر دو جا مسئلہ پہلے توں وی اوکھا سی کہ اینوں لوکاں تیک کج اپڑایا جائے۔ اساڈے خیال موجب شریف کنجائی ہوراں ایس کم لئی کئی وڈے فیصلے کیتے۔
 سبھ توں پہلی گل ایسہ وے کہ اوہناں نے عربی، فارسی تے انگریزی دیاں اصطلاحواں نوں ورتن وی تھانویں۔ بیتیاں اصطلاحواں پنجابی وچ بنائیاں ہن۔ ایسہ اک بہت وڈا قدم ہے، نیزا ذمہ داری دے نال نال سمجھ بوجھ تے ڈونگھا گیان وی منگدا ہے۔ دوجی گل ایسہ کہ ایناں اصطلاحواں نوں عام زبان دے قریب کرن دی کوشش کیتی ہے۔ جیویں۔

Infinite	بے انت	Alien	ادبڑ
Categories	دھراں	Individuality	اکلتا
Organic	حیاتی	Response	پرتا
Stimuli	بھٹلاں	Process	چلار
Teleological	منشائی	Cosmological	جگتائی
Impressions	چھاپاں	Sectional	ٹوکویں
Whole	پورنی	Spiritual	روحی
Memory	چیتا	Undetermined	ان رمتیا
Efficient	کرن ہار	Imagination	کلپنا
Visible	دسئیک	Mathematical	رمنے رمتے
Out look	نگراڑ	Optimist	آس وادی
Dynamic	ودھن ہاری	Species	جاتی
Complexity	پچھا تہی	Monastic	تیاگی
Configuration	شکلی	Spontaneity	آپ مہارا
Plurality	ایکیتا	Immensity	چوکھیر
Competing	ورودھی	Becoming	ہون

اتنے ایسہ گل کرنی کتھادیں نہ ہوسی کہ اساڈے ترجمہ کار دے سامنے پنجابی دی کوئی بھرویں علمی تے نثری روایت دا نمونہ نہیں سی۔ 1947ء گمروں پنجابی وچ نیزا علمی کم چڑھدے پنجاب وچ ہویا تے خاص طور تے علمی اصطلاحاں گھڑیاں

کیاں، اوہ پنجابی دیاں گھٹ تے سنکرت دیاں بہتیاں نیں۔ اوہناں نوں اتھے چالو کرنا تاں دور دی گل ہے، سمجھنا وی اوکھا ہے۔ بہتوں تیکر اردو دا تعلق ہے تے ایہدے وچ وی اصطلاح سازی دا کم تاں سرکاری اداریاں ولوں ہویا ہے، پر ایہہ اصطلاحاں گھڑن والیاں دے اپنے پلے وی نہیں پیندیاں تے جے کتے علمی نثر وچ ورتی اصطلاح نوں پہچاننا پوے تاں اصل زبان دے سہارے بناں کم نہیں پلدا، جیہیں زبان توں اوہدا ترجمہ کیتا گیا سی۔ اردو زبان بارے عام تاثر ایہہ وے کہ ایہدے وچ گل ملی ہو جاندی ہے، پر ایہدے مقابلے تے پنجابی دا معاملہ اگّا ای وکھرا ہے۔ اک زبان توں دوجی وچ ترجمہ کرنا نرا لفظی وٹاندرا ای نہیں ہوندا سگوں ہر لفظ دا اک خاص ثقافتی پچھوکڑ ہوندا ہے تے اوہدا وگواں (مبادل) وی کسے زندہ ثقافت تے زبان وچوں بھالیا جا سکدا ہے۔ پنجابی دے بابے پروفیسر شریف کنجاہی ہوراں لئی ایہہ اوکڑ ضرور سی کہ اوہناں دے سامنے کوئی ایہی علمی روایت نہیں سی، جیہیں توں لاہجہ چک سکدے، پر دوجے بنے ایہہ گل وی مان یوگ ہے کہ پنجابی زبان وچ ایہی وسعت تے گہرائی ہے کہ ہر گل نوں چنگے سبھا نال بیانن ذی قدرت رکھدی ہے۔ ایہی صورت حال وچ اقبال دے خطیاں نوں کامیابی نال پنجابی روپ تہوں ای دتا جا سکدا ہے کہ ترجمہ کار کتابی علماں دے نال نال گڑھیا وی ہووے۔ گڑھے ہوون پاروں ای تاں فلسفے دیاں اصطلاحاں عام بول چال دے لفظاں وچ وٹا سکے ہن۔ ایہہ دوویں گن ترجمہ کار دی شخصیت دا وصف ہن، تہوں ای تاں اوہ اپنا وڈا کارنامہ سرانجام دے سکے ہن۔ ایس ترجمے نے اساڈے اندر آپ وساہی پیدا کیتی ہے کہ جے پنجابی نوں چنگے ڈھنگ نال ورتیا جاوے تاں ہر گل چنگے نال کیتی جا سکدی ہے۔

ایس شریف کنجاہی ہوراں نوں، غصیاں گلاں تے مبارک باد پیش کردے ہاں۔ سبھ توں پہلاں تاں اوہ ایس گل لئی ودھائی دے مستحق ہن کہ اوہناں اقبال دے نال نال اوہناں وادیاں دی سیروی کیتی جیہڑیاں تصوف، مذہب، سائنس تے کتے نفسیات دی جُون وٹا لیندیاں ہن۔ اقبال دے پیغام دی اصل رُوح نوں سمجھ کے ای اوہ ایس قابل ہوئے کہ ایہوں پنجابی وچ ترجمانوں دا کامیاب تجربہ کر سکے۔ دوجی گل ایہہ وے کہ اوہناں دی ذہانت نوں داد دینی پیندی ہے کہ گھٹو گھٹ ڈیڑھ سو اصطلاحاں دا اوہناں نے پنجابی ترجمہ کیتا ہے تے ایہراں نویاں اصطلاحاں وی وجود

وچ آگیاں ہن تے ایناں داست وی عام زبان توں ہی جھٹدا جا پدا ہے۔ ایہہ اصطلاحاں پنجابی زبان وچ کس حد تک پرچلت ہو سکدیاں ہن، ایہدا جواب تے سماہی دیوے گا، پر ایہہ گل بڑی سوادلی ہے کہ اقبال داٹگوں شریف کنجاہی ہوراں کتے خالص فلسفی، خالص شاعر تے خالص دانشور بن دی کوشش نہیں کیتی۔ حقی گل ہے کہ ایہہ ”خالصیت“ اگدوں رچت دھراں خیالاں نوں ہو ر پکیرا کردی ہے تے نویاں تے نرول سوچاں دا رستہ ڈکدی ہے۔

پنجابی ناول

عالمی ادب وچ ناول دی ابتداء

ناول کہانی کاری دے نثری ادب وچ ایسی کاڈھ اے، جیہڑی عام کہانی توں ودھ لی تے سمجھل دار ہون دے نال نال نویں سوچ تے انسانی تجربے اتے اپنی لکھت دی نیند رکھدی اے، تے ایس مقصد واسطے اک کھلا ڈھلچڑ بھجے کے لوکاں دی کسے سگت اتے واپرے ہوئے واقعات دے سلسلے دی وار تابیان کردی اے۔ ناول دا لفظ اطالوی زبان دے Novella توں نکلیا اے، جسدے معنی میں ایہی ٹھوس نثری داستان جیہڑی کئی کہانی توں ودھ لی ہووے، پر جیوں جیوں اپنے زمانے دے تقاضے ناول دا دامن کچدے گئے ایہدا قد بت ودھدا تے مہماندرا اکھڑا گیا۔ اج ایہدے انیکاں روپ نیں، پر اسلوب تے موضوع دے اعتبار نال ناول دیاں وڈیاں قسماں ایہہ نیں۔

1- گرومانی ناول 2- تاریخی ناول 3- سوانحی ناول 4- نظریاتی ناول 5- سیاحتی
یاں مہماتی ناول 6- نفسیاتی ناول 7- خطاں یاں ڈائری دے ڈھنگ نال لکھے ہوئے
ناول۔

یورپ وچ ناول دا مڈھ ہسپانوی شاعر تے ڈراما نویس de Cervantes Miguel (1616ء - 1547ء) دی تصنیف "Don Quixote" توں بچا۔ ایہہ موہرلا ناول جسدے وچ غیر ممکن و ہم خیالاں نوں اک سحرے تے اوہدے نفردیاں کرتاں راہیں زویں دی دسوں وچ گوگنہ کے پیش کیتا گیا اے، 1605ء وچ لکھی گئی تے ایسے کتاب توں آگون آون والے یورپین ناول دا مہماندرا نکھڑیا۔

بھادویں ستارہویں صدی عیسوی وچ فرانس دے کہانی کاراں ایس صنف ول

وی دھیان کیتا، پر ناول نے جیس دھرتی وچ جڑھ پکڑی اوہ انگلستان دی دھرتی سی۔
 انگریزی ادب دا سبھ توں پہلا ناول نگار "Daniel Defoe" (1660ء - 1731ء) سی۔
 اوہدا ناول "Robinson Crusoe" (1719ء) جُن تیک مہماتی ناولاں واسطے
 اک مثال سمجھیا جاندا اے۔ (1) فیئر Jonathan Swift (1667ء - 1745ء) نے اپنا
 مشہور سیاحتی ناول "Gulliver's Travels" 1726ء وچ لکھیا تے ایس انگ دی
 ناول نویسی دا جوتھا لایا۔ اودوں پچھے اک ہور وڈے ناول نگار Richardson
 Samuel (1689ء - 1761ء) نے اپنا طول طویل ناول "Clarissa Harlowe"
 1745ء وچ لکھیا۔ ایسہ ناول خط و کتابت دے سبج سبھا بیانیہ انداز دی موہری مثال
 اے پر ایسہ جذباتی تحریر جیہڑی جنیت دوالے گھدی اے، اپنی دکھ وچ رہجی ہوئی
 اے پئی ایسوں پڑھ کے فرانسیسی مفکر روسو تے جرمن شاعر گوٹے وی اکھاں اتے
 رمال رکھ لے۔ (2) انگریزی ادب دے کلاسیکی دور دا چوتھا موڈھی ناول نگار
 Henry Fielding (1707ء - 1756ء) اے۔ اوہدا ناول "Tom Jones"
 (1749ء) اٹھارھویں صدی عیسوی دی مجلسی زندگی دا اک وسیع منظر نامہ اے۔
 فیلڈنگ دیاں تحریراں دا اثر اوہدے مگروں آون والے ناول نگاراں ڈکنز، ٹیکرے،
 گاٹورڈی تے کپلنگ دیاں تخلیقاں وچ صاف جھلکدا اے۔ (3)

ناول دی مقبولیت دی اک وڈی وجہ ایسہ سی پئی نثری ادب دی ایسہ صنف
 لکھاری نوں انسانی زندگی دے اوہناں تجربیاں دی کھوج لان دیاں راہواں دسدی
 سی، جیہناں نوں جُن تیک ادب دی حدوں باہر سمجھیا جاندا سی۔ ایہدے راہیں پہلی
 واری روز مرہ زندگی دی چھوٹی توں چھوٹی تفصیل لکھاری دی تحریر دا موضوع بنی۔
 انج ناول صحیح طور تے حیاتی دے اینکاں مڑوپ وکھان والے شیشے دی حیثیت نال
 معاملے آیا، جیہدے وچوں لوکاں اتے ورت جان والیاں حقیقتاں دا اصل مہاندرا
 دسداسی۔

ناول دا ایسہ حیثیت پسندانہ روپ آٹھویں صدی عیسوی دے نصف آخر وچ
 اپنے عروج تے سی۔ اودوں لوکاں وچ تعلیم دی شرح ودھ جان نال پڑھاکاں دی
 تعداد وچ واوہا ہو چکیا سی تے اے نویں ذرائع ابلاغ دی یلغار شروع نہیں سی
 ہوئی۔ اس زمانے وچ ناول نگاری دے میدان وچ بڑے بڑے ناں ابھرے۔

انگلستان وچ ڈکنز، تھیکرے تے جارج ایلیٹ، فرانس وچ بلزاک، فلو برٹ تے ڈولا، اتے روس وچ ٹرگی نیف، دوستو وسکی تے "War & Peace" جیسے شاہکار ناول دا عظیم تخلیق کار ٹالسٹائی۔

ویسویں صدی وچ ناول توں حقیقت پسندی دا روپ کھوہ لیا گیا۔ جہز جوائس جیسے ناول نگار ایسو جیسے کرب ازمان لگے پئے، جیہناں نال ادب وچوں حقیقت نگاری دا رنگ گھنایا جاسکے۔ انج ناول دی شکل ایوں بدل گئی پئی اوہ عام پڑھاکاں دی آس پوری نہ کر سکیا تے اوہناں دی سمجھ توں اُچّا ہو گیا۔ ایس تجربے نے وی بڑے وڈے ناول دتے نیں، پر نالو نال لوکاں دے دل پسند ناول تے خالص ادبی ناول دا آپس وچ فاصلہ وی ودھ گیا اے۔ ایس زمانے وچ وی گراہم گرین جیسے کجھ ناول نگار حقیقت پسند ناول لکھ تے رہے نیں، پر ایسہ تھوڑے جیسے ناول اوس عالمگیر ادبی تحریک دامونہ نہیں موڑ سکدے، جیہدا مقصد خالص ادبی سطح اتے ناول لکھنا اے۔

پنجابی وچ ناول دا مڈھ

بھائی ویر سنگھ (1957ء - 1872ء) نوں پنجابی وچ ناول نگاری دا موڈھی سمجھیا جاند اے۔ بھادویں اوہدے ہم عصر لکھاریاں موہن سنگھ وید تے چرن سنگھ شہید نے وی ناول لکھے نیں، پر جیہیں ناول کار نے عام پڑھاکاں اتے ناول راہیں سب توں ڈونگھا اثر پایا اوہ بھائی ویر سنگھ اسی سی۔ اوہدے پہلے تن ناول "سندری" "بجے سنگھ" تے "ستونت کور" تاریخی تے مذہبی رنگ دے سن تے اینہاں وچ اوس ویلے دی جھلک ملدی اے، جدوں مغل سرکار اپنے آخری دماں تے سی تے سکھ اوہدے نال تھامیں تھامیں مکر پے لیندے سن۔ اینہاں ناولاں وچ موضوع دی منگ موجب کھڑکا دھڑکا، بھیڑ مقابلہ، بھیڑاں بھرے تہ خانے تے معجزاتی رہائیاں وانگر دے واقعات بیانے کئے نیں۔ کردار اصولاں دی اُچّی پدھر تے نیں تے سکھ سماج نوں اگانہ ودھن تے اپنا حق حاصل کرن دی راہ دکھائی گئی اے۔ "سندری" وچ اک بہادر عورت دا مثالی کردار دکھا کے اوہدے توں حوصلہ تے ہدایت حاصل کرن دا سبق دتا گیا اے۔ ناول دی ایہ مڈھلی شکل وچ کردار کھپتلیاں جاہدے نیں۔ جیہڑے چنگے نیں اوہناں

وچ کوئی ونگ نہیں تے جیڑے بھیرے نہیں اوہناں وچ اکا کوئی چنگ نہیں۔ بس اک سانچے وچ ڈھلے ہوئے معلوم ہوندے نیں۔ بھائی ویر سنگھ دا چوتھا ناول ”بابا نودھ سنگھ“ سماج سدھار دے مقصد نوں سامنے رکھ کے لکھیا گیا اے۔ ایس کر کے ایس اینوں اک نظریاتی ناول آکھ سکے آں۔

چرن سنگھ شہید (1920ء - 1893ء) دے پہلے دو ناول ”رنجیت کور“ تے ”دیر کور“ نیم تاریخی قسم دے نیں تے ایناں وچ وی مجلسی سدھار ول اُگار ہون کر کے کردار گھڑے گھڑائے تے بے جان جاہدے نیں۔ انج ایس ناول نگار نے ناول دی ایس لوڑ نوں ضرور پورا کیتا پئی اپنے آلے دوالے وچوں کردار چنے تے اوہناں اتے ای اپنے ناول دی نیند رکھی۔

موہن سنگھ وید اک مصلح دی حیثیت وچ سامنے آیا تے اوہنے سکھ سماج دی سدھار تے اپنی سوسائٹی نوں یورپی تہذیب دیاں برائیاں توں جانو کروانا اپنا فرض سمجھیا۔ اوہدے ناولاں وچ کردار اوہدے اپنے معاشرے توں لے گئے نیں۔ اوہدا نمائندہ ناول ”اک سکھ گھرانہ“ اے، جیہدے وچ اوہنے سکھاں دے مخصوص ماحول توں اپنے ناول دا آلا دوالا بدھا اے۔ اوہدے دوجے ناول ”سرسٹ کلاں دی چال“ تے ”سکھ پروار“ نیں۔

پنجابی ناول دے ریکھی دور دا پہلا موڑ اودوں آیا؛ جدوں نانک سنگھ دے لکھے ہوئے ناول سامنے آئے۔ نانک سنگھ نے، ’جیڑا نانک سنگھ ناولسٹ اکھواندا سی‘ 35 ناول لکھے۔ بیناں وچوں ”چٹا لو“، ”ادھ کھڑیا پھل“، ”مٹی دینا“، ”اگ دی کھید“ تے ”آدم خور“ مشہور نیں۔ ایس ناول نگار نے ریکھی سماج تے ریکھی پرچار دی جوبہ وچوں نکل کے سارے سماج دا احوال بیان کیتا۔ عام لوکاں دے دکھاں درداں نوں چھوہیا تے مذہب دی آڑ وچ ول فریب کرن والیاں پاکھنڈیاں دا بھانڈا بھنیا۔ اوہنے انگریز دی ”چھٹ پاؤ تے راج کرو“ والی پالیسی ول دھیان دواندیاں ہویاں ہندوستان وچ وسن والیاں قوماں وچ اتحاد قائم کرن دا جتن کیتا۔ ایہدے نال نال اخلاقی ناولاں دی وی نیند رکھی۔ اوہدے ناولاں وچ بھائیں پاتر اُساری کمزور اے، پر گوند دے کچھوں ناول نوں اوہنے اچھا مقام دتا۔ اوہ کہانی گُندن تے دلچسپی قائم رکھن وچ کمال رکھدا سی، البتہ اوہدے کول نویں موضوعاں دا گھٹا سی۔

ٹانک سنگھ ناول ۱۹۲۷ء نوں داخل ہویا تے ۱۹۲۸ء تیک اوہ چار ناول لکھ دی پکيا سی۔ ۱۹۲۹ء وچ اوہنے ”چٹا لو“ لکھ کے لوکاں نوں اپنے دل متوجہ کیتا تے اوہوں کچھ اوہ ہر سال اک یاں دو ناول لکھ چھڈا سی۔

ایشور چندر مندا دراصل ڈراما نگار سی۔ اوہنے وی دو ناول لکھے۔ ”مراد“ تے ”تیج کور“۔ ڈراما نگار ہون پاروں اوہدے کرداراں دی اٹھان تے اوہناں وچ جند جان بھروس اے، پر فیرو دی اوہ اپنے ناولاں دی کہانی وچ رس پیدا نہیں کر سکيا۔

ہرنس سنگھ نے پنجابی دا وڈا ناول لکھیا اے۔ ”نکستنا“ دی گوند بھاویں کھلویں اے، پر ایس ناول دی اہمیت ایس گل وچ اے پئی ایہدے اندر اوس دور دے سیاسی رجحان تے تحریک آزادی دا پورا مہاندرا دسدا اے۔ ایس موکلے پڑ وچ ہندو، مسلمان تے سکھ سارے ای کردار بھدے نیں، جیڑے اپنے ملک نوں آزاد کران دی جدوجہد وچ اپنیاں جاناں قربان کرن نوں تیار نیں۔

میراں بخش منہاس دا لکھیا ہویا ناول ”جٹ دی کرتوت“ پہلا ایہنا ناول اے، جیڑا کہ مسلمان لکھاری نے پاکستان دے علاقے وچ رہ کے لکھیا اے۔ ”جٹ دی کرتوت“ اک ایہیہ بے سمجھ تے بے مہارے جٹ دی کہانی اے، جیڑے نک نمود دی دی خاطر اپنی دھی دے ویاہ اتے بتوں باہر خرچ کر کے اپنی ساری حیاتی دو گھڑی دی جھوٹھی واہ واہ مسمن مگروں دکھاں دے بھامبر وچ سٹ کے سواہ کر دتی۔ نواب خاں وڈا راج نے برکت بی بی دا ڈولا ٹورن واسطے ساہوکار توں رج کے قرضہ پکيا، پر اوہ ایٹا بھار مچکن جوگا نہیں سی۔ ایس کر کے ساہوکار دا قرض لاہن توں پہلوں اوہنوں بڑے بکھیڑے پئے۔ پہلے اوہنوں عدالت وچ لے گئے تے اوہدے کولوں اوہ رقم دھرا لئی، جیڑی اوہ اک شرکیے برداری دے جٹ اگے اپنی زمین گننے پاکے اوسے دن وصول کر پکيا سی تے نالے اوہدی قرقی دے وارنٹ وی جاری کر دتے گئے۔ نتیجہ ایہہ ہویا پئی چودھری نواب خاں جیڑے اپنی زمین پہلوں ای گننے پا چھڈی سی، اپنے جدی مہشتی مکان توں دی بے دخل ہو گیا تے رات دے ہیرے وچ چوراں دا نگر اپنے مہرنوں گڈے اُتے لد کے اپنے چڑکھاں دے پنڈوں مکلیا تے اک ہو ر پنڈ اپنے چڑکری یار پھولا سنگھ دی حویلی وچ پناہ گیر ہو کے جا بیٹھا۔ ایس بے نصیب مہر وچ نواب خاں دی دھی برکت بی بی وی شامل سی، جیڑے ویاہ اتے اٹھا پیسہ

روڑھن بچوں ایسہ سارا جھٹکا ایس حال نوں اپڑیا سی۔ برکت بی بی نوں اوہدے سوہریاں کچی دا مینہ مار کے مینیوں اندر اندر پچھانہ ٹور دتا سی۔

کچھ چر مگرین نواب خاں پھولا سنگھ دے بھرا کول لائل پور (فیصل آباد) دے اک چک وچ کھیت مزدوری دی آس تے ٹرپیا، پر ہونی اوہدے پیراں تے پیر دھری آوندی سی۔ جیس ویلے ایسہ لٹیا پٹیا قافلہ رسول نگر والے پتن توں پنہاں لنگھ کے حافظ آباد لاگے اپڑیا تے او تھے جھوٹا اکیترا پک پیا سی تے واڈھی لگی ہوئی سی۔ نواب خان تے اوہدا پھوراپتر لائیاں کرن لگ پئے۔ اتھے تپ نے سارے مبر نوں گھیر لیا تے جدوں نواب خاں اگانہ ٹرپیا تے اوہدے دو بال، اک پتر تے اک دھی او تھوں دی مٹی تھلے ای دبے پے رہے۔

نویں پنڈ جا کے نواب خاں دے دن پھر گئے۔ کچھ اوہ آپ حالات دے جیکے کھا کے سیانا ہو گیا سی۔ اوہنے اپنے پتر نال رل کے محنت کیتی تے رب اوہناں دی محنت دی کمائی وچ برکت پائی۔ کچھ مدت توں بعد جدوں اوہدے کول پیسے ہو گئے تے نواب خاں آپ چل کے ساہوکار کول گیا تے ساری بقایا رقم بھر کے لیکھا مکا آیا، نالے اپنے پچھلے پنڈ دا مکان دی رملب پوچ کے درست کر آیا۔ فیر اوہنے اپنے اک واہک نوں اپنے گھر دوستی واڑیا تے اپنی زمین داکم اوہدے حوالے کیتا۔ زمین دس سال واسطے رہن سی۔ جدوں ایسہ مدت گزری تے ایسہ رہن وی مک گیا تے ہور بہت ساری زمین نواب خاں اپنے پنڈ وچ خرید لئی۔ اودھر برکت بی بی دے سوہریاں نوں وی جدوں پتہ لگا پئی نواب خاں دے دن پھر گئے نیں تے اوہ وی میل لے کے نواب خاں نال صلح دا بیج پان آگئے۔ نواب خاں نے اپنیاں شرطیں تے دھی نوں سوہرے موڑ گھلیا۔ برکت بی بی وی جُن کلی گھر سانجھ سکر کے سیانی ہو گئی سی، ایس کر کے جدوں اوہ اپنے دکھرے گھر گئی تے اوہنے واہ واہ سلیقے نال گھر چلایا۔ فیر رب دی مہر ہوئی تے اوہدے گھر لالاں جیسے بیج پتر ہوئے۔

”جٹ دی کر توت“ پرانے اندا دا اک نظریاتی ناول اے، جیرا اک خاص مقصد نوں سامنے رکھ کے لکھیا گیا اے۔ ایسہ مقصد اساڈی دیہاتی آبادی، خاص طور تے جٹاں وچ فضول خرچی دی عادت دی زندیا کرنا تے ایہدیاں خرابیاں ول دھیان دوا کے اپنے دیہاتی معاشرے وچ فضول رسماں رواجوں اتے بے جاتے بے انتہا

ٹانک سنگھ ناول ھے پڑ وچ 1927ء نوں داخل ہويا تے 1928ء تیکہ اوہ چار ناول لکھ وی پکيا سی۔ 1929ء وچ اوہنے ”چٹا لو“ لکھ کے لوکاں نوں اپنے دل متوجہ کیتا تے اودوں کچھ اوہ ہر سال اک یاں دو ناول لکھ چھڑدا سی۔

ایسور چندر مندا دراصل ڈراما نگار سی۔ اوہنے وی دو ناول لکھے۔ ”مراد“ تے ”تج کور“۔ ڈراما نگار ہون پاروں اوہدے کرداراں دی اٹھان تے اوہناں وچ جند جان بھروں اے، پر فیرو دی اوہ اپنے ناولاں دی کہانی وچ رس پیدا نہیں کر سکيا۔

ہربنس سنگھ نے پنجابی دا وڈا ناول لکھیا اے۔ ”نکستہ“ دی گووند بھادیس کھلویں اے، پر ایس ناول دی اہمیت ایس گل وچ اے پئی ایہدے اندر اوس دور دے سیاسی رجحان تے تحریک آزادی دا پورا مہاندرا دسدا اے۔ ایس موکلے پڑ وچ ہندو، مسلمان تے سکھ سارے ای کردار بھدے نیں، بیہڑے اپنے ملک نوں آزاد کران دی جدوجہد وچ اپنیاں جاناں قربان کرن نوں تیار نیں۔

میراں بخش منہاس دا لکھیا ہویا ناول ”جٹ دی کرتوت“ پہلا اجیہا ناول اے، بیہڑا کے مسلمان لکھاری نے پاکستان دے علاقے وچ رہ کے لکھیا اے۔ ”جٹ دی کرتوت“ اک اجیہے بے سمجھ تے بے مہارے جٹ دی کہانی اے، جینے تک نمود دی خاطر اپنی دھی دے ویاہ اتے ریتوں باہر خرچ کر کے اپنی ساری حیاتی دو گھڑی دی جھونھی واہ واہ مسنن مگروں دکھاں دے بھامبر وچ سٹ کے سواہ کر دتی۔ نواب خاں وڑائچ نے برکت بی بی دا ڈولا ٹورن واسطے ساہوکار توں رج کے قرضہ پکيا، پر اوہ ایہنا بھار مچکن جوگا نہیں سی۔ ایس کر کے ساہوکار دا قرض لاہن توں پہلوں اوہنوں بڑے کھیڑے پئے۔ پہلے اوہنوں عدالت وچ لے گئے تے اوہدے کولوں اوہ رقم دھرائی، بیہڑی اوہ اک شریکے برادری دے جٹ اگے اپنی زمین گنے پا کے اوسے دن وصول کر پکيا سی تے نالے اوہدی قرقی دے وارنٹ وی جاری کر دتے گئے۔ نتیجہ ایہہ ہویا پئی چودھری نواب خاں جینے اپنی زمین پہلوں ای گنے پا چھڑی سی، اپنے جدی پشتی مکان توں وی بے دخل ہو گیا تے رات دے ہیرے وچ چوراں داگر اپنے مبرنوں گڈے اُتے لد کے اپنے پُرکھاں دے پنڈوں بکلیا تے اک ہور پنڈ اپنے پرگمری یار پھولا سنگھ دی حویلی وچ پناہ گیر ہو کے جا بیٹھا۔ ایس بے نصیب مبر وچ نواب خاں دی دھی برکت بی بی وی شامل سی، بیہدے ویاہ اتے اٹھا پیہہ

روڑھن بچوں ایسہ سارا مٹھکا ایس حال نوں اپڑیا سی۔ برکت بی بی نوں اوہدے سوہریاں کچی دا مینہ مار کے مینیوں اندر اندر پچھانہ ٹور دتا سی۔

کچھ چر مگر دیں نواب خاں پھولا سنگھ دے بھرا کول لائل پور (فیصل آباد) دے اک چک وچ کھیت مزدوری دی آس تے ٹرپیا، پر ہونی اوہدے پیراں تے پیر دھری آوندی سی۔ جیس ویلے ایسہ لٹیا پٹیا قافلہ رسول نگر والے پن توں پنھاں لنگھ کے حافظ آباد لاگے اپڑیا تے او تھے جھونا اکیرا پک پیاسی تے واڑھی لگی ہوئی سی۔ نواب خان تے اوہدا پھوراپتر لائیاں کرن لگ پئے۔ اتھے تپ نے سارے ٹبر نوں گھیر لیا تے جدوں نواب خاں اگانہ ٹرپیا تے اوہدے دو بال، اک پتر تے اک دھی او تھوں دی مٹی تھلے ای دبے پے رہے۔

نویں پنڈ جا کے نواب خاں دے دن پھر گئے۔ کچھ اوہ آپ حالات دے بچکے کھا کے سیانا ہو گیا سی۔ اوہنے اپنے پتر نال رل کے محنت کیتی تے رب اوہناں دی محنت دی کمائی وچ برکت پائی۔ کچھ مدت توں بعد جدوں اوہدے کول پیسے ہو گئے تے نواب خاں آپ چل کے ساہوکار کول گیا تے ساری بقایا رقم بھر کے لیکھا مٹکا آیا، نالے اپنے پچھلے پنڈ دا مکان وی رملب پوچ کے درست کر آیا۔ فیر اوہنے اپنے اک واہک نوں اپنے گھروستی واڑیا تے اپنی زمین داکم اوہدے حوالے کیتا۔ زمین دس سال واسطے رہن سی۔ جدوں ایسہ مدت گزری تے ایسہ رہن وی مک گیا تے ہور بہت ساری زمین نواب خاں اپنے پنڈ وچ خرید لئی۔ اودھر برکت بی بی دے سوہریاں نوں وی جدوں پتہ لگا پئی نواب خاں دے دن پھر گئے نیں تے اوہ وی میلالے کے نواب خاں نال صلح دا جج پان آگئے۔ نواب خاں نے اپنیاں شرطیں تے دھی نوں سوہرے موڑ گھلیا۔ برکت بی بی وی مہن کلی گھر سانہ سکر کے سیانی ہو گئی سی، ایس کر کے جدوں اوہ اپنے دکھرے گھر گئی تے اوہنے واہ واہ سلیقے نال گھر چلایا۔ فیر رب دی مہر ہوئی تے اوہدے گھر لالاں جیسے پنج پتر ہوئے۔

”جٹ دی کرتوت“ پرانے اندا دا اک نظریاتی ناول اے، جیہڑا اک خاص مقصد نوں سامنے رکھ کے لکھیا گیا اے۔ ایسہ مقصد اساوی دیہاتی آبادی، خاص طور تے جٹاں وچ فضول خرچی دی عادت دی زندیا کرنا تے ایہدیاں خرابیاں ول دھیان دوا کے اپنے دیہاتی معاشرے وچ فضول رساں رواجیں اتے بے جاتے بے انتہا

خرچ توں باز رکھنا۔ کہانی دا حیاتی نال سمبندھ عام پڑھن والے نوں متاثر کردا اے۔
 کرداراں دی آساری وی سلاہن جوگ اے۔ ایس ناول وچ سانوں اک خاص عہد
 دے پینڈو جیون دا اُماندرا دسد اے۔

مُنڈے دا مِل

جوشوا فضل الدین ہوراں نے پنجابی وچ چار ناول لکھے۔ ”مُنڈے دا مِل“
 33 دریاں دا نکا جیہا ناول جیسنوں طویل مختصر افسانہ وی کیسا جا سکدا اے، جیہڑے
 سماجی روگ دی کٹھا اے۔ ایہ 1928ء وچ بچپیا سی۔ کہانی انج اے پئی برج لعل
 لہور کالج پڑھن آیا تے جیہیں محلے وچ اوہ کچھ ہور ساتھیاں نال دل کے رہندا سی
 اوتھے بابو بے رام داس دا وی گھر سی۔ بابو کے دفتر وچ کلرک سی تے آمدنی تھوڑی
 ہون کر کے قییداری دی چکی دس پس رہیا سی۔ اوہدی وڈی دھی شانتی بڑھے لکھے
 بھا دی سی۔ برج دا بابو ہوراں دے گھر آونا جانا ہو گیا تے چھیتی ای شانتی تے برج
 اک دوجے نوں پسند کرن لگ پئے۔ برج جدوں پڑھائی مکا کے پچھانہ اپنے گھر پریتا
 تے اوہنے ماں نال دل دی گل کیتی۔ اوہدا پو لالہ گوگل چند ٹھیکیدار سی تے اوہدی
 جمیعت وچ بڑا لالچ سی۔ اوہنے اپنے پتر دا دل رکھن واسطے اوہدی پسند والی تھاں
 گڑمائی تے کر دتی پر مگروں اوہدے دل نوں ایہہ گھندک لگ گئی پئی پتہ لایا جاوے
 نوںہ جیہڑیہ کیہ لیاوے گی۔ اپنے ایس منصوبے نوں توڑ چاڑھن واسطے اوہنے ایہہ
 ترکیب کیتی پئی آپے اپنے ناں اک تار دے دتا، جیہدے وچ لکھیا سی جے لالہ
 ہوراں نوں بیوپار وچ 30 ہزار روپے دا گھٹا پے گیا اے۔ فیر ایہہ تار اپنے پتر نوں
 دکھا کے اوہنوں ایس گل تے مجبور کیتا پئی اوہ بے رام داس نوں خط لکھ کے دے
 کے اوہ اودوں تیکر ویاہ کرن نوں راضی نہیں ہو سکدا جد تیکر اوہدے ناں دس ہزار
 روپیہ جمع نہ کرایا جائے تے نالے شانتی نوں رجواں دا ج نہ دتا جاوے۔ بے رام
 داس جیہا غریب اپنی رقم کتھوں لیاوند۔ اوہنے جواب وچ بڑا درد بھریا خط لکھ کے
 رحم دی اپیل کیتی، پر گوگل چند نے تڑت لکھ گھلپا پئی جے ایہہ شرطیں منظور نہیں
 تے اپنی بیٹی اپنے گھراں رکھو، سانوں سکھ سکھنی کڑی نہیں پجیدی۔ ایہناں حالات
 دا برج لعل دے ذہن اتے ایٹا گمراہ پیا پئی اوہدا دماغی توازن ای وگڑ گیا۔ اخیر اک

دن برج لعل نوں شانتی دا اک خط ملیا، جسدے وچ لکھیا سی جے ایس توں پہلاں کہہ
ایسہ خط تہانوں ملے، میں ایسہ جہان چھڈ چکی ہوواں گی۔ تھوڑے ای چر نوں جے
رام داس دا خط وی آگیا، جسدے وچ لکھیا سی جے شانتی نے اپنے کپڑیاں تے تیل پا
کے جان گنوا لئی اے۔ اوہ ویلے گوکل چند دے بُوہے اتے کجہ سپاہی اک منجی تے
لاش چکے کے لیائے۔ لاش برج لعل دی سی تے اوہنے گڈی تھلے سر دے کے خود
گُشی کر لئی سی۔ سپاہیاں کول کجھ خط وی سن، جیسرے برج لعل نے خود کشی توں پہلے
لکھے سن۔ اک اپنے پو ول، دوجا پولیس ول، جسدے وچ خود کشی دے جرم دا
اقبال کیتا سی، تیجا جے رام داس ول، جسدے وچ اوہنے معافی منگی سی، تے چوتھا
شانتی (یا اوہدی روح) ول۔

”پر بھا“ 115 صفحیاں اتے بھیلیا ہویا ناول پہلوں 1945ء نوں گور کھی رسم
الخط وچ بچھیا تے بعد وچ فارسی رسم الخط وچ چھاپیا گیا بعد وچ پاکستان بنن مگروں
پنجابی ادبی بورڈ لاہور نے ایسوں 1962ء وچ دوجی واری فارسی رسم الخط وچ چھاپیا۔
ایسے وچ شہری ماحول دے اندر مشرقی تے مغربی تہذیب دے ٹکرائل پیدا ہون
والیاں سماجی مسلیاں نوں موضوع بنایا گیا اے۔ ایسدی کہانی ایس طرح اے۔

رامیش اک نوجوان ایس ڈی او اے، جیہڑا اپنے علاقے وچ دورے تے
آیا ہویا اے۔ جدوں اوس علاقے دا اک رئیس رائے صاحب لالہ دوار کا ناتھ ملن
واسطے آوندا اے تے اوہ اوس معزز آدمی نوں بڑی رعوت نال اپنا ایسہ خیال دسدا
اے پئی ایس علاقے دے لوکاں دا چال چلن بڑا بھیڑا اے، کیوں جو روز اوہدے
ساہنے نت نویں اُدھالے تے قتل مقابلے دے کیس پیش ہوندے رہندے نیں۔ نال
ای اوہ ایسہ وی آکھدا اے جے اخلاق دی جو مٹی بلدی اوہنے اتھے دیکھی اے اوہ
ہور کدھرے نہیں دیکھی۔ رائے صاحب نوں اپنے لوکاں بارے ایسویں بیسیاں گلاں
جُن کے غصہ تے بڑا چڑھا اے پر اوہ چپ کر کے ٹر جاندے نیں۔ رامیش وی
حکومت دے نئے وچ اوہناں دی آزر دگی ول دھیان نہیں دیندا۔

دوہے دن اوسے ڈاک بنگلے دے اک کمرے وچ اک باکی میار آن ٹھہر
دی اے۔ اوہ زنانہ سکولاں دی انسپکٹریس مس راج کماری اے۔ رامیش سچے سچے

اوہدے نال میل ملاقات دا سلسلہ بنا لیندا اے تے اخیر جیسی دن اوہ جان لگدی اے، اوہنوں اپنی موٹر وچ بٹھا کے چھڈن جاندا اے۔ پر جدوں اوہ اپنے پنڈ کول اُترن لگدی اے تے رامیش نوں پتہ لگدا اے جے راج وی اوہے بدنام علاقے دی رہن والی اے۔ اوہ بڑی حقارت نال اوس ساؤ بی بی نوں موٹر توں لاه دیندا اے تے باہروں ای پرت آوندا اے۔

جدوں راج کماری اوہدے دلوں لہ گئی تے رامیش نے اک ماڈرن کڑی لیتا کماری نال ویاہ کر لیا۔ ایسہ کڑی نویں تہذیب دے رنگ وچ انج ڈبی ہوئی سی جے اوہ ہر ویلے شمع محفل بنی رہنا چاہوندی سی۔ نتیجہ ایسہ ہویا پئی جے اوہ گھر ہوندى تے ناچ تماشے دی سبھا جی رہندی تے جیکر اوہ کسے تقریب وچ جاندی تاں رنگین مزاج مرد اوہدے دوالے بھنوریاں وانگر منڈلانڈے رہندے۔ رامیش اپنیاں اکھاں ساہنے ”میم صاحب“ دیاں کرتوتاں دیکھدا پر بول نہ سکدا تے وچو وچ بھڑدا تے سڑدا رہندا۔

اودھر راج کماری دے باپ رائے صاحب دے دل وچ رامیش دی آکھی دل وچ تیر وانگر کھب گئی سی تے اوہ اوہنوں اپنے علاقے دل لوکاں بارے ایڈے بچ خیال رکھن واسطے سبق سکھانا چاہوندے سن، پر گھر والی دی مخالفت تے راج دی کجھی سیاست دے کارن اوہ بس ایتموں تیکر ای کر سکے جے لوکاں کولوں شکایتاں تے سفارشاں کرا کے اوہدی تبدیلی کرا دتی، پر راج کماری دے دلوں رامیش دا خیال تے اوہدے عجیب سلوک دا صدمہ نہیں سی جاندا۔ ایہ ذہنی تے جذباتی کشمکش نال اوہدی صحت اُتے برا اثر پیا تے اخیر اوہنوں تپ دق دا مرض بہرہ گیا۔ علاج واسطے اوہنوں ایبٹ آباد بھیج دتا گیا۔ اوتھوں راج نے رامیش نوں خط لکھیا، بیسہ دے وچ اوہنوں محبت وچ وفانہ کرن تے بے اعتبارے ہون دے مسنے دتے تے اپنی ساری دکھ بھری کمائی دے۔ خط پڑھ کے رامیش دے دل اتے بڑا گہرا اثر ہویا تے اوہنوں انج لگا جیویں اوہنے اک کول کلی نوں توڑ موڑ کے پیراں وچ رول دتا ہووے۔ اوہ ”پاپی پاپی“ میں پاپی“ پکاردا اٹھ بیٹھا۔ اوہ ویلے تقدیر نے اوہدے اتے اک ہور وار کیتا۔ نوکر نے اوہنوں اوہدی ”میم صاحب“ دا رقعہ لیا کے دتا۔ اوہ رقعہ ننگے حرقاں وچ دس رہیا سی کہ میم صاحب اپنے سوہنے جوان آرٹس پارٹنر نال ادھل گئی

اے تے رامیش جیہ خشکی تے سُدائی نال رہنا پسند نہیں کردی۔

رامیش صدے تے پچھتاوے نال پاگل ہو گیا تے پاگل خانے داخل کرا دتا گیا۔ ایس دوران رامیش دی میم صاحب جسدے نال اُدھل گئی سی اوہنوں چھڈ کے اگے کسے نال نکل گئی تے پہلے یار نے اوہنوں لہجے کے ٹوٹے ٹوٹے کر چھڈیا۔ سال بھر وچ دی جدوں کوئی فرق نہ پاتے ماں باپ رامیش نوں گھر لے آئے۔ پر اک دن اوہ گھروں غائب ہو گیا۔

اودھر راج کماری وی اپنی لی ہماری توں مایوس ہو کے اجن چیت ہسپتال وچوں گم ہو گئی۔ اوہ سانجھ دی رُردی رُردی اک پہاڑی دی ٹیسی اتے فقیراں دے ڈیرے جا پہنچی تے اوہتھے فقیر سائیں اوہنوں اپنی بیٹی بنا کے ڈیرے وچ رہن دی اجازت دے دتی۔ کجھ چر گھروں فقیر سائیں اوہنوں حیاتی دے حقے سچے گھر سمجھا کے اپنے گھر لور دتا۔

راج کماری جہلم آکے اپنے کم تے کھلو گئی۔ اک دن اوہ اپنے دفتر پئی جاندی سی جے راہ وچ اک مجذوب جیہ نوں دیکھ کے کھلو گئی۔ ایسہ اپنے آپ توں بیگانہ بندہ رامیش سی، جیہنوں راج کماری اپنے گھر لے آندا تے رات دن اودھی خدمت تے علاج نال حالت درست کرن دا چارا کردی رہی۔ جدوں رامیش نوں اوہ محبت ملی جیہنوں اوہ ساری عمر سکدا رہیا سی تے اوہ دل ہون لگ پیا۔ اخیر اک دن اوہنے راج نوں پہچان لیا تے اوہنوں اودھا ناں لے کے بلایا۔ فیر اوہنے اودھے کولوں رو رو کے اپنی جھل دی معافی منگی۔ اودوں پچھے دوواں اک واری فیر ملاپ ہو جان تے رب دا شکر ادا کیتا۔

”برکتے“ دی کہانی انج اے۔ سردار پورے دے نمبردار نواب دی سکویں

اکو اک دھی برکتے جدوں جوانی چڑھی تے بہادر ذیلدار دا پتر دلاور اودھے من وچ دس گیا۔ دوواں حیاتی دے پندھ اتے جُنڈی پا کے رُن تے کٹھیاں اپنی منزل تے اپڑن دی پکی سونہ کھاہی۔ پر برکتے دی گڑمائی نکیاں ہوندیاں توں ایی دارے نال ہو چکی سی، ایس کر کے جدوں برکتے دی ماں اپنی دھی دے ہتھوں مجبور ہو کے اپنے گھر والے نوں نمبرداراں دے گھر رشتے دی گل نورن واسطے آکھیا تے اوہنے بڑے

غصے نال انکار کردتے بچپن دی مٹنی توڑ کے دھی نوں کدھرے ہوو دیا ہنا بے غیرتی
 تے نموشی دی گل سمجھدیاں ہویاں برکتے دا بھیتی ویاہ کر دین دا فیصلہ کر لیا۔ جدوں
 ساریاں آساں ٹٹ گئیاں تے ویاہ توں اک شام پہلوں برکتے اپنی اک ہراز سیلی نال
 پنڈوں باہر دلاور نوں ملن گئی۔ جدوں اوہ دلاور نوں مل کے پرتی تے انج چا پدا سی
 جیویں کوئی سُنے وچ چل رہیا ہووے یاں کوئی رُوح اداس ہو کے بُت کچھے چھڑ آئی
 ہووے تے اے رشاں دل چلی جا رہی ہووے۔ دلاور اوہنوں بلاندا رہیا ”بکوبکو“ پر
 برکتے رُوی گئی۔ اوہ ہولی ہولی دل دے ستویں در پہچوں کہہ رہی سی ”میں ہاری“
 میں ہاری“ تے کالی بولی رات وچ برکتے دیاں اکھاں وچوں ہنجواں دے بدل وس
 رہے سن۔

برکتے دا دارے نال ویاہ ہو گیا۔ اوہ بڑا اتھرا تے جی دار جوان سی۔ لڑائی
 بھڑائی تے زور آزمائی اوہدے مرداں والے کھید سن۔ جدوں اوہ کملادالنی جاندا سی
 تے اقبال پورے دے سٹیشن تیکر اپڑیاں اپڑیاں شماں پے گئیاں۔ آگوں ابے پنڈ
 چھ ست میل دی واٹ تے سی۔ جدوں کوئی تانگا وی نہ بھاتے برکتے منت کیتی پئی
 رات سٹیشن اتے ای کٹ لینے آں، کیوں جے انھیرے وچ جنگل بربر وچوں لنگھنا
 ٹھیک نہیں۔ پر دارا اپنی ہوڑمت والا سی، نالے اوہنوں اپنی شہزوری اتے وی بڑا مان
 سی۔ برکتے نوں نال لے کے پیدل ای رُپا۔ کچھ واٹ تے چھ ویری اوہدی اڈیک
 وچ لکے بیٹھے سن۔ جدوں ایسہ نیزے دُھکے تے اوہناں ڈانگاں چک لیاں تے راہ
 ڈک کھلوتے۔ دارا بڑی بے جگرگی نال لڑیا تے اوہنے دو بندے وچھاوی دتے، پر فیر
 اوہنوں ہیرے وچ ٹھیدا لگا تے اوہ ڈگ پیا۔ اتوں ویریاں ڈانگاں نال بھنڈ چھڑیا
 تے اوہ تھیر تے ای پورا ہو گیا۔ برکتے اک بھاڑی مگر چھپ گئی تے انج اوہدی جان
 بچ گئی۔ وس انھی رات اوہ جنگل بربر وچ کلی بیٹھی دیلاں کردی رہی۔ کدی اوہنوں
 اپنی سس ساہنے دسدی، جیرنی اوہنوں ڈین تے بندے کھانی آکھدی، کدی اپنی
 گوکھاں بھری ماں ہلکورے بھر بھر روندی نظریں آوندی، اپنا پیکا یاد آوندا، سکھ چین
 دے دن یاد آوندے تے فیر دلاور یاد آوندا، جیرنا ایس اُجاڑ وچ بکوبکو پیا پکاردا سی۔
 اوہ جھلیاں وانگر ایس آواز دے مگر ندی تے کوکدی۔ میں آئی، میں آئی۔

جوشوا فضل دین ہوراں دا اک ہور ناول ”پتی ورتا کملا“ وی اے، جیہڑا ملک دی آزاد دی نیزے تیزے پتھیا، پر جُن نایاب اے۔ جوشوا صاحب آپ مقالہ نگار شہباز حسین سید، ہوراں نوں اک ملاقات وچ دیا سی پتی ملک دی آزادی ویلے اوہناں دے مکان دے اک حصے وچ کوئی ہندو گھرانہ آباد سی۔ جدوں ایسہ خاندان بھارت چلا گیتے اوہناں دے سامان وچ کچھ چیزاں جوشوا صاحب دیاں وی لگیاں گئیاں، جیہناں وچ ایس ناول دیاں ساریاں جلدیں وی شامل سن۔

جوشوا صاحب دے ناول اوس دور وچ لکھے گئے جدوں اجے پنجابی ناول دی کوئی روایت سامنے نہیں سی آئی، ایس کر کے کچھ ناولاں دے کردار، حالات تے واقعات ان کچے لکدے نیں۔ جیہڑی دھلی لکدی اے تے اج دا پڑھاں پورا اثر نہیں لیندا۔ پر ایسہ نہیں بھلنا چاہیدا پتی آکوں جا کے اینہاں کچیاں پلایاں اٹاں اتے ای ساڈے جدید پنجابی ناول دی حویلی اُساری گئی۔

عبدالمجید بھٹی دا لکھیا ہویا ناول ”ٹھنڈا“ پاکستان بنن توں بعد پہلا پنجابی ناول اے جیہڑا 1960ء وچ چھپا۔ ”ٹھنڈا“ وچ بھٹی ہوراں بڑی ٹھنڈی زبان ورتی اے۔ جتھے سوچاں نوں حقیقتاں توں دھوئیں وانگر اٹھیاں دکھایا اے، اوتھے اوہ شاعرانہ تے کچھ حد تیک فلسفیانہ فضا قائم کرن وچ وی کامیاب ہوئے نیں، پر کہانی دا ڈھانچہ کمینکی اعتبار نال ایسا کمزور اتے کردار انج سانچیاں وچ ڈھال کے گھڑے گئے نیں پتی ناول داسارا ماحول کسے سستی پنجابی فلم دا منظر نامہ لکدا اے، جیہدے وچ ایسہ جکڑ بند کردار بدھی چال پئے چلدے تے رتھے مکالے پئے بولدے نیں۔ ایسہ زندگی دا دیہار نہیں نہ ایسہ انساناں دے چالے نیں۔ ناول اک طول طویل خط دی شکل وچ اے، جیہدا مکتوب الیہ اخیر لے صفحے تیک سامنے نہیں آوندا۔ کہانی دی ہیروئن مرداں دے ہوس ناک معاشرے دی ستائی ہوئی عورت اے۔ ایسے کچھوں ناول نگار مرد دی براکواسی برتری دی زندیا کرنا چاہوندا اے۔ پر ایسہ اصلاحی پہلو ناول وچ اوسے انداز نال پیش کیتا گیا اے جیویں ساڈیاں لہناں وچ دکھایا جاندا اے۔ ناول داسارا ماحول جنسی لذت نال آلودہ اے تے کدھرے وی شاہدہ دی بے راہ روی دا کوئی پکا پٹا دفاع نہیں کیتا گیا۔ ناول غیر منطقی تے غیر متعلق واقعات نال بھریا پیا اے۔

ایس دور دا سبھ توں اہم تے نامور ناول نگار افضل احسن رندھاوا اے۔ رندھاوا ہوراں اپنیاں کہانیاں تے ناولاں وچ پنجاب دے دلیر تے اٹکھی مرداں دے اُچے حوصلے تے وڈے جگرے نوں موضوع بنایا اے تے اوہناں دے پاتراں وچ ایس دھرتی دیاں بیسیاں وی اوہ کارنامے کر دکھاندیاں نیں پئی اوہناں دا مرد وی مقابلہ نہیں کر سکدے۔ افضل احسن لکھت دا سورما اے تے قلم تلوار وانگر چلاند اے۔

”دیوا تے دریا“ دی کہانی سکھ جٹاں دے دودھڑیاں وچ ویرتوں ڈولی گئی اے۔ سردار اجاگر سنگھ رندھاوے دے دو پتر نیں۔ شمشیر سنگھ تے ہرچن سنگھ، جد کہ اوہدے مقابل سردار کرتار سنگھ سندھو دے چھ جوان پتر نیں۔ ناول دا ہیرو شمشیر اک اکھڑ تے دلیر جوان اے۔ اوہ اپنے ویریاں دی دھی روپو نال پیار کردا اے۔ روپو وی اوہنوں چاہندی اے، پر شمشیر دی مگنی اوہدے اپنے ٹبر دی اک کڑی رچندو نال کردتی جانندی اے۔ شمشیر سنگھ روپو نوں حاصل کرن دی تانگھ وچ اپنی منگ رچندو نوں مار دیندا اے تے ایس گلوں اوہدا بھرا اوہدے نال وگڑ جاندا اے۔ شمشیر اپنی اٹھ دا پکا اے۔ اوہ تے روپو چھپ چھپ کے ملدے رہندے نیں۔ جدوں روپو نوں کدھرے ہور دیاہیا جا رہیا ہوندا اے تے اوہ دوویں نس جان دا متا پکاندے نیں، پر ہرچن موقعے اتے آ کے بھرا نوں خاندان دی پنڈ دی، تے ساریاں دی ساجھی عزت دا واسطہ دیندا اے۔ شمشیر جذبیاں دے ہڑھ اے تیلے ہار رڑھن لگ پیندا اے تے اوڑک جیس روپو دی خاطر اوہنے ایسہ سارے پواڑے پائے سن، اوہدا ای گانا لاہ دیندا اے تے بھرا دے گل لگ کے رون لگ پیندا اے۔

”دو آہ“ وی ”دیوا تے دریا“ وانگر پنجاب دی پینڈو وسوں دے سکھ سماج دی کہانی اے۔ لکھی ایس ناول دا ہیرو اے، ”بیرا“ چار سالوں دا سی، جدوں سوداگر سنگھ تے اوہدے ساتھیاں نے اوہدے پو وریام سنگھ نوں وڈھ کے روڈھ دتا تے قنون دی پھاہی توں بچ گئے۔ فوجا سنگھ وریام دا پگ وٹ بھرا سی۔ اوہنے ایس بے آسرا ٹبر دے سرتے ہتھ رکھیا تے لکھی دے جوان ہون تیکر اوہدی پالتا کیتی۔ جدوں لکھی تے فوجا سنگھ دی دھی دیپو کٹھے پل کے جوان ہوئے تے اوہ اک دوجے نوں کرن لگ پئے۔ پر لکھی سارے کماں توں پہلے اپنے پو دے قتل دا بدلہ لینا چاہندا

سی۔ اوس دیپو نال رل کے سوداگر سنگھ نوں وڈھ دتا تے نس کے ڈاکو شیر سنگھ کول اپڑ گیا۔ اوتھے شیر سنگھ دی بھین اوہنوں پیار کرن لگ پئی، پر لکھی اوہنوں اپنی بھین ای سمجھدا رہیا۔ ایسے دکھوں اوس کڑی زہر کھا کے اپنی جان گنوا لئی۔ جدوں فوجا سنگھ دا پتر مریتا تے لکھی گھر آ گیا۔ اوہنے سوداگر سنگھ دے پتر نوں وی مار دتا تے اوہنوں عمر قید دی سزا ہو گئی۔ جدوں قید کٹ کے آیا تے دیپو دا ویاہ ہو چکیا سی۔ دیپو دا گھر والا اک تے کو جھاسی، اتوں اوہنوں ماردا وی سی۔ لکھی ایسہ حال دیکھ کے بڑا دکھی ہوندا سی۔ اک دن اوہ بے صبرا ہو گیا تے چاہندا سی پئی ظلم کرن والے ایسہ ہتھ توڑ دے، پر دیپو نے اوہنوں جھاڑ دتا۔ لکھی دا دل ٹٹ گیا تے اوہ پنڈ ای چھڈ کے ٹر گیا۔ انج لکھی اپنے پیو دے قتل دا بدلہ لین لئی اپنی جند رول چھڈی تے اپنا پیار وی دا اتے لا دتا۔ اوڑک اوہ اپنا پیار کھوہا بیٹھا۔

رندھاوا ہوراں دے تیجے ناول ”سورج گرہن“ وچ خط و کتابت دی تکنیک ورتی گئی اے۔ ایسہ ہڈ ورتی بیان کرن دا اک نو یکٹلا انداز اے۔ ایہدے وچ ”ہارس مین تے مرزا“ دوویں مرداویں کردار دکھو دکھ وی نہیں تے اک ذات دے روپ وی۔ انجے ”ایوا“ تے ”صاحبان“ دو زنانہ کردار دکھو دکھ ہون دے نال اک ذات دے دو روپ نہیں۔ ایسہ چارے نال علامتاں وی نہیں، بیسناں دا اپنا اپنا پچھو کڑ تے اپنے اپنے معنے نہیں۔ ایسناں توں مشرق تے مغرب دی سوچ دا فرق واضح کرن داکم وی لیا گیا اے۔ انگریزی وچ ایسہ انداز جیہدے وچ چٹھیاں راہیں کہانی دے پرت کھدے نہیں، رائج اے، پر پنجابی ادب وچ ایسہ نو یکلی تحریر اے۔

کہانی وچ مرد تے عورت وچکار لے سماجی تے جذباتی تعلقات دے دکھو دکھ روپ وکھائے گئے نہیں۔ ناول دے پہلے حصے ”سوئیٹرز لینڈ توں پاکستان“ وچ کوئی 57 خط نہیں، جیہڑے سارے ایوانے اپنے ”ہارس مین“ نوں لکھے نہیں۔ ایسناں خطاں دا پچھو کڑ دسدیاں ہوياں افضل احسن رندھاوا ایس ناول دے ابتدائی وچ لکھدے نہیں۔ ”ایوا تے صاحبان دے خطاں وچ لفظاں دے لکھو کھا جگنو صتے پئے نہیں، پر ہن میں ایسہ پیار دے جگنو آزاد کردتے نہیں۔ میرا یار، میرا لنگوٹیا، ایوا دا ہارس مین تے صاحبان دا مرزا، مینوں ایوا تے صاحبان دے سارے خط دے کے کسن لگا۔ ایسہ سارے لفظ آزاد کر دے۔ تے آپ اوہ خورے کدھر گواچ گیا۔“

ناول نگار دے ایس سوال دا جواب پئی ایوا تے صاحبانِ نال اوہدی پہلی ملاقات رکنج تے رکھتے ہوئی؟ ناول دے ہیرو نے ایسہ دتا۔

”ایوا نال میری ملاقات ستمبر 1975ء وچ ہوئی۔ ساڈی ٹیم لندن توں اک بین الاقوامی میچ کھیڈ کے کامیاب پرتی۔ ادھی لندن وچ رک گئی تے ادھی جیہدے وچ میں وی شامل ساں، یورپ دیاں کجھ ٹیمیں دی دعوت تے اوہناں مکاں دا دوستانہ دورہ کرن گئی۔ فرانس توں ہو کے اسیں سوئٹزرلینڈ گئے۔ سوئٹزرلینڈ دی ٹیم دے پنج کھلاڑی سانوں جی آیاں نوں آکھن ایئر پورٹ تے موجود سن۔ اک نوجوان باگی تار، چھیل چھیلی، بدامی اکھاں تے پورے قدیت والی مہماناں تے میزبانوں وچ ترجمانی دے فرائض سرانجام دے رہی سی۔ ٹیمیں دے لیڈر لیاں لیاں تقریراں کر رہے سن تے مہمان تقریراں سنن توں زیادہ سوئٹزرلینڈ ورگی خوبصورت Interpreter نوں دیکھی جا رہے سن (تے نال اوہدی جنسی کھج اتے اک دوجے نال تبصرہ وی کیتی جا رہے سن)۔ میں دور بیٹھا اوہناں دے لیڈر دی خوبصورت تقریر سن رہیا ساں۔

خوش آمدید کہن دی کاروائی مکی تے کاراں دل جانیاں اوہ میرے نال دل پئی۔ پہلوں تے اوس میرا سلوار کرتا، جیکٹ تے مچھ تے دا کھٹ دھیان نال دیکھیا۔ فیر جادوگریناں وانگ میریاں اکھاں وچ اکھاں پا کے پچھیا، توں کاہدا طالب علم ایس؟

”انسان دا، قانون دا، میں اوہنوں دیاں پر میں اک کھڈ آدمی آں، جیہنوں کے وچ شے دا کجھ نہیں آوندا۔

”تیرا فیلڈ؟“ مروت وچ میرا جوابی سوال پچھنا بن دا سی۔

”کیمسٹری۔“

”میں کیمسٹری دے بارے کجھ نہیں جاندا۔“

اوہ چڑھدے سورج وانگ مسکرائی۔ کہن لگی توں کیمسٹری بارے کجھ وی نہ جاندا ہودیں، پر ایسہ تے جاندا ایس کہ خوبصورت کڑی دیکھ کے اوہدے ساہنے، اوہدے اتے بازاری فقرے نہیں کسی دے۔ تے اوس بڑی صاف ستھری اردو وچ میرے ساتھیاں دے اوہ سارے فقرے دہرائے جیہڑے اوہناں اوہدے بارے کے

سن۔“

ایسہ ایوا سی۔

”صاحبانِ نال میری ملاقات ستمبر 1980ء لہور وچ ہوئی۔ اوہ یونیورسٹی وچوں ایم اے اکنامکس وچ گولڈ میڈل لین والی کڑی، اک وڈے آدمی دی سفارش نال لہور دے اک وڈے ادارے وچ نوکری کر رہی سی۔ ایسہ اوہدی مرداں دے ادارے وچ پہلی نوکری سی، ایس لئی اوہدے توں منبھ نہ سکی۔ اک دوست دے گھر اک دعوت وچ اوہ مینوں ملی، تے جدوں اوہ مینوں ملی اوہ غصے وچ بہتی سی یاں پریشان بہتی، ایسہ دسنا کافی مشکل اے۔ اک یتیم کڑی جیسی چوتھی جماعت توں لے کے اُتانہ تک وظیفے لے لے کے پڑھائی مکمل کیتی۔ اوہدی اوہ نوکری وی چنگی سی، پر بقول اوہدے مرد دی کمینگی تے ہوس نے اوہنوں اوہ نوکری چھڈن تے مجبور کر دتا۔ میرا اپنا گڈا پاس پیا ہویا سی پر اوہدی الٹی ہوئی گڈنوں موڈھا دے کے سدھا کرن دی تانگھ نے اسی میری حیاتی نوں اوہدے دھک دا بھائیوال بنا دتا۔ اوہنوں خون دی ٹی بی وی سی۔“

ابتدائیہ وچ ناول نگار نے ایسہ وی لکھیا اے پئی ایوا دے سارے خط انگریزی وچ تے صاحبان دے خط اردو تے انگریزی وچ سن تے اوہنے خطاں، دا ترجمہ کردیاں اوہناں دے لفظاں دے زیادہ توں زیادہ نیڑے رہن دی کوشش کیں اے تے زبان اوہو ورتی اے، بیہڑی اوہ پڑھیاں لکھیاں شری کڑیاں ورتدیاں، جے اوہ پنجابی لکھنا جاندیاں ہوندیاں تے۔

ایوا دے خطاں توں بیہڑی کمائی دے انگ اگھڑ دے نیں، اوہ انج اے۔ ”ایوا“ تے ”بارس مین“ دے دل مل جانے نیں تے جدوں بارس مین پردیسوں پرت کے آوندا اے تے اوہنوں ایوا دے خط بڑی باقاعدگی نال آوندے رہندے نیں۔ (اوہ دی خطاں دا جواب لکھدا اے پر اوہدے جواب ناول وچ چھاپے نہیں گئے)۔ کچھ چر گھروں ایوا دا اپنے ملکوں باہر جان دا سبب بندا اے، پر اوہ بارس مین نال ویلے سر رابطہ قائم نہ ہو سکن پاروں راہ وچ کراچی دو راتاں رہ کے اپنے دوست نوں ملیاں بغیر واپس آ جاندی اے۔ ایس گل دا اوہنوں بڑا افسوس ہوندا اے۔ مڑ کے گھر آ جان پچھوں اوہ فیرانجے یاداں نال بھرے پیار دے سنیہاں دے قاصد خط

لکھن لگ پیندی اے۔ ایہناں خطاں وچ زندگی دے گزرے لمبیاں دیاں نکلیاں نکلیاں ذاتی خبراں دے نال نال کدی دو پُھل تے کدی اک تصویر وی گھل دتی جاندی اے۔ ایوا دے اپنے مہر تے کماں کاجاں دی تفصیل توں اڈ ہارس مین نال ہوئی ورتی دی آگھ فہمک دی ایس خط کتابت توں ملدی اے، جیویں ایہہ خبر پئی ہارس مین دی موٹر دا حادثہ ہوندیاں ہوندیاں رہ گیا، تے ایوا دے موٹر سائیکل دی فکر ہو گئی پر اوہ آپ معمولی زخمی ہوئی۔ پاکستان دے بارے وچ فکر والیاں گلاں، ہارس مین دے فیر آون دی اڈیک تے نہ آسکن تے مایوسی۔ ایوا دی پاکستان آون دا فیصلہ نہ کر سکن دی مشکل۔ ایوا دی نوکری دی تبدیلی تے دوجے شہراں وچ رہائش۔ اخیر ایوا چھ مہینے واسطے دنیا دے چکر تے تھکدی اے پر فیر وی پاکستان دے حالات پاروں ایس ملک نہیں آوندی۔ آخری خط وچ اوہ امید ظاہر کر دی اے پئی ہارس مین اوہنوں دلی دے پتے تے جواب لکھے گا۔ اوہدا آخری فقرہ اے، ”ایہہ اوکھاکم اے کہ بندہ جواب آون دے بغیر خط لکھی جاوے۔ مینوں تے ایہہ ڈر وی اے کہ شاید میری خط ہی تیرے تک نہ اپڑ دے ہوں۔“

”سورج گرہن“ دے دوجے حصے ”پاکستان توں پاکستان“ وچ صاحبان ولوں مرزے نوں کوئی 60 خط لکھے گئے نیں۔ بیہناں وچ صاحبان دی حیاتی دی وارتا تے اوہدے مرزے واسطے جذبے دی رنگارنگی ساہنے آوندی اے۔ صاحبان ایہناں خطاں دے شروع وچ ای اپنی ملازمت دے بُرے ماحول تے نوکری چھڈ دین دا ذکر کرن توں بعد مرزے نال رانج کھل کے اظہار کر دی اے۔ ”میں قسم کھا کے کہنی آں کہ میں صرف تیرے لئی پیدا ہوئی آں تے صرف تیرے لئی مراں گی۔ تیرے بغیر میں کچھ وی نہیں۔ میں ساری زندگی تیرا انتظار کردی رہواں گی۔“ پر نال ای احتیاط وی اپنی کر دی اے پئی مرزے نوں گھر دے پتے تے خط لکھنوں موڑ دی اے۔ دنیا دے بکھیرے آپ نیڑن دی مشکل وچ پھسی ہون کر کے صاحبان دے خط زکریاں لبھن تے روزگار دی امید دے ذکر نال بھرے نیں۔ کدی کدھرے اپڑن دا وعدہ کر کے اوہ اپڑ نہیں سکدی تے خط راہیں اپنی خطا معاف کراندی اے۔ کدی مرزے نوں مل کے آوندی اے تے اوہدے نال تلخی وچ آ کے کیتیاں ہوئیاں گلاں دی معافی منگدی اے۔ کدھرے کدھرے اپنے آپ نال گلاں وی نیں، جیویں، ”اے ظالم

آدمی! توں مینوں تباہ کر دتا اے۔ میں ایسہ کدی سوچ دی نہیں ساں سکدی کہ میرے ورگی ٹھنڈی، بے مر، ظالم کے بندے لئی انج تڑنے گی۔ فیر اپنے پیار دے انت توں ڈر کے لکھدی اے، مرزا! لوک بڑے ظالم تے سنگ دل نیں۔ مینوں لوکاں توں لکا کے، بچا کے رکھ لے کدھرے اپنے بوجھے وچ۔ اج کل میں بہت ڈرنی آں کیدے کولوں؟ مینوں نہیں پتہ۔ پر مینوں لگدا اے کہ بہت جلدی، کسے پاسیوں کوئی تیر چلن والا اے، خطاں وچ پھلاں دیاں پتیاں پا کے بھیجن دا سلسلہ ایس خط کتابت وچ وی جاری رہیا۔ ملتان کالج وچ لیکچرر دی اسامی ملن دی خبر۔ کجھ اپنی طبیعت خراب رہن دی پریشانی۔ ٹیلیفون اتے گل بات کرن دا وعدہ۔ چھٹیاں وچ مرزے نال ملاقاتاں مگروں طبیعت دی اداسی۔ مرزے ولوں ملے ہوئے تحفیاں دا ذکر۔ وچ وچ مرزے دی بیوی نال ہمدردی دے جذبے دا اظہار۔ چھ ہزار روپے گھلن دا مطالبہ۔ نالو نال اوہو ہاڑے، رب دے واسطے مینوں کدے اک منٹ لئی کلی نہ چھڈیں۔ ایسہ دینا بڑی ظالم، بے رحم، بے ایمان تے جھوٹھی اے، رب دے واسطے مرزیا! مینوں ایس دنیا توں بچا لے۔ مینوں لکا لے کدھرے۔ ملتان وچ ملاقات بیہدے مکن اتے لکھیا اے، ملتانوں جدوں توں ٹریا سیں تے میرا کیڈا جی کرداسی کہ کوئی کتاب بن کے تیرے بیک وچ بہہ جاواں یاں جگنو بن کے تیرے بوجھے وچ سوں رہاں۔ اپنی حیاتی دے دکھاں دا علاج اوہ مرزے دی ذات نوں سمجھدی اے، جیویں اوہنے لکھیا اے، مرزیا! میں کدے تینوں اپنے لے چوڑے دکھ نہیں دے نہ گھر دے تے نہ نوکری دے، پر توں تے تیرا پیار مینوں بڑا آسراتے سہارا دتا اے۔ فیر ملتان کالج دے ہوشل وچ صاحبان دے خلاف سازش، بیہدے وچ مرزے نال اوہدی خط کتابت دا الزام وی شامل اے۔ خوفناک خواب تے پریشانی دی حالت کجھ اک اک شعر، اک اک مصرعے والے خط۔ نوکری چھڈ کے مرزے کولوں چھ مہینیاں لئی بیچ سو روپے ماہوار دی منگ۔ نوکری دی تبدیلی۔ اسلام آباد دی رہائش۔ مرزے نوں ہور رقم نہ گھلن آگوں کدے خط نہ لکھن دی تاکید تے اسلام آباد توں کوچ۔ بیماری دی حالت وچ لبور توں خط، بیہدے وچ آخری داری خدا حافظ آکھیا گیا اے۔ مرزے دی واپسی دا انتظار تے مایوسی۔ مرزے نال آخری ملاقات تے اوہدے نال صاحبان دا لبور جان توں انکار، بیہدے اتے اوہنوں بڑا کچھتاوا ہویا۔ خالد نال شادی کرن دا

فیصلہ۔ مرزے کولوں پنجاہ ہزار روپے دی رقم دا مطالبہ۔ اک ہور نویس نوکری،
بیرمی صاحبان نے غیر شادی شدہ دس کے حاصل کیتی۔

اخیر وچ اختتامیہ راہیں دو خطاں دیاں کجھ سطران نقل کیتیاں گئیاں نیں۔
اک ایوا دس ہارس مین دے دوست محمد سخی ول، بیرمی اوہنوں 25 فروری 1980ء
نوں لکھیا گیا، پر اوہ آگول اپنے دوست نول ایسہ خط مئی 1983ء وچ گھدا اے۔
ایہدے وچ ایوا نے لکھیا پئی اوہ ہارس مین اتے کے ٹریبونل دے ماتحت مقدمہ چلن
بارے تے اوہدے دلوں کوئی خط پتر نہ ملن دی وجہ نال پریشان اے تے ہارس مین دا
کوئی پتہ تھہ نہ ہون کر کے ہندوستان توں پاکستان جان دی تھانویں پچھانہ جا رہی
اے۔

دو جا خط صاحبان دا مرزے ول اے، بیہدے وچ اوہ اپنی ماں دی شدید
بیماری تے مالی پریشانی ہتھوں مجبور ہو کے اوہنوں لکھدی اے جے اوہ جنے پیسے دی
ہوسکن لے کے فوراً اوہدے کول آ جاوے۔

”نٹ بھج“ پاکستان وچ باہر دی کسے زبان توں پنجابی وچ ترجمایا جان والا
پہلا ناول اے۔ ایسہ انگریزی وچ ناٹھیریا دے اک سرکڈھویں جدید ناول نگار شنوا
اشی نے ”Things fall apart“ دے عنوان بیٹھاں لکھ کے پہلی وار 1958ء
وچ چھپوایا۔ ایسہ ناول نگار کہانیاں وی لکھدا اے تے شعری کہندا اے۔ ایس
ناول توں کچھ اوہدے چار ہور ناول چھپ چکے نیں تے اوہنوں ”جیک کیپل ایوارڈ“
مل چکیا اے۔ اوہدیاں کہانیاں دا مجموعہ ”Girls at War“ دے ناں نال افریکی
ادبیاں دی سیریز وچ چھپا اے تے اوہدیاں ٹھماں دی کتاب ”Soul Brother
Beware“ دے ناں بیٹھ چھپی اے۔ شنوا دے پہلے دو ناول جرمن، اطالوی،
سلوینی، روسی، لاطینی، فرانسیسی، چیک تے ہنگرین زبانوں وچ ترجمائے گئے نیں۔ ایس
ناول دے ہن تیکر انیکاں ایڈیشن چھپ چکے نیں تے ایہدیاں لکھاں بلداں وک
پکیاں نیں۔

انگلستان دے اخبار Observer نے ایس ناول اتے تبصرہ کردیاں ہویاں

لکھیا اے۔

”ایسہ اوناکو دے دکھانت دی کہانی اے۔ اوہ اوہلی قبیلے دا اوہناں وچ وچ سردار ہوندا سی جدوں گورا اہجے نواں نواں اوس علاقے وچ داخل ہویا سی۔ اشی دا ایسہ سدھ پدھرا پر سلاہن جوگ ناول اوہ سارے واقعات بیان کردا اے جیہناں دے اثر نیٹھ اوناکو اپنے ہنکار تے اپنے اندر دے خوف دا شکار ہو کے اپنے قبیلے نوں چھڈ جاندا اے۔ فیر جدوں اوہ مڑ کے آوندا اے تے اپنے ہتھوں اپنی جان گنوان دی نموشی اوہدا مقدر بن گئی ہوندی اے، کیوں جے گورے دے خلاف اتھری انکھ دکھان دا بدلہ پاں توں انجے چھنکارا مل سکدا سی۔“

افضل احسن رندھاوا نے اشی دے ایس ناول دا پنجابی وچ ترجمہ کرن دا فیصلہ ایس کر کے کیتا جے ایس ناول دا آلا دوالا پنجاب دی رہتل دے بہت نیڑے اے۔ ایسہ ناول افریقا دے اوہلی قبیلے دے اک سورے دی اوس ویلے دی دارتا اے جدوں گورا اپنا گرجا، سکول تے عدالت لے کے اوتھوں دے آزاد بندیاں نوں غلام بنان گیا۔ انگریزاں دے پنجاب آون دی وی ایہو صورت حال سی۔ افریقا دے اوہلی قبیلے دی وسوں تے پنجاب دے پنڈاں دی وسوں دا مہاندرا کو جیہا اے۔ ڈھول، گھول، میلے، ٹھیلے، ہلتاں، گاؤں، مٹنڈیاں، کڑیاں دیاں کھڈاں، مل ورتن، سورمٹائی، اکھ تے غمی خوشی، کڑما چاری، سانجھ برادری دیاں رساں کو جیہیاں لگدیاں نیں۔ بقول احسن ایسہ ناول اک پوری وسوں دے پورے سچ دی کہانی اے، جیہنوں کمال ہنرمندی تے بے بہا سادگی نال لکھیا گیا اے۔

سلیم خاں گمی دا ناول ”سانجھ“ 1969ء وچ چھپیا۔ ایسہ ناول وی اوہ پنجاب دی کہانی اے جیہنوں افضل احسن رندھاوا ہوراں ”دیواتے دریا“ وچ بیانیا اے۔ ”سانجھ“ ناول دا ہیرو البتہ مسلمان اے تے ایہدے وچ سکھ کرداراں توں علاوہ ہندو تے سانس پاتر وی نیں۔ موضوع ہندوستان پاکستان دے سکھیرے ویلے فساد نیں تے ناول نگار نے ایسہ تاثر قائم کیتا اے پئی مسلماناں نے سانجھ دی پرانی روایت دا لحاظ رکھدیاں ہویاں ہندوواں سکھاں نوں وقتی جوش وچ آئے ہوئے تانبھ دھاڑے ماراں کولوں بچایا۔ ایسی دلیری تے رواداری دی روایت واسطے ناول دا ہیرو قادر خاں اپنی جان وی قربان کر دیندا اے۔

1969ء وچ پہلی واری غلام حسن حیدرانی دے ناول ”گلو“ بارے ہفتہ وار سرائیکی رسالے ”اختر“ ملتان وچ ایسہ دعویٰ کیتا گیا پئی ایسہ سرائیکی دا پہلا ناول اے۔ بعد وچ ایسہ ناول 1973ء توں ماہوار رسالے ”سرائیکی ادب“ وچ قسط وار چھپدا رہیا۔ ایسہ اک جاسوسی ناول سی، جیسے تن بنیادی کردار سن۔ گلو (ہیروئن) اسلم (ہیرو) تے جمعہ (ولن)۔ ایس توں علاوہ ایسے اضافی کردار اسلم دی ہاں مائی بخت اوہدا دوست صفر، قمر دین تھانیدار تے گلو دی بوا سگوئیں۔ ایس ناول وچ جاسوسی کہانی دے سارے اجزاء تجسس، تفریح، تنقید تے معاشرے دی عکاسی بڑے دلچسپ انداز وچ کیتی گئی اے۔ ناول دی تکنیک دی اعتبار نال حیدرانی دا فن پختہ نہیں، پر اوہناں مشرقی تہذیب تے طرز فکر دی نمایندگی کیتی اے تے بقول اسلم گوردا سپوری ”اوہناں دے کردار زندگی دے کیس لمحے وچ وی اپنی دھرتی نال بے وفائی نہیں کریدے تے نہ اپنی تہذیب دے زریں اصولاں دی خلاف ورزی کریدن۔“

ظفر لشاری دے ”نازو“ دی ہیروئن اک ایسی کڑی اے، جیسے ماں پو تے بھین بھرا ونڈ ویلے فساداں وچ مارے گئے۔ گامن دے گھر کوئی اولاد نہیں ہوندی۔ اوہ نازو نوں پال لیندا اے۔ اک واری فیر حادثے دا سہارا لیا جاندا اے تے پنڈی جاندیاں ہویاں نازو دے نوں گھرانے دے سارے بندے مرجاندے نیں۔ کجھ اتفاقات دے نتیجے وچ نازو نوں اوہدے معالج ڈاکٹر دی مومنہ بولی دھی روزینہ بنا دتا جاندا اے۔ اختر اوہدے نال پیار کرن لگ پیندا اے، پر ڈاکٹر دی سکی دھی تے اختر دے دفتر وچ کم کرن والی نجمہ، دوویں اوہدے راہ دیاں رکاوٹاں بن جاندیاں نیں۔ اختر اپنے پیار نوں اوہناں کولوں بچا لیندا اے پر کار دے حادثے وچ نازو دی یاداشت واپس آ جاندی اے تے اوہ فیر اوہو کی جیسی ہندو کڑی بن جاندی اے۔ جیسے گھر والے فساداں وچ مارے گئے سن۔ ناول وچ ایسے طرح حالات دے الٹ پھیر تے حادثات اتے بھروسہ کیتا گیا اے۔ سماجی مسئلے وی اُتلی اُتلی سطح تے نمٹائے گئے نیں۔ البتہ جذبات نگاری تے زبان دی ورتوں سلاہن جوگ اے۔

ظفر لشاری ہوراس دا دو جاناوُل ”پہاج“ 1983ء وچ پاکستان پنجابی ادبی بورڈ نے چھاپیا۔ ایسہ وی اک کرداری ناول اے، ’بیرا‘ ریمیں دے آلے دوالے گھمدا اے۔ ریمیں دی سوکن زرینہ اے، بیسوں ریمیں دا خاوند کو اپنے توں ای پیار کردا سی۔ اوہ ریمیں دے دیور نال ویہہ کرا کے ایس گھر آئی تے اوہدن مرن مگروں ریمیں دی سوکن بن بیٹھی۔ ریمیں نوں اوہنے گھروں کڈھا دتا تے اوہ اک پتر چھڈ کے جیکے جا بیٹھی۔ فیر اوہ شہر جا کے گھریلو ملازمت کرن لگ پئی۔ اوہدی ماکن دی دھی جدوں جوان ہو کے کالج جان لگدی اے تے اوہتے اوہدی جان پچھان ریمیں دے پتر نال ہو جاندی اے، ’بیرا‘ اوہ کالج وچ پڑھدا اے۔ دوہاں دا پیار ہو جاندا اے۔ فیر جدوں اک دن ریمیں اپنی ماکن نال ہسپتال جاندی اے تے اوہنوں اپنا پتر ملدا اے۔ اوڑک اوہدی شادی ریمیں دی ماکن دی دھی نال طے ہو جاندی اے، پر ویہہ والے دن ریمیں دی سوکن کرودھ وچ آ کے لاڑھے نوں زہر دین دا جتن کر دی اے، پر الٹا اوہدا اپنا پتر موت دے کنڈھے اپڑ جاندا اے۔ ایسہ دیکھ کے خاوند اوہنوں گھروں کڈھ دیندا اے تے انج اوہنوں اپنی برائی دا بدلہ مل جاندا اے۔ ایسہ ناول 367 صفیاں دا اے۔ ”نازو“ دی نسبت ایس ناول وچ خیال دے بیان دی ودھیری چنگی نظر آوندی اے۔

”آپنی رت جو پانی تھی“ ڈاکٹر منیر علوی دا ناول اے، ’بیرا‘ جولائی 1972ء وچ بھجیا۔ ایس ناول دی کہانی انج اے پئی خدا بخش تے غلام نبی اک غریب مزارے دے دو پتر سن، بیسناں دا پپو مر گیا تے وڈے بھرا خدا بخش نے نکلے بھرا غلام نبی نوں پتراں ہار پالن دا آہر کیتا۔ اوہ آپ ر کھی مسکی کھا کے پنڈ وچ واپس جوتی کردا رہیا تے اپنے بھرا نوں پڑھا لکھا کے وڈا آدمی بنان دے سُننے دیکھدا رہیا۔ اوہنے بڑیاں مشکاں نال اپنے بھرا نوں شہر پڑھن گھلیا تے اوہدا خرچ پورا کرن واسطے اپنا آپ دی گینے پا دتا۔ پر جدوں غلام نبی کالج دی بروہہ پندا اے تے نوں روشنی اوہدیاں اکھاں دا پانی مار دتا۔ اوہدی رت پانی ہو گئی تے اوہ غلام نبی توں گلزار نسیم بن بیٹھا۔ جُن اوہنوں اپنے نیک دل وڈے بھرا نال اوہدے کولوں اگر اہی کرن توں بناں ہور کوئی کم نہیں سی۔ اپنی بڈھنی ماں دی بیماری دا سُن کے وی اوہ پنڈا جان

واسطے تیار نہ ہويا۔ فیر اوہنے اپنے ٹبروں اکا ای دکھیاں ہو جان واسطے اک وڈے سمگلر دی دھی نال عشق دی کھید رچائی، پتلوں اوہناں دے گھر رہن لگ پیا تے مگروں اپنے آپ نوں کسے وڈے زمیندار دا پتر ظاہر کر کے اوس کڑی نال ویاہ کرا لیا۔ پر ایس جھوٹے سودے وچ اوہنوں سمگلنگ دا گندا کاروبار کرنا پیا، اپنی ماں تے بھرا نوں چھڈنا پیا تے اپنی مگیتر دی بے آبروی وکھ کے دی اوہدی غیرت نہ جاگی۔ غلام نبی دی ماں اپنے نکلے پتر دی شکل نوں ترس دی مرگئی۔ اخیر غلام نبی اپنے بھرا دا بوبل لٹ کے کنگ سرحد پار سمگل کرن آجاندا اے۔ پر جٹ اپنی فصل دا راکھا ہوندا اے۔ خدا بخش مقابلہ کرا اے تے غلام نبی دے اک ساتھی دے ہتھوں ماریا جاندا اے۔ اوہ وی اپنی ماں دا مگر غلام نبی دے ظلم دی تلوار دا گٹھا مناں مٹی تھلے جا سوندا اے۔

سرائیکی وچ دو انگریزی ناولاں دے ترجمے سجاد حیدر پرویز ہوراں کہتے نیں۔ ایہ ناول Miss Joan Conquest دا "An Eastern Lover" تے مشہور فلمی ناول "Love Story" نیں۔ پہلا ناول 1980ء وچ روزنامہ "آفتاب" ملتان دی ہفتہ وار ادبی سرائیکی اشاعت وچ بچپدا رہیا۔ ایس ترجمے دی خوبی ایہ اے کہ ایہ ترجمہ معلوم ای نہیں ہوندا تے اینوں سرائیکی وسیب دا چولا پوا کے بڑی مہارت نال پیش کیتا گیا اے۔ جاپان دے منظران نوں وی سرائیکی ماحول وچ انج ڈھالیا گیا اے جے اوہ اوپرے نہیں لگدے۔ ناول دا عنوان اے "عشق دے ونج انوکھڑے"۔ ایہ ناول 1985ء وچ بچپدا۔

دوجے مشہور تے مقبول ناول نوں "پیار دی کہانی" دے ناں نال ترجمایا گیا اے۔ ایس ترجمے وچ وی وسیب ماحول تے آلاؤ والا سبھ کجھ سرائیکی رنگ وچ رنگیا گیا اے۔ ایہ ناول وی روزنامہ "آفتاب" ملتان وچ قسط وار بچپدا رہیا۔ ایس توں علاوہ اردو دے کلاسیکی ناولاں دے ترجمے سرائیکی وچ کتے جا چکے نیں۔ ایس سلسلے دا پہلا ناول ڈپٹی نذیر احمد دا "توبتہ النعوج" اے، "بیرا" "توبہ زاری" دے ناں نال دلشاد کلانچوی ہوراں 1977ء وچ ترجمایا۔ ایہدی ضخامت 304 صفحے اے تے اینوں سرائیکی ادبی مجلس بہاولپور چھاپیا اے۔

دوجا ناول میرامن دا قصہ ”چار درویش عرف باغ و بہار“ اے۔ ایہہ وی دلشاد کلانچوی ہوراں ترجمایا تے 1978ء وچ مجلس سرائیکی اینوں 276 صفحاں اتے چھاپیا اے۔ ترجیا ناول عبدالحلیم شرر دا ”فردوس بریں“ اے، جیسوں ”فردوس ٹھگالی“ دے ناں نال بریگیڈئیر سید نذیر علی شاہ نے 1979ء وچ ترجمہ کیتا۔ ایہدے 242 صفحے نیں تے ایہدا تعارف احمد غزالی ہوراں لکھیا اے۔

ڈاکٹر باقر دا ناول ”بٹھ“ 1972ء وچ بھجیا۔ ایہدی کہانی ایہدے مرکزی کردار باؤ اتے دے گرد گھمدی اے تے ایہدے وچ ایسے کردار دی آپ بیتی بیان کیتی گئی۔ ایس ناول وچ تاریخی پس منظر وی ملدا اے تے پاکستان بنن توں پہلے زمانے دے سماجی تے سیاسی حالات دا ویروا کیتا گیا اے۔ باؤ احما انگریزی حکومت دے دور دے پنجابی پنڈاں وچ دس والے سفید پوش طبقے دا اک فرد اے۔ اُچے طبقے تے اوس ویلے دی افرشای دے سامنے ایس طبقے دی کوئی حیثیت نہیں ہندی۔ باؤ احما اپنے پیراں تے کھلون دی کوشش کردا اے پر حالات اوہدے کولوں ہتے زور آور نیں۔ پہلی واری جدوں اوہ اپنی ماں دی حمایت وچ اپنے وڈیاں دے سامنے کھلوتا چاہندا اے تے اوہ ٹٹ بھج کے قبرستان وچ جا پناہ لیندا اے، جتھے اوہ رو رو کے اپنے دل دی بھڑاس کڈھدا اے تے اپنے یار جیلے دے حقے دا سوٹا لا کے اپنا غم مٹان دی کوشش کر دا اے۔ اوہنوں دل لان دے بہانے بانی تے اچھی بیسیاں موہیاں مورتاں وی ملدیاں نیں، پر اوہنوں حیاتی دیاں چھلان شر دے ٹھاٹھاں مار دے دریا وچ لیا مٹدیاں نیں۔ شر وچ اوہنوں ون سونے جذباتی تجربے ہوندے نیں۔ مارشل لاء دے زمانے وچ اوہ انگریز سرکار تے اوس سرکار دے ہندوستانی اہبشاش دیاں کارستانیاں دیکھدا اے تے اوہدا دل ایس ظلم تے ناانصافی دے آل دوالے توں گھابرن لگدا اے۔ فیر اوہنوں ولایت جان دا موقعہ ملدا اے پر اوہتھے وی انگریز قوم دے دوغلے ورتارے توں اوہدا دل برا ہوندا اے، کیوں جے انگریز اپنی قوم نال پورا پورا انصاف تے ہندوستانی نال امتیازی سلوک کردا اے۔ احمد نوں اپنا ڈاکٹریٹ دا مقالہ بدلنا پیندا اے، کیوں جے اوہدا انگریز استاد اوہنوں مجبور کردا اے پئی اوہ اہبسیاں گلاں مقالے وچوں کڈھ دیوے جیہناں توں انگریز دیاں ہندوستان

دے لوکاں نال نا انصافیاں دا پتہ چلدا اے۔ ہندوستان پچھانہ پرت کے اوہنوں بڑی بھج دوڑ بعد اک نکی بیسی نوکری مددی اے تے اے اوہ ترقی دی اگلی منزل ول ودھ ای رہیا اے جے ملک تقسیم ہو جاندا اے۔ فساد شروع ہو جاندا اے نیں تے دلی وچ اوہدے گھراتے حملہ کر کے فسادی اوہدی بیوی تے دوواں معصوم بچیاں نوں مار دیندے نیں۔ اوہ ایس حالت وچ پاکستان آوندا اے تے اوہدا اک یار اوہدے نال تے مکان الاٹ کرا کے آگوں کسے ہووے نوں اوہدے وچ واڑ دیندا اے تے باؤ احمہ (احمد) چپ کر کے اوس گھروں خالی ہتھ نکل جاندا اے۔ اوہ اپنے آپ نال ہون والی سماجی برائی چپ چاپ قبول کر لیندا اے۔ اوہ اپنے دوالے دے گھالے مالے تے بے انصافیاں ویکھ کے گڑھا ضرور اے پر اوہدے وچ سینہ ڈاہ کے سامنے کھلو جان دی ہمت نیں۔ پاکستان اوہدے خواباں دی تعبیر اے، پر اتھتے آ کے اوہ لوکاں وچ جبرمی بے حسی ویکھدا اے، اوہ اوہنوں پتھر دا کر دیندی اے۔ ایس ناول وچ پیری فقیری دے نال تے دھوکے بازی، انگریزی دور دے ظلم تے ہندو سماج دے کھوٹ نوں بے نقاب کیتا گیا اے۔ ناول وچ واقعات دی ساری لڑی اک پاتر (باوا جی) راہیں پروٹی ہوئی اے۔ ناول دا مرکزی خیال، جبرم بار بار دہرایا جاندا اے، ایہو اے۔

”حیاتی گزارن لئی وڈا جگرا چاہیدا اے۔ سبھا وچ حوصلہ تے صبر نہ ہووے

تاں گل نیں بندی۔“

”کھید مقدراں دی“ اک رومانی ناول اے، جبرم ایہدے کھ پاتر بہادر علی دی وارتا بیان کردا اے۔ بہادر علی لیکھاں ہاریا بندہ اے تے اوہدا بھیڑا مقدر ای اوہدا وڈا الیہ اے۔ ایہ ناول اک بڑے فلمی قسم دے ڈرامائی منظر توں شروع ہوندا اے۔ قادر پور دے چودھری محمد خان دے پتر ماجھے دی جنج جدوں دوہٹی دے گھر کول ڈھکی اے تے آگوں ایہہ بری خبر مددی اے جے دوہٹی نے زہر کھالیا اے۔ ویاہ والی کڑی شازی بارے ایہہ گل نکلی پئی اوہدا اپنے پنڈ دے گھرو بہادر علی نال پیار سی تے اوہدی محبت وچ ناکامی اوہدی موت دا سبب بن گئی۔ ماجھے نے بہادر علی کولوں بدلہ لین دا متا پکایا تے ایہدے وچ اوہدا اک بلی گامو اپنا مطلب کڈھن

واسطے نال رل گیا۔ شازی دی موت مگروں بہادر علی نے وی زہر کھا کے مرن دی کوشش کیتی، پر اوہدی ماں اوہنوں بچا لیا۔ بہادر علی اپنے بھین بھراتے ماں دی خاطر روزی کمان شہر جان دی تیاری کر لئی۔ شہر جاندیاں ہویاں راہ وچ اوہنوں مانجھے دی بھین تاجو مل پئی تے اوہنے بہادر علی نال اظہار محبت کر کے اوہنوں فیر اک واری جیون دی آس نال بھر دتا۔ وعدے و وعید ہو گئے تے بہادر علی شہر چلا گیا۔

شہر جا کے بہادر علی اپنے پنڈ دے تیلی دے پتر اسلم نوں ملیا، 'جیرا اک بینک دا نیجر لگا ہوا سی پر اوہنے بہادر علی نال بڑا رکھا سلوک کیتا۔ بہادر علی مایوس شہر دیاں سڑکاں اتے پھر رہیا سی جے کولوں دی اک لمی جیسی کار وچ اک خاتون لنگھی تے مڑ کھاں پچھوں دو ہتھیار بند آدمیاں نے پہلوں کار دا ٹائر پاڑ دتا تے فیر لٹن لئی کار تے ہلا بول دتا۔ بہادر علی نیڑے جا کے پستول والے ڈاکو اتے جھپٹ پیا تے اوہنوں قابو کر لیا۔ دو جا ڈاکو نس گیا۔ جدوں پھڑے ہوئے ڈاکو دا منڈا سالاہ کے ویکھیا تے اوہ گامو تے مانجھے دا یار جانو نکلیا۔ بہادر علی نے اپنا گرامیں جان کے گرفت ڈھلی کر دتی تے اوہ نس گیا۔ اوس بی بی نے بہادر علی نوں نقد انعام دین دی کوشش کیتی پر اوہنے انکار کر دتا، ایس توں خاتون دے دل وچ اوہدی عزت ہوو و دھ گئی تے اوہ اوہنوں اصرار کر کے اپنے نال گھر لے گئی۔

ناہید سرور آپ اک کارخانے دی مالک سی تے اوہنے اک انجینیر سرور نال محبت دی شادی کیتی سی، پر شادی توں کچھ چر بعد ناہید نوں ایسہ گلہ رہن لگ پیا سی پئی سرور اوہدے نال گھٹ تے اپنے کم نال ودھ پیار کردا اے۔ جدوں سرور دا بہتا وقت انجینری دیاں مڑجھاں وچ گزرن لگ پیا تے ناہید نوں کسے ہوو ساتھی دی لوڑ محسوس ہوئی، 'جیرا ہن بہادر علی دی شکل وچ اوہدے کول موجود سی۔ بہادر علی نوں ناہید دی فیکڑی وچ تن ہزار روپے تنخواہ تے لیبر افسر مقرر کر دتا گیا۔

اودھر بہادر علی دی مرضی معلوم کر کے اوہدی ماں تاجو دا اوہدے واسطے ساک لین دا چارہ کرن لگ پئی، پر تاجو دا بھرا بہادر علی دا ویری بنیا کھلوتا سی۔ اوہ کدھرے لت ای نہیں سی لگن دیندا۔ اک دن اوہدے کول جانو آیا تے اوہنے اپنے ڈاکے دی گل عشنا ندیاں ہویاں دیا پئی بہادر علی اتے اک کارخانے دی مالکن بڑی مہربان ہو گئی اے تے اوہنے بہادر علی نوں بڑی چنگی ملازمت تے اپنے گھر دے نیڑے

رہن لئی بنگہ وی دتا اے۔ ایسہ گلاں کمالے وی مَن لیںاں، جیہڑا تاجو دی سیلی رانو نال محبت کرداسی۔ اپنا اعتبار بٹھان واسطے کمالے نے مانجھے نوں دس دتا پئی بہادر علی اگلے ہفتے والے دن پنڈ آ رہیا اے۔ ایس طرح اک پاسے تے مانجھے ولوں بہادر علی نوں راہ وچ گھیر کے مار دین دیاں صلاحواں ہون لگ جیہاں تے دوجے پاسے گامو دا پوچو دھری سردار اپنے پتر نوں تاجو نال ویاہ کے پچھلے بدلے لین دی صورت سوچن لگ پیا، بھاویں اوہدے پتر گامو نوں ویاہ دی کوئی لوڑ نہیں سی۔ اوہنے پہلوں ای اک زنانی شمو نال بیوی والے تعلقات رکھے ہوئے سن۔

بہادر علی اچے پنڈ دی جگہ وچ نہیں سی وڑیا جے اوہنوں تاجو آگوں ہو ملی۔ بہادر علی اوہ چھاپ تاجو دی چچی تے چڑھائی، جیہڑی اوہ اوہدے لئی لے کے آیا سی۔ فیر تاجو بہادر علی نوں دسیا پئی کمالے دی خبر موجب ویری اوہدے راہ وچ بیٹھے نیں۔ بہادر علی راہ ولا کے پنڈ اپڑ گیا۔ اوس راتیں اوہناں دی پیل والے کھو اتے ملاقات ہوئی تے تاجو دسیا پئی بہادر علی دی ماں اوہدا ساک منگن آئی سی تے اوہدی ماں نے حامی بھر لئی، پر اوہدا بھرا ماجھا نہیں مندا۔ ایسہ گلاں سن کے دوواں دیاں مانواں وی ساجنے آ گئیاں تے اوہناں اپنے بچیاں ساہنے وعدہ کیتا پئی اوہناں دوواں دا ویاہ کر دین گئیاں۔

بہادر علی اپنی ماں بھین تے ایف۔ اے پاس بھرا شیر علی نوں لے کے شہر آ گیا۔ اک دن بینک مینجر اسلم پھٹے حال اوہدے کول آیا۔ پتہ لگا پئی اوہدے اتے غبن دا کیس چلیا اے، کوٹھی ضبط ہو گئی اے تے نوکریوں جواب ہو گیا اے، نالے بیوی دی طلاق لے گئی اے۔ بہادر علی اوہنوں سفارش کر کے سرور صاحب دے اک رشتے دار دی فیکٹری وچ چنگی جیسی نوکری لوا دتی۔

اک راتیں دفتر وچ کم زیادہ ہون کر کے سرور صاحب بہادر علی نوں اپنے گھر سون لئی آکھیا۔ اوس رات ناہید اپنے سریر دی مٹکھ دا احوال بہادر علی اگے بیان کیتا، پر بہادر علی اوہدے نال جسمانی تعلق قائم کرن واسطے تیار نہ ہویا۔ اودھر دفتر دے ٹیلیفون اتے کسے بندے سرور صاحب نوں ایسہ غیرت دوائی جے اوہناں دے گھر بہادر علی تے بی بی ناہید جوانی دی کھینڈ کھینڈ رہے نیں سرور اوہے ویلے استرا لے کے گھر اڑھا، بر جدوں آ کے دیکھیا تے بہادر علی ڈرائنگ روم وچ بچیاں

دی معصوم نیندرے مستاپیاسی تے بیڈ روم دا دروازہ بند سی۔ اوہ واپس جان ای لگا سی جے کے انھیرے وچ اوہدے سینے اتے پستول رکھ کے اوہنوں مار دتا۔ بہادر علی نوں سرور دے قتل دے الزام وچ پھڑ لیا گیا۔

جانو سرور نوں قتل کر کے پنڈ آیا تے اوہنے آ کے گامو نوں ساری حقیقت سنائی۔ جیس ویلے اوہ ایسہ گل منا رہیا سی، اوس ویلے گامو نال رلی ہوئی رن شمو دوجی کوٹھڑی وچ چھپ کے سبھ کچھ سن رہی سی۔

ناہید نے بہادر علی نوں بچان واسطے بڑی ہمت نال مقدمہ لڑیا، پر عدالت دلوں بہادر علی نوں پھانسی دی سزا ہو گئی۔ ناہید نے ہائی کورٹ وچ اپیل کیتی۔ بہادر علی نوں ناہید ہر ملاقات تے گھر دی خیر خبر جا کے دسدی سی۔ کیوں جے اوہا بھرا شیر علی پہلوں تے اپنی کالج دی پڑھائی نالے ادبی گرجھاں پاروں ملاقات کرن نہیں سی آ سکدا، تے مگروں اک وڈے افسردی دھی ٹگمت نال اوہدی دوستی اپنی ودھی جے شادی کیتیاں بناں کوئی چارا ای نہ رہیا۔ ایس کم نوں وی ناہید نے اپنی سیانف نال انج نیڑیا جے بہادر علی جیل وچ ای سی تے اوہنے اوہدے بھرا دا ویاہ اوس وڈے گھر دی کڑی نال کرا دتا تے نال ای اوہدی بھین وی اوسے کڑی دے بھرا نال ویاہ دتی۔ اودھر پنڈ وچ جانو نے اک دن شراب دے نشے وچ شمو دی راہ جانڈیاں بانسہ پھڑ لئی تے اوہدے نال زیادتی کرن دی کوشش کیتی۔ شمو نے جا کے تھانے رپورٹ کر دتی پئی جانو نے رزی اوہدی عزت تے حملہ ای نہیں کیتا سگوں شہر وچ سرور صاحب نوں وی اوسے قتل کیتا اے۔ پولیس نے جانو نوں گرفتار کر کے اوہدے کولوں اقبال جرم کرا لیا۔ جدوں جانو نوں عدالت وچ پیش کیتا گیا تے بہادر علی نوں بری کیتے جان دا حکم ہو گیا۔ اوہنوں جیل دے پھانک توں باہر ناہید پئی اڈیکدی سی تے اوہدے نال کمالات، جینوں اوہنے بھولے بھاء دس دتا سی کہ اوہ بہادر علی نال ویاہ کر رہی اے۔ پر بہادر علی دے آون تے اوہدیاں تے کمالے دیاں گلاں سن کے اوہ پریشان ہو گئی تے اوہنوں مجھ گئی پئی بہادر علی دلوں کدی وی اوہدا نہیں ہو سکدا۔ ایسے پریشانی دی حالت وچ موٹر چلانڈیاں اوہنے اک درخت نال ٹکر جا ماری تے اوہ ایس حادثے وچ جان ہار گئی۔ بہادر علی ڈاڈھا بھڑ ہویا تے کچھ دنوں

تلاش مگروں اوہی اک لت وڈھن لگا۔

بہادر علی نے کمالے ہتھ تاجو نوں مہینہا گھلایا پئی میں جُن تیرے قابل نہیں رہیا، پر تاجو نوں بہادر علی ہر حالت وچ منظور سی۔ اوہنے صدقوں مومنہ نہ موڑیا۔ بہادر علی کجھ دن بھرا دے گھر کئے، پر فیر اوہ اپنی مغرور بھابی دے سلوک توں تنگ آ کے پنڈول نکل نڑیا۔ اوہدی ماں پہلوں ای نوہ دی بدسلوکی توں موت راہیں نجات حاصل کر چکی سی۔

پنڈ وچ بہادر علی دے دوست کمالے اک عجب کھیڈ کھیڈی۔ اوہ نجومی دا بہروپ بھر کے شمو دے بُوہے تے گیا تے اوہدے اتے اوہنے اجیہا سایہ پایا جے اوس اقرار کر لیا پئی گامو نے مانجھے تے بہادر علی دی دشمنی پان لئی اوہدے کولوں شازی نوں زہر ملیا ہویا پانی پلویا سی، جیڑا پی کے اوہ مر گئی سی۔ ایہہ سُن کے کمالا اپنی اصلیت ظاہر کر دینا اے تے شمو نوں آکھد اے پئی اوہ جا کے مانجھے نوں گامو دی ساری حقیقت دس دے۔

مانجھے نوں گامو نے ایہہ پئی پڑھائی جے اوہ پستول لے کے چل والے کھوہ تے جائے، جتھے بہادر علی تے تاجو پیار دیاں ہینگناں پے پاندے نیں۔ مابھا غصے نال بھریا ہتھیار ہتھ کر کے گھوڑے تے سوار ہو گیا۔ آگوں آوندی شمو دی اوہنوں دیکھ لیا، پر اوہ مانجھے نوں ڈک نہ سکی تے اوہدے مگر مگر سن لگ پئی۔ مانجھے نیڑے جا کے گولی چلا دی بیس دے نال اوہدی بھین تاجو تھیسہ تے ای جان دے دی۔ بہادر علی اوہدی لاش کول بیٹھا اتھرو کبڑا رہیا۔ ایہنے چر نوں شمو دی اپڑ گئی تے اوہنے مانجھے نوں دیا پئی شازی دا قاتل پہلوں گامو تے فیر اوہ آپ ہے۔ بہادر علی دا شازی دی موت وچ کوئی دوس نہیں۔ ایہہ سُن کے شمو نوں وی مار دتا۔ اوہنوں پرت کے مابھا پنڈ آیا تے گامو نوں اوہدے پو سمیت مار دتا۔ اودوں پچھے اوہنے اپنے آپ نوں گولی مار کے ختم کر دتا۔

اخیر وچ مقدر اں دے مارے بہادر علی نوں تاجو دی قبر اتے دعا منگدیاں دکھایا گیا۔ اے اوس ویلے جدوں اوہ اکا کلا رہ گیا اے، پنڈ دے بندے اوہدے دوالے اکٹھے ہوندے نیں تے اوہنوں بلا مقابلہ اپنا کونسلر چُن لیندے نیں۔ ایہہ ناول حادثیاں دے سارے غیر منطقی واقعات اتے اساریا گیا اے۔ فلمی انداز دی کردار نگاری تے اک مزاحیہ کردار دے واسے نال ناول دی ادبی سطح

تھلے آگئی اے۔ پنڈ دی وسوں دا نقشہ البتہ حقیقت دے قریب اے۔

آغا اشرف دے ناول ”دل اک دیوا“ ”سکا پتر تے ہوا“ ”مرلی تے موتیے دا پھل“ ”جیب کترا“ تے ”سوچ سمندر“ چھاپے چڑھ چکے نیں۔

”دل اک دیوا“ ایسہ ناول دی ہنت دی بجائے ڈرامے دی تکنیک تے لکھیا گیا اے۔ ایس دی کہانی اک پاگل عظمت دے آلے دوالے گھمادی اے، جیہڑا پاگل خانے توں نسا ہویا اے۔ قیام پاکستان توں پہلاں اوہ قلماء وچ اداکاری کردا سی۔ پاکستان بنیا تے اوہ لہور آ گیا تے اپنے ساتھی اداکار عشرت کول رہن لگ پیا۔ نال دی کوٹھی وچ ایک سیٹھ دی دھی نرگس رہندی سی۔ ایہوں اوہدے نال پیار ہو گیا تے رقابت دے جذبے توں مجبور ہو کے عظمت اپنے دوست عشرت نوں مار دتا۔ عظمت پچھتاوے نال پاگل ہو گیا۔ اوہوں پاگل خانے لے گئے پر اوہ اوٹھوں نس آیا۔ راہ وچ اوہنے نرگس دے باپ سیٹھ نوں ڈاکواں توں بچایا۔ سیٹھ اوہوں اپنے گھر لے گیا۔ اوٹھے اوہنے نرگس نوں ویکھیا تے اوہدا پاگل پن کچھ گھٹیا، پر جدوں اوہوں پتہ لگا جے نرگس نوں وی پاگل پن دے دورے پیندے نیں تے اوہ فیر تشدد کرن تے اُتر آیا۔ اخیر پاگل خانے دے سپاہی آکے اوہوں پاگل خانے لے جانے لے گئے۔

ناول انجے ای حادثیاں تے بے تصویاں گلاں دے سہارے رُدا رہندا اے۔ ایہدے وچ کوئی کشمکش نہیں دکھائی گئی۔ مکالے وی عامیانه سطح دے نیں، البتہ ڈرامائی انداز دلچسپ اے۔

”سکا پتر تے ہوا“ ایسہ ”سوچ سمندر“ ناول دے مجموعے دا پہلا ناول اے، جیہڑا خورشید بک ڈپو، اردو بازار لہور نے 1985ء وچ چھاپا۔ ایس مجموعے دے ہوڑ ناول نیں ”مرلی تے موتیے دا پھل“، ”جیب کترا“ ”سوچ سمندر“۔

ایس دا ہیرو اک مصور عرفان آذر تے ہیروئن ایک سیٹھ دی اڈلی دھی عذرا علیم اے۔ دوویں اک دوجے نال پیار کردے نیں، پر جیہیں طرح اوہناں دے معاشرتی مقام وچ فرق اے اوہی طرح اوہناں دیاں طبیعتاں وی دکھو دکھ نیں۔ عرفان انسان دا دکھ دنا اپنی زندگی دا مقصد سمجھدا اے تے عذرا انساناں نوں وی منڈی وچ رکھیا ہویا وکاؤ مال سمجھدی اے۔ ایسے کر کے جدوں عرفان اوہدیاں دتیاں ہویاں ساریاں آسائشاں دی پرواہ نہ کر دیاں ہویاں روز اک تپ دی مریضہ

نرگس دی تیار داری واسطے سنی نوریم چلا جاندا اے تے اوہ انتقام دی اک وچ سڑ
 بل جاندی اے۔ عرفان وچ اوس بیمار لڑکی واسطے ہمدردی دا جذبہ جاگدا اے تے اوہ
 اوہدی دکھ بھری کہانی سُن کے ایسا متاثر ہوندا اے جے اوہ اپنے آپ نال وعدہ کردا
 اے کہ اوہ اوہنوں زندہ رہن دی ہمت دے گا۔

عرفان اوس لڑکی دی تصویر بناندا اے تے اوہ ایسہ تحفہ حاصل کر کے پہلی
 وار خوش ہوندی اے۔ ایس طرح نرگس عرفان دی دلداری دی وجہ نال دل ہون
 لگ پیندی اے تے عرفان ایسہ ارادہ کر لیندا اے پئی کجھ دنوں اوہنوں ہسپتال
 توں لیا کے اوسے آرٹ گیلری وچ رہن دی تھاں دے گا، جیہڑی گیلری عذرا علیم
 نے اوہنوں پینٹ کرن تے رہن واسطے دتی ہوئی سی۔ پر ایس ارادے دی خبر مندیاں
 ای عذرا غصے نال پاگل ہو جاندی اے۔ ایس جھگڑے وچ عرفان تن دن سنی نوریم
 نہیں جا سکدا تے بیٹھا سوچدا رہندا اے۔ اخیر اوہ عذرا نوں چھڈ کے نرگس کول جان
 دا فیصلہ کر لیندا اے۔ اوہ پریشانی دی حالت وچ موڑتے ہسپتال جا رہیا ہوندا اے
 جے سامنیوں آوندے اک ٹرک نال ٹکر ہو جاندی اے اوہ مر جاندا اے۔ نرگس
 دی، جیہڑی تیز ہوا دے سامنے اک مسکے پتر وانگر سی، شنیوں ٹٹ کے ڈگ پیندی
 اے۔

”مُری تے موتیے دا چھل“ ایسہ اک پاگل خانے دے کرداراں دی کہانی
 اے۔ ایسناں کرداراں وچ اک اپنے آپ نوں فلمی ہیرو سمجھدا اے، دو جا جاسوس
 بنیا پھردا اے، جینے اک بڑی قیمتی تصویر دی چوری پھرنی اے۔ اک ہور نامور نجومی
 ہون دے وہم وچ اے تے چوتھے پاگل نوں مصوری دا جنون اے۔ ایسے طرح
 پنجواں پاگل مُری وجاندا رہندا اے۔ ایسہ سارے رل کے پاگل چنے دیاں گلاں کردے
 نیں جیہناں وچوں ہوش دیاں گلاں دے اشارے وی ملدے نیں۔ مُری وجاون والا
 اپنے پیار دی وار تائماندا اے تے سارے اپنا اپنا فلسفہ بگھا دے نیں۔ آپس وچ گل
 گل تے جھگڑا وی ہوندا اے۔ اخیر وچ جاسوسی کرن والا پاگل اک ہور پاگل تے
 تصویر چران دا قصور دھر کے اوہنوں قابو کرن دی کوشش کردا اے۔ ایس دنگے وچ
 مصور پاگل نوں چھری کھوبھ دتی جاندی اے۔ پچھوکڑے مُری دی آواز گھمن گھیریاں
 کرانے پیندی اے، تے اگلے ڈنگاں ہواں آکھدا اے۔ کجھ سمجھ نہیں آوندے۔

ایڈی وڈی دنیا بنا کے اینیاں ساراں چیزاں ضائع کرن دا مقصد کیہ اے؟ موسیٰ دا پھل تے مری ای کافی سی۔ یاں فیروده توں ودھ اک پاگل خانہ۔ تے انج ایہہ کھلی بہت دا نکا ناول مک جاندا اے۔

”جیب کُترا“ ایہہ اک غریب تے بے روزگار نوجوان شرفو دی کہانی اے، جیہڑا زندگی دیاں اوکڑاں توں تنگ آ کے خود کشی کرنا چاہندا سی جے اوہدی ملاقات اک جیب کُترے بشیرے بلیڈ ٹال ہو گئی۔ تے اوہنے شرفو نوں اپنے دھندے وچ شریک ہون دی صلح ماری، جیہڑی اوہنے اپنیاں تھڑاں ہتھوں مجبور ہو کے من لئی، کیوں جے اوہدی پیوی سخت بیمار سی۔ مالک مکان نے کرایہ ادا نہ کر سکن پاروں گھر خالی کرن دی دھمکی دتی ہوئی سی تے اوہنوں نوکریوں جواب ہو گیا سی، پر شرفو نے اپنے دھندے دی حقیقت اپنی پیوی توں چھپائی رکھی، کیوں جے اوہدی بیمار پیوی نے اوہنوں ڈراوا دتا سی پئی جے کدی اوہنے کوئی بھیڑا کم کیتا تاں اوس نے (اوہدی پیوی) اوسے دن مرجانا اے۔

شرفو نوں اوہدا استاد اک ایکڑلیس دا پرس غائب کرن دی ہدایت دیندا اے۔ ایہہ ایکڑلیس اک ہوٹل وچ رہندی اے۔ شرفو اوہدے مگر لگ جاندا اے تے اوہنوں ایہہ اندازہ ہو جاندا اے پئی ایکڑلیس کول اوہناں دناں وچ اپنی رقم وی نہیں جے اوہ اپنا ہوٹل دا بل ای ادا کر سکے، پر تھوڑے ای دناں بعد اک بندہ اوہدے کمرے وچ آندا اے، جیہدے ہتھ وچ اک بریف کیس اے۔ شرفو چُھپ کے ایس بندے تے ایکٹرلیس دیاں گلاں سُندا اے تے اوہنوں پتہ چلدا اے پئی ایہہ بندہ اک سمگلر اے، جیہڑا بڑا مال کما کے باہروں آیا اے تے ہُن ایس ایکڑلیس ٹال ویاہ کرنا چاہندا اے۔ پر جدوں ایکڑلیس نوں اوس بندے دے گندے کاروبار دا پتہ چلدا اے، اوہ ویاہ کرن توں انکار کر دیندی اے تے دھمکی دیندی اے اوہ پولیس نوں اطلاع دے کے اوس سمگلر نوں گرفتار کرا دے گی۔ سمگلر ایہہ سُن کے ایکٹرلیس اتے حملہ کر دیندا اے تے اوہنوں گلا گھٹ کے مار دیندا اے۔ جدوں سمگلر اوہنوں ندیا اے تے شرفو اوہدا پچھا کردا اے تے اک جگہ بھیڑ وچ اوہدے ہتھوں بریف کیس کھوہ کے لے جاندا اے۔ اوس بریف کیس وچ سونے دیاں ویسے رینیاں تے پنجہ ہزار روپے دے نوٹ ہوندے نیں۔ شرفو سوچدا اے ہُن اوہ پنج ہزار روپے لا کے

اپنی بیوی دا اپریشن کرا سکے گا، تے کابلی کابلی ایہہ سارا مال لے کے گھر جاندا اے پر
 اوتھے اوہدی بیوی بستر اتے موئی پئی اے۔ اوہنے اپنی گل بچ کر دکھائی اے پئی جیس
 دن شرفو نے کوئی بھیڑا کم کیتا، اوہ اوہے دن مرجائے گی۔ شرفو غم نال پاگل ہو جاندا
 اے تے بریف کیس وچوں نوٹ کڈھ کڈھ کے پھاڑن لگ پیندا اے۔ فیر اوہ بریف
 کیس دی اوتھے ای سٹ کے تھانے جا حاضر ہوندا اے۔ اوتھے اوہ تھانیدار نوں
 ساری کہانی سناندا اے تے آکھدا اے پئی اوہ دی اپنی بیوی دا قاتل اے، ایس کر کے
 اوہنوں پھانسی دی سزا دوائی جائے۔ تھانیدار بھجھاں مار مار روئدے شرفو نوں تنک
 کے سوچن لگ پیندا اے۔ ”ایہناں مجبوریاں نوں روکن دا“ ختم کرن دا کیہ قانون
 اے؟ بیہریاں راہو راہی جانیدیاں انساناں نوں گراہے لے جانیدیاں نیں۔“

”سوچ سمندر“ جس ناولٹ دے عنوان اتے ایس مجموعے دا ناں رکھیا گئے
 اے، اوہ سب توں مختصر اے۔ سگوں ایہہ آکھنا چاہیدا اے پئی نو صفحاں اتے پھیلی
 ہوئی کوئی افسانوی تحریر ناول اکھوان دا حق نہیں رکھدی، البتہ ایہنوں طویل مختصر
 افسانہ آکھیا جاسکدا اے۔ ”سوچ سمندر“ اک Monologue دی صورت وچ لکھی
 ہوئی کہانی اے، جیسے وچ ہیرو اپنے آپ نال پرانیاں یاداں پیا دہراند اے۔
 اوہدی پتا ایہہ اے پئی 1947ء دی ونڈ دے فساداں وچ اوہدی اکو اک بھین نجر
 بلوائی غیر مسلم چک کے لے گئے تے اوہ دکھ تے نموشی دا ایہہ مسئلہ اجے تائیں نہیں
 جھل سکيا۔ اوہ اپنی بھین نوں بچا نہیں سکيا، کیوں جے مہاجراں دے قافلے اتے جلا
 وچ اوہ ڈاڈھا بھڑ ہو گیا سی۔ فیر سوچ دی اک ہور لہر آوندی اے تے دکھایا جاندا
 اے پئی نجمہ اک طوائف دے روپ وچ کوٹھے تے بیٹھی اے۔ اوہدے دو گاہکاں
 اک سکھ تے اک مسلمان وچ جھگڑا ہو جاندا اے تے مسلمان سکھ نوں چھڑا مار دیندا
 اے۔ نجمہ بیہمی اوس روپ وچ گیتا بائی اکھواندی اے، ایس واردات توں بعد
 اوس مسلمان نال نس کے کراچی آجاندى اے تے اتھے آکے وی اوہو دھند
 شروع کر دیندی اے۔ اخیر وچ اک ہور سوچ لہر راہیں دیا جاندا اے جے ناول دے
 ہیرو نے اک سکھ کڑی نوں غنڈیاں کولوں بچا کے اپنے کول بھیناں دا گھر رکھیا اے
 تے جدوں دوواں پاسیوں مغویہ عورتاں دی بازیابی واسطے کمیشن اودھر آوندا اے
 اوہ گور بخش کور نوں کمیشن دے چہرہ کر دیندا اے تے آکھدا اے پئی اوہ اودھر

کے اوہدی بھین دا کھرا کھوج کڈھے تے اوہنوں ایدھر گھلن دا جتن کرے۔ پر اوہ نہیں جاندا پئی نجمہ تے کراچی اپڑ کے دھندا کر رہی اے۔ اوہنوں ایسہ وی نہیں پتہ پنلدا پئی گور بخش کور نوں وی اک ایسا چھرتا ملیا اے، جسنے اوہنوں گیٹنا بانی دی تھاں اوہ کوٹھے تے بٹھال دتا اے۔

اعجاز الحق دا لکھیا ہویا ناول ”مسکے پانی“ 1975ء وچ چھپیا۔ بانوے صفحیاں دی ایس کتاب نوں صحیح طور تے ناول دا ناں نہیں دتا جا سکدا، کیوں جے نہ ای ایہدا کوئی پلاٹ اے تے نہ ای کردار عمل راہیں ابھر کے سامنے آوندے نیں۔ ایس ایہدے وچ کجھ ناں پڑھنے آں پر ایہناں ناناں نوں جسم دین دی ضرورت نہیں سمجھی گئی۔ ”پہلا اکھر“ دے سرلیکھ بیٹھ مصنف نے لکھیا اے پئی اتھے اوہنے جو لکھنا سی اوہ گواچ گیا اے، ایس کر کے اوہ گواچے حرفاں دی تھانویں کجھ کوتاہاں دے رہیا اے تے اودوں اگے کھنکھجورا۔ بے ویلا۔ چھٹکتا۔ ایویں ای اج۔ ڈور، تے ہیرے وچ خدا دے عنواناں تھلے چھ کول لیکھ دتے گئے نیں۔

ایس کتاب وچ پنجاب دیاں تھڑاں نوں موضوع بنایا گیا اے۔ ایہدے وچ جیدی دا کردار پنجاب دی نمائندگی کردا اے تے اگے جا کے اوہدے اندروں ای اک ہور کردار جیجی ظاہر ہوندا اے۔ باقی دے کردار شفیق، اکرم، افضل تے ذوالفقار باہروں آئے اوہناں لوکاں دے نمائندے نیں، جیڑے 1947ء دی ملکی دند مگروں ایس صوبے آکے وس گئے۔ ایہناں کرداراں دے مہاندے ناول وچ انج وکھائے گئے نیں۔

پنجاب داسی: کل دنیا دا مورکھ پنجاب وچ کٹھا ہو گیا سی۔ ایسہ مورکھ اپنے دیریاں دا اپنے خلاف پروپیگنڈا سُن کے آپ ای اپنے آپ نوں گاہلاں کڈھن لگ پئے سن۔ گاہلاں کڈھن وچکار اوہ ایسہ گل بھُل جاندا سن جے اوہ دی پنجابی نیں۔

افضل: چغل خوری تے بندیاں نوں آپس وچ لڑان دی اوہنوں بڑی پریکٹس سی۔ سماج ٹھیک ہو جاندا تے اوہنوں بڑی دقت ہونی سی۔ اوہدی تمنا سی جے سماج ہمیش ای وگڑیا رہوے۔

شفیق : شفیق جنسی روگی سی۔ اوہ حیاتی دے ہر مسئلے نوں اپنے روگ دے حوالے نال دیکھدا سی۔

ذوالفقار : ذوالفقار خصلت تے جسم دے لحاظ نال اک ایہا کیرا سی، جیہنوں دیکھ کے الٹی آن نوں کرے۔ کسے ویلے رنگ وٹا کے ٹھوکیں وانگ ڈنگ ماردا سی۔ بے نال کردار : کجھ کرداراں دے کوئی نال نہیں سن، پر اوہ سماج وچ اپنے نجس پرچھانویں پارہے سن۔ ایسہ کیریکٹر جھبی ورھیاں توں پنجاب وچ رہے سن، پر اوہناں نوں پنجاب دی ہر چیز نال نفرت سی۔ اوہ اپنی نفرت کدی لکندے وی نہیں سن۔

جیدی : جیدی دے چار چوفیرے ویریاں دا گھیرا تنگ ہوندا جا رہیا سی۔ جیدی نوں دس رہیا سی جے اوہدی موت بنری راہواں وچ ای ہونی اے۔ جیدی نے سماج نوں سوارن دا جتن کیتا۔ سماج نہ سوریہ۔ جیدی مک گا، دیوے وانگ بچھ گیا۔

تبیجی : جیدی وچوں تبیجی بن کے باہر آ پکیا سی۔ تبیجی نے جیدی دے روپ وچ اپنی حیاتی بنان لئی جان توڑ محنت کیتی سی، پر ہیرا پھیریاں دی حیاتی کامیاب سی۔ پرانے تے نویں جیدی دی حیاتی ناکام سی۔ تبیجی اپنے خیال لکھ کے در در پھردا سی پر اوہدے خیالاں نوں قانون دے خلاف سمجھ کے کوئی وی چھاپن لئی تیار نہیں سی ہوندا۔

آخر وچ کجھ سوالاں تے کجھ آساں اتے انج گل ممکائی اے، خورے تبیجی دیاں منگاں پوریاں ہو جاندیاں۔ خورے ریختی والیاں دے تعصب جھڑ جاندے۔ خورے کدی دیس اوہ سورگ بن دا جیہدا مٹفنا تبیجی نے سکیا سی، جیہڑے سورگ دی نر اشا نال جیدی موت نال جا رلیا سی۔ خورے، خورے ناولٹ دے اخیر لے اکھر ایسہ نیں۔ ”کئی ورھے لکھ گئے۔ اک سویر کجھ مسافراں نے دیکھیا جے سکے پانیاں دے آرکی پلیگو تے ڈگا ہویا لاوا ٹھنڈا ہو پکیا سی۔ لاوے اتے کدھرے کدھرے کائی وی نکل آئی سی۔ مسافر سوچن لگ پئے جے اتھے ہن کجھ اگے گا۔“

انج ایسہ موکلے تجریدی انداز دا مقصدیت دے مشن نوں ساجھنے رکھ کے لکھیا ہویا پنجابی دا پہلا سیاسی ناول اپنے اخیر نوں اپڑیا۔

”ست گواچے لوک“ فخر زمان دا ایہہ علامتی ناول 1975ء وچ ہتھیا۔
 ایہدے وچ ”ست گواچے لوک“ ہینگے دے ست رنگاں دے ٹوٹے نیں، جیہڑے
 ملدے نین تے ہینگے بندی اے۔ ایہہ وی آکھیا جا سکدا اے جے سماج اک ہینگے
 اے تے ایہہ اوہدے رنگ نیں۔ انج ایناں ستاں لوکاں وچ اک سانجھ اے۔ اوہ
 دکھڑے وی نیں تے سانجھے وی۔ ایناں گواچے لوکاں دی سانجھ گواچن وچ
 اے۔ اوہناں وچوں دو سوانیاں تے باقی مرد نیں۔ اوہناں دا مسئلہ فرد دی آزادی
 اے۔

پہلا شخص لاش ورگا سی۔ ایہہ پہلا شخص ہر بندہ ہو سکدا اے۔ اوہنوں
 دکھرا کر کے نہیں دکھایا گیا۔ پئی اوہ انقلابی اے، صوفی اے، دفتر دا کاما اے کہ
 کماری اے۔ کرداراں دی پچان ناول نگار دے اپنے ذہن وچ اے تے اوہ تعارف
 کران لگیاں ایہو بیہ استعارے چھڈا جاندا اے، بیہناں دی مدد نال پچانیا جا سکدا
 اے پئی اوہ کیہڑے کردار دی کہانی سنا رہیا اے۔ پہلا شخص اوہ بندہ اے بیہرہ ورتیا
 جان واسطے تیار نہیں۔ سماج دیاں گرجاں، اوہدیاں بوٹیاں کرنا چاہندیاں نیں پر اوہ
 مرن توں انکاری اے۔

دوجا کردار اک سوانی اے۔ اوہدا مرد تے اوہدا پتر دوویں اوہدا بٹھ چوس
 رہے نیں۔ اوہ مرد دے ہتھوں استحصال دا شکار ہوندی اے تے انج اوہ گواچ کے
 آزادی حاصل کردی اے۔

تینوا شخص اپنی شخصیت نوں مرن مارن دے حوالے نال تلاش کرن دی
 کوشش کردا اے۔ ایہہ اوہ انقلابی اے بیہرہ انقلاب دے بہانے دوجیاں دا استحصال
 کردا اے۔ اتھے چوہے تے کڑکی دے استعارے نال آزادی ایس کردار توں اوہلے
 ہو جاندی اے تے اوہ سانون اوہ لڑاکا لگدا اے، بیہنوں آزادی دی جنگ وچ دعا دتا
 گیا ہووے۔

چوتھا شخص لائبریری دیاں کتاباں روڈھ آوندا اے، جیس توں ایہہ لگدا
 اے پئی اکھراوہنوں اوہدی پچان نہیں دے سکے۔ اوہ ایہو جیہا بندہ اے بیہرہ دماغ
 توں نمونہ موڈ کے حواس دے تابع ہو جاندا اے۔ ایس کتھا وچ انسان دے جسم تے

شعور دے دو حصیاں وچ ونڈے جان دا بیان اے تے ساریاں علامتاں تصوف توں
لیاں گئیاں نیں۔

بچاواں شخص موکلے موکلے بوٹ پائی پھر دا اے۔ ایسہ اوہ اے جیہڑا
Adjust ہون وچ کامیاب نہیں ہو سکيا۔ اوہ Adjustment دا راہ پھڑ دا اے پر
اگے جا کے فرار دا رستہ لہے لیندا اے۔ ایسہ بندہ انساناں وچ ونڈی پان والے سماج
دے اندر حالات نال ڈھالیاں جان دے فلسفے دا شکار اے۔

بچیاواں شخص اوہ اے، ویلا جیہڑا ازلی دشمن اے۔ اوہنے ویلے نوں روکن
دی کوشش کیتی پر ناکام رہیا۔ ایسہ بندہ پورے زمانے اتے حاوی ہونا چاہندا اے
ایدوں کچھ تھوڑا جیہڑا وقفہ آوندا اے تے سانوں کھجے دیاں تاراں نال کاں دی لاش
ڈولدی لگدی اے۔ ایسہ موت دی اوہ رسم اے، جیہڑے اتے اوہ اکٹھے ہوندے
نیں تے کاں نوں مٹی تھلے دب کے اک ہور علامت مکمل کر دے نیں۔

ستواں کردار فیراک سوانی اے، جیہڑی اج دے سماج وچ زندہ اے۔ اوہ
ایس سماج دی گواچی عورت اے، جیہڑی آزادی دے غلط تصور دا شکار ہو کے
No man's Land بن جاندی اے۔ اوہ مرد دے استحصال دے خلاف احتجاج وچ
ساریاں حداں ٹپ جاندی اے۔

ایسہ ست پاتر کمائیاں ساندے نیں۔ پہلی کمائی موکلے بوٹاں والے دی اے،
جیہڑا روایت دا غلام ہو گیا، پر زنجیراں اوہدے اندر آزادی دی گرلاندی روح نوں
غلام نہ بنا سکیاں۔ غلط شادی نالے دفتر تے گھر دی چکی دے دو پاٹاں وچ پس کے اوہ
سودائی جیہڑا ہو گیا۔ اوہنوں سمجھوتیاں دے کولو وچ پیڑیا گیا۔ ذاتی زندگی وچ ماں دی
خاطر سمجھوتہ تے عام زندگی وچ بیوی دی خاطر سمجھوتہ۔ ایسہ بندہ اخیر کلا رہ جاند
اے، اوہدے سارے سہارے ڈگ پیندے نیں تے اوہ گواچ جاند اے۔

دوجی کمائی میکاکی انسان دی اے۔ اجوڑ دی شادی تے ماں دے دو ساگھے
توں اگے ویلے نوں نکیل پان دی کوشش کیتی جاندی اے۔ اتھے پنڈولم نوں کھلارن
دی علامت توں کم لیا گیا اے۔ انج گدا اے جیویں اتھے آ کے عقل تے جنون دیاں
سرحدیں مل گئیاں نیں۔ دوجی کمائی پہلی کمائی ورگی لگدی اے تے دوواں وچ سانجھا
مسئلہ بیانیا گیا اے۔

تجی کمائی وچ کردار اک عام بندے دی تھانویں اک ٹائپ بن جانے
 نیں۔ ایہہ تکنیک قرۃ العین دے ناول ”آگ کا دریا“ وچ ورقتی گئی اے۔ ایہہ کمائی
 شعور تے لاشعور، عقل تے دل دی جنگ دا آلا دوالا بخدی اے تے ایہہ وچ
 پنجابی ادب دے کلاسیکی سرمائے توں لایہ حاصل کیتا گیا اے۔ ایس کمائی وچ وجودیت
 دی تحریک دے انگ دسدے نیں۔ اتھے آکے گل ایس سوال اتے آکدی اے۔
 وہ مارن والے کون سن؟ تے جواب اے۔ اک ٹیری الٹی لٹک گئی۔ اک شتر مرغ
 اپنی سرریت وچ پھسایا۔

چوتھی کمائی مشہور تاریخی واقعے توں شروع ہوندی اک۔ اک بادشاہی دے
 منکر دا جیون، نابری، جنگ تے پھانسی۔ انج انقلاب دا سفر جاری رہندا اے۔ سارے
 پاتر رل کے نعرہ مار دے نیں۔ انقلاب زندہ باد۔

پنویں کمائی چائے خانے وچ گھمدی اے، جتھے گلاں دے لچھے مونہوں نکل
 نکل کے سامنے ڈھیریاں بنے ہوئے نیں۔ ایہہ پچھلی کمائی دے کرداراں دے
 پرچھانویں نیں، جیہناں دی اصل گواچ گئی اے۔ ایہہ انقلاب دے تصور اتے لیک
 پھیرن دا عمل اے۔

چھیویں کمائی پرانے سماج وچ عورت دے دکھ دی کمائی اے۔ اتھے
 عورت نوں اپنے توں ودھ وڈیاں طاقتاں نال لڑن دا حوصلہ کردیاں دکھایا گیا اے۔
 پنجاب دی رومانی داستاناں دے حوالے دے کے ایمائی انداز ورتیا گیا اے۔

ستویں کمائی وچ اجو کے زمانے دی عورت دی وارتا اے۔ اک پاسے
 اوہنوں بد امنی دا دکھ اے تے دوجے پاسے اوہدے اندر ایہہ احساس جاگ اٹھیا
 اے۔ میں آزاد آل، میرا سریر آزاد اے۔ مینوں کوئی نہیں ورت سکدا۔ مینوں
 کوئی قید نہیں کر سکدا۔ پر ایہہ جدید زمانے دی عورت وی گواچ گئی۔ آخرتے جیسکے
 فیر کھل جان دی اے۔ ستے لوک راہو راہی پے جان دے نیں۔

”اک مرے بندے دی کمائی“۔ فخر زمان دا ایہہ دو جانا ناول اگست 1977ء
 وچ ادارہ اشاعت ادب لہور نے چھاپیا۔ ایہہ تجی دنیا وچ عام منکھ دے ٹے خواہاں
 دی کمائی اے، جتھے سامراج دے چلے جان گمروں وی اوہدے ایجنٹ عام آدمی دا
 استحصال کر دے رہندے نیں۔ ایہہ ساری کمائی خود کلامی دے انداز وچ لکھی گئی

اے۔ ”مرن والا“ اپنیاں ماپیاں دی Investment دے مُروپ وچ ساہنے لیاندا جاندا اے، بینوں پال پوس کے پڑھا لکھا کے کسے اُچھے گھر دیاہیا جائے تے فیر کے اُچّی تھاں اُڑایا جائے۔ پر اوہ اوہناں دیاں آساں امیدیاں اتے پانی پھیر دیندا اے۔ اوہ گھر وچ تے دفتر وچ وی Misfit سی۔ اوہ ساریاں دھراں واسطے گھائے دا سودا سی۔ اک کڑی دی اوہنوں پیار دے نال تے گنی پگ وانگر درتیا۔ کفن وچ اک ہور گنڈھ وچ گئی۔ فیر ہندوستان دی آزادی دی جنگ نوں کرکٹ دے میدان وچ رکھ کے دکھایا گیا، جتھے اک پاسے اوڈواائر، ڈائیر تے برکلے جیسے کھلاڑی نیں تے دوجی ٹیم وچ کھل، فیانہ تے بھگت سنگھ جیسے کھلاڑی۔ مقابلہ بڑا سخت اے، ایسے حوالے نال کاماگاتا مارو جہاز دے مسافر آزادی پسنداں دے دھماکے تے جلیانوالہ باغ دا قتل عام ساڈیاں نظراں سامنیوں گزر دا اے۔ پنجاب دی تاریخ وچ نابری تے انقلاب دیاں تحریکاں دے جھلکارے دکھائے جانداں نیں۔ سیاسی حوالیاں نال کچھ ہور کردار وی ساہنے آوندے نیں۔ عوام نوں دھوکا دین والا لیڈر، جیہدا کاروبار ای سیاست اے، ان بھول کسان، جیہڑا انقلاب آون دی جھونھی خبر تے یقین کر لیندا اے، تے اوہ سیاست دان، جیہڑا نیکی تے مذہب دی تلقین کردا اے، پر اپنیاں نفسانی خواہشاں دا غلام اے۔ انگریزی حکومت دے فوجیاں تے اہل کاراں دے دیسی باشندیاں اتے ظلم تے سیاست دانوں دی کرسی واسطے جنگ دا وی حوالے دتا گیا اے نالے ایسہ وی دیا گیا اے پئی مرکزی کردار نے اپنی بے بسی توں تنگ آ کے اپنے مُٹھے اُتے تیل تروکھیا تے ماچس دی تیلی وکھا دتی۔ جدوں حالت اُکا نازک ہو گئی تے ڈاکٹراں، سوجھو اتناں تے سیاست دانوں اوہنوں مُکا دین دا فیصلہ کیتا۔ اوہنوں نیکہ لا دتا گیا۔ اوہدیاں اکھاں ”آئی بینک“ وچ رکھ دتیاں گئیاں۔ جدوں اوہ اکھیاں اک دانثور نوں لائیاں تے اوہنوں بندے گرکھ، جانور، پکھیرو تے کتاباں، ہور ہور لگن لگ چئیاں۔ جدوں اوہنوں قبرے پایا گیا تے دلا بھٹی، احمد خان کھل تے بھگت سنگھ اوہدے سرہانے دیوا بالن آئے۔ قبر اتے ایسہ کتبہ لکھیا ہو یا سی۔

میں وی جھوک را بھنن دی جاناں، نال میرے کوئی چلے

”بندی وان“ فخر زمان دا تیجا ناول اے، جیہدے وچ دوجے مسئلیاں دے نال نال اپنے دیس دے سماجی تے سیاسی حالات نوں موضوع بنایا گیا اے۔ ایس ناول

وچ علامتی انداز ورتیا گیا اے۔ پہلوں ایسہ ناول 1981ء وچ گورکھی اکھراں وچ امرتسر (بھارت) توں پھپھا، فیر 1984ء وچ ایسہ فارسی اکھراں وچ لہوروں چھپ کے سامنے آیا۔ کمائی دا مرکزی کردار ”زیڈ“ اے، ’بیرا کدی بندی وان دے روپ وچ ظاہر ہوندا اے تے کدی ”زیڈ“ دے روپ وچ۔ کئی تھانواں تے دوویں کردار جذب ہو جاندے نیں۔ قیدی زیڈ نوں حکومت دے سربراہ دی ہدایت اتے قتل دی سازش دا ملزم قرار دتا جاندا اے۔ ایسے واسطے روزنامے وچ تبدیلی کر کے نوں FIR درج کیتی جاندی اے، کیوں جے زیڈ حکومت دے مخالف گروہ نال تعلق رکھدا اے۔ ناول دا انجام ایسہ دکھایا گیا اے جے زیڈ نوں پھانسی دتی جاندی اے۔

گورکھی ایڈیشن دے دیباچے وچ کرنیل سنگھ تھند نے لکھیا اے۔

”بندی وان دا مرکزی کردار زیڈ اے، ’بیرا اکو سے کئی روپاں وچ وچ رہیا اے۔ زیڈ ناول دا ہیرو ہون توں اڈ بندی وان ہے، بھٹو ہے اتے فخر زمان ہے۔“

”بندی وان“ نٹارویں کچھوں سیاسی پس منظر دا ناول اے تے ایسے وچ پاکستان دے سابق وزیر اعظم ذوالفقار علی بھٹو دے مقدمے نوں بنیاد بنایا گیا اے، ’بیرا لہور ہائی کورٹ تے سپریم کورٹ وچ پنڈا رہیا۔ ایسہ ناول فخر زمان دی سیاسی تے جذباتی وابستگی دا اظہار اے۔ ایسدا پچھوکڑ اک خاص نظریے تے جماعت دی سیاست ہون کر کے ادب وچ وی ایسہ ناول اختلافی حیثیت رکھدا اے۔

”اک انکھی دھی پنجاب دی“ نادم عصری دا ناول اے۔ ایسدا دیباچہ چودھری محمد بشیر گورایا لکھیا، ’بیسے وچ اوہناں مصنف بارے ایسہ رائے دتی اے۔

”نادم عصری ایس کتاب وچ صرف انکھی ای نظر نہیں آوندا، اوہ دیس دا رکھوالا، قوم پرست تے ملک دا صحیح ہمدرد دسد اے۔ نالے جاپدا اے پئی اوہ معاشرے دی ہر برائی دا ڈٹ کے مقابلہ کرن لئی تیار اے۔“

”اک انکھی دھی پنجاب دی“ دا مرکزی کردار اک کڑی حمیدہ بانو اے، زمانہ ملکی ونڈ توں فوراً بعد دا اے تے ایس کمائی دی بنیاد اتفاقی حادثاں اتے رکھی گئی اے۔ کمائی ایسہ اے پئی اک بے آسرا کڑی (حمیدہ بانو) اپنے ایا نے بھرا نال کسے تھان نکالنے دی تلاش وچ کوٹھیاں دوالے پئی بھوندی اے۔ اک کوٹھی دے باہر

نکا دیکھ کے اوہدا بھرا پانی پین لگ پیا تے جدوں اوہ پانی پی کے اپنی بھین ول مڑیا،
 اسے گھڑی اک موٹر کار کوٹھی وچوں نکلی تے اوہنے بچے نوں نکر مار دتی۔ موٹر
 وچوں اک برقعے والی بی بی باہر نکل کے بچے نوں سنبھالیا، کڑی کولوں اپنے ڈرائیور
 دی غلطی دی معافی منگی تے دوواں بھرا بھین نوں اندر اپنے گھر لے گئی۔ اندر جا کے
 اوہنے بچے دی مرہم پٹی کیتی تے نیکہ لا کے اوہنوں سوا دتا۔ ایسہ گھر دی مالکن جوان
 عمر دی سوہنی شکل نیک خصلتاں والی بی بی اے تے اج کل اپنے پنڈوں آ کے نکلے
 بھرا دے گھر ٹھہری ہوئی اے۔ اوہدا بھرا ڈاکٹر اے تے اوہ آپ وی اوہدے کولوں
 مرہم پٹی تے ہور نکا موٹا علاج معالجہ کرن دی جاچ رکھدی رہندی اے۔ جدوں اوہ
 بی بی بیدا ناں مریم اے دس دی اے جے اوہدا بھرا دا ناں افضل اے تے ایسہ سُن
 کے اوہ کڑی حمیدہ بانو زار قطار رون لگ پیندی اے۔ جدوں اوہ بی بی اوہنوں انج
 دکھی ہون دی وجہ پچھدی اے تے حمیدہ بانو اپنی ایسہ وار تانندی اے۔

”میرے ابا جی جالندھر شہر دے اک کالج وچ دینیات دے پروفیسر سن۔ میں
 1945ء وچ بی۔ اے دا امتحان پاس کیتا۔ جدوں پاکستان دی تحریک نے زور پکڑیا تے
 پڑھیاں لکھیاں کڑیاں اک انجمن بنا کے مسلماناں دے وکھرے وطن واسطے کم شروع
 کر دتا۔ نیز ہندو مسلم فساد شروع ہو گئے۔ اودوں میرا نکا بھرا افضل ڈاکٹری دی تعلیم
 پیا حاصل کر داسی۔ جدوں اسیں اپنے دادا جی دی وفات اتے پنڈ گئے تے افضل اپنے
 اک دوست دی ماں دی بیماری دے سلسلے وچ پچھے رہ گیا۔ چار دن بعد اوہدا دوست
 محسن میرے بھرا نوں بے ہوشی دی حالت وچ چک کے لیا یا۔ جدوں افضل نوں ہوش
 آیا تے اوہنے دیا پئی، بلوائیاں حملہ کر کے محسن دے گھر نوں آگ لا دتی تے اوہدی
 بیمار ماں، جوان بھین تے نکا بھرا سارے اندرای سڑ کے سواہ ہو گئے۔ ایسہ سُن کے
 ساریاں رل کے محسن نوں روک لیا۔ کچھ چر نوں اوس پنڈ اتے دی ویریاں حملہ کر
 دتا تے محسن اپنی جیپ وچ سارے خاندان نوں بٹھا کے وڈی سڑک ول لے مڑیا۔ پر
 کچھ فاصلے اتے سڑک تے لکڑیاں دا ڈھیر لا کے رکاوٹ کھڑی کر دتی گئی سی، بیسوں
 ہٹان واسطے جدوں افضل تھلے اُتریا تے اک پاسے چھپے ہوئے بلوائیاں دی بندوق
 وچوں نکلی ہوئی گولی افضل دے سینے توں پار ہو گئی۔ اک ہور گولی افضل دی ماں دی
 حیاتی مٹکا دتی۔ کچھ دور جا کے کسے نوک دار چیز دے لگن نال اگلے پہیاں دے

دوویں ٹار پٹ گئے تے جیپ رک گئی۔ محسن کچی زمین کھود کے افضل تے میری ماں نوں دبا دتا۔ اتوں اک پناہ گیراں دا قافلہ آگیا تے محسن، ابا جی، میرا امیہ نکا بھرا تے میں اوس قافلے وچ شامل ہو گئے۔ راہ وچ ورحدے مین وچ کھلے اسمان تھلے راتاں لنگھان پاروں ابا جی نوں نمونیہ ہو گیا۔ جدوں اوہناں دا آخری وقت آگیا تے اوہناں محسن نوں وصیت کیتی جے اوہ اک بھرا وانگر میری حفاظت کرے تے مینوں میرے مگیتر نواز احمد کول پہنچا دے۔ امیہ آکھ کے اوہ سانوں روندیاں چھڑ کے کُڑ گئے تے قافلے والیاں اوہناں نوں اک حرکت بٹھاں ٹویا کڈھ کے دب دتا۔

واہگا سرحد پار کر کے محسن لہور وچ سستے کرائے دا اک نکا جیہا مکان لے کے حمیدہ تے عزیز نوں اوہدے وچ رکھیا تے آپ اپنی روزی دا پر بندھ کرن دے نال نال نواز احمد دی بھال وی کردا رہیا۔ حمیدہ بانو ”اخلاق سُدھار پرہیا“ دے پرچے واسطے کمائیاں لکھ لکھ کے تھوڑی جیسی رقم کما لیندی سی۔ اک دن جدوں محسن اپنی تلاش دے سلسلے وچ اخبار ”حق نواز“ دے دفتر گیا تے اوہنوں اوتھے اپنا اک پرانا دوست ارشاد احمد مل پیا۔ امیہ بندھ جُھن اک ہوٹل دا مالک تے امیر آدمی سی۔ اوہ محسن نال وعدہ کردا اے پئی نواز احمد نوں لبھن وچ اوہدی مدد کرے گا۔ اوہ دوجے دن کچھ اخبار نویسیاں نوں بلا کے نواز احمد دی تلاش دا پروگرام وی بناندا اے۔ اوہوں اگلے دن اوہ اخبار نویسیاں دے اصرار تے اپنی شادی دی خوشی وچ دعوت دین دا اعلان کردا اے تے محسن نوں حمیدہ بانو نال دعوت وچ آون دا سدا دیندا اے۔ دعوت والے دن اک بازاری عورت یا سمین ارشاد احمد دی بیوی بن کے آپ حمیدہ بانو نوں دعوت تے آون دی تاکید کرن اوہدے گھر آئی۔ محسن حمیدہ بانو تے عزیز ارشاد احمد دی موٹر وچ شہروں کجھ دور اک بے رونق نیبے علاقے وچ لے جائے گئے۔ امیہ اک سازش سی، جیہدے ذریعے ارشاد احمد حمیدہ بانو دی عزت تے حملہ کر کے اپنی پرانی ہوس پوری کرنا چاہندا سی۔ پر یا سمین، بیہوشی ایسین سازش وچ ارشاد احمد نال شریک سی، حمیدہ بانو دے گھر اوہدی لکھی ہوئی کتاب پڑھ کے اپنی متاثر ہو چکی اے جے جُھن اوہنے ہر صورت حمیدہ بانو دی آبرو دی حفاظت کرن دا فیصلہ کر لیا اے۔ اودھر ارشاد احمد تے اوہدے نقلی اخبار نویس ساتھی محسن نوں دھمکیاں دیندے رہے پئی اوہ ارشاد احمد نال حمیدہ بانو دے نکاح وچ کوئی رکاوٹ نہ

پاؤے۔ ایس گل تے فساد پے جاندا اے تے ارشاد احمد دا اپنا راٹھواں بندہ بشیر نقلی مہماناں دی خوب پٹائی کردا اے۔ یاسمین حمیدہ نوں اپنا برقعہ پوا کے نسا دیندی اے تے محسن وی اوس گناہ دے اڈے توں نکل کے حمیدہ کول پہنچ جاندا اے۔

ارشاد احمد جُن اک ہور چال چلدا اے۔ اوہنے اپنے ڈیرے تے موقعہ کڈھ کے محسن دے بریف کیس وچ اک موتیاں دا ہار پادتا سی۔ محسن دے واپس گھر آون توں تھوڑی ای دیر بعد پولیس لے کے خانہ تلاشی واسطے پہنچ جاندا اے تے محسن اتے اپنے قیمتی ہار دی چوری دا الزام لندا اے، پر اوسے ویلے یاسمین وی اوتھے پہنچ جاندی اے تے تھانیدار نوں دسدی اے پئی ہار اوہدے کول اے۔ تھانیدار اوہدے ہتھ وچ ہار دیکھ کے لاجواب ہو جاندا اے۔ تھانیدار دے جان توں بعد ارشاد تے یاسمین دے جھگڑے توں حمیدہ بانو نوں پتہ چلدا اے کہ یاسمین اک بازاری عورت اے تے پہلوں اوہ وی ارشاد احمد نال اوہدے خلاف سازش وچ شریک سی، پر جُن اوہ اوہدا ساتھ چھڈ کے حمیدہ بانو دی حمایت وچ کھل کے ساہنے آ گئی اے۔

ارشاد احمد دے رُ جان مگروں محسن نوں نواز دی ماں دا خط ملدا اے، جسدے وچ لکھیا ہویا اے کہ نواز اگست 1947ء دے ہندو مسلم فساداں وچ ماریا جا چکیا اے۔ محسن اتے غم دا پہاڑ ڈگ پیندا اے تے اوہ اپنے گھر پوڑیاں توں ڈرگ کے مر جاندا اے۔ یاسمین حمیدہ بانو دا ساتھ نبھاون دا وعدہ کردی اے تے اپنا گھر بار چھڈ کے حمیدہ بانو دے نال رہن لگ پیندی اے۔ اتھے اپڑ کے حمیدہ بانو خاموش ہو جاندی اے۔

جدوں حمیدہ بانو اپنی حیاتی دا دکھڑا مریم نوں سنارہی ہوندی اے تے مریم دا خاوند نالے اوہدا بھرا افضل وی اندر آ کے اک پاسے بیٹھ کے مُسنن لگ پیندے نیں۔ نکلے عزیز نوں جدوں ہوش آوندا اے تے اوہ افضل نوں اپنا وچھڑیا (مویا) بھرا سمجھن لگ پیندا اے، کیوں جے ایس افضل دی شکل وی اوہدے نال ملدی اے۔ ایہہ دیکھ کے افضل حمیدہ بانو نوں اپنی بھین بتا لند اے تے یاسمین وی اوہناں کول آ جاندی اے۔ فیر حمیدہ بانو مریم دے سوہرے پنڈ سلطان پور جاندی اے جتھے مرزا عزت بیگ ڈیاں زمیناں نیں۔ مرزا عزت بیگ محکم پولیس دے ایس ایس پی نیں تے

اوہناں اپنیاں زمیناں دا بندوبست اپنے چاچے دے پتر سلطان بیگ دے سپرد کیتا ہویا اے۔

سلطان پور دے لاگے اچے پنڈ دے ڈاکواں علاقے وچ دہشت پائی ہوئی اے تے مرزا عزت بیگ نوں اوہناں دی گرفتاری دا فرض سونپا گیا اے۔ حکومت نے اشتہار چھاپیا اے جے ڈاکو چار دن دے وچ وچ گٹ مار دیاں وارداتاں چھڈ کے اپنے آپ نوں قانون دے حوالے کر دین تاں اوہناں نوں معافی دتی جا سکدی اے نہیں تے سخت کارروائی کیتی جائے گی۔ ڈاکواں دا سردار شیرو تے حکومت دے ایس اعلان توں بعد چوری چکاری دیاں وارداتاں بند کر دین دا فیصلہ کردا اے، پر اوہدا ساتھی نتھو رگڑا سہ گل نہیں مندا تے اپنے ساتھی پر لائحہ دے نال رل کے پولیس مقابلے دا مقابلہ کیتا اے۔ اوہ دوویں پولیس دی دھون نیویں کرن واسطے حمیدہ بانو نوں بے ہوش کر کے عزت بیگ دی حویلی وچوں چک لیاوندے نیں۔ فیر اوہنوں اک چُبارے وچ ڈک کے باہروں جنڈرا مار دتا جاندا اے کجھ چر گمروں جدوں اک ڈاکو بدوق دے دستے دیاں شاں نال بُوہا توڑ کے اندر آوڑدا اے تے حمیدہ بانو نوں ہوش آجاندا اے تے اوہ باری وچوں تھلے وگدی ندی وچ چھال مار دیندی اے۔ جدوں اوہ کنڈھے لگدی اے تے تھکیوں نال بے ہوش ہو جاندی اے۔ سویرے ویلے بڑھا پیرو گجر اوہنوں اپنی جوان دھی لاڈو دی مدد نال اپنے کوٹھے دے اندر چُک لیاوندے اے۔ جڈوں حمیدہ بانو نوں ہوش آوندے اے تے اوہناں پیو دھی نوں اپنی دارتا سناندی اے تے پیرو گجر دی منت کر دی اے جے اوہ اوہدا دوپٹہ لے جا کے عزت بیگ نوں دکھائے تے اوہنوں بھیتی بوہرن دا مہینا دیوے۔ پیرو گجر دوپٹہ لے کے نکھدا ای اے جے اوہو چارے ڈاکو اندر آوڑے نیں تے اوہ حمیدہ بانو دے نال لاڈو نوں وی چک کے خفیہ سرنگ وچ بند کر دیندے نیں۔

حمیدہ بانو دے اغوا ہون دی خبر سُن کے عزت بیگ پولیس دے متھے ہوئے وقت توں اک دن پہلے ای بڑی وڈی نفری لے کے ڈاکواں اتے حملہ آور ہو جاندا اے۔ اُچے پنڈ دے کول آ کے عزت بیگ سردار شیرو نوں گل بات واسطے بلاندا اے۔ شیرو سردار پچھ پر تیت کردا اے تے پتہ پلدا اے پئی کچھلی راتیں نتھو رگڑ تے اوہدے تن ساتھیاں دو عورتاں چک کے خفیہ سرنگ وچ ڈکیاں نیں۔ مرزا عزت

بیگ شیرد دی مد نال حمیدہ بانو تے لاڈو نوں خفیہ سُرنگ وچوں برآمد کردا اے۔ پر
اوسے گھڑی نتھو رنگڑ تے اوہدے ساتھی حملہ کر کے عزت بیگ نوں پھڑ لیندے نیں
تے اک حرکت نال بنجہ کے گولی نال اڈان لگدے نیں جے حمیدہ بانو جھٹ عزت بیگ
دے اگے کندھ داگر کھلو کے اوہناں نوں وطن دی مٹی، عورت دے تقدس تے
پنجاب دے جواناں دی آنکھ بارے یادگیری کراندی اے۔ ایس تقریر دا ایسہ اثر
ہوندا اے پئی نتھو رنگڑ تے اوہدے ساتھی مرزا عزت بیگ دیاں مشکاں کھول کے
اوہنوں آزاد کر دیندے نیں تے اپنیاں بندوقاں سٹ کے اطاعت قبول کر لیندے
نیں۔ مگروں نتھو رنگڑ دی نشان دہی اتے پرلاٹھو وی پھڑیا جاندا اے تے سارے ایسہ
دیکھ کے حیران ہوندے نیں پئی ڈاکواں دا ایسہ استاد مرزا عزت بیگ دا چاچے دا پتر
سلطان بیگ اے، جیڑا اوس ویلے وی حویلی وچ سیف دا جنڈرا بھن دی کوشش پیا
کردا سی جدوں عزت بیگ اوہنوں موقعے اتے ای آ پھڑیا۔ اوہنے آگوں مقابلہ کردیاں
ہویاں اپنے پستول وچوں دو گولیاں چلائیاں، جیڑیاں دوویں حمیدہ بانو دی ہک وچوں
پار ہو گیاں۔ فیر جدوں اوہ سن لگاتے اوہنوں اوہدے اپنے شاگرد ڈاکواں ای قابو
کر لیا۔ سلطان بیگ دے سینے وچوں عزت بیگ نے چھ گولیاں لنگھا دتیاں تے اوہ
تھیمہ اتے ای مر گیا۔ سیف وچوں کندھے ہوئے نوٹ تے گئے اوہدی لاش دوالے
رکھل گئے۔ حمیدہ بانو مرن لگیاں اپنے مونہ بولے بھراکولوں ایسہ قول لیا جے اوہ
یا سمین نال ویاہ کر کے اوہدی حیاتی وچ سکھ بھرے گا۔ افضل وعدہ کردا اے تے حمیدہ
بانو ایسہ آکھ کے سادھ دے دیندی اے۔

کوئی آس وی نہیں، جُن اکو ایسہ آس اے باقی
میرے کفن دے وچ ہووے میرے وطن دی مٹی
آخر وچ فیر اک داری حمیدہ بانو دی روح اوہدے مزار اتے کٹھے ہوئے
لوکاں نوں مخاطب کر کے اوہناں نوں ایلیے پنجاب دی سوہنی دھرتی توں ظلم دے پہاڑ
ڈھان لئی ونگار دی اے۔

ناول ”بلدے دیوے“ دے شروع وچ ناول بارے دو گلاں دے سرلیکھ
تھلے دیباچہ فخر زمان نے لکھیا اے تے ایس گل نوں سلاہیا اے پئی اوہ پہلی خاتون نیں

بیہناں پنجابی وچ ناول لکھت ول گوہ کیتا اے۔ اوہناں اینوں ماحول دا ناول آکھیا
 اے تے ساڈے سماج وچ عورت دی بے بسی دی تصویر کشی ول اک بروقت اقدام
 قرار دتا اے کیوں جے تیجی دنیا دے ملکاں وچ عورت دا استحصال ختم کرن واسطے
 پہلوں اوہنوں اپنے مسائل توں واقف کرنا لازمی اے۔ اوہناں ناول دے اختتام نوں
 لکھاری دی حقیقت پسندی دا اظہار کیا اے تے ایس ناول نوں اک حقیقت لکھت۔
 ناول وچ اک ایسے جاگیردار دی کہانی بیان کیتی گئی اے، جیہڑا اولاد زرینہ دا
 چاہیوان اے، پر دو دیاہ کرن دے باوجود گھر پتر نہیں جیہیا۔ تیجا دیاہ اوہ زرینہ نال
 کردا اے، پر اوس توں وی دو کڑیاں ای پیدا ہوندیاں نیں۔ چودھری دی تیجی بیوی
 جدوں امید نال ہوندی اے تے اوہ اشتہار دے کے اک وڈے ڈاکٹر سلیم نوں اپنے
 پنڈ بلاندا اے۔ ایسہ ڈاکٹر کئی ورھے انگلستان تے امریکا دے ہسپتالاں سرجری دی
 تربیت حاصل کر کے کافی تجربہ رکھدا اے۔ ڈاکٹر سلیم پنڈ دی رہائش دے دوران پہلی
 وار اپنی موتی ماں دی خواہش پچھے اصل حقیقت توں جانو ہوند اے۔ اپنی تعلیم مکان
 توں بعد اوہنے اپنی ماں دی ایسہ گل نہیں سی منی پئی اوہ پنڈ وچ رہ کے اپنے لوکاں
 دی خدمت کرے تے اوہ دولت کمان باہر دے ملکاں نوں ٹر گیا سی۔ پر ہن اوہدے
 دل اتے پنڈ دی دسوں تے ایس ماحول وچ وسن والے سادے لوکاں دے اخلاق دا
 ایسا گہرا اثر پیندا اے جے اوہ اپنے اک دوست نال کسے پنڈ وچ پریکشن کرن اتے
 راضی ہو جاندا اے۔ ایس فیصلے دی اک وجہ اوہدی زرینہ واسطے ہمدردی اے،
 جیہڑی ہولی ہولی اوہدے دل وچ جڑھ پکڑ کے محبت دا بونٹا لاندی اے۔ اوہ پورے
 جذبے نال ایسہ سوچدا رہندا اے پئی ایس نازک جیسی کڑی نوں کیویں چودھری دے
 دباؤ تھیلوں کڈھیا جائے تے اوہدے وچ فیر جیون دی امنگ جگائی جائے۔ اوہ زرینہ
 دا اپنے وڈیرے خاوند نال عجیب جیہا تعلق دیکھ کے گڑھا رہندا اے تے اخیر اوس
 شکنجے وچ پھسی ہوئی عورت دی اکو اک نجات دا وسیلہ بندا اے۔ جدوں اوہ بڑی
 مہارت نال اوہدے ڈھڈوں دو پچیاں دی پیدائش دا طبعی معجزہ کر دکھاندا اے۔ اک
 موتی بچی پیدا ہوندی اے تے اک صحت مند نر بچہ۔ چودھری نوں وارث مل جاندا
 اے۔ اوہنوں امیدے نال کوئی غرض نہیں جے ایس مہم وچ زرینہ اتے کسے پہاڑ
 مُتدے نیں۔ ڈاکٹر سلیم اک نویں انسانی تجربے وچوں کھمب چڑھ کے کراچی اپنے

دوست دل پر تے جاندا اے، ایس عزم دے نال پئی اوہ کے پنڈ وچ اپنا ہسپتال کھول کے اپنی ماں دی خوشی پوری کرے گا۔

غلام حسین سہیل دے اسی صفیاں دے ایس ناولٹ ”ٹالیاں دی چھاں“ دے مکھ کردار جمیل تے چانی نیں۔ کہانی روایتی اے تے ایسوں اگے ودھان واسطے حاویاں تے اتفاقات دا سہارا لیا گیا اے۔ تحریر دا انداز رومانی اے تے اے ایہدے وچ فن دی پختگی نظر نہیں آوندی۔

ایس ناولٹ دی کہانی ایہہ اے۔ جمیل چانی دے مٹھنے ویندا رہندا اے تے اک دن سچی مچی چانی نوں جیوندیاں جاگدیاں دیکھ لیندا اے۔ پر اوہو گھڑی اوہدے وچھوڑے دی اے۔ اوہ اپنا پنڈ چھڈ کے یونیورسٹی وچ پڑھن واسطے لبور آ جاندا اے۔ پر اتھے وی اوہنوں سگوس چانی دس پیدی اے، جیہڑی، سفیناں دی چانی توں برخلاف اوہدی بچ ماری لت دا مذاق اڑاندی اے۔ ایہہ بچ دی چانی دراصل شنو اے، اوہدی ماسی دی دھی، جیہڑی اوہدے نال ای یونیورسٹی وچ پڑھدی اے۔ جمیل اپنی ماسی دے گھرای رہن لگ پیندا اے۔ شنو دا سلوک تے نہیں بدلدی، پر اوہدی بھین شمو جمیل نال ہمدردی رکھدی اے تے جدوں اوہنوں پتہ لگدا اے اے اٹھ ورھے پہلے اک شکاری دی غلطی نال جمیل دی لت وچ گولی لگ جان دے سببوں اوہدی لت بے کار ہو گئی اے تے اوہ دکھ نال بے اختیار ہو کے رون لگ پیندی اے۔ جمیل یونیورسٹی وچ اپنی قابلیت تے چنگے سہا پاروں کامیابیاں حاصل کردا رہیا تے شنو اوہدے توں سڑدی تے نفرت کر دی رہی۔ جمیل نے اپنی مسیر نوں ہر طرح خوش کرن دی کوشش کیتی پر اوہ اوہدے کولوں دور ہوندی گئی۔

جمیل دی اک کلاس فیلو ماہ رخ جیہڑی سیٹھ کمال دی بیٹی اے، اوہدے نیزے آون دی کوشش کر دی رہی تے اوہ اپنے گھرانے دی غریبی تے اپنی لت دی بچ پاروں اوہنوں نالن دا چارا کردا رہیا۔ آخر اک دن جدوں ماہ رخ جمیل نوں اپنے گھر لے گئی تے سیٹھ کمال نوں دیکھ کے جمیل یاد آیا جے اوہ ای اوہ شکاری سی جسنے غلطی نال بندوق چلا کے اوہدی لت زخمی کر دتی سی۔ سیٹھ کمال نے اوہدے کولوں معافی منگدیاں ہویاں اوہدے ہتھ وچ اپنی بندوق پھڑا دتی جے اوہ اپنا بدلہ لے لوے،

پر جمیل نے سیٹھ کمال نوں دلوں معاف کر دتا۔ یونیورسٹی دا امتحان پاس کر لین توں بعد جمیل تے ماہ رخ دا ویاہ ہو گیا۔ جمیل سیٹھ کمال دی مل دا منیجر مقرر ہو گیا تے کچھ چر بعد ماہ رخ اوہنوں لت دا اپریشن کران انگلستان لے گئی پر ہوائی جہاز دا حادثہ ہو گیا تے ماہ رخ اوس حادثے وچ ہلاک ہو گئی۔ جمیل نوں ماہر ڈاکٹر اں بچا لیا تے اوہدی لت دی ٹھیک ہو گئی۔

انگلینڈ وچ جمیل کم کاج کر کے پیسہ کمان لگ پیا تے اپنے ماپیاں نوں رقوم بھیجا رہیا۔ پر اوہ آپ اندروں ٹٹ بھج گیا سی۔ اوہنوں شراب پین دی عادت پے گئی تے نشے وچ اوہ ہر کڑی نوں چاٹنی سمجھ کے اوہدے اگے اپنا ڈکھڑا روں بہہ جاندا سی۔ ایہو جیہی اک پاکستانی کڑی فوزیہ نال اوہدا تعلق قائم ہو گیا۔ تے اوہناں دوواں اک دوجے دے ہو کے عمر گزارن دے وعدے وعید کر لے۔ جدوں اوہ دوویں پاکستان پر تے تے جمیل اپنے پنڈ جا کے ویکھیا پئی اوہدے پیو نے اوہدی گھلی ہوئی رقم نال بہت ساری زمین خرید لئی اے۔ فیر جدوں اوہ لہور اپنی ماسی دے گھر گیا تے اوہنوں پتہ لگا پئی اوہ لوک اپنی کوٹھی چھڑ کے کدھر ٹر گئے نیں۔ جمیل دا فوزیہ نال ویاہ ہو گیا تے اوہ فوزیہ دے باپ دے مل وچ ملازم ہو گیا۔ پر اچے کچھ مہینے ای گزر دے نیں جے فوزیہ ہسپتال داخل ہو کے اک بچی جمی اے۔ جمیل نوں احساس ہوندا اے پئی فوزیہ پہلوں ای بچے نال سی تے اوہدے باپ نے بدنامی توں بچن واسطے اوہدا ویاہ جمیل نال کر دتا اے۔ اوہ اپنا پلہ چھڑان واسطے فوزیہ نوں طلاق دے دیندا اے۔

جمیل جدوں اک فرم وچ منیجر ہو جاندا اے تے اک دن اوہدے دفتر دی اک سیکرٹری اوہدے کول آوندی اے۔ اوہ اوہنوں پہچان لیندا اے پئی اوہ اوہدی ماسی دی دمی شمو اے۔ پر اوہ کڑی اپنا ناں کچھ ہور دسدی اے تے فیر دفتر وں غائب ہو جاندی اے۔ جن جمیل روز اپنی ماسی دے نمبر نوں لبھن نکلتا اے۔ اخیر اک دن اوہنوں شمو کے ہسپتال توں باہر نکلتی نظر آوندی اے۔ جدوں اوہنے مل کے اوہنوں بڑی منت نال پچھیا تے شمو نے دیا جے اک کار دے حادثے وچ اوہدے ماں باپ مر گئے نیں، چاچے نے ساری جائیداد کھوہ لئی اے تے اوہدی بھین شمو اکھاں دا چانن گوا بیٹھی اے۔ ایس ویلے وی اوہ اپنی بھین نوں ہسپتال وچ مل کے آ

رہی اے۔ شمو نے ایسہ وی دسیا جے شنو جمیل نال انتاں دا پیار کر دی سی تے جدوں جمیل نے ماہ رخ نال ویاہ کرایا، اوہ مجھی مجھی رہن لگ پئی سی۔ فیراوہ دوویں اندر ہسپتال شنو نوں ملن گئے۔ جمیل دوواں بھیناں نوں ہسپتالوں اپنے نال گھر لے آیا تے شنو نال وعدہ کیتا جے اوہ اوہدیاں اکھاں دا مکمل علاج کسے بڑے وڈے ڈاکٹر کولوں کرائے گا۔ فیراوہ پنڈ گئے تے جمیل دی ماں اپنیاں مھنیویاں نوں دیکھ کے بڑی خوش وی ہوئی تے آزرده وی۔ پر آگوں آون والیاں خوشیاں دا خیال کر کے اوہنے اپنے دل نوں تسلی دتی۔

راتیں جدوں سارے سوں گئے تے جمیل شنو دا ہتھ اپنے مونڈھے اتے رکھ کے اوہنوں پنڈوں باہر لے ٹریا۔

شنو پچھیا۔ ”مینوں کتھے لے چلے او؟“

جمیل جواب دتا۔ ”اوتھے جتھے بہہ کے میں تیری چاننی دے سفے ویکھدا

رہیاں“

حوالے

(i)۔ ایس موڈھی ناول کاردا دوجا نمائندہ ناول ”مول فلیٹرز“ اے۔

(ii)۔ ایس توں پہلے رچرڈسن اک ہور مقبول ناول ”Pamela“ 1741ء

وج لکھ پکیا سی تے کلیریسا پکھوں اوہدا اک ہور ناول ”Sir Charles Grendisa“
”پچھیا۔“

(iii) فیلڈنگ ”Tom Jones“ توں پہلے اک ہور سلاہن جوگ ناول ”

جوزف اینڈ ریوز“ 1742ء وج لکھ پکیا سی تے ایسے مگروں وی اوہنے اک ناول

”Amelia“ 1751ء وج چھوایا۔

ڈراما

ڈرامے دی تاریخ بہت پرانی ہے۔ مصر تے چین دے نال نال مشرق وچ ہندوستان تے مغرب وچ یونان نوں ایس دی جنم بھومی مینا جاندا ہے۔ یونانی دکھانت دے پہلے لکھاری اسکائی لیس دے ڈرامے The Suppliant دے بارے دیا جاندا ہے کہ ایہ 490 ق م وچ پیش کیتا گیا۔ کول دے آکھن موجب چین وچ ڈرامائی پیش کش دائیہ 1100 ق م وچ بکھیا سی۔ ہندوستان وچ ڈرامے دائیہ کالی داس دے ”نکتستنا“ توں بکھدا ہے، بیہڑا ویداں دے سے سنسکرت وچ لکھیا گیا (1)۔ سنسکرت تے پالی زبانیں وچ ڈرامے دی ہوند دے باوجود انگریزاں دے آون توں پہلاں پنجابی وچ ڈرامے دا کھڑا نہیں بکھدا۔ پر ایس سے وچ ڈراما لوک ناکھ بھنڈاں، راس دھاریاں تے منظوم داستانیں دے حوالے نال موجود رہیا ہے۔ ایس گل دی تصدیق قیاس تے روایت دواں توں ہندی ہے۔

انگریزاں پنجاب اتے 1849ء نوں قبضہ کیتا تے ایہدے نال ای ادبی تے ثقافتی یلغار شروع ہو گئی۔ ایہدے دورخ سن۔ اک داسانگا مذہبی پرچار نال سی۔ عیسائی مشنریاں ولوں انجیل دیاں کہانیاں نوں ڈرامے دے روپ وچ پیش کیتا جان لگ پیا۔ جیویں ایس ایس نچنت نے اُنویں صدی دے اخیر لے دہاکے وچ ملکہ استر دے نال نال بائبل دی پرانی کھاتے مینی ڈراما پیش کیتا (2)۔ دوجی سطح یورپ دے اُچے ڈراما نگاراں دیاں تخلیقاں دے ترجمے سن، جیہدے تحت ”شیکسپئر“ گالزوردی، برنارڈشا تے دوجے لکھن والیاں دے ڈرامیاں دے ترجمے ہوئے۔ ایس ریت دا دائیہ 1899ء توں بکھدا ہے، جدوں چرن سنگھ نے ”نکتستنا“ دا پنجابی ترجمہ کیتا۔ انج پنجابی ادب پہلی واری سنسکرت دے ڈرامے توں جانو ہویا۔

گورچرن سنگھ دی کھوج موجب کت سنگھ (مرن 1901ء) خورے پہلا شخص

سی، جسے ”سپن ٹانک“ دے ناں نال تخلیقی ڈراما پیش کیتا، پر انگریزی تے سنسکرت دیاں روایتاں دے ملاپ نال لکھیا جان والا بھائی ویر سنگھ دے ”راجا لکھ داتا سنگھ“ نوں بیہڑا کہ 1910ء وچ لکھیا گیا سی، ایس سلسلے دی پہلی کامیاب کوشش قرار دتا جا سکدا اے۔ ایہدے مگروں باوا بدھ سنگھ، لالہ کرپا ساگر، جوشوا فضل الدین تے ہور بہت سارے لکھاریاں دے ناں آوندے نیں، جینناں سماج سدھار دے موضوع تے تخلیقی ڈرامے پیش کیتے۔ مثال وجوں جوشوا ہوراں دے ڈرامے ”پنڈ دے ویری“ تے ”دیہاتی تگوار“ (1935ء) ایٹور چندر ننڈا دا ڈراما ”دلھن“ پہلا اک کرداری ڈراما سی، بیہڑا 1913ء وچ دیال سنگھ کالج دی سٹیج توں دکھایا گیا۔ اوہناں دے ڈرامے ”سہدرا“ تے ”لی دا ویاہ“ گورنمنٹ کالج لہور دی سٹیج توں پیش ہوئے۔ ایہدے مگروں سردار گور بخش سنگھ، سنت سنگھ، تزوکر سنگھ کھوسلا، سنترین سنگھ، بلونت گارگی، اندر سنگھ چکرورتی، روشن لعل آہو جا، امریک سنگھ، بلیر سنگھ تے ہور بہت سارے لکھاریاں ٹھیٹھ پنجابی ڈرامے پیش کیتے۔ ڈاکٹر ہرچن سنگھ نوں ڈرامے دے کھیت وچ ایٹور چندر ننڈا دا جانشین سمجھیا جاندا اے کیوں جو اوہنے سٹیج دیاں لوڑاں نوں مکھ رکھ کے ڈرامے لکھے۔ اوہدا ڈراما ”انجوڑ“ 1941ء نوں وائی ایم سی اے ہال وچ پیش کیتا گیا۔ ”انجوڑ“ مگروں آغا اشرف دا ڈراما ”لام لائو میم مشاعرہ“ وی ایسے ہال وچ دکھایا گیا۔ ڈرامے نوں کوٹھیاں تے ٹانک گھراں وچوں کڈھ کے واء لوان والے پرنسپل جی ڈی سوندھی سن، جینناں لہور دے لارنس باغ وچ اپنی قسم دا پہلا رنگ سٹیج قائم کیتا۔ جنھوں انٹر کالجیٹ دے مقابلے دا ٹھہ بچا۔ (3)

ریڈیو آون نال ڈرامے نے اک نواں پاسا پر تیا تے تخلیق کاراں نوں اک نواں پلیٹ فارم لہجہ گیا۔ 16 دسمبر 1937ء نوں لہور وچ آل انڈیا ریڈیو قائم ہویا تے ایہدے نال پنجابی ڈرامے ”دیہاتی پروگرام“ وچ چلنے شروع ہوئے۔ رفیع پیر دے ڈرامے ”اکھیاں“ (بیہڑا 1938ء نوں نشر ہویا) دے بارے آکھیا جاندا اے کہ ایہہ پنجابی دا پہلا باقاعدہ ریڈیائی ڈراما سی، جیہدے وچ بہادر تے نیگے دے سچے عشق دی کہانی دے نال نال سماجی مسئلیاں نوں وی موضوع بنایا گیا سی۔ چوتھے دہاکے دے اوہ تیکہ جینناں تخلیق کاراں ایس فن وچ نمایاں خدمات سرانجام دتیاں، اوہناں دے وچ سجاد حیدر، آغا اشرف، رفیع پیر، شیخ اقبال، سلطان کھوسٹ، عبدالمجید بھٹی،

سراج نظامی، راجندر سنگھ بیدی، بلونت گارگی، گوردیال سنگھ کھوسلا تے ہور بہت سارے ناں شامل نیں۔ ڈرامے دے فن وچ ریڈیو ڈراما اک بہت وڈی تبدیلی سی کیوں جو ڈرامے دی مڈھلی تعریف موجب ایہہ یونانی لفظ ”ڈراما“ توں نکلیا اے، جیہدا مطلب کر کے دکھانا اے، پر ریڈیو نے ایس کر کے دکھانوں نوں اک غیر محسوس طریقے نال کر کے سناو، وچ بدل دتا تے مخاطب نوں سمجھوتے دی ایس سطح تے لے آندا جتھے اپڑ کے اوہنے سماعت توں بصارت دا کم لینا شروع کر دتا تے ہن تاں ایہہ فن سٹیج توں سکرین تیکر اپڑ گیا اے، جتھے نوں نیکنالوجی دے سہارے نال ایس وچ کئی جدتاں جم چکیاں نیں تے جُن ایہہ کئی خانیاں وچ ونڈیا گیا اے۔

پاکستان بنن مگروں بستے ڈرامے ریڈیو لئی لکھے گئے، جیہناں دے وچوں کنے ای اپنی ادبی اہمیت پاروں کتابی شکل وچ سانبے آئے۔ انج پاکستان بنن مگروں ڈرامیاں دی چھین والی پہلی کتاب سجاد حیدر دی ”ہوا دے ہوکے“ بن دی اے، جیہڑی 1957ء وچ چھپی، جیہدے وچ 1944ء توں 1955ء تیکر نشر ہون والے اٹھ ڈرامے پیش کتے گئے نیں۔ مجموعی طور تے دیکھیا جاوے تاں ایہہ دکھانت ڈرامے نیں، جیہناں دے وچ لکھاری نے فنکارانہ انداز نال ڈونگھے سماجی تے انسانی دکھاں دی عکاسی کیتی اے۔ ہر ڈرامے دا اک ادھا کردار لوکاکی توں ہٹ کے سوچدا اے تے اپنے اندر کجھ نوکیلے گُن رکھدا اے۔ تجتس نوں ڈرامے دی جان سمجھیا جاندا اے کیوں جو ایہی اوہ اٹھا موڑ ہوندا اے، جتھے پڑھن والا ”اگے کیہ ہووے گا“ دے چکر وچ الجھ کے لکھاری دے نال ٹر پیندا اے۔ سجاد حیدر دے بہتیاں ڈرامیاں وچ تجتس دے نال نال تکنیک دی تازگی وی پائی جاندی اے، جیہدے وچ فلیش بیک، خودکلامی تے نیم فلسفیانہ تخیلاتی رومانی فضا نوں نمایاں حیثیت حاصل اے۔ کدھرے کدھرے ”غیر حاضر“ دی آواز وی اک کردار دے روپ وچ دکھالی دیندی اے، جیہڑی بعض ویلے ضمیر دی آواز تے کسے ویلے انسان دی اپنی حقیقی آواز دی نمائندگی کردی اے۔ سجاد حیدر دی دوجی کتاب ”سورج کھی“ (چھپن سال 1970ء) وچ 9 نثری ڈرامے شامل نیں۔ اینوں پڑھن مگروں انج چاچدا اے کہ لکھاری دا اک واضح مقصد اے تے اوہ تزکیہ نفس تے سماجی برائیاں دے مٹکاؤن لئی کوششاں پیا کردا اے۔ اوہناں دی تہی کتاب ”بول مٹی دیا باویا“ (چھپن سال 1977ء) وچ چ

ڈرامے پیش کیتے گئے نیں تے اتھے وی اوہ فرد دی اصلاح اتے توجہ دیندے دکھائی دیندے نیں۔ اوہناں دے وچار موجب جے فرد اپنے آپ نوں ٹھیک کر لوے تاں ویسب آپوں سدھر جاندا اے۔ جدوں کہ اک فرد دی برائی دوجیاں انساناں نال رل کے اک اجتماعی برائی دا روپ وٹا لیندی اے۔ ڈراما ”گھگھو گھوڑے“ وچ طبقاتی کشش نوں علامتی انداز وچ پیش کیتا گیا اے جدوں کہ ”پنجرہ“ وچ استحصالی طبقے دے سماجی جبر دے خلاف اوے طرح دی اک تمثیل پیش کیتی گئی اے، جیویں دا علامتی انداز ”سورج مکھی“ وچ شامل اوہناں دے ڈرامیاں ”پتلیاں“ تے ”ساکوشی“ وچ ملدا اے۔ سجاد حیدر دی چوتھی کتاب ”کالا پتن“ (1986ء) وچ جیہڑے ڈرامے پیش کیتے گئے نیں اوہ وی اوہناں دے مخصوص نقطہ نظر دے حامل نیں۔ پر ایس فرق نال کہ ہُن اوہناں دی سوچ وچ واضح تبدیلی نظر آندی اے۔ ہُن تصوف دی تھانویں مذہب تے اسلامی تاریخ ول جھکا دکھائی دیندا اے۔

ڈرامے دے دو انگ ہوندے نیں دکھانت تے سکھانت۔ دکھانت دا جھکا دا غلیت ول ہوندا اے جیویں کہ سجاد حیدر ہوراں دے ڈرامیاں وچ نظر آوندا اے جدوں کہ سکھانت دا سانگا حیاتی دی کھفتہ نقل نال بندا اے۔ آغا اشرف دے ڈرامیاں وچ پڑھن ہار نوں بہتاناں انج دی صورت نال ای واہ پیندا اے۔ اوہناں دی کتاب ”رہما رہما دیوا بلے“ (1964ء) وچ ”پرچھانویں“ BURLESQUE دا رنگ دکھاوندا اے۔ بریسک اصطلاحی معنیاں وچ اک ایجھا ڈراما ہوندا اے، جیہڑے وچ سنجیدہ موضوع نوں مزاحیہ انداز وچ تے غیر سنجیدہ موضوع نوں بے وقار انداز وچ پیش کیتا گیا ہووے۔ ایس کتاب وچ شامل باقی چھ ڈرامیاں وچ بہتاناں پٹھلے میل دے حوالے نال امیری تے غریبی دی کشش نوں موضوع بنایا گیا اے۔ اینوں دوجے لفظاں وچ دولت دی کافی ونڈ وی آکھ سکدے آں۔ جیہڑے وچ مرکزی کردار مٹکھ توں تنگ آ کے غلط راہ اتے رُٹن نوں مجبور ہو جاندا اے۔ مطلب ایہہ وے کہ مٹکھ جُرم لئی اکساندی اے۔ آغا اشرف دی تہی کتاب ”بدلاں دی چھاں“ (چھپن سال 1967ء) وچ چھ ڈرامے پیش کیتے گئے نیں، جیہناں دے سدھے جیہہ اصلاحی موضوع نیں۔ مجموعی طور تے دیکھیا جاوے تاں اوہناں دے ڈرامیاں وچ رومانی تے فلمی ماحول دا رنگ بہتا گوڑھا اے۔

اشفاق احمد ہوراں اپنی کتاب ”ٹاہلی دے تھلے“ (چھپن سال 1960ء) وچ
 چھ ڈرائے پیش کیتے نیں تے ایہہ اک زنجیر دیاں ای گھریاں نیں، جیویں دتے دا
 کردار نال نال ٹردا اے۔ ایناں نوں ریڈیو لئی لکھے ڈرامیاں دی لڑی وی آکھ
 سکدے آں۔ جسدے وچ نکلے کرداراں راہیں عام سماجی مسئلیاں نوں ہلکے پھلکے
 رنگ وچ پیش کیتا گیا اے۔ اینوں لکھاری دا عمومی انداز وی آکھیا جا سکدا اے،
 جسدے راہیں اصلاح دا پہلو نمایاں کردے نیں۔ جیویں پہلے ڈرائے وچ افواہ سازی
 دے رویے نوں موضوع بنایا گیا اے۔ تیجے ڈرائے وچ پینڈو تے شری و سب دے
 دھچھڑاں نوں ابھار کے ایہہ چیتے کروایا اے کہ پینڈواں دی سادہ مزاجی تے محبت نوں
 شہر دے اُتلے میل دیاں سوانیاں حقارت نال ویکھدیاں نیں۔ ایناں ڈرامیاں وچ
 ٹاہلی پینڈو وسوں دی قدیمی روایت دی علامت دے طور تے ساہنے آوندی اے۔
 ایناں دے وچ فلسفیانہ زبان دی ورتوں دی تھانویں سادہ زبان وچ فلسفیانہ مسئلے
 بیان کتے گئے نیں یعنی کتابی علم توں ہٹ کے سماجی حوالے نال اچھے نکلے بیان کتے
 گئے نیں، جبرے منفرد ہون دے نال نال دلچسپ وی نیں۔

نفر زمان دی کتاب ”چڑیاں دا چمبا“ (چھپن سال 1969ء) وچ چار ریڈیائی
 ڈرائے پیش کیتے گئے نیں۔ ایہہ چارے ڈرائے اوہناں دی دوجی کتاب ”ون دا
 بوٹا“ (چھپن سال 1970ء) وچ وی شامل نیں۔ ایس کتاب وچ شامل چھ ڈرائے
 سدھے سادیں سماجی مسئلیاں نال تعلق رکھدے نیں تے اصلاحی نقطہ نظر نال لکھے گئے
 نیں۔ ”ون دا بوٹا“ ناں دے ڈرائے وچ نویں تے پرانی سوچ دے فرق نوں واضح
 کیتا گیا اے۔ اکھیاں دی لو وچ اک اخلاقی فرض دی نشان دہی کیتی گئی اے جدوں
 کہ ”زمیں دے ساک“ نوں اوپری نظر نال ویکھیے تاں ایہہ مامے تے چاچے دی
 رشتہ داری دے حوالے نال کیتی گئی گل جاپدی اے، پر ایہدے کھلار تے معنیاں
 دیاں کئی پرتاں نیں۔

نواز دی کتاب ”شام رنگی کڑی“ (چھپن سال 1976ء) وچ چھ ریڈیائی
 ڈرائے پیش کیتے گئے نیں۔ ہر ڈرائے وچ تھوڑے تھوڑے کردار نیں تے جبرے
 بہتا تاں اکو گھر دے جی ای نیں۔ ایناں ڈرامیاں دی مدھلی خوبی ایہہ وے کہ
 ایناں دے وچ لکھاری منفی تے مثبت کرداراں دے تصادم دی تھانویں حالات نوں

نقطہ تصادم دے طور تے ورتدا اے۔ مطلب ایہہ کہ ہر کردار کس نہ کسے مجبوری دا شکار اے، جیسے پاروں حقیقت نگاری دے نیزے دکھائی دیندا اے۔ رانی اک بے اولاد جوڑے دی کہانی اے، جیسے اخیر وچ لے پالک رانی اوہدی مونہ بولی ماں دی ممتا دے حوالے نال اک درد ناک منظر دی عکاسی کرن توں اڈکے نکلے کئے واقعات دے راہیں جذبات نگاری دے عمل نوں انتہائی فنکارانہ انداز نال پیش کیتے گیا اے۔ ”حیاتی ذی کھنڈ“ وچ جرنیشن گیپ دے حوالے نال پرانیوں قدراں نال چہرے ہوئے اک کوچوان دی سوچ دی گئی اے۔ ”مٹی دا باوا“ وچ اوہناں سوانیاں دے مسئلے بیان کیتے گئے نیں، جیہناں دے شوہر دولت کمان لٹی پر دیس جاندے نیں تے اوہناں دیاں سوانیاں مٹی دے باویاں نال گلاں کردیاں نیں۔ شہود شوہر وی اوہنوں چھڈ کے پردیس لڑ جاند اے تاں جو محکمہ مکائی جاسکے، پر اوڈکے غربت دی تھانویں ایہہ رشتہ وی مک جاند اے تے شہونوں چیک ملن دی تھانویں طلاق مل جاندی اے۔

حفیظ خان دی کتاب ”کچ دیاں ماڑیاں“ (چھپن سال 1989ء) وچ ریڈیو دے چھ ڈرامے پیش کیتے گئے نیں، جیسے 1976ء توں 1980ء دے درمیان بہاولپور تے ملتان توں نشر ہوئے۔ ”پیلے پتراں دی بہار“ عمران تے شہلا دی پرکھ کہانی اے، جیس وچ شہلا دی شادی قیصر نال ہو جاندی اے تے اوہ اپنی پہلی محبت چھڈن پاروں طلاق لے کے پرت آوندی ہے تے جدوں کہ اوہ دہاڑے گھر وچ عمران دی شادی دا کارڈ آیا ہوندا اے، اوہی عمران جیہڑا پوری حیاتی اڈکین دے اقرار کردا سی چھ مہینے وی نہ اڈیک نہ سکيا۔ ”کچ دیاں ماڑیاں“ ناں دے ڈرامے وچ معاشرتی جبر تے عدم مساوات نوں موضوع بنایا گیا اے۔ ”پچھاویں“ تے ”رہی دی کلھی تند“ رومانوی انداز دے ڈرامے نیں، جیہناں دے وچ نکلے نکلے ڈرامے نوں اگے لُور دے نیں۔ ”ڈوں ڈونڈیں ہک“ وچ جھوٹے دکھاوے دا بھلا لایا گیا اے۔ مجموعی طور تے ایہہ ڈرامے سماجی جبر دیاں مختلف صورتاں دے رونا تے دلچسپ اظہار نال تعلق رکھدے نیں۔ جیہناں نوں حفیظ خان نے فنکارانہ انداز نال لکھیا اے۔

نیاز حسین لکھویرا دی کتاب ”کچ دی دنیا“ (چھپن سال 1990ء) وچ سر

ڈرامے پیش کرتے ہیں، جیسے ریڈیو تے ٹیلی ویژن توں نشر ہو چکے نیں۔ مختصر دورانیے دے ایہناں اصلاحی ڈرامیاں وچ جزئیات نگاری تے مکالمیاں ول خاص طور تے توجہ دتی گئی اے۔ پہلے ڈرامے ”کچ دی دنیا“ وچ ساجدہ بی۔ اے وچ پہلی پوزیشن حاصل کرن مگروں اخباراں نوں انٹرویو دیندیاں آکھدی اے کہ اوہ مستقبل وچ اداکارہ بنے گی۔ ایس گل تے محلے تے رشتے داراں وچ تھر تھلی مچ جاندی اے۔ لکھاری نے ایس موضوع دے حوالے نال دنیا دی ادھی ابادی تے نویں نسل دی آزادانہ سوچ تے مبنی اک مثبت اختیایے والا ڈراما پیش کیتا اے۔ انجے وانگوں اخیر لے ڈرامے ”چودھری ساب“ وچ اک چودھری دے حوالے نال قانون دے احترام تے فلاحی کماں وچ حصہ لین دی ترغیب دتی گئی اے۔ اتھے ایہہ گل چیتے کردائی گئی اے جے بندہ ہمت کرے تاں مازیاں موٹیاں اخلاقی تے سماجی برائیاں نوں سبے ای ممکنایاں جا سکدا اے۔

سرمد سبھائی دے ڈراما ”توں کون“ (چھپن ورہا 1971ء) تن ایکٹ دا اے، جیسے اسکول دے منظر توں شروع ہوندا اے، جتھے اک استاد روایتی انداز نال بچیاں نوں پڑھا رہیا اے۔ علامتی حوالے نال ایس ڈرامے دیاں کئی پرتاں بن دیاں نیں۔ اینوں پینڈو ویسب دے صدیاں پرانے نظام تے نویں سوچ دی کسوٹی تے وی پرکھیا جا سکدا اے۔ مذہب دے جعلی ٹھیکیداراں دے کرتوتاں دے حوالے نال وی ویکھیا جا سکدا اے تے برصغیر وچ مسلماناں دی غلامی دا سماوی ایہدی اک پرت ہو سکدی اے کیوں جے اخیر وچ لکھاری نے روشنی نوں آزادی دی علامت دے طور تے گمبھردیاں دکھایا اے۔ سرمد سبھائی دی دوجی کتاب ”ٹک شپے دا ویلا“ (چھپن سال 1973ء) وچ دو ڈرامے شامل نیں۔ اک ”توں کون“ تے دوجا ”بچواں چراغ“۔ ”بچواں چراغ“ وی سنیچ ڈراما اے، جیسے وچ ڈونگھے علامتی انداز وچ فرد دی ونڈی ہوئی شخصیت یاں متضاد جذبات دی کشمکش دی تھانویں اک خاص نظام تے دو مثبتیاں وچکار ہون والی کشمکش نوں تصادم دا سبب دسیا گیا اے تے مجبور تے بے وس لوکاں دی نمائندگی کیتی گئی اے۔ جیہنوں استحصال طبقے نے بے عملی تے بے شعوری دے کھڈ وچ دھک دتا اے۔ جہن ایہہ ہولی ہولی جاگ رہے نیں، پر ایہہ تصادم کسے لڑائی یاں ٹکرا رہیں نہیں دکھایا گیا سگوں علامتاں راہیں سوچ دی سطح تے مکمل ہوندا اے،

بیسہ دے اخیر وچ مظلوم طبقے نوں جتدیاں دکھایا گیا اے۔ ڈراما تھل دے منظر توں شروع ہوندا اے، جتھے اک عورت وراگ وچ، مرزا صاحبان دی طرز تے گیت گا رہی اے۔ تھوڑے چرچ پچھوں اک گھرو آوندا اے تے عورت نال ایسے بحر وچ مکالے بولد اے، بیسناں توں پتہ چلدا اے کہ اوہ گھرو سرکار دی قید وچوں نس کے آیا اے تے اوہدا جرم نابری اے۔ ڈرامے دا دوجا منظر قلندر دے مزار توں شروع ہوندا اے۔ جتھے تن چار معذور کردار گپاں مار رہے نیں۔ ملنگ مانی جی دا اوہا دھڑ فالج توں حکم گیا اے۔ شاہہ انھا اے۔ صدرو دے دوویں ہتھ نہیں تے ملنگنی گوگنی اے۔ ایسہ سارے اوس محروم طبقے دے نمائندے نیں، بیسہ اکھاں ہتھاں تے زبان توں وانجھے نیں۔ دوجے پاسے شاہو استحصالی طبقے دا نمائندہ اے جینے ساحر الموت وانگوں اوہناں نوں برگ حشیش دے نشے اتے لا کے رنکارا کر دتا اے، بیسہ نتیجے وچ اوہ سوائے گلاں دے ہور کے کم دے قابل نہیں رہے۔ اوہ فاتے بے ثباتی دے فلسفے دے پرچارک بن جاندا نیں، پر کدی کدی اوہناں دے اندر بیداری دی لہر جاگدی اے تے اوہ اپنے ہتھ پیر تے اکھاں پر تاون دی گلاں کردے دکھائی دیندے نیں۔

نجم حسین سید دا لکھتی ڈراما ”تخت لہور“ (چھپن ورھا 1973ء) تے اسحاق محمد دا سٹیج ڈراما ”فقتس“ (چھپن ورھا 1976ء) اک ای موضوع تے لکھے گئے نیں یعنی ایسناں دے وچ دُلی بھٹی دی کمائی نوں ڈرامائی تفکیل دتی گئی اے، پر انداز کردار نگاری تے واقعاتی صورت حال مختلف اے۔ اسحق محمد دے دوجے ڈرامے ”مسل“ (چھپن ورھا 1972ء) دی اصل تحیم مارکسزم دے دوالے گھمدی اے۔ تن ایکٹ دے ایس ڈرامے وچ مڑتے صاباں (میاں، بیوی، مسل نیں) راہیں ٹھٹھلے میل نوں جگان دا جتن کیتا گیا اے۔ ڈرامے دا دوجا اہم کردار اقتدار علی ہے، بیسہ چودھریاں دا پتر اے تے پنجاب دے مسلیاں تے پی ایچ ڈی کر رہیا اے، پر اصل وچ دوغلا کردار اے۔ اوہدا غریباں نال ہمدردی دا فلسفہ کسے نظریے دے تحت نہیں سگوں پڑھائی دی مجبوری پاروں اوہ سبھ کچھ کر رہیا اے۔ اک دیساڑے نشے وچ صاباں نال زیادتی دی کوشش کردا اے تے اوہدے شوہر ہتھوں قتل ہو جاندا اے۔ ایس موقعے تے ڈراما نگار نے انتظامی مشینری دے کردار نوں بھرپور انداز نال بے

نقاب کیتا اے۔ ایس توں بعد دا حصہ سوشلزم دے حق وچ تقریراں نیں۔

شاہد (محمود) ندیم ہوراں دی ”خسماں کھانیاں“ (چھپن ورہا 1993ء) سٹیج ڈرامے وچ جُچا وادھا اے۔ ایس کتاب وچ ”بری“ ”پلھا“ ”جھلی کتھے جاوے“ ”شرم دی گل“ ”پر“ ”دھی رانی“ دے عنوان نال چھ ڈرامے پیش کیتے گئے نیں، جیڑے اجوکا تھیڑ دلوں کئی شہراں وچ کئی ای واری دکھائے جا چکے نیں۔ ایہ سارے ڈرامے عورتاں دی آزادی دے حوالے نال لکھے گئے نیں، جیہناں دے وچ سوانیاں تے ویہی تے معاشی جبر نوں موضوع بنایا گیا اے۔ موضوع دے نال نال کئیکئی حوالے نال وی ایہناں وچ جدت پائی جاندی اے۔ جیویں پہلے ڈرامے ”بری“ وچ جیل وچ قید عورتاں نال بتی دی گئی اے۔ زاہدہ اک پڑھی لکھی سوانی اے تے سوانیاں دی تحریک آزادی نال جڑی ہوئی اے، ایسے جرم پاروں اوہوں تن مہینیاں دی قید کٹنی پندی اے تے اوتھے قیدی عورتاں نال رہنا پسند اے۔

دکھرے دکھرے حالات وچ اڈواڈ مرداں دے جبر دا نشانہ بنن والیاں ایہ ساریاں عورتاں انتاں دے دردناک منظران نوں پیش کردیاں نیں۔ انجے وانگوں دوجے ڈرامے ”پلھا“ وچ اوس صورت حال دی عکاسی کیتی گئی اے جیہدے مطابق سسرال دے ظلم تے تشدد پاروں نسواں دی موت دیاں خبراں ہتھپدیاں رہندیاں نیں۔ جیویں فلانی سوانی تیل دا پلھا پھٹن نال مرگئی۔ ہر ڈرامے دے مڈھ وچ ڈراما کھینڈن لئی ہدایتاں وی دیتاں گئیاں نیں، جیہناں توں لکھاری دی ڈرامے دے فن توں ڈونگھی جانکاری دا پتہ چلدا اے۔

نجم حسین سید دا دوجا لکھتی ڈراما ”اک رات راوی دی“ (چھپن ورہا 1983ء) برکے دی وار دے متعلق اے۔ ایہ وار لوک صنف ڈھولے وچ لکھی گئی سی تے ایس وچ انگریز افسر برکے تے احمد خان کھل دے وچکار ہون والی لڑائی نوں نظم کیتا گیا اے۔ احمد خان دی شہادت مگروں مراد فیانے ایہ لڑائی جاری رکھی، پر غداراں پاروں مقامی قبیلے جنگ ہار گئے۔ نجم حسین سید نے ایس سلسلے دیاں روایتاں نوں مکھ رکھ کے تاریخ تے تخیل دے تال میل نال ایہ ڈراما ترتیب دتا اے۔

منو بھائی دا ”بزیہ“ (چھپن سال 1977ء) ٹی وی توں نشر ہون والا پہلا ڈراما اے، جیڑا کتابی صورت وچ سامنے آیا اے۔ ایہ پنجھی پنجھی منٹ دیاں

تیراں قسماں تے مشتمل اے تے تن واری ٹی وئی توں نشر ہو چکا اے۔ ایس وچ پینڈو ماحول دکھایا گیا اے جیہدے وچ مختلف پیشیاں دے بے انت لوک رہ رہے نیں۔ ایہہ ڈراما کریلے تے منصور دے مکالمیاں توں شروع ہوندا اے تے ہولی ہولی دوجے کردار وی رل جاندے نیں تے فیرتاں پورا سماج ای بولدا دکھائی دیندا اے۔ ایس ڈرامے وچ کسے مجموعی تاثر دی ظہونیں ککے ککے واتیہاں راہیں مختلف تاثرات ابھارے نیں۔ ایتھے ایہہ گل ذکر جوگ اے کہ ایہہ لوک اک دوجے دے دکھاں سکھاں دے ساتھی نیں۔ اک دوجے دے کم آوندے نیں تے ہمدردی دا درس دیندے نیں۔ تجسس تے غلط فہمیاں توں اڈ ڈرامیاں وچ اصل چیز صورت حال ہوندی اے، جیہدے راہیں اک عام جیہا فقرہ وی موقع دی مناسبت نال انج بچ جاندا اے کہ گل دا مفہوم ای بدل جاندا اے۔ ایس طرح دا طنز ڈرامے وچ تھاں تھاں تے ملدا اے۔ ایس توں اڈ ڈراما نگار نے مزاح تے کھنگلی دا وی خاص خیال رکھیا اے۔ اوہناں زبان وی ایہی لکھی اے جیہڑی عام بول چال دی اے۔ ایس سلسلے وچ لکھاری نے مکئیہ کلام توں وی کافی کم لیا اے۔ ”ترٹھ“ ڈاکٹر طارق عزیز دانی وی ڈراما سی، جیہڑا 1991ء وچ منظر عام تے آیا۔

بانو قدسیہ دے اصلاحی تے اخلاقی ڈرامے عام طور تے گھریلو مسئلیاں نال تعلق رکھدے نیں، جیہناں وچ سس نموں دا جھگڑا، جینز دے مسئلے، فضول خرچی تے میاں بیوی دے وچکار ہون والی نوک جھونک دے حوالے نال اوہناں جھوٹیاں قدرتاں تے منہ سوچاں دی نفی کیتی گئی اے، جیہڑیاں کسے نہ کسے حوالے نال سماجی برائیاں دا درجہ اختیار کر چکیاں نیں۔ اوہناں دی کتاب ”آسے پاسے“ (چھپن سال 1987ء) وچ جیہڑے ڈرامے پیش کیتے گئے نیں، اوہ ایسے قسم دے نیں۔ جے کر مسئلیاں تے پیش کش توں ہٹ کے دیکھیے تاں ہر ڈراما نگار دی مخصوص تکنیک ہوندی اے، جیہدے راہیں اوہ مسئلیاں نوں تخلیق دے سانچے وچ لیاندے اے۔ بانو قدسیہ دے ڈرامیاں نوں تکنیکی نقطہ نظر نال دیکھیے تاں پتہ لگدا اے کہ اصل مسئلہ ڈراما شروع ہون توں کافی دیر مگروں سامنے لیاندیاں نیں۔ مڈھلے حصے وچ صرف دو کردار اں دے مکالمے آوندے نیں، جیہڑے مجھارت وانگوں آگے ودھدے نیں تے پھر فلیش بیک راہیں اصل وقوعہ سامنے آ جاندا اے۔ دوجے لفظاں وچ ایہہ آکھیا جا

سدا اے کہ ایناں ڈرامیاں وچ جمل توں مفصل تک دا پندھ فلیش بیک راہیں ہوندا اے۔

پنجابی وچ لکھتی ڈرامیاں (Closet Play) دیاں بیہریاں کتاباں لمبیدیاں نیں، اوہناں وچ منیر نیازی دی کتاب ”قصہ دو بھر لوں دا“ (چھپن سال 1981ء) خصوصی اہمیت دتی حاصل اے۔ ایس وچ دو ڈرامے پیش کیتے گئے نیں، بیہرے 1971ء دی جنگ دے بعد پیدا ہون والی صورت حال دے مفکرانہ تجزیے تے مشتمل نیں تے خوف دی ان ویکھی فضا تے مک جان دے نیں۔ بنیادی طور تے ایہ علامتی ڈرامے نیں، جیہناں وچ اظہار دا منفرد انداز اختیار کر کے اوہناں کارناں دا کھوج لاؤن دا جتن کیتا گیا اے، جیہناں دی پاروں قوم نوں ایہ صدمہ برداشت کرنا پیا۔ نواز دا ڈراما ”سوہنا خواب“ (چھپن سال 1980ء) اصلاحی جذبے دے تحت لکھیا گیا اک ایہا ڈراما اے، جیہں وچ بالان نوں ہمت کوشش تے عمل دی ترغیب دتی گئی اے۔ بابو جاوید گرجا کھی دے ”ست ڈرامے“ وی اصلاحی ڈرامیاں دی کتاب اے، جیہناں دے راہیں بالان نوں اعلیٰ انسانی قدراں، وڈیاں دی عزت تے حب الوطنی دا درس ملدا اے۔ اوہناں دی دوجی کتاب ”ساجھی بیڑی“ اے۔ ”رت رت کیلیدی“ قاسم جلال دے ڈرامیاں دا مجموعہ اے، بیڑی 1992ء وچ بھپیا۔

اختر کاشمیری دی کتاب ”مت“ (چھپن سال 1980ء) وچ سماجی برائیاں توں گھنڈ لہ کے مثبت راہ دکھاون دی کوشش کیتی گئی اے۔ ایس ڈرامے دا مزاج فلمی ہوا اے۔ جے اینوں دو حسیاں وچ ونڈ کے ویکھیں تاں پتہ چلدا اے کہ پہلے حصے وچ دو کردار نیں۔ اک اوہ بیہرے جبل طور تے شر دے نمائندے نیں تے ناقابل اصلاح نیں۔ دوجے اوہ بیہرے مجبوریاں توں برے بنے ہوئے نیں۔ ایہ اخیر لے کردار منفی توں مثبت قدراں ول رخ موڑ لیندے نیں۔

بریگیڈر نذیر علی شاہ دا ڈراما ”لہال“ (چھپن سال 1980ء) اک تاریخی ادا اے، جسدے وچ اسلامی تاریخ دے اک باب نوں بنیاد بنا کے سندھ اتے محمد قاسم دے حملے دا پچھوکڑ بیان کیتا گیا اے۔ نذر فاطمہ دے ڈرامیاں دی کتاب ”ت رنگ“ وچ ست ڈرامے پیش کیتے گئے نیں۔ ایہ بنیادی طور تے نیم علامتی اے، کیوں جو ایناں وچ کئی تھانویں ظاہری مفہوم دے نال نال دوجے معنی

وی اگھر دے نیں۔ مثال و بہوں پہلا ڈراما ”ست رنگ“ ای و یکھیا جا سکدا اے۔ ایہہ بنیادی طور تے دو ڈرامے نیں۔ اک اوہ جو لفظاں راہیں سامنے آوندا اے تے دوجا ذہناں دی سنج تے ہو رہیا ہوندا اے۔ ایہناں ڈرامیاں دی مڈھلی خوبی ایہہ وے کہ کوئی وی واقعہ کسے وجہ توں بناں نہیں آوندا سگوں ہر واقعے دی کوئی نہ کوئی دلیل ہوندی اے تے عام انسانی سوچ ایہناں نوں حقیقت تے سچ سمجھے بناں نہیں رہ سکدی۔ دوجے لفظاں وچ ایہہ وی آکھیا جا سکدا اے کہ لکھارن نے اپنے ڈرامیاں نوں حقیقی زندگی دے نیزے رکھن لئی تصوراتی اڈاری دے باوجود عقل تے قیاس دیاں حداں دا پورا پورا دھیان رکھیا اے تے ایہہ پختہ پلاٹ بنائے نیں کہ بیہناں دی ہر کڑی دوجی کڑی نال جڑی ہوئی اے تے تجسس دا عنصر وی برقرار رہندا اے۔ منظوم ڈرامیاں دی روایت دا کھوج لایا جاوے تاں ایہیں علاقے وچ ”بکشتنا“ تے ”اندر سبھا“ دے حوالے نال منظوم ڈرامیاں دی مضبوط روایت دے باوجود ایہیں پاسے بہت گھٹ توجہ دتی گئی اے۔ پنجابی وچ چھوٹے تھیں دی شکل وچ ایہہ روایت ضرور دکھائی دیندی اے۔ انج باقاعدہ ڈرامے دے حوالے نال ایہیں صدی دے مڈھلے دہائیاں وچ لکھے جان والے ”راج پر بودھ“ تے ”جیون پلٹا“ ورگے منظوم ڈرامیاں وانگوں پاکستان بن مگروں وی ایہیں کوششاں دکھائی دیندیاں نیں۔ جیویں آغا اشرف دا نشری ڈراما ”دھرتی تے تارا“ (جیرا اوہناں دی کتاب ”دھرتی دیاں ریکھاں“ وچ وی شامل اے) آزاد نظم دی ہیئت وچ لکھیا اک ایہہ علامتی ڈراما اے، جس وچ دھرتی تے تارا توں اوڑ واتیایاں دا تسلسل قائم رکھن لئی کدھرے کدھرے راوی دا کردار وی آجاندا اے سگوں عام ریت موجب ڈرامے دا مڈھ وی راوی دے کردار توں بچدا اے۔ اختر ہاشمی دی کتاب ”پانی دی وار“ (چھپن سال 1984ء) وی منظوم ڈراما اے، جس وچ راوی دا کردار بنیادی اہمیت رکھدا اے۔ ایہیں وچ آزاد نظم دے نال نال پابند نظم دا وی تجربہ کیتا گیا اے۔ ریڈیو توں نشر ہون والا ایہہ ڈراما 1973ء دے ہڑھ دے متعلق اے، جسنے لگ بھگ پورے پاکستان نوں اپنی لپیٹ وچ لے لیا سی۔

پنجابی وچ کتابی صورت وچ ترجمہ کیتے جان والیاں ڈرامیاں دیوانج اے :
 صوفی غلام تبسم نے ”دو ٹانگ“ ناں دی کتاب وچ ”خطرناک لوک“ تے

”ساون رین دا سُفنا“ دے نانواں نال دو وکھ وکھ ڈرامیاں دے ترجمے کیتے۔ خطرناک لوک ایشلے ڈیو کسن دا ڈراما اے، جیہڑا الفریڈ نیومن دے اک ناول وطن دی محبت توں ماخوذ اے تے فلمی صورت وچ وی پیش ہو چکا اے۔ ”ساون رین دا سُفنا“ ٹیکسٹر دے اک ڈرامے دا ترجمہ اے، جیہڑا وچ ہندوستانی دیو مالا دی کہانی بیان کیتی گئی اے۔

”فریزے مولنار“ دے انگریزی ڈرامے LILION توں ماخوذ اکرم بٹ دا ترجمہ کیتا ہویا ڈراما ”سجاول“ وی کتابی صورت وچ چھپ چکیا اے۔ ایہہ ڈراما تکنیک دے اعتبار نال منفرد ڈراما اے۔ شفقت تنویر مرزا دی کتاب ”بوہا کوئی نہ“ (چھپن سال 1980ء) وچ فرانس دے عالی شہرت یافتہ فلسفی تے ادیب ژاں پال سارتر دے دو طویل سٹیج ڈرامے ”NO EXIT“ تے ”PROSTITUTE“ RESPECTFUL“ دا ترجمہ پیش کیتا گیا اے۔ ایہہ دوویں ڈرامے انگریزی توں پنجابی وچ ترجمائے گئے نیں۔ شفقت تنویر مرزا دی اک ہور کتاب ”لہو سہاگ“ وچ سپین وچ رہن والے فیڈریکو گارشا لورکا دے ہسپانوی وچ لکھے گئے تن المیہ سٹیج ڈرامیاں دا پنجابی ترجمہ کیتا گیا اے۔ دلشاد کلانچوی نے ”اقتدار دی ہوس“ دے نال ٹال ٹیکسٹر دے ”میکتھ“ دا سرائیکی وچ ترجمہ کیتا۔ ایس توں پہلاں عبدالحق علوی ہوراں نے ایہہ ترجمہ پنجابی وچ کیتا سی، جیہڑا ماہنامہ ”پنجاب“ وچ قسط وار چھپیا سی۔ غلام نبی تے بشیر صدیقی نے ”بھٹک“ ”ڈنمارک دا شہزادہ“ دے نال ٹال ”بھٹک“ دا ترجمہ کیتا۔ سیف انجم ڈار نے فرانسیسی ڈراما نگار مولیئر دے مشہور ڈرامے (LE MARRIAGE FORE) دا آزاد ترجمہ اے، جیہڑا ماہنامہ ”سٹیج دریا“ دے مئی 1965ء دے شمارے وچ چھپیا۔

مشرقی زبانوں دے ترجمے دے سلسلے وچ غم حسین سید نے سعید احمد دے اک ایکٹ دے بنگالی ڈرامے ”جنگل دا راکھا“ دا ترجمہ کیتا۔ احمد سلیم نے شیخ ایاز دے دو گیت نائکاں دا منتخب ترجمہ کیتا۔ ایہناں وچوں پہلا ”رانی کوٹ دے دھڑویل“ اک مختصر ڈراما اے جدوں کہ ”بھگت سنگھ دی پھانسی“ قدرے لمبا اے۔ توفیق اکھیم دے مشہور ڈرامے ”اصحاب کف“ دا ترجمہ غلام حسین سہیل نے کیتا۔ اسلم قریشی نے ”رستم تے سہراب“ دے نال نال تے فدائے اطہر نے ”گوڑا خواب“

تے دلشاد کلانچوی نے ”بیج دکھاں دی بیج مچلاں دی“ دے ناں نال آغا حشر دے ڈرامیاں دا سراپکی وچ ترجمہ کر کے کتابی صورت وچ شائع کیتا۔ دلشاد کلانچوی نے امتیاز علی تاج دے ڈرامے ”انار کلی“ دا وی سراپکی وچ ترجمہ کیتا۔

حوالے

- 1- کالی داس توں پہلاں شری بھاس نے وی کجھ ٹائٹل لکھے۔ دیروے لئی دیکھو میری کتاب ”پنجابی ڈراما۔“ 1986ء
- 2- ڈاکٹر گورچرن سنگھ عرشی، پنجابی زبان تے ادب نوں مشنریاں دی دین کھوج“ 15 / 16
- 3- عبدالغفور قریشی، ہلالاں دی پنڈ، ص 227

پنجابی کہانی ----- اک جائزہ

دس پنجاب کہانی دا گھر اے۔ اتھے دی تواریخ صدیاں نہیں ہزاراں ورہے پرانی اے، جیدے آثار قدرت نے اپنے سینے اتے تھیاں دے روپ وچ سانجھ لئے۔ کھدائی راہیں اینناں تھیاں دے چرے اتوں پردہ ہٹا تاں پتہ لگا کہ اتھے اوس زمانے وچ وی اک اُچی مچی رہل اپنا سفر طے کر رہی سی جدوں دنیا دے اکثر علاقیاں وچ انسان غاراں وچ وسدا سی۔ ایسے علاقے نوں دنیا دی سبھ توں پہلی کتاب ”رگ وید“ لکھے جاون تے دنیا دی سبھ توں پہلی یونیورسٹی (نیکسلیاں) بکاشیلا) بناون دا شرف وی حاصل اے۔

کہانی آکھنا تے مہنتا حضرت آدمؑ توں لے کے اج تک انسان دی فطرت رہی اے۔ ایس لئی ”کہانی“ مذہ توں ای کے نہ کے روپ وچ موجود رہی، پر ایہہ وی حقیقت اے کہ صنعتی سماج دے جنم لین توں پہلاں کہانی دا لہجہ داستانی تے غیر حقیقی رہیا، جیس وچ غیر فطری پاتراں تے واقعات دی بھرمار ہوندى سی۔ جدید افسانے یاں شارٹ سٹوری دا بانی مغرب والیاں نوں آکھیا جاندا اے۔ خاص کر امریکا دے ایڈگر الین پوپیاں روس دے گوگول نوں کہانی دا موڈھی مہنتیا جاندا اے۔ جیسنوں مگروں دیاں کہانی کاراں نے اچیاں تے اڑایا، پر انیس ایہہ وی دیکھدے آں کہ چین و انگوں پنجاب وچ وی کہانی دی اک ایسی روایت صدیاں توں چلدی آرہی اے، جیس وچ داستانی لہجے یاں مافوق الفطرت تے داناں نشان بہت تھوڑا اے جد کہ ایہہ حقیقت دے بہت نیزے اے۔ ایہہ اے ”بات“ جیسنوں ایس علامتی کہانی دا اک صوبہ وی آکھ سکدے آں۔ ”بات“ وچ عام کر کے دکھو دکھ جنوراں دے پاتراں راہیں انسانی فطرت نوں بیان کیتا جاندا اے۔ ایہدے نال نال سماجی ناہمواریاں نوں طنز دا نشانہ بنایا جاندا اے۔ ایہہ ”باتاں“ اج وی پنجابی پنڈاں وچ رائج تے ویلا

رتاون دا بہترین وسیلہ نیں۔ ایس پچھو کڑ دس دا مقصد ایہہ سی کہ پنجاب ورگے سماج وچ ”کہانی“ کوئی اوپری یاں بیگانی شے کدی وی نہیں رہی ایہی کارن اے کہ جدوں کچھی پر بھاواں ہتھ اتھتے اجوکی کی کہانی لکھی گئی تاں اوہ اتھتے دے ساہت وچ انج رچ دس گئی جیویں اتھتے دی ای جم پل ہووے۔

پاک ہند وچ پریس متعارف کران دا سرا انگریز دے سر اے۔ انگریزاں ولوں کتاباں چھاپن دا اک وڈا مقصد عیسائی دھرم دا پرچار سی ایہہ گل وی ریکارڈ اتے اے کہ سبھ توں پہلاں عیسائی مشنریاں نے اپنا دھرم کھلارن لئی پاک ہند دیاں ہور زباناں دے نال نال پنجابی وچ وی کجھ قصے کہانیاں لکھن دی ہتھ پائی۔ ایس دوران پنجابی دی گور کمپنی وچ ٹائپ تیار ہو چکا سی۔ ایس لئی سکھاں نے وی دھارمک کہانیاں لکھیاں چھوہ دتیاں۔ پنجابی کہانی وچ سبھ توں پہلا کہانی کار لال سنگھ کلا اکالی نوں میا جندا اے، جیناں نے 1911ء وچ پنجابی افسانہ لکھنا شروع کیتا جد کہ 1913ء وچ گور بخش سنگھ نے وی کی کہانی لکھنی شروع کیتی۔ گور بخش سنگھ دیاں ایہہ کہانیاں مگروں اوہناں دے پراگیاں وچ وی شامل ہوئیاں۔ لگ بھگ ایسے سے وچ وی بھائی ویر سنگھ (1872ء-1952ء) نے وی پنجابی کہانی لکھی تے بعض لوک اوہناں نوں ای پہلا کہانی کار مندے نیں۔

1923-24ء وچ پرسدھ پنجابی رسالے ”پریتیم“ تے ”پھلو اڑی“ جاری ہوئے، جیناں وچ اپنے ویلے دے حساب نال سوہنیاں کہانیاں لکھیاں گئیاں، اوہناں وچ موہن سنگھ وید تے چرن سنگھ شہید دے ناں ذکر جوگ نیں۔ ایہناں کہانیاں دے عام موضوع دھارمک تے سماجی جدھار سن۔ موہن سنگھ وید دی پہلی کتاب ”ہیرے دیاں کنیاں“ دے ناں توں 1927ء وچ چھپی سی۔ گور بخش سنگھ ہوراں اپنی حیاتی دا اک لمبا چر امریکا وچ گزاریا سی تے اوہ سماج واد (سوشلزم) توں متاثر سن۔ نوجوان جذباتی تے صاحب وسائل سن۔ اوہناں نے ”پریت لڑی“ دے ناں توں اک بڑا معیاری رسالہ شروع کیتا تے پنجابی کہانی نوں وی نویاں راہواں دکھائیاں۔ ایہناں دا مجموعہ ”پریت کہانیاں“ دے ناں توں 1927ء وچ چھپ کے تھر تھلی چھا گیا۔

پنجابی کہانی دے ایہتھوں تیک سفر وچ سانوں زیادہ تر سکھاں دے ناں مندے نیں، پر 1928ء وچ جوشوا فضل الدین ہوراں نے لائلپور (اجو کا فیصل آباد)

توں ”پنجابی دربار“ دے نال توں اک رسالہ جاری کیتا۔ اتھے ایہہ گل وی ذکر جوگ اے کہ پنجاب وچ لپی دا مسئلہ مذہب دے نال جوڑ دتا گیا اے۔ انگریز وی ایس سازش دی وجہ نال سکھ حضرات گور مکھی لپی ورتدے سن جد کہ مسلمان پنجاب زبان نوں فارسی لپی وچ پڑھنا پسند کردے سن۔ جوشوا فضل الدین دا مہینہ وار ”پنجابی دربار“ وی فارسی لپی وچ سی۔ ایس رسالے پاروں کہانی لکھن والیاں وی اک کھپ ساہنے آئی۔ جیہناں وچ اظہر حیدر، فضل شاہ، رشید احمد گجراتی، میراں بخش منہاس، تاج الدین تاج، محمد رفیع ستم، خواجہ ظہور الدین احمد، مولا بخش، ریاض انور، خورشید عالم، پادری جلال الدین، بشیر الدین، فضل الہی قریشی، مولا بخش لون، عابد زبیری، پنڈت شیو لال بسمل، ہزارا سنگھ تے مہر سنگھ مہر وغیرہ دے نال شامل نیں۔ جوشوا فضل الدین ہوراں نے نہ صرف آپ ای طبع زاد کہانیاں لکھیاں سگوں انگریزی توں ترجمہ وی کیتیاں جو بعد وچ اوہناں دی کتاب وچ شامل ہوئیاں۔ انج 1930ء دے دہاکے پنجابی کہانی اپنی دکھری پہچان بنا چکی سی تے لکھن والیاں دی اک انج دی کھپ وی ساہنے آ چکی سی، جیہنے بعد وچ پنجابی کہانی نوں لازوال تحفے دتے۔ جانے پہچانے پنجابی ناول کار نانک سنگھ نے وی ایس ای دور وچ ناول دے نال نال کہانیاں کہانیاں وی لکھنیاں شروع کیتیاں۔

1936ء وچ ترقی پسند تحریک دی زینہ رکھی گئی۔ بنیادی طور اتے ایس تحریک وچ اردو تے ہندی لکھن والیاں دی گنتی ودھ رہی، پر ایہہ وی حقیقت اے کہ برصغیر دیاں دوجیاں وڈیاں زباناں خاص طور اتے بنگالی تے پنجابی وی کافی متاثر ہوئیاں۔ ترقی پسند تحریک نے فراری ادب، ہیئت پرستی، کھوکھلی رومانیت، نسلی تعصب تے انسانی استحصال دی مخالفت دا نعرہ لایا تے اوہدے اثر دی وجہ نال پنجابی کہانی نے وی نویں ذائقے تے نویں روایاں توں چائن پایا۔

1930ء توں 1940ء دے دہاکے وچ ساہنے آون والے بے کہانی کاراں نے مغربی تکنیک نوں ساہنے رکھ کے کہانیاں لکھیاں تے ایس پنجابی کہانی دا کیونس وشال ہوندا گیا۔ ایسے سے جانی پہچانی پنجابی شاعرہ امرتا پریتم وی شاعری دے نال نال کہانی لکھن لگ پئی۔ اوہدیاں دو کتاباں ”چھبی ورھے بعد“ تے ”گنجیاں“ 1943ء وچ چھپیاں۔

عجیب گل امہ اے کہ 1947ء تیک اکٹھے پنجاب وچ چنگی تے معیاری کہانی لکھن والے پاکستانی پنجاب دے و سنیک سن۔ اوہناں وچوں خاص امرتا پریم، کرنا ر سنگھ، مگل، بلونت سنگھ، گل بخش سنگھ، تے کلونت سنگھ درک وغیرہ نیں۔ امہ سبھ لوک وئڈ مگروں چڑھدے پنجاب چلے گئے۔ پاکستان بنن توں بعد دا سا اٹھل پتھل دا ویلا سی۔ ذرا امن ہویا تے ادب ول وی توجہ دتی جان لگ پئی۔ 1948ء وچ روزوار ”آغاز“ نے پنجابی سپلیمنٹ شروع کیتا، جسدے وچ سجاد حیدر دی اک کہانی چھپی۔ 1951ء وچ ڈاکٹر فقیر محمد فقیر ہوراں نے ”پنجابی“ دے ناں توں پنجابی بولی وچ اک مہینہ وار شروع کیتا۔ فقیر محمد فقیر مرحوم ہوریں پنجابی زبان دے عملی کارکن سن۔ اوہناں نے بہت سارے اردو لکھاریاں نوں پنجابی وچ لکھن وچ راضی کیتا تے ایسراں پنجابی وچ لکھن والیاں دی اک نویں کھپ ساہنے آئی، جیہناں وچ مولانا ظفر علی خاں، عبد المجید سالک، صوفی تبسم، مجید لہوری تے وقار انبالوی ایہناں نیہے ہور کئی لکھن والے شامل نیں۔ جیہناں دی پہچان ای اردو لکھاری دے طور اتے سی۔

رسالہ ”پنجابی“ وچ جیڑے کہانی کاراں دیاں کہانیاں چھپیاں اوہناں وچ جوشوا فضل الدین، اکبر لہوری، چودھری محمد اکبر خاں، سجاد حیدر، صادق قریشی، وقار انبالوی، نظر فاطمہ، رفیق لودھی، سہیل یزدانی، شفیع عقیل، نور کاشمیری وغیرہ دے ناں ذکر جوگ نیں۔ بعد وچ جدوں ڈاکٹر فقیر محمد فقیر ہوراں نے رسالہ ”پنجابی“ توں لکھتاں دی اک چون ”لہراں“ دے ناں نال شائع کیتی تے اوہدے وچ ایہناں وچوں کئیاں لکھاریاں دیاں کہانیاں شامل کیتیاں۔ 60ء دا دہاکا شروع ہون توں پہلاں پنجابی کہانی وچ ہور وی کئی ناں شامل ہو چکے سن۔ جیہناں وچ مرتضیٰ جیلانی، نظام الدین توکلی، قاصر امرتسری، آغا اشرف تے انور سجاد وغیرہ دے ناں ذکر جوگ نیں۔

1960ء توں 1970ء تیک دے دہاکے وچ پنجابی کہانی وچ روپ ریکھاتے مواد دے حوالے نال کئی تجربے ہوئے۔ ایسے دہاکے دے شروع وچ افضل احسن رندھاوا دا ناں اک اہم کہانی کار دے طور تے ساہنے آیا۔ اوہناں دی کتاب تے بعد وچ چھپی پر اک چنگے کہانی کار دے طور اتے اوہناں نے اپنے آپ نوں بہت پہلے منوالیا۔ ایسے سہ کہانیاں دیاں کئی کتاباں ساہنے آئیاں۔ سبھ توں پہلاں نواز دی کتاب ”ڈو نگھیاں شماں“ 1960ء وچ چھپی۔ جولائی، اگست 1960ء وچ مہینہ وار

”پنجابی ادب“ نے اپنا کمائی نمبر شائع کیا۔ جہدے وچ چڑھدے تے لہندے پنجاب دے جانے پچھانے لکھن والیاں دیاں 18 کمائیاں شامل سن۔ ایہناں وچ پاکستان توں نواز، شریف کنجاہی، اکمل علی، رشیدہ سلیم سیمیں، ضمیر ملک، نجیب اسلم، شگفتہ پروین، سلیم رفیقی، آصف رانا تے محمد آصف خاں دیاں کمائیاں۔ جد کہ شفقت تنویر مرزا تے راجا رسالو دے ترجمے شامل سن۔ 1962ء وچ ”اجوکی کمائی“ دے ناں توں پنجابی کمائیاں دی اک سوہنی چون ساہنے آئی۔ ایس چون وچ 30 دے نیڑے تیرے کمائیاں شامل سن، جیہناں دے چون کار محمد آصف خاں، خالد لہوری، تے شہباز ملک ہوئیں سن۔ ایسے سال ”دل دیاں باریاں“ دے ناں توں عبدالحجید بھٹی نے وی اک چنگا انتخاب شائع کیا۔ 1965ء وچ آغا اشرف دی کتاب ”واء وروئے“ 1967ء وچ اختر سلیمی دی ”لہیاں اڑیکاں“ تے رفعت دی ”اک اوپری کڑی“ شامل سی۔ 1968ء وچ نسیم اشرف علی دی کتاب ”مکسے پتر“ چھپی۔ 1969ء وچ حنیف چودھری دی کتاب ”کچ دی گڈی“ تے احسن واگھا دی کتاب ”تھل کرن دریا“ چھپی۔ ایسہ پنجابی کمائی لئی زرخیز ماسی، جہدے وچ نہ صرف پنجابی دیاں کئی ادبی تنظیمیں دی بنیہ رکھی گئی سگوں پنجابی رسالیاں دی گتتری وچ دادھا ہویا، جہدے سٹے وچ کمائی دی منگ وی ودھی۔ روز وار ”امروز“ 1950ء دہاکے دے شروع توں ای ہفتہ وار پنجابی ادبی صفحہ شروع کر چکیا سی، جہدے وچ بہت ای اچیاں پنجابی کمائیاں ساہنے آئیاں۔ لکھن والیاں دی ایس لڑی وچ افضل احسن رندھاوا، محمد آصف خاں، سید اکمل علی، انیس ناگی، احمد سلیم، انور سجاد، انور علی، اشفاق احمد، بانو قدسیہ، رشیدہ سلیم سیمیں، کلکشاں ملک، منصور قیصر، سلیم خاں گمی، ستار طاہر، ستام محمود، چودھری محمد رفیق، ریاض بٹالوی، اعجاز حسین رضوی، عصمت جہاں، منظور احمد قریشی، اسلم رانا، احمد ثار، محمد یونس حسرت، منظور انور، سلیم رفیق، آثم میرزا، محسن رضوی، رشید ثار، اے حمید، ارشاد فیروز پوری، ریحان قیوم، عزیز اثری، یونس ادیب، عزیز الرحمان، وقار بن الہی، اقبال تاثیر، شمیم چودھری، رضیہ ناہید رضی، زاہدہ بٹ، سلیمی جہیں، حنیف باوا، راجا رسالو، سمیع اللہ قریشی، محمود شام، محمد عظیم بھٹی، حسین شاہد، حسین شاد، محمد ادریس چودھری، یونس صابر سرحدی، افضل پرویز، لطیف منہاس، خالد شفیق، شفقت تنویر مرزا، باغ حسین کمال، ماجد صدیقی، فوزیہ نقوی، وحید اطہر، شمس

نعمان، شوکت علی چودھری، سلیم چودھری، نصر اللہ خاں، مشتاق باسط، یعقوب ناسک، سید تنویر مشہدی، قمر یورش، عبدالرؤف ملک، سراج نظامی، محفوظ الحسن شاہد نقوی، آغا اشرف، ایم ایس ناز، عبدالحمید امر، اصغر ملک، خیر الدین انصاری، شہباز ملک، ہاجرہ مشکور ناصری، نادر جاجوی، شفقت سلطانہ، تنویر بخاری، ڈاکٹر پرویز عالم توں وکھ بہت سارے کہانی کاراں دے ناں شامل نیں۔ اتے دتی گئی فہرست وچوں اکثر ناں روزوار ”امروز“ دے پنجابی ادبی صفحے تے مہینہ وار ”پنجابی ادب“ دی دین نیں۔ جد کہ بہت سارے ناں مہینہ وار ”پنج دریا“ تے کجھ ناں ”لہراں“ راہیں وی ساہنے آئے نیں۔

۱۹۷۰ء دا دہاکا ملکی تاریخ وچ اک اہم مقام رکھدا اے۔ سماجی قدراں دی ٹٹ بھج تے نویاں قدراں دا جنم، سیاسی بے چینی تے احتجاج، جو ایسہ دہاکا شروع ہون توں اک ادھ ورھے پہلے ای شروع ہو گیا سی (سگوں ج پچھو تے ایسے ڈانڈے ۱۹۶۵ء دی جنگ نال جا مدے نیں) ایس دہاکے دے شروع وچ ای عروج تے پہنچیا۔ عام آدمی نوں احساس ہویا کہ اوہ ہُن وی خالی ہتھ اے۔ ہندو بانیا گیا تے ایس دی تھاں ”مسلمان بانی“ آگیا۔ سو سیاسی تے ثقافتی پدھرا تے تبدیلیاں لیان دیاں کوششاں ہوئیاں۔ ایس دہاکے وچ ای بنگلہ دیش بنیا۔ بچے ہوئے پاکستان وچ اک ہر جان دا احساس تے اُدا سی نے جنم لیا۔ پر عجیب گل اے کہ ۱۹۶۵ء تے ۱۹۷۱ء دیاں جنگاں دا اثر کسے حد تیک (بھادیس عارضی سہی) شاعری اتے تاں ہویا پر نثر، خاص کر کہانی وچ اک ادھ لکھاری توں اڈ ایسہ اثرات کدھرے نظر نہیں آئے۔ ہاں ایسہ گل ضرور اے کہ ۱۹۷۰ء توں ۱۹۷۶ء دے شروع ہون والے دہاکے وچ پنجابی زبان اوہدے اپنے دیس وچ جائز تھاں دیوان دیاں کوششاں نویں مرحلے داخل ہوئیاں۔ نویں رسالیاں تے ادبی ثقافتی تنظیمیں بنن توں وکھ پنجاب یونیورسٹی وچ ایم۔ اے پنجابی شروع ہویا۔ جیس توں بعد اینسوں بی۔ اے تے ایف۔ اے وچ وی کسے حد تیک پڑھایا جان لگا۔ بیسے توں پنجابی کتاباں تے رسالیاں دی ودھوتری وی ہوئی۔ ایسے نال نال لکھاریاں دی گنتی وی ودھی۔ اوہ لوک جیہڑے پنجابی نوں نثر، شاعری دی زبان سمجھدے سن۔ ایسہ فن لگے کہ ایسے وچ چنگی تے اُچے پدھر دی نثر وی لکھی جا سکدی اے۔ ایس دور وچ نثر وی چوکھے توں چوکھا دھیان

دتا جان لگا۔ ایس دوران 1975ء وچ مہینہ وار ”بچ دریا“ نے اک کمائی نمبر شائع کیتا، جہدے وچ لہندے پنجاب دے پنجابی کمائی لکھن والیاں دیاں 35 کمائیاں شامل سن۔ مہینہ وار ”لہراں“ نے جولائی، اگست 1985ء دا اکٹھا شمارہ کمائی نمبر دی صورت وچ کڈھیا، جہدے وچ 30 کمائی کاراں دیاں رچتاواں تے کمائی بارے دو لکھ شامل سن۔ اج دی پنجابی کمائی اپنے پہلے دیھاڑے توں اک لما پندھ کر چکی اے تے اپنی جھولی وچ کلا دے بہت سارے اعلیٰ نمونے رکھدی اے۔ ایس اج دے پنجابی کمائی کاراں نوں تن نسلاں وچ ونڈ سکے آں۔ ایناں وچ پہلی نسل اوہ اے جہنے پاکستان بنن توں پہلاں یاں جہدے بعد لکھنا شروع کیتا۔ ایناں وچوں کئی کمائی لکھنا چھڈ چکے نیں۔ کیاں دیاں دو جیاں رچھاں نے ایناں دے کمائی لکھن نوں متاثر کیتا اے، فیروی ایناں وچ اکاؤنٹا کدے کدار کمائی لکھ کے اپنی ہوند دا ثبوت دیندے نیں۔

پنجابی کمائی کاراں دی دوجی نسل اوہ اے، جہڑی 60 تے 70 دی دہائی وچ سائنسے آئی۔ ایناں وچوں بہت ساریاں دے مجموعے وی چھپ چکے نیں۔ ایس نسل دے کمائی کاراں وچ کوئی اک تہائی اجے تیکر پکے پیرس کمائی لکھ رہے نیں۔ جدوں کہ باقی اپنیاں دو جیاں رچھاں پاروں ایس ولے دھیان نہیں دے رہے۔ کئی روٹی دے بھار وچ بدلیں سدھار چکے نیں جیویں حسین شاہد تے اکمل علی۔

پنجابی کمائی کاراں دی تریجی نسل اوہ اے، جہڑی 1970ء توں بعد کمائی دے کھیتر وچ آئی۔ ایہدے وچ جُن چوتھی نسل دا ہجرا لو وی رلدا جا رہیا اے۔ ایس کھیپ دے کمائی کاراں وچ ان گنت ناں شامل نیں۔ صرف اوہناں لکھن والیاں دے ناں دتے جا رہے نیں، جہڑے کسے نہ کسے پکھوں آگھڑویں نیں۔ نعمت احمد، شفیع ہدم، راشد جاوید احمد، ناصر بلوچ، پروین ملک، ایم اے علی، بشیر شیخ، غلام مصطفیٰ بسل، اقتدار واجد، ڈاکٹر اسلم رانا، حمید رازی، سید طارق جاوید، نصرت علی، خیر الدین انصاری، حاتم بھٹی، رضی الدین رضی، محمد سلیم بھٹی، راجا محمد احمد، توقیر چغتائی، احمد شہباز خاور، رانا غلام شبیر، ناصر رانا، جمیل احمد پال، کمکشاں کنول، عائشہ اسلم، عذرا اصغر، محمد شفیع بلوچ، بشری نور خواجہ، صدیق بابر، الیاس گھمن، شاہ سوار علی ناصر، اقبال قیصر، گوہر سلطانہ، عاشق رحیل، وسیم گوہر، غلام دھگیہ ربانی، ارشد چہال، اقبال

صلاح الدین، کلیم شہزاد، پروفیسر شارب، غلام رسول شوق، اخلاق حیدر آبادی، محمد ریاض شاہد، نصیر احمد چیمہ، نزہت گردیزی، زبیر احمد، مقصود ثاقب، اقبال خالد، جویری بھٹی، اجی فراہی، کنول مشتاق، اطہر جاوید، راول رائٹھ، آغا علی مدثر، بابو جاوید، گرجا کھی، مرزا حامد بیگ، سید نصیر شاہ، ظفر لاشاری، سجاد حیدر پرویز، فاروق ندیم، ہراز احسن، جمیل اختر، جاوید بشیر چودھری، نذر حسین جانی، فرزند علی، احمد شفیق پراچہ، ولی محمد انجم، شہزاد سلیم، ظفر اقبال برق، عزیز الرحمن محسود، شنیل سید، محمد منصور آفاق، محمد انجم ہاشمی، اقبال بانو، افضل راجپوت، جاوید بشیر چودھری، انیل چوہان، ریاض سوجانوی، محمد افضل ساحر، میاں ظفر مقبول، عباس خان، ایس بی جمالیگر، اقبال حسین، محمود احمد قاضی، زبیر رانا، آئی یو ایاز، ونسنٹ ڈیوڈ، محمد حنیف، ندیم بخاری، حبیب اللہ قمر، امیر حسین، احمد بھٹی، احمد حسین رانا، مہر کاچیلوی، نعیم قریشی، رزاق شاہد، محسن بشیر، مورس ندیم، کشور قدوس پال، خاور جیلانی، فوزیہ طاہرہ، افضل ٹوہیف، عبیدہ اعظم سید، قدسیہ ہما، عذرا وقار تے نائلہ صدف۔

اک گویا موجب 1947ء توں بعد جُن تیک چھپن والے کمائی پر آگیاں دی گنتی ڈیڈھ سو دے نیزے تیزے دے۔ ظاہر ایسہ کوئی وڈی گنتی نہیں، پر ایسں پنجابی زبان دے ایہدے اپنے علاقے وچ حالت تے گوہ کریے تے فیر کمائیاں دے پر آگیاں دی ڈیڈھ سو گنتی مایوس کرد نہیں لگدی۔ اتھے پنجابی کمائی دے دکھ وکھ رُجھاناں دا ذکر کرنا وی لوڑی دا ہووے گا۔ ترویں نظر نال ویکھیے تے پنجابی کمائی وچ اوہ سارے رُجھان بھدے نیں۔ بیہڑے اردو کمائی یاں ایسں خطے دیاں دوجیاں زبانان دیاں کمائیاں وچ نظر آوندے نیں۔ علامتی انداز بیہڑا پنجابی دے مدھلے شاعران بابا فرید تے شاہ حسین توں ای پنجابی ادب دا حصہ بن گیا۔ اوہ پنجابی کمائی وچ وی نظر آوندا اے۔ ایسں توں اڈ کدھرے کدھرے تجریدی تجربے وی ہوئے نیں۔ علامت نگاری وچ جینہاں کمائی کاراں نے سوہنیاں کمائیاں لکھ کے آپا منوایا، اینہاں وچ احمد سلیم، محمد منشا یاد، منصور لقیصر، حسین شاہد، غلام مصطفیٰ بسمل، وسیم گوہر، پروین ملک، غلام دستگیر ربانی، رشید ثار، شیما سیال، احسن داگھا، عامر نعیم، انور علی، ناصر بلوچ، شفقت تنویر مرزا، شمس نعمان، اجی فراہی، شفیع ہدم، رشید امجد، اسماعیل احمدانی، راشد جاوید احمد، مرزا حامد بیگ تے الیاس گھمن دے نال ذکر جوگ نیں۔

اجوکی پنجابی کہانی وچ نویں انسان دی ٹٹ بھج تے ورتے جاون یاں ورتیجن
 ے عمل توں اڈاج دے انسان دی فرسٹریشن دکھ، کرب، وسوں دے جبر، غریبی تے
 بھکھ انسان دے ہتھاں دا استحصال، خونی رشتیاں تے دوستیاں دی گھٹ قدری (ڈی
 بیویشن) تے ایہدی بجائے پیسے دا رشتے دی بنیاد بن جانا، ذہنی سکون توں محرومی،
 لکھ دے مالک دا ڈالر پاؤنڈیاں ریال کماون لئی باہر جانا تے کچھے رہ جان والیاں دیاں
 وکڑاں، شہراں تے پنڈاں دے مسائل وغیرہ موہری نیں۔ انسان دوستی، پیار تے
 بت توں وکھ نفسیاتی تے جنسی موضوعاں نوں تھماں دتی گئی اے۔

نواز دیاں کہانیاں وچ رومانویت دے ہولے ہولے جھولے دے نال نال
 کلاں دے مسئلے وی مندے نیں۔ جدوں کہ افضل احسن رندھاوا دے پہلے پراگے ”
 ن تلوار تے گھوڑا“ وچ پنجاب دے انھے زور دے نال نال دیس چھڈ جان والیاں
 ناٹا، لک ورتارا عالم لہدا اے۔ بعد وچ افضل احسن رندھاوا نے علامت دا
 ن رلا کے جیہڑیاں کہانیاں لکھیاں تے جیہڑیاں ایہناں دے دوجے پراگے ”مٹا کوہ
 در“ وچ شامل نیں، اوہ اوہناں ای اچ کوئی دیاں کہانیاں نیں۔ محمد آصف خاں دا
 اوہناں کوئی پراگہ اے تیک نہیں چھپ سکیا تے اوہناں دیاں دوسریاں جگہاں پاروں
 ایہناں دا کہانی لکھنا وی اک پرانی کہانی بن کے رہ گیا اے، پر اوہناں دیاں دو درجن
 داں دودھ کہانیاں وچ (جو دھیریاں 1970ء توں پہلاں لکھیاں گئیاں) اکثر ایہیاں
 جیہڑیاں ہر انسان نوں اپنی کہانی لگدیاں نیں۔ کچھے جیسے البتہ باسی کڑھی وچ اُبال
 یا تے اوہناں ”لیٹا“ ورگی سوہنی کہانی لکھی، رب کرے ایہہ اُبال قائم رہوے۔ آغا
 شرف دیاں کہانیاں دا ٹورا ترکھا اے تے اخیر چونکا دین والا ہوندا اے، جیہڑا پڑھن
 لے نوں جذباتی کر دیندا اے۔ رفعت نے گھریلو حیاتی دے مسئلے نوں موضوع
 یا اے۔ جدوں کہ نسیم اشرف علی دیاں کہانیاں وچ جذباتیت دا اثر چوکھا ڈونگھا
 اے۔ حنیف چودھری، حنیف باوا، نذر فاطمہ تے حسین شاہد نے وی اپنے موضوع
 م حیاتی توں لے کے جیوندیاں رہن والیاں کہانیاں لکھیاں نیں۔ سلیم خاں گمی دے
 ردار وی عام حیاتی توں لئے گئے ہوندے نیں۔ گمی نے مغربی کہانی نوں چوکھا پڑھیا
 یا اے تے ایہناں دا رنگ ایہناں کہانیاں وچ اکثر نظر آجاندا اے۔ انور علی نے
 کالیاں اٹاں کالے روڑ“ پراگے وچ وسیب اتے کھئی چوبھ ماری اے تے بوے ای

ماہرانہ انداز وچ ایہناں دا دوجا پراگا "نوری" دے نال نال پنجابی ادبی بورڈ ولوں چھاپ دتا گیا اے۔ ایس پراگے وچ اوہ ساریاں لکھتاں شامل نیں جو انور علی ہورا اپنے پہلے مجموعے مگروں لکھیاں۔ ایس مجموعے وچ انج تاں کئی کہانیاں پڑھن جوگ نیں، پر سچ پچھو تاں "نوری" بھ توں ودھیا کہانی اے جو اپنے اندر اک ناولٹ ور لمانی رکھدی اے۔ کہانی دے مرکزی کردار نوری دے مسلیاں دے نال نال سما دے منظران نوں وی انور علی ہوراں بڑی مہارت نال چتریا اے تے لوکاں دی عملی نوں پیش کیتا اے۔ انور علی ہوراں دی اک ہور چنگی کہانی "جنازہ" اے جسدے وچ اوہناں نے دسیا اے کہ سماج دا دریا وگدا رہندا اے تے کسے کے اک بندے دے مرن نال ایہدے ویک وچ اکا کوئی فرق نہیں پیندا۔ اوہی لوک جو کسے دے مرن اتے دکھی ہوندے نیں۔ کجھ پل مگروں ای زندگی دے کار ویمار وچ پہلا واگ مڑجھ جاندے نیں۔

غلام مصطفیٰ بسمل دے پہلے پراگے "ہدیاں سولاں" وچ چوکیاں کہانیاں روایتی انداز دیاں نیں، پر ایس توں مگروں بسمل نے کئی چونکا دین والیاں کہانیاں لکھیاں۔ اوہ روایتی کہانی توں علامت نگاری ول آئے تے "نچدے نقطے" جیہی کہانی لکھ کے اپنی فنی ریاضت دا ثبوت دتا۔ ایہناں دا دوجا پراگا ایسے نال نال چھاپے چڑھ رہیا اے۔

اکبر لہوری دا پراگا "اکبر کہانیاں" کیاں پکھاں توں اہم پراگا اے۔ ایہناں دیاں کہانیاں جتھے حقیقت نگاری دی چنگی مثال نیں اتھے ایہناں دا اختصار، علامت نگاری تے گزرتن بھری سچائی نوں بیان کرن دا ڈھنگ اے۔ ایہناں دے مقام نوں اوہ چوکھا اچا کر دیندا اے۔ خالدہ ملک نے "ڈلفاں چھلے چھلے" وچ بے دھڑک لہجہ ورتیا اے جدوں کہ عامر نسیم نے "جاگدی اکھ دا خواب" وچ علامت نگاری توں کم لیا اے۔ اقبال صلاح الدین دی "گونج کہانی" پڑھ کے پتہ لگدا اے کہ اوہ کہانی دی تکنیک توں چنگے جاؤ نیں تے اپنی کہانی نوں ہر پکھوں مکمل بناون دا پورا جتن کردے نیں۔ اسلم قریشی نے "سانولی دھپ" وچ روہی دے علاقے دی منظر نگاری تے مسلیاں نوں اپنا موضوع بنایا اے۔ سجاد حیدر پرویز نوجوان ادیب اے۔ ایہناں دا پراگا "سو جھلا اندھاری رات دا" پڑھ کے احساس ہوندا اے کہ جے اوہ اپنے آپ

نوں کے اک صنف ادب تیک محدود کر لین تے ایسہ اوس صنف لئی وی چنگا
ہو دے گاتے اوہناں دے اپنے واسطے وی۔

”چڑیاں دی موت“ وچ ککشاں ملک نے عام لوکاں دیاں کمزوریاں تے
مجبوریاں نوں وی سوہنے ڈھنگ تے کجے انداز نال بیانیا اے۔ بابو جاوید گرجا کھی دے
پراگے ”بوکاٹا“ تے ”زندہ تصویراں“ پڑھ کے پتہ لگدا اے کہ اوہ زیادہ تر ”آداب
عرض“ ٹائپ دے پرچیاں توں متاثر نیں۔

سوانی کہانی کاراں وچ فرخندہ لودھی، پروین ملک تے افضل توصیف دا ناں
کے طرح وی اکھوں پر دکھے نہیں کیتا جا سکدا۔ ”پنے دے اوہلے“ پراگے وچ
فرخندہ لودھی نے زیادہ تر شہری لوکاں دے مسئلے نوں بیانیا اے تے سوہنا بیانیا اے۔
ایہناں دا افسانہ ”سکھ نہر“ یاد رہن والی شے دے۔ ایسے طرح ”پچھلی پڑھائی“
وی۔ پروین ملک پنجابی افسانے وچ اک ہور نگری تے جروانی آواز اے۔ اوہ بڑی
بے دھڑک ہو کے لکھدی اے تے اپنے فن توں پڑھن والیاں نوں متاثر کردی
اے۔

فرخندہ لودھی دا دو جا پراگا ”ہردے وچ تریڑاں“ جو 1996ء وچ بھجپیا۔
ایس پراگے وچ وی اوہناں دا فن اپنے انداز نال موجود اے۔ ایس مجموعے وچ ”اتر
کاٹو میں چڑھاں“ ورگیاں کہانیاں وی موجود نیں جو سیاسی پچھوکڑ نوں لڑھ رکھ کے
لکھیاں گئیاں نیں جتھے تک سماجی مسئلایاں نوں پیش کرن دا تعلق اے، اوہ وی ایس
کتاب دیاں کہانیاں وچ موجود اے۔

”ناہلی میرے پڑے“ وچ افضل توصیف اک بھرپور ناہر لکھارن دے طور
اتے سامنے آوندی اے۔ افضل دے فن دی اک اُچھتا ایسہ اے کہ اوہ کہانی تے
مضمون نوں آپو وچ رلا ملا دیندیاں نیں۔ افضل توصیف کول کڑتن دا عنصر بہت زیادہ
اے تے اوہناں دیاں ودھیریاں کہانیاں وچ کوڑا لہجہ ملدا اے۔ اقتدار واجد نے وی
”کچے کوٹھے“ وچ چنگیاں کہانیاں لکھیاں نیں۔

مرزا حامد بیگ چھاچھی لہجے وچ علامتی کہانیاں لکھدے نیں۔ پر ایہناں دی
علامت عام فہم ہون پاروں گل اڑان دا مسئلہ پیدا نہیں کردی۔ اوہناں دی روایتی
کہانی وی قاری نوں متاثر کردی اے۔ ”قصہ کہانی“ اک چیتے رکھن والا پراگا اے۔

شفیع ہدم دے دو پراگے ”چانن“ تے ”تصویر گواچ گئی“ چھپ چکے نیں۔ پر ایہناں ری کہانی نظر نہیں آوندی۔ ایہناں دوداں مجموعیاں وچ اک کہانی ”کوکا کو پڑھن والے نوں اپنے دل کچھدی اے۔

نعت احمدی پنجابی افسانے وچ اک بلوان اواز سی۔ اوہناں دا پراگا ”بستی پنجابی کہانی کاری وچ اک اہم وادھا اے“ جیسے وچ جیوندیاں رہن والیاں کہانیاں شامل نیں۔ اوہناں دے قتل ہون مگروں پنجابی کہانی دا ایسہ بوجھا بند ہو گیا کنول مشتاق ہر فن مولا قسم دا ادیب اے۔ ایہناں دا پراگا ”میں تے میں“ پنجابی کہانی وچ اک وادھا آکھیا جا سکدا اے۔

ناصر بلوچ دا ”بیتیاں اکھاں والے“ وی اک سوہنا پراگا اے۔ ناصر دی پکا کہانی اتے بڑی نگری ہندی اے۔ منشا یاد نوں اردو کہانی کار دے طور اتے چنگا جانا جانا اے۔ اوہناں دے پنجابی پراگے ”وگدا پانی“ دیاں کہانیاں وچ وی اوہی سبھ خوبیاں موجود نیں جو اوہناں دیاں اردو کہانیاں وچ۔ پنجابی کہانی وچ اک ہور وڈا ناں مقصود ثاقب دا اے۔ بیہناں دا پراگا ”کہانیاں“ کچھ ورھے پہلاں بچپنا۔ مقصود ثاقب دیاں کہانیاں کلاتے موضوع دوداں لحاظ نال بھرپور تے سوہنیاں نیں۔

مقصود ثاقب دے دو بے مجموعے دا ناں ”مچھا رتلا تے ہور کہانیاں“ اے۔ ایس پراگے وچ نو کہانیاں شامل نیں، بیہناں وچ ثاقب دا فن عروج اتے اے۔ نو کہانیاں دے ایس پراگے دا ناں اوہناں دی کہانی ”مچھا رتلا“ دے ناں اتے رکھیا گیا اے جو ایس مجموعے دی آخری تے شاہکار کہانی اے۔

الیاس گھمن پنجابی دا اوہ کہانی کار اے جیڑا پنڈ دا جم پل ہون پاروں ایتھوں دی حیاتی توں چنگا جانو اے۔ الیاس نے پنڈ دی حیاتی نوں موضوع بنا کے سوہنیاں تے بچیاں کہانیاں لکھیاں نیں، جیڑیاں کہ انمل شے نیں۔ الیاس گھمن دیاں کہانیاں عام کر کے طویل ہوندیاں نیں تے اپنے اندر اک ناولٹ ورگی لمیرتا رکھدیاں نیں۔ ایہدی اگھڑویں مثال دو کہانیاں دا مجموعہ ”پراٹا پنڈ“ اے جیسے وچ ”پراٹا پنڈ“ تے ”دھرتی واجاں ماردی“ شامل نیں۔ ایسہ پراگا دو ناولٹاں دے پراگے دے طور اتے پئیں کیتا گیا اے۔ پنڈ دے منظر تے گئے گواچے سماج نوں مہارت نال پیش کرنا الیاس گھمن دی کہانی دا خاص گن اے۔

ڈاکٹر اسلم رانا وی گئے گزرے دور دے اک چنگے کہانی کار سن۔ پر درسی مصروفیات پاروں کہانی توں دور ہو گئے۔ کسے زمانے وچ اوہناں نے بہت ساریاں چنگیاں کہانیاں لکھیاں سن، پر ہُن اوہ کہانیاں رسالیاں دیاں فائلاں تے اوہناں دے ذاتی کاغذات وچ گواچیاں جیساں نیں۔ اوہناں دی وفات دے نئے وچ ایس گل دا امکان بہت گھٹ گیا اے کہ کدی ایہ کہانیاں کُٹھیاں کر کے کتابی صورت وچ چھپ سکے گیوں۔ جے ایہ ممکن ہو سکے تاں پنجابی ادب وچ کہانیاں دا اک سوہنا پراگا دودھ سکے گا۔

پنجابی کہانی دے کھیتر وچ میرا پراگا ”واپسی دا سفر“ 1995ء وچ بھجیا سی۔ ایس مجموعے وچ 21 کہانیاں شامل نیں۔ میری کہانی عام کر کے مختصر ہوندی اے تے کتابی سائز دے دودھ توں دودھ ست اٹھ صفحیاں وچ مک جاندی اے۔ ایہناں وچوں زیادہ تر کہانیاں وچ پنجاب پرستی دا رُحان تے گئیاں گواچیاں روایتاں بارے تاں سنجیا (Nostalgic) والا رویہ ملدا اے۔

آغا علی مدثر دیاں کہانیاں وچ وی اپنے سے دا شعور پوری طرح اگھڑواں ملدا اے۔ اوہناں دیاں کہانیاں دے دو پراگے چھپے نیں پہلے دا ناں ”چنے یڑے میلے لوک“ سی جد کہ دوجے دا ناں ”تھکے پیراں دا پنڈھ“ اے۔ آغا علی مدثر نوں عام زندگی دا بڑا نیڑیوں تجربہ اے تے ایہ تجربہ ای اوہناں دی کہانی دا خام مال اے۔ اوہناں دیاں کہانیاں وچ اپنی دھرتی دیاں چنگیاں روایتاں نوں مُڑ کے جیواون دے احساس دے نال نال اجو کے انسان دے مسئلے تے اوکڑاں وی ڈھیر مندیاں نیں۔ ایہدی بھ توں اگھڑویں مثال اوہناں دی کہانی ”کیرڑی دا آٹا“ اے۔ کیرڑی دا آٹا ڈِگن والی گل ساڈی ہُن دی نسل وچ مُسنن وچ نہیں آوندی حالاں پچھلی نسل تک ایہ رواج سی کہ جدوں کوئی بال ڈِگدا تاں اوہنوں رون توں روکن واسطے دُے ایہو آکھدے ”اوہ دیکھ کیرڑی دا آٹا ڈُلمہ گیا اے۔“ ایس اتے بال اپنا رونا دھونا بھُل کے کیرڑی دا ڈُگا ہویا آٹا لبھن لگ جاندا اے۔ انج آغا ہوراں نوں علامتی کہانی لکھن وچ وی مہارت حاصل اے تے اوہناں دے دوہاں مجموعیاں وچ کئی علامتی کہانیاں وی شامل نیں۔

دسیم گوہر دا پراگا ”کھنڈر شہر دی کوک“ دے ناں نال بھجیا سی۔ ایس

پراگے وچ 20 کمائیاں شامل نہیں۔ وسیم گوہر نوں علامتی کمائی لکھن دی بڑی سوہنی جابج اے۔ ایس پراگے وچ شامل کمائیاں ایس گل دی تائید کردیاں دکھائی دیندیاں نہیں۔ اوہناں دیاں کمائیاں پڑاں، جوکاں، پچھلے پیر دا خواب، گواچے اکھر بہت ودھیا کمائیاں نہیں تے پڑھن نال تعلق رکھدیاں نہیں۔ کھنڈر شر دی علامت وسیم ہوراں کول اکھڑویں اے، بیسوں ورت کے اصولوں اوہ ساڈی قوم دی کتھا بیان کرنا چاہندے نہیں جو اک کھنڈر شہر وانگ بے جان اے تے جسدے وچ متحرک زندگی دا احساس نہ ہون دے برابر اے۔

”کر دے پھل“ سید نصیر شاہ دیاں کمائیاں دا پراگا اے۔ نصیر شاہ ہوریں میانوالی ورگے پچھڑے علاقے دے وٹیک نہیں، پر فیروزی اوہناں دا مطالعہ تے تجربہ بہت امیر اے۔ اوہناں دیاں کمائیاں وچ مقامی منظر تے مقامی لہجہ بہت سوہنے انداز نال ملدا اے۔ کمائی دی اٹکل وچ دی نصیر شاہ ہوریں بہت اگے نہیں۔ اوہناں دیاں کمائیاں دلچسپ وی نہیں تے لوکاں دی نفسیات دی عکاسی کرن والیاں وی۔

کمائیاں دے کچھ ہور پراگے جو پچھلے ورھیاں وچ چھپے اوہناں وچ شاہ سوار علی ناصر دا ”کراث“ ناصر رانا دا ”ریتاں پریتاں“ علی اختر دا ”ہون دا دکھ“ نذیر کھوٹ دا ”اخیر لا پنجابی“ عبد الکبیر ہاشمی دا ”نواں سورج“ شمس نعمان دا ”شیشے دی کندھ“ فرزند علی دا ”کنڈ پچھے اکھاں“ بابو جاوید گرجا کھی دا ”سوہنی دستی“ حمید رازی دا ”وگھ ساڈے ویری“ وغیرہ ذکر جوگ نہیں۔ ناصر رانا دی کمائی ساڈے سماج دے منظر اں دی کامیابی نال عکاسی کردی اے، ایسی گل علی اختر دی کتاب ”ہون دا دکھ“ دیاں کمائیاں بارے آکھی جا سکدی اے جد کہ چودھری نذیر کھوٹ دی کتاب ”اخیر لا پنجابی“ وچ شامل کل چھ کمائیاں پنجاب پرستی دے جذبے نال لکھیاں گئیاں نہیں۔ شمس نعمان ہوراں نوں وی کمائی لکھن دا فن چنگی طرح پتہ اے۔ اوہ وی اپنیاں کمائیاں وچ علامت دی پٹھ لا کے اینناں دے معنے وصال کردے نہیں۔ ”شیشے دی کندھ“ وچ شامل ساریاں کمائیاں چنگی کمائی پٹھ آوندیاں نہیں۔ حمید رازی ہوراں دے پراگے وچ گل چھ کمائیاں شامل نہیں جو علامتی رنگ دیاں نہیں۔

فرزند علی بنیادی طور تے ناول نگار نہیں۔ اوہناں دے تن ناول چھپ کے پڑھناراں کولوں داد کھٹ چکے نہیں۔ اوہناں دیاں کمائیاں دا پراگا جو ”کنڈ پچھے

اکھاں" دے سرتانویں نال بھچیا، وچ 17 کہانیاں شامل نیں۔ فرزند علی دا عام جیون دا مشاہدہ بڑا نکھا اے تے جزیات ول نہ صرف نظر پاندے نیں سگوں پڑھنار نوں وی دکھاندے نیں۔ انساناں دے اندر دکھو دکھ موقیعاں اتے ہون والے کھچ تان تے نفسیاتی ٹٹ بھج فرزند علی دا خاص ویشا اے جیویں کہ اوہناں دے پراگے دی پہلی کہانی "تخلیق کار" اے یاں فیر "کنڈ پچھے اکھاں" اے، جیدے وچ اک بندہ اپنی سوانی نوں کزن نال چھڈ کے مجبورن کم اتے رُجاند اے پر سارا چر ایہی سوچدا رہندا اے کہ مگر خورے کیہ ہون والا اے۔ اوہدا اطمینان ہوندا اے جدوں واپسی تے اوہدی بیوی اوہدے کزن بارے مندے ریمارک دیندی اے۔

پچھلے دینں جیرے کہانی کار نے ودھیا کہانیاں دا پورا پورا پرکا لکھ کے ناں کھنیا اے، اوہ نیں میر تنہا یوسفی جینناں دا پرکا "سورج اگن تائیں" دے سرتانویں نال بھچیا۔ ایس پراگے دیاں کہانیاں پڑھ کے احساس ہوندا اے کہ یوسفی ہوراں کول کہانی دے بہت اگے دے امکانات موجود نیں۔ میر تنہا یوسفی دی مجبوری ایہہ اے کہ اوہناں نوں لے چر تک بدلیں رہنا پیا۔ ایہدے نال اوہناں دا تجربہ تاں ویشال ہویا اے پر ایہدے سٹے وچ اوہناں دے ادب نال رابطے کنزور رہے نیں جو دیس وچ بھندیاں شاید بستے پکے ہوندے۔ انج اوہناں دا اکو اک پرکا پنجابی کہانی وچ میل پتھر نیا جا سکدا اے۔

جینناں کہانی کاراں دا اےجے تک کوئی پرکا نہیں بھچیا اوہناں وچ اقبال قیصر دا ناں اگھڑواں اے۔ اوہناں دی پہلی کہانی "ہیر" ساڈے سماج وچ کھلے کلاشکوف کلچر بارے سی۔ جیدے وچ کتاب اتے بندوق دے مقابلے وچ کتاب دی شکست دا منظر پڑھن والیاں نوں بہت کجھ سوچن تے مجبور کردا اے۔ اقبال قیصر ہوراں دی کہانی "مردم شماری" ایہی قوم بارے اے جو مردم شماری سے اپنی زبان وڈھ لیندی اے۔

سعید بھٹاک نوجوان کہانی کار نیں، جینناں دیاں کجھ کہانیاں پنجابی رسالیاں وچ ویکمن وچ آئیاں۔ اوہناں دی کہانی "چڑا" خاص طور اتے اک سوہنی کہانی اے۔ افضل ساحر تے عاشق علی فیصل نے وی اکا دکا چنگیاں کہانیاں لکھیاں نیں۔ ستار طاہر اک ذہین لکھن والے سن، جینناں دا خاص موضوع مکش سی۔

اوہناں نے پنجابی وچ سوہنیاں تے نو یکلیاں کہانیاں لکھیاں جیہناں نوں ویکھ کے احساس ہوندا سی کہ جے اوہ ایسے پاسے پورا دھیان دین تے پنجابی کہانی نوں ساریاں گھاٹاں توں مکت کرا سکدے نیں۔ افسوس اوہناں دی اچن جیتی موت نے ایہہ لکھاری کھوہ لیا۔ اوہناں دیاں پنجابی کہانیاں دا پراگا جے چھپ سکے تاں پنجابی وچ اک واہا ہووے گا۔

پنجابی کہانی دا ذکر کردے ہویاں ایہہ دسنا وی مناسب ہووے گا کہ پنجابی زبان دے تعلیمی زبان نہ بنن توں ایہدی ایکتا نوں نقصان اپڑ رہیا اے تے انج چھاچھی، ماجھی، ہندکو، ملتانی، اعوان کاری، دوآبی تے سرانیکی وغیرہ لہجیاں دے بولن والے کئی لکھیاں اپنے ای مادری لہجے وچ کہانیاں لکھن لگ پئے نیں۔ پروین ملک دیاں کچھ تے مرزا حامد بیگ دیاں سبھی کہانیاں وچ چھاچھی لہجہ ورتیا گیا اے۔ ناصر بلوچ تے سید نصیر شاہ کول ہندی دا رنگ اگھڑواں اے۔ شاہین ملک نے اعوان کاری انداز وچ کہانیاں لکھیاں جدوں کہ سجاد حیدر پرویز، اسلم قریشی، عامر فہیم تے کچھ ہور لکھاریاں ملتانی، بہاولپوری تے سرانیکی لہجے وچ لکھنا چھوہیا ہويا اے۔

میںوں احساس اے کہ ایسے جائزے وچ کہانی لکھن والے سارے لوکاں دا گھیرا نہیں کیتا جاسکيا۔ ہو سکدا اے میرے کولوں کچھ گھاٹا یاں لکھاریاں دے تاں رہ گئے ہوں، کیوں کہ ساڈے اتھے اپنی کہانی لکھی جا رہی اے کہ ہر کہانی بلکہ ہر پراگے تیک اپنا وی ہُن سوکھا نہیں رہیا۔ اک پوری تصویر دی بجائے سادہ جیہا خاکہ پیش کیتا جاسکيا اے، تاں جے جھڑے پڑھنا پنجابی کہانی توں پوری طرح جانو نہیں اوہ ایہدیاں مڈھلیاں گلاں توں جانو ہو سکن۔

روون، ہسن والیاں گلاں

”کہانیاں لکھدا رہ۔ امہ دنیا کہانیاں نال بھری ہوئی اے۔ اتھے ہر گھر ہر سڑک بازار وچ کہانیاں ای کہانیاں نیں۔ تیرے اندر باہر، آلے دوالے بھ پاسے کہانیاں نیں۔ اینناں نوں کولوں دیکھ۔ بہت کول ہوکے، اپنے اندر جھاتی پا کے دوجیاں دے دلاں وچ جھاتی پا کے دیکھ تے پھیر کہانی لکھ۔“ (شاہکار کہانی)

امہ مشورہ اک ڈاکٹر دا اے اک ایسے کہانی کار نوں جیہیں کسے دے کن اتے آپی اپنی کہانی لکھن دی تھاں انگریزی وچ لکھیاں کہانیاں ترجمہ کر کے اپنے ناں نال چھپوائیاں۔ مشہوری ہوئی۔ جیویں اردو وچ اک کتاب چھپی سی۔ ”بکت چراغ وارد“ امہ ایک فارسی مصرعے دا ٹوٹا اے، مصرعے دا مطلب سی کہ چور ایڈا دلیر اے کہ چوری دی دیوا پال کے کردا اے۔ جیویں اج کل کوآپریٹو، کسٹمر ٹکن والے، ندر و اندر کھائی جاؤ تے اتوں رولا پائی جاؤ، والا وپار کیتی بیٹھے نیں..... سو اپنے ناں ال دوجیاں دیاں کہانیاں چھپاوان والا پھس گیا، کہانیاں بند تے لکھن والا بیمار..... پہلاں کھنگ لگ گئی، فیر نکا نکا تپ..... اخیر ڈاکٹر کول جانا پیتے ڈاکٹر اوہ صلاح دتی جو مضمون دے موہرے نقل کیتی اے..... ڈاکٹر کہانی کار نہیں سی، پر اوہنے رب جانے ایس مشورے نال کنیاں مریضاں نوں کہانی نویس تے شاعر بنا دتا ہوتا اے..... ہاں اک کہانی کار اوس انور علی نوں بنا دتا جو کہانی لکھن توں پہلاں صرف کارٹون بناندا سی اپنے ملک دے حال احوال اتے..... اوہ اپنی من مرضی نال لکیراں واہندا تے اوہدیاں لکیراں اوہدے واسطے تے اوہدے اخبار، پاکستان ٹائمز مرحوم، واسطے پورے ملک وچوں واہ واہ دی کھٹی کھنڈیاں..... فیر اک ویلا آیا جدوں حکم ہویا کہ انور لکیراں اپنی مرضی نال نہیں اتلیاں دی مرضی نال واہوے گا، حکم جرنیلی سی تے ایس کارن من ہاں کوئی چارا نہیں سی.... فیر انج ہویا کہ مرضی نال کارٹون دی لکیراں

نہ واہ سکن سیوں پہلاں کھنگ تے فیر تاپ مطلب اے اک ہسٹرنے انور نوں آن گھیریا ایہدے وچوں کیوں نکل کے باقی دے ساہ پورے کیتے جاوَن؟ ایہہ سوال آن پیا کلیراں کولوں لفظ واہنے ہو ر وی اوکھے سن کیوں جو ایہہ لفظ ای سن جیہناں انور واسطے تے اوہدے سنگیاں بلیاں واسطے اوہ دیہاڑا لے آندا، جیدے بارے اوس لکھیا:

”میرے کارٹون بنان والے ہتھ میرے پچھے بنھے گئے سن تے اگے گھپ ہیرا سی۔ جدوں میریاں سوچاں، اپنے ہڈی دے حوالات دیاں کندھاں نال سر مار دیاں تے میرے سروچ جندرے کھڑکدے تے میں اپنی ماں (بیوی) تے نیانیاں نوں کھاون وڈھن پیندا۔ راتاں میریاں جاگدیاں لنگھدیاں اوس ڈاکو نوں اڈیکدیاں جیہڑا میرے ہتھ اُچے کرا کے ٹر گیا سی۔ ہن جد تیک حکم نہ ہووے میں ہتھ نیویں کیویں کراں۔ ڈاکٹر میرے کہیا توں ایویں ای اوکھا پیا ہونا اس تے اپنی جند دا آپوں ویری۔ گھوڑیاں اتے شرطاں لان لئی میرے کول پیے نہیں سن، نہ ای تاش کھینڈن جوگے تے میں کمائیاں لکھنیاں شروع کر دیتاں۔“ (ہیرا پھیری)

کتاب ”کالیاں اٹاں کالے روڑ“ دیاں کمائیاں کیویں چنگیاں تے کیویں پنجابی دے اُجڑے باگ وچ اک نویں تے بھرویں کھلار والے گرکھ دی صورت سامنے آئیاں؟ ایہناں گلاں دا جواب اُتلیاں سٹراں وچ آگیا انے۔ جُہن سوال ایہہ ہے کہ ایہہ کمائیاں کس مونہہ مماندرے تے نسل دیاں نیں۔ کیدے نال رلا کھاندیاں نیں تے کیدے نال اجوڑ نیں۔ کئی تاں ایہہ سوال وی چُک دیندے نیں پئی ایہہ کمائیاں ہے وی نیں کہ نہیں؟ ایہی سوال ہر تھاں، ہر ویلے، ہر بندہ چُک سکدا اے کیوں جو ظاہر صورت اتے جاوَن والے نوں مونہہ مماندر ا بہتانیڑے نظر آوندا اے تے مونہہ مماندرے بُتِ قلوب دے پچھے یاں ایہدے اندر دے حال حقیقت نال ساکا چاری گھٹ ای ہوندی اے۔ فیض نے اپنے بے غم ہون دا اعلان حیدر آباد جیل وچ کیتا سی:

متاع لوح و قلم چھن گئی تو کیا غم ہے
کہ خون دل میں ڈبو لی ہیں انگلیاں میں نے

خون دل وچ ڈبیاں انگلیاں جو کچھ وی لکھن گئیاں اوہ لوح و قلم دی رواجی

صورت وچ نہیں ہووے گا۔ اوہدے توں تھوڑا جیہا ہواں ہووے گا۔ ایس واسطے ہر اوس بندے نوں اوپرا نظر آوے گا جو گل صرف لوح و قلم دے حوالے نال ای سمجھ سکدا اے۔ دوجے آہریاں ڈھنگ نوں اپنی تھاں توں ہٹیا جانے گا..... سو انور دیاں کمائیاں بارے وی ایہو واپری کیوں جو اوہ پنجابی وچ اوس توں پسلاں لکھیاں جاون والیاں کتاباں توں ڈھیر وکھریاں سن۔ پہلی چیز ایہہ کہ اوہدے کول جوان منڈے کڑی، اوہناں دی طبقاتی تقسیم، ہجرو چھوڑے والیاں گلاں کوئی نہیں۔ ایہہ سچ اے کہ عشق وچ دی گھر گالنے پیندے نہیں یاں گل جاندے نہیں، انور اتے دی ایہو بتی پر کے ہور رنگ وچ۔ ”ہیرا پھیری“ وچ لکھدا اے۔

”اللہ مغفرت کرے سکندر مرزا ہوراں اوس دن اوہناں پاکستان اتے مارشل لاء لا دتا سی۔ شامیں میرے گوانڈھی میٹوں آواز دتی تے کن لگا انور! ساڈیاں عمراں تے گل کئیاں۔“

فیر فیض یاد آوندا اے جیس آکھیا سی ”جاہا ہے اسی رنگ میں لیلائے وطن کو“ انور کول منڈے کڑی والا عشق نہیں لیلائے وطن والا عشق اے تے ایہہ عشق اوہدیاں سبھناں کمائیاں وچوں مہلیاں ماردا ڈل ڈل پیندا اے..... ایہہ عشق طبعی شاہ دے عشق وانگوں ذات کذبات نہیں بچھدا۔ ایس لئی انور دی کمائی دی ذات کذبات وی نہ ہی بچھجے تاں چنگی گل اے۔ صرف ڈاکٹر دی گل ول دھیان دتا جاوے۔ ” تیرے اندر باہر آل دوالے سجے پاسے کمائیاں نہیں۔ ایہناں نوں کولوں دیکھ۔ بہت کول ہوکے۔“

جیرے کول ہو کے کمائی نوں نہیں ویکھدے اوہ کمائی اتے حکومت کردے نہیں حکم لگاندے نہیں تے اوہنوں اپنی مرضی نال ٹرانڈے نہیں..... بھادویں اوہ ٹردی ٹردی پڑھن والے توں کئی کوہ اُڑے ای رہ جاوے۔ انور جدوں کمائی دے کول ہوندا اوہنوں رینجھ لا کے ویکھدا اے، اوہدے نال عشق کردا اے تے فیر ایہہ کمائی اوہنوں اپنے نال لے ٹردی اے تے ٹردی ٹردی پڑھن والے دے اندر جا وڈی اے..... جیویں میدان وچ دریا ہووے..... زگ زگ ہر موڑ اتے لگدا اے دریا (کمائی) مک گیا اے، پر کمائی تاں ٹردی جاندی اے..... دل دریا سمندراں تائیں.....

انور علی دیاں کمائیاں اوس واپری بارے نہیں جو 1947ء گھروں ایس دھرتی

امقدر ہوئی، ایسہ ہونی مڑھ ہوئی، جے 47ء توں پہلاں تائیں جڑھاں جاون تاں ”
 لڑ دی بھیلی“ اک اجتماعی مثال اے۔ الاٹ منٹ دا مسئلہ اودوں سی تے اج قرضیاں،
 وڈھی تے مل مارن دا ویہار اوہدے وچوں پھٹی اکاس ویل اے۔ فیر مذہب والی
 ہانی والے جو اودوں کر رہے سن اج وی اوس دا ای روپ اگھر کے پورے پاکستان
 اتے ہیر کیتی بیٹھا اے۔ ”گڑ دی بھیلی“ دے شروع وچ انور لکھیا۔

”مولوی احمد دین کلانوری محلے دی میت وچ اپنے ساڈھے تیراں نمازیاں
 اگے مشرکاں تے قبر پرستاں دی ایسی تیمی پھیر رہیا سی تے موقع محل ایس وعظ داسی
 سائیں جمالے دا لنگر....“ انور علی دے ہم ضلع ایسہ دو کردار اپنی اپنی تھاں ودھدے
 پھلدے رہے، جمالا کوڑے شاہ دے مزار دی کھٹی پاروں سید جمال الدین بخاری ہو
 گیا جیس کول کانگریس دا صدر سیٹھ چرن داس، مسلم لیگ دا صدر خان غیاث الدین
 خاں تے مجلس احرار دا مولانا ثناء اللہ حاضری دیندے۔ دوجی وڈی جنگ نے جمالے
 تلی دی سرہیوں نوں سونا بنایا تے اوتھے ای سید جمال الدین بخاری بنیا۔ 1947ء
 مگروں پاکستان آئے اک نوں پورے پنڈ بھ گلاب سنگھ دی زمین، اسبلی دی ممبری،
 ملاں کارخانے تے اچیاں عمدیاں والیاں دیاں دھیاں دے رشتے ملے تے دوجے
 مولوی احمد دین کلانوری نوں سو مرنے دا باغ مل گیا۔ جمالے وانگ اوہداناں وی
 بدل گیا سی۔ اے ڈی ایس ایم کے نقوی..... تے اوہ جمالے دے پنڈ توں نہیں بارہ
 بجکی توں ہجرت کر کے آیا سی۔

انور دی اپنے مہر نال ہجرت کر کے لہور آ گیا۔ گڈی وچ اوہنوں اک مائی
 دے پنجرے بند طوطے نوں ہوا کھاون والا کم دی کرنا پیا۔ اوس ویلے بلوچ (رجنٹ
 دے) سپاہی راغلاں دے کندے وکھا وکھا کے اوہنوں کندے ”اوئے طوطے باؤ
 گڈی تے چڑھ جا جے جان دی خیر چاہیدی اے....“ انور دی کجھ اجیسیاں راغلاں
 دیکھ دیکھ کے ای گزری اے تے جے ایسہ کہانی لدھیانے توں شروع ہو کے لہور
 پڑی تے ایہدے اندر اک ہور بھمن لگ گیا۔

”ایسہ سائیکل دے فریم دی گل اوہناں دتاں دی گل اے جدوں سیاست دا
 ناں ہیر پایا ہویا سی تے اوہناں دی شہ اپنے پولیس تے سول سروس والے ایہناں
 توں ودھ کے من آئیاں کر دے سن تے اے تیکر ساڈے پیارے صدر مملکت فیلڈ

مارشل محمد ایوب خاں ہوراں دا انصاف تے سچائی دا سورج نہیں سی چڑھیا۔
(سائیکل دا فریم)

انور کول موضوع تارویں نہیں، پر موضوع بارے لکھدیاں اوہ کدھرے نہ
کدھرے اوس پچھو کڑ دی گل کر جاندا اے جیس اوس توں ”کالیاں اٹاں کالے
روڑ“ لکھوائے جیس بول دا انت اے ”مینہ و سادے زور و زور“ مینہ و سدا اے
یاں نہیں، اٹاں روڑ والیاں کہانیاں وچ اوس سوکے دا ذکر ضرور آوندا رہندا اے،
جیسنوں انور سوکا نہیں رکھنا چاہندا۔ اپنی کہانی ”چٹھی“ وچ اوہ انج گل ٹوردا اے ”
اوس چٹھی وچ توں میرے کولوں پاکستان بارے پچھیا سی، سچی گل اے پاکستانوں باہر جا
کے بندے نوں پاکستان بڑا ای یاد آوندا اے۔“ ایہدے مگروں کوئی دس صفحے اپنی
کتھا دے حوالے نال پورے پاکستان دے وگڑے معاشرے تے مناقشاں تے
بدعنوانیاں بارے لکھ کے اخیر وچ کہندا اے۔

”ہاں جولی توں پچھیا سی کہ پاکستان دا کیہ حال اے۔ دیکھ گل ایویں ای لی
ہو گئی تے میرے کول ہور سکٹاں لئی پیسے نہیں۔ اگلی چٹھی وچ میں ضرور تیتوں
پاکستان بارے لکھاں گا۔“ (چٹھی) تے اگلی گل پاکستان بارے۔

”ساڈا ملک ترقی یافتہ نہ سہی، پر دنیا سانوں ترقی پذیر تے ضرور کمندی اے
تے ساڈا جی این پی ودھ کے کتوں دا کتے جا اپڑیا اے۔ عید دی شامیں ٹی وی اتے
اک مائی بہت سارا جی این پی، میرا مطلب اے کہ سیراں مونہہ سوناتے بڑے ای
منگے کپڑے پائی نیانیاں نوں واری واری اپنے کول بلاندی تے اوہناں کولوں اوہناں
دے ناں چھدی تے نال ای عیدی دی رقم۔ میری مائی مینوں ٹی وی والی مائی دے
گینیاں دے ناں دس لک پئی تے اوہناں دے مِل بُجھن لگ پئی۔ میں اپنی جوان
دھی ول ویکھیا تے میریاں انگلاں بیتھوں پچھیاں رہاں ای میری جیب وچ پئے ٹیڈی
پیسے گنن لگ گیاں۔“ (کالیاں اٹاں کالے روڑ)

انور علی دیاں کہانیاں دا اک وڈا موضوع تاں ایہہ عشق اے بھاویں لیلائے
وطن نال کہہ لوو تے بھاویں جہاں بھار لنگھیاں عمراں نال دوجے موضوع کوئی
اک نہیں، دوجا عشق وی اوہنے کیتا۔

”مینوں چنگی طرح یاد اے جد میں جوان تے بے وقوف ہوندا سی۔ مینوں

اک کڑی نال پیار ہو گیا۔ ایسہ سکھ کڑی کالج وچ میرے نال پڑھدی سی۔
 ”پنڈ دے جٹ تے سید اپنیاں کرپاناں تے تلوواراں لشکان لگ پئے۔“ کھتار
 کور کوئی اکانویں واری اپنے پنڈ دی گل سننا رہی سی۔ ایس گل وچ سکھاں دی اک
 کڑی سیداں دے اک منڈے نال تھ جاندی اے.....“

ایس توں اگے دی سنواری انور دے سروچ گھدی اے تے نال اوہدا ہمزاد
 (اک مکھی) اوہدے مونہ تے لتاں اتے بندی تے اُڈدی اے۔ اوہ اک پاسے سکھ
 کڑی تے سید منڈے دے عشق دی دکھ واپری دے سین ویکھدا اے نال مکھی
 دی حرکت تے اوہدے اتے حملہ کرن دے پینترے ”جد اوہ ہمزاد (مکھی) میری
 تک دی نوک اتے اڑیا تے میں چہرہ کڈھ ماری۔ اوہ میرا ہتھ تک دی نوک توں
 اک میل اوپر دی لنگھ آیا تے نکسیر کھتار کور دی چُٹ گئی۔“

سکھ جٹاں دی کڑی تے سیداں دے منڈے دے عشق اتے تلوواراں
 کرپاناں تان نکل ای آئیاں سن سو ایس توں اگے دی گل انور علی تھانڈے واسطے چھڈ
 دتی ایسہ کہہ کے ”کھتار کور اپنے ماں پو دی کلی دھی سی۔ ایس طرح کھتار کور
 تے اوہدے باپو جی دی بیچ سو مربع زمین میرے ہتھوں نکل گئی۔“

انور علی دے کہانی پاون دا کم بڑا دکھری قسم دا اے جیویں ایس چڑی تے
 کاں دی کچھڑ کھاؤں دی کہانی مندے ہوندے ساں اپنیاں نانیاں دادیاں کولوں۔ اک
 اک گل، اک اک حرکت، اک اک شے، دکھ دکھ مکھیڑویں۔ چڑی دے کوڑے
 توں لے کے کاں دی نسل تے اوس خیلے تائیں جتھوں اوہ روزاڈ کے خوراک پاروں
 شرنوں جاندا فیر چڑی تے کاں دا مکالمہ اپنی تفصیل نال جنی تفصیل نال ساڈے
 اک وزیر خارجہ ظفر اللہ خان اقوام متحدہ وچ کشمیر دے مسئلے نوں اٹھ اٹھ گھنٹے وچ
 پیش کردے ہوندے سن فیر چڑی تے کاں دا معاہدہ فیر اوہناں دیاں اپنے اپنے
 کم وچ مڑجھاں، فیر چاول دیاں قسماں تے چاول تے دال منڈی وچوں لیاؤں دا قصہ
 ایسہ قصہ اک ادھ گھنٹے وچ تان نہیں سی مکدا۔ پتہ نہیں کدوں جا کے چڑی دا
 بوہڑا سڑدا تے ایس سوندے سوندے اُبھڑا ہے اٹھ کھلونڈے کہانی دا کلا مکس
 جان کڈھ لیندا۔ انور علی دی تفصیل (جزئیات نگاری) دا حال وی انج دا ای
 اوہ ہالال نال ڈبے کتے نوں گھر لیاؤدا اے۔ فیر اوہ کتا سارے پاراں بیلیاں وچ کیدا

رہز پادیندا اے فیر کیویں اسلامی تنظیمیں دیاں پچہ پارٹیاں ایس کتے اتے بھڑ پیندیاں
 نہیں۔ ایسوں و بچن دامتہ پکدا اے ... کتا اپنی عمر پوری کرن لگدا اے اک دن اوہ
 اپنی بڑھی اتے بیٹھا بیٹھا پیشاب کردا اے امہ کم اوچے کدے گھر وچ نہیں سی
 کیتا۔۔۔۔۔ ”تے میری ماں کیسا موتی امہ کہہ کیتا موتی اٹھ کے باہر چلا گیا تن چار
 گھنٹیاں بعد محلے دے منڈیاں ساڈے گھر آکے دسیا کہ موتی باہر مر چکا اے۔“
 (موتی)

میںوں شعلے اپنے دفتر وچ خط راہیں اطلاع ملی موتی مر گیا اے۔ ”میریاں
 اکھاں اتے پانی دا پڑوا جیسا اُتر آیا پر ہُن میں وڈا تے جوان سی تے دنیا ایس گل نوں
 چنگا نہیں جاندی جے سیانے سمجھدار بندے روون ویلے روون تے من ویلے
 ہن۔“

انور علی دیاں امہ کسانیاں اصل وچ ایس آخری گل دے اکا الٹ نہیں
 امہ اوہناں بے سمجھاں، ناداناں دیاں گلاں نہیں، جو روون ویلے رو پیندے نہیں تے
 من ویلے منوں باز نہیں رہندے۔

رفعت دی افسانہ نگاری

کمانی لکھن دا کوئی پکا پیڑا اصول تاں نہیں رمتیا جا سکدا تے نہ ای کے کمانی کار توں ایہہ امید لائی جا سکدی ہے کہ اوہ حیاتی نوں اوسے طرح دیکھے تے دکھائے جیویں پارکھ چاہوندے ہن۔ ایہہ تقاضا تاں تنقید دی آمرانہ روایت نال جڑیا ہویا ہے۔ دوجے پاسے کمانی لکھنا ایہما کم وی نہیں کہ اسیں ایس تے گل نہ کر یکے۔ اک لکھاری دی کمانی نوں دوجے نال رکھ کے دیکھ نہ یکے تے گھٹو گھٹ اوس تھاں تے کھلو کے کمانی دا نکھیرا نہ کر یکے، جتھے اسیں آپوں کھلوتے ہوندے ہاں۔ اصل وچ سچی تنقید تاں اوہوا ہوندی ہے کہ کمانی کاری دی کمانی نوں اوہناں اصولاں تے ای پرکھیا جاوے، بیہڑے اوہدی رکر ت وچوں بھٹدے ہون۔

ہُن گوہ گوچری گل ایہہ ہے کہ رفعت ہوراں دی کتاب ”اک اوپری کڑی“ نوں کیہناں اصولاں تے پرکھیا جاوے۔ اساڈے خیال موجب ایہہ ایہیاں کمانیاں نہیں ہن، بیہناں وچ کمانی کار کمانی بناون دی شعوری کوشش کیتی ہووے۔ ایہہ ایہیاں کمانیاں ای نہیں، بیہناں دا مقصد تبدیلی تے انقلاب ہوندا ہے۔ ایہہ کمانیاں تے اک حساس انسان دا اوہ فطری اظہار ہن، جو اپنے تے دوجیاں دے دکھ درد نوں محسوس کردا ہے تے اپنی ذمہ داری پوری کرن دی چتا کردا ہے۔

کمانیاں بیانیہ انداز وچ لکھیاں گئیاں ہن۔ کتے خود کلامی دی صورت وی نظر آوندی ہے تے کتے مکالمے راہیں کمانی آگے ودھدی ہے۔ ایہناں کمانیاں وچ واقعات یاں تے بہوں گھٹ ہن اتے یاں پھیر کمانی دا Impression بیان لئی استعمال کیتے گئے ہن۔ پلاٹ، تکنیک تے ایکشن اتے بہتا زور نہیں دتا گیا۔ بیانیہ کمانی وچ کچھ خطرے ہر کمانی کار لئی ہوندے نیں۔ پہلا خطرہ تے ایہہ ہوندا ہے کہ کمانی دا بیان ایہا شاعرانہ نہ ہو جاوے کہ افسانے کسے سستی جذباتیت دا شکار ہو جاوے اتے

نہ ہی ایسا Direct ہووے کہ اخبار دی خبر دا مھلیکا چین لگ جاوے۔ رفعت ہوراں نے چنگی پنجابی ورتی ہے تے ایہناں دوواں خطریاں توں اپنے آپ نوں بچایا وی ہے۔ کہانی لکھنا اوہناں دا احساس وی ہے تے اک ذمہ داری وی۔ ”کچ دی ٹوب“ دیاں اخیریاں سٹراں دیکھو۔

”پر میں کیڑے شیشے تے ایسہ کہانی لکھاں..... شیشے دی ایسہ کندھ کون اسارے گا....؟ تے کتھے اساری جاوے گی؟
ایس گلے زہر وچ کون انگلی بھیوں کے ایس کہانی نوں لکھے گا؟ میں کمبندیاں ہتھاں وچ نصیباں دا میلا پلا پھڑلیا۔

”لیا۔۔۔۔۔ میں تیرے اتھرو پونجھ دیاں۔“

پر اوہنے میلے پلے نال اپنا مومنہ لکالیا۔

”تے میں کمبندے ہتھاں وچ کاغذ چک کے قلم پھڑلی۔“

جد رفعت نے قلم پھڑی تے پھیر اپنے وجود نوں وی اپنے توں باہر کھلو کے ویکھن دی ہمت کیتی۔ ”اک اوپری کڑی“ وچ ”اوپری کڑی“ دے سوالاں دے جواب دیندیاں کہانی کار نے اپنے آپ نوں وی حقیقت پسندی نال ویکھن دی کوشش کیتی ہے۔ ایسہ ایہہ کردار دی کہانی ہے، جیڑا انسانیت نال پیار کردا ہے، پر اپنے آپ نال پیار کرن دی اوہنوں ویل نہیں ملدی تے اوہدا اپنا ای وجود اوہدے توں مریا جاپدا ہے۔ ”جستری“ دا ”بابا کالا“ تے ”مای فضلاں“ دنیا توں کٹے ہوئے، اپنے آپ نوں مرکھاں تے جنوراں نال Identify ایس لئی کردے نظر آوندے نیں کہ اوہناں کول اپنی تنہائی تے دکھ درد کس تے سنن لئی کوئی انسان نہیں۔ ایسہ دو کہانیاں دراصل دو ایہہ کردار پیش کردیاں نیں، جیڑے اکلاپے تے سماجی بے رخی دا شکار نیں۔ ”کرناں دی دھوڑ“ اک بسوں نزول افسانہ ہے اتے ایس وچ سارا ورتارا تاثراتی کہانیاں والا ہے۔ کہانی انج مکائی گئی ہے کہ اخیر وچ اوہ اک عجیب جی اداسی دی جھون وٹا لیندی ہے۔ اکو ویلے اکو زنانی دے دو روپ دکھائے گئے نیں۔ اک ٹھکرائے جان والا اتے دو جا کچھ پالین والا۔ جے اوس زنانی نوں چاہے جان دا نشہ ہے تے ٹھکرائے جان دا غم وی اوہنوں چین نہیں لین دیندا۔ اک تاثر، اک احساس، اک جذبہ تے اوس جذبے دے دو روپ۔ اسڈی جاچے ایس کتاب

دُونگھیاں شاماں

(رومانیت تے حقیقت پسندی دا سنگم)

”دُونگھیاں شاماں“ نواز دیاں تیرھاں کہانیاں دا پراگا اے۔ پورے مجموعے تے بحث کرن توں پہلاں ایس گل دا متارا ضروری اے کہ کسے اک رُحان دے حوالے نال کسے وی لکھاری دے پورے مجموعے نوں موضوع نہیں بنایا جاسکدا۔ کیوں جے مجموعہ کئی افسانیاں دا پراگا ہوندا اے تے ایہہ کدے نہیں ہوندا کہ ہر افسانہ دوہجے ورگا ای ہووے۔ سگوں ہر افسانہ اپنی تھاں اک مکمل اکائی ہوندا اے۔ کسے افسانے وچ کسے اک گل تے زور دتا گیا ہوندا اے تے کسے دوہجے وچ کسے ہور گل تے۔ افسانے دیاں کئی شکلاں نیں۔ کوئی افسانہ سوچ دی تیزی اپنے اندر رکھدا اے تے کدھرے خیال ہولی ہولی اگانہ ددے نیں۔ کسے افسانے دا مڈھ اہم ہوندا اے تے کسے وچ اخیر۔ کوئی افسانہ حال توں شروع ہو کے ماضی ول ٹریا لگا جاندا اے جد کہ کوئی ماضی توں حال ول سفر کردا اے۔ کدھرے فقیریاں دی بترتے زور دتا گیا ہوندا اے تے کدھرے ایہہ پوری عمارت ای بے ربط عبارت تے کھڑی ہوندی اے۔ کدھرے پاتر اپنی سبجان آپ کراندے نیں تے کدھرے لکھاری نوں ایہہ کم آپوں کرنا پیندا اے۔ ایہہ افسانے مختلف تنقیدی دبستاناں دے اثر سٹھاں پرکھے جاسکدے نیں۔ گل کیہ افسانے مختلف نوعیت تے قسماں دے ہوندے نیں تے ہر افسانے وچ کوئی نہ کوئی خاص عنصر ضرور ہوندا اے، جیہدی اوہ ترجمانی کردا اے۔ اتھے ایس اوہناں دے افسانیاں دے اگڑویں پکھاں رومانیت، حقیقت پسندی تے جنس وغیرہ اتے اک تراویں جہات پاوندے آں۔

رومانیت کیہ اے؟ اتھے رومانیت دے لفظ تے بحث کرن دی لوڑ محسوس

نہیں ہوندى کيوں جو ساڈا مقصد تاں نرا ايسہ دیکھنا اے کہ ایس تحریر دنیا دے ادب نوں کس حد تیک متاثر کیتا اے۔ رومانیت اصل وچ اک تحریر داناں اے، جیڑی کہ کلاسیکیت دے رد عمل پاروں چلی۔ کلاسیکیت زندگی دے پکے تھتے اصول نیں، پر ايسہ شیواں بھادیں ادب ہووے یاں سماج، کلاسیکیت دے معنیاں وچ لیاں جاندیاں نیں۔ ايسہ گل تے منی پر منی اے کہ جدوں زندگی دے خول پکے کر دتے جان تے بندہ قدراں دے بوجھ تھلے دب کے رہ جاندا اے۔ کلاسیکی انسان، دنیا ایدہی زندگی تے حسن نوں جیہناں خانیاں وچ ونڈ کے تے اصولاں وچ تقسیم کر کے مطمئن ہو گیا سی، رومانیت نے ایدے تے اک زور دار ضرب لائی۔ ايسہ تحریر محض چند لوکاں دا جذباتی اُبال نیں سی سگوں اک اقتصادی، سیاسی تے مجلسی نظام دا نتیجہ سی۔ دراصل ايسہ نظام اینہاں پرانے اصولاں اتے پوری طرح پابند رہن لئی تیار نیں سی تے پھیراجیہا نظام جیہنوں لوک دشمن جاگیرداراں نے تعمیر کیتا ہووے۔ ايسہ اٹھارویں صدی دا زمانے سی جدوں واسطے روس نے مذہبی قدراں دی جکڑ بندی توں انسان نوں آزاد کرن واسطے دن رات کم کیتا۔ روسو فرانس دا رہن والا سی تے اپنے اصولاں پاروں جلا وطن وی ہویا۔ اوس سے لوکی اپنے جکڑے جا چکے سن کہ جذبیاں نوں کوئی اہمیت نیں سی دیندا جذبیاں نوں اکھوں اوہلے کر کے عقل نوں ودھیری اہمیت دتی جاندی سی۔ رومانیت پسنداں دا عمل عقل دے خلاف سی۔ سگوں اوہ اک نویں زمانے دے خواب و یکھدے سن اک نویں دنیا جیہں وچ آزادی تے مساوات ہووے۔

رومانی ادیب دے نزدیک عقل محض چیزاں دی ظاہری شکل صورت تے ترتیب سمجھن وچ مدد دیندی اے، پر ایدہی ماہیت تک نہیں اپڑدی۔ اسانوں ایدے وچوں اوس ماروائی حقیقت دا جھلکارا نہیں دکھائی دیندا، جیڑا اینہاں اندر اک نویں تائیا کی پیدا کردا اے۔ اوہناں دے نزدیک عقل رستے دے اک چراغ توں زیادہ اہم نہیں پر جذبے تے وجدان ای اوہ اگ پیدا کر دے نیں، جیڑی کائنات نوں اک نویں چائن توں جانو کراندی اے۔ عقل دی پہنچ تاں حقیقت دے نرے اک جزو تک ہوندى اے۔ ایس لحاظ نال اوہ ایدے اصول تے ضابطے بناندی اے۔ حسن نوں قاعدیاں تے زاویاں وچ قید کردی اے تے اصل روح نوں نظر

انداز کر دیندی اے، پر رومانیت ہر جذبے نوں اوہدی انتہائی شکل وچ دیکھنا پسند کر دی اے۔

رومانیت وچ دا غلیٹ دا خاص عمل دخل اے تاں کلاسیکیت وچ اجتماعی زندگی اہم سی۔ نطشے دا ”سپر مین“ تے علامہ اقبال دا ”مرد مومن“ ایہہ رومانیت دا انتہائی تصور اے۔ ورڈزور تھ دیاں رومانی ٹھماں وچوں ”Lucy Grey“ رومانیت لئی پیش کیتی جا سکدی اے۔ کولرج نے (Biographia Literaria) لکھی۔ اوہنے تخیل تے بڑی محنت کیتی تے تخیل دے وی درجے رکھے جیویں مشاہدہ، مناسبتاں تے انسانی نفسیات وغیرہ۔ اوہ آکھدا اے کہ شاعری فلسفی ہوندا اے۔ ایہہ عقل تے جذبیاں دا میل ہوندا اے۔ ایہہ شعور تے لاشعور دا عمل ہوندا اے تے تنقید ادب وچ استدلال دی سائنس اے۔ رومانیت وچ جذبے تے تخیل دی بے پناہ وسعت ہوندی اے۔ رومانیت ایہہ وی اے کہ انسان اپنے موجود توں خوش نہیں ہوندا سگوں اوہ کجھ ہور چاہندا اے۔ اندر کجھی دنیا تے حقیقت توں بہت اگے نکل جانا، ماورائیت دا آجانا وی رومانیت اے۔ رومانیت وچ یاد دا وی بڑا عمل دخل ہوندا اے۔ ایس بحث توں ایہہ نتیجہ سکدا اے کہ رومانیت روح دی آزادی تے فطرت ول واپسی دا ناں اے۔ ایہہ اجتماعی بہتری دی آئینہ دار اے تے سمجھ توں ودھ کے فرد دا روایت دے خلاف اعلان جنگ اے۔ رومانیت کسے زمانے یاں وسیب نال مخصوص نہیں نہ ای کسے انداز بیاں نال ایہدا خاص سانگا اے۔ انجے ای ترک کیتیاں ہوئیاں شیواں یاں بدعتاں بذات خود رومانی نہیں ہو سکدیاں۔ نرا روایتی اسلوباں دے خلاف بغاوت نوں وی رومانیت نہیں آکھیا جا سکدا۔ ایہہ اسلوب بیان دی اک خصوصیت اے تے ایہنوں ایس ہر شے دے متعلق اک خاص زاویہ نگاہ وی کہہ سکے آں۔ جتھوں تیکر رومانیت تے کلاسیکیت دا تعلق اے ایہہ دو بالکل مختلف چیزاں نیں۔ رومانیت فن دا اک عنصر اے فن نہیں۔ رومانیت خارجی دنیا تے داخل دنیا نوں ترجیح دیندی اے۔ کائنات دا نظام بڑا ای سخت تے بے رحم اے۔ قدم قدم تے انسان دے شوق دے رنگ محل ڈھیندے نیں، پر رومانی ادیب ایہناں شکستاں تے وی اپنیاں خواہشاں نوں نہیں چھڈدا، اپنے آپ نوں دنیا دے سانچے وچ ڈھالن دی قھانویں ایہناں شکستاں دا عادی ہو جاندا اے تے اک غیر معمولی

اداسی تے کرب نوں اپنے سینے نال لایندا اے۔

نواز اصل وچ نرے رومانی افسانہ نگار نہیں سن سگوں اوہ حقیقت تے رومان دوواں نوں ملا کے پلدے نیں تے اپنے حال نوں چنگا بتاونا چاہندے نیں تے متوازن سماج دی گل کر دے نیں۔ اوہ تاں اپنے Social realism دے افسانیاں وچ وی رومان پا دیندے نیں تاں جو کمائی بالکل خشک نہ رہ جاوے تے پڑھن والے دی دلچسپی قائم رہوے۔ اوہناں حقیقت پسندانہ کرداراں نوں رومانی رنگ دے کے پیش کیتا اے۔ ایہو وجہ اے پئی اوہناں دے افسانے پڑھیاں حیات دیاں کڑتاں تے محاسناں دے سارے ای رنگ ساہنے آ جاندے نیں۔ نواز اچھے افسانہ نگار نیں، جیہناں اک رخی تے میکاکی سوچ دے الٹ علامتی انداز اپنا کے لفظاں نوں نواں منسوم دیون دی کوشش وی کیتی، جیہدے نتیجے وچ اکو کمائی دیاں کئی کئی پر تاں ساہنے آن لگ جیاں۔ اوپری نظروں کھیاں تاں نواز دے افسانے عام مے لگدے نیں، پر اوہناں اندر جیہڑا نکھاتے سوہنا پن موجود اے اوہو ای اوہناں دی خوبصورتی اے۔ اوہ خواب تے ضرور ویکھدے نیں، پر حقیقت پسندی نال اک اجیہا وسیب ویکھن دے چاہیوان نیں، جیہدے وچ ہر بندہ اک دوجے دا دردی ہووے۔ معاشرہ طبقاتی کچھ دھرتوں پاک ہووے تے ہر انسان دا دوجے انساناں نال میل ملاپ طبقاتی اونچ نیچ پاروں نہ ہووے سگوں اعلیٰ انسانی رشتیاں پاروں ہووے۔ اوہناں رشتیاں دا بڑے سوہنے تے اچرج طریقے نال احساس دیوایا اے۔ انسان دیاں مجبوریاں اوہدے صنفے تے اک عام بندے دے اندر پیدا ہون والیاں خواہشاں توں لے کے ایس سماج دیاں بے انصافیاں تے سکدیاں، ٹر فداں تے وکھدیاں حقیقتاں توں وی گھنڈ لاہیا اے۔ بندے تے سماج دوواں نوں اوہناں دا اصل چہرہ وی دکھایا اے۔ ایہناں حقیقتاں دا اظہار کدھرے تے اوہناں مکے چھپے انداز نال کیتا اے تے کتے اوہنوں کھلے ڈھنگ وچ پیش کردتا اے۔ اوہناں دراصل ایسے حقیقت نوں بیان لئی رومانیت دا سہارا لیا اے۔

نواز کول رومانیت توں اڈ اک ہور عنصر جیہڑا شدت نال پایا جاندا اے اوہ جنس (Sex) اے۔ نواز ہوراں جنس نوں اپنے افسانیاں دا موضوع ضرور بنایا اے، پر اوہ آپ ایہدیاں بھل بھلیاں وچ نہیں گواچے تے نہ ای اپنے قاری نوں گواچن

دیندے نہیں۔ اوہناں جنس دے مندے ورتارے نوں معاشرتی کروودھ تے برائی دے
 طور تے پیش کیتا اے نہ کہ ایہوں دوجے معنیاں وچ ورتیا اے۔ اوہناں اپنے
 افسانیاں وچ کسے مثبت نتیجے دے حوالے نال جنس دیاں رومانی پکھاں دی چتر کاری
 کیتی اے تے انج منفی تجربات دے منفی اثر توں مثبت سبق حاصل کرن دے عمل
 نوں ابھارن دی کوشش کیتی اے۔ ایہہ اک مثبت قدم اے۔ اوہناں بلا جواز جنس دا
 استعمال نہیں کیتا سکوں اوہ تے ایس معاشرے وچ بُرے بُرے اوہناں ہزاراں
 منڈیاں تے کڑیاں دے گل کر دے نیں، جیہڑے جنسی جذبیاں ہتھوں مجبور ہو
 جاندے نیں تے اپنے جذبیاں تے قابو نہ ہون پاروں راہوں گراہے پے جاندے
 نیں تے پھر اک دن اجیہا آوندا اے جدوں اوہناں کول کالک دے سوا ہور کچھ
 نہیں ہوندا۔ تے ایہہ کالک کڑیاں دے مونہہ تے اوہو ای منڈے مل دیندے نیں،
 جیہناں نوں اوہناں کڑیاں نال بڑا ”پیار“ ہوندا اے۔ ایہہ تے اک سماجی دکھ اے
 جیہنوں نواز ہوراں اپنے افسانیاں دا موضوع بنایا اے تے اوہناں ہزاراں معصوم
 کڑیاں دیاں انہول دھڑکتاں نوں اک طرح دا ہلا مار کے جگایا اے تے دتا چاہیا اے
 کہ ایہہ کچھ نہیں تے ایہدا انجام بہت ماڑا اے۔ اوس کڑی نوں نہ تے معاشرہ
 قبولدا اے تے نہ ای معاشرے دے بھڑے لوکی۔

”شام دا پہلا تارا“ ایہدی بڑی کچی مثال اے جدوں اوہ بڑے ای کرب
 نال ایہہ شبد لکھدے نیں۔

”سڑکاں تے چانن تے سرکار کر دی اے تے کوٹھیاں وچ چانن اوہ نوکرانی
 کرے گی جیہنوں گھر دا مالک پندرہاں روپے مہینہ دیندا ہووے گا۔ اوہ نوکرانی
 جیہدی اک جوان دھی دی ہووے گی۔ اوہ دھی جیہدا پو اوہوں جن توں وی پہلوں
 ای چھڑ گیا ہووے گا۔ اوہ پو جیہڑا اوسے ای مالک مکان دا پتر ہووے گا۔ اوس
 نوکرانی دی حیاتی دا اوہ ویلا تے عمراں لئی کھلو جاندا اے جدوں کسے مالک مکان دا پتر
 پہلی داری اوہدی بھری ہانہ پھڑکے ہوئے جیہ اوہدے کن وچ ایہہ آکھدا اے:
 ”نوری! توں مینوں بڑی چنگی لگتی ایں۔“

تے فیر نوری جیہتی نال اپنی ہانہ چھڑا کے تے ساری رات اپنی ہانہ دے
 اوس حصے دل دیکھدی رہندی اے، جیہڑا دن دے چانن وچ پکیاں کندھاں اوہلے

کے دو بے دے تھے وچ آیا سی۔ اوہوں اوہ ویلا وی یاد ہوندا اے جدوں اوہ شہر توں باہر کے بنیر کوٹھڑی وچ اوہ بال جمدی اے، جیسنوں اوہ ساری حیاتی اوہدا پیو نہیں دکھا سکدی۔“

ایہناں افسانیاں وچ شام دا ذکر بہت آوندا اے۔ جیویں ایس کتاب ”ڈونگھیاں شاماں“ دا ٹائٹل ای شام نال منسوب اے۔ ایسے طرح زیر بحث افسانے وچ وی شام دا استعارہ تھاں تھاں ورتیا گیا اے۔ گل کچھ انج اے پئی شام اداسی دی علامت اے تے سویرا آس تے امید دی علامت۔ جدوں انسان سارے دن دا تھکيا مُٹیا گھر اپڑا اے تے اوہوں شاماں پین دے نال ای سوچاں وی آون لگ جاندیاں نیں تے جے حساس ذہن دا آدمی ہووے گاتے پھیر اوہ اپنی سوچن دی عادت نوں مُکا نہیں سکے گا۔ ایس افسانے وچ وی انسان دے ازلی اکھتا دی کمائی اے۔ دوجا امہ افسانہ ترقی پسندانہ سوچ دا مظہر وی اے۔ جدوں نواز اپنے افسانے وچ اک غریب کلرک دی حیاتی دے ڈونگھے دکھ نوں بیان کر دے نیں تے انج معاشی بے انصافی تے معاشرتی کجی دھرو نوں موضوع بناندے نیں۔ ایس افسانے وچ جیہڑی اکھتا دی کھتا نواز ہوراں سنائی اے، اوہ اوہتاں دی اپنی ای لگدی اے۔ جدوں اوہ امہ جملہ لکھدے نیں۔ ”میں کیڑے گھردا دیوا بالاں گا“ تے ایتھوں اوہتاں دے سارے ای دکھ سائے آجاندے نیں۔ اوہتاں آپ اپنی ساری حیاتی اکھیاں گزار دتی تے ویاہ نہ کرایا انج اکھیاں رہندیاں ای اوہتاں دی حیاتی دی آخری شام دی نگہ مٹی پر اوہ اکلے ای رہے۔ امہ اکھاپے واسپ ای اوہتاں نوں اندر واندی ڈنگدا رہندا سی۔

اوہتاں دا دوجا افسانہ جیدے وچ جنس دی بہت پریتا لہدی اے، اوہ ”جن دی چاننی“ اے۔ ایہدے وچ نواز نے بہت وڈی حقیقت توں گھنڈ لاہیا اے۔ ایسے طرح دا اک ہور افسانہ ”شیریا دے شیریا“ اے۔ جیدے وچ اک پاتر شیرا اے، جیہڑا کہ تاجی نال اوہوا ای محبت کردا اے جیہڑی محبت ”جن دی چاننی“ وچ راجا ر-شماں نال کردا سی۔ جنسی حوالے نال نواز ہوراں دے ایہناں افسانیاں وچ اک دکھ درد تے کرب دی موجودگی تے ہے ای ایہدے نال نال اوہ اپنے پڑھناں دی سوچ نوں وی سدھے رستے تے لیاندے نیں تے راہوں گراہے نہیں پین دیندے۔

نواز دے افسانیاں دا نفسیاتی مطالعہ کیتا جاوے تاں ”سدا ساگن“ دا شیرا اک اگھڑواں کردار ہے۔ جیہڑا عجیب قسم دی نفسیاتی کھچ دھرو دا شکار اے تے حقیقت توں بہت دور اے۔ اوہ اپنے آئیڈیل واسطے رونا چاہندا اے تے اوڑک اپنی قسمت نوں روندیاں اوہ ایس جہانوں ٹر گیا۔ دراصل شیرا اوہ بندہ اے، جیہڑا سوچاں وچوں باہر ای نہ آیا تے عملی دنیا وچ پیر ای نہ دھریا۔ اوہ تے سوچاں دے سمندر دا تارو رہیا۔ جے کر اوہ عملی زندگی وچ آندا تے اوہدے سارے ای چلے کئے جاندا تے اوہدی شریقاں ای اوہنوں ”ہیر“ بن کے دسدی تے انج شیرے نوں اوہدا آئیڈیل مل جاندا۔ امہ پینڈو ماحول وچ لکھی گئی کہانی اے۔ ایہدے وچ تاریخی تے تہذیبی استعارے ورتے گئے ہن تے ایہدا ڈھنگ لوک کہانیاں ورگا اے۔

”پنڈ دا باؤ“ تے ”پیار دی کھڈ“ کئیکئی حساب نال اکو جیہے افسانے نیں۔ امہ افسانے شعور دی رو دے افسانے نیں، جیہناں وچ اکو ای کردار سوچدا اے تے اوہدی سوچ دے حوالے نال اکو ای لہر وچ افسانے نوں مکاتا جاندا اے۔ نوری دے کردار نوں جے پھول کے دیکھیے تاں اندروں نواز ای آپوں بکھلے نیں۔ نواز اپنے ہر کردار وچ آپوں بیٹھے ہوندے نیں تے ایہو کردار اوہناں دی اپنی حیاتی دے مختلف کچھ روشن کردے جاندا نیں تے انج ایس نواز نوں اندروں پڑھ لینے آں ہی نواز دیاں سوچاں کیہ نیں۔ گل کیہ نواز دا اُلیکیا ہویا ہر پاتر اوہناں دا اپنا ای پرچھانواں اے۔ جیویں ”پیار دی کھڈ“ دا یوسف جیہڑا شعور دی رو بیٹھ کچھ دیر لئی تے کسے نہ کسے دا ساتھ لہہ لیندا اے، پر جدوں امہ لہر شدی اے اکلاپا اوہنوں آہیر دا اے۔ ایس افسانے وچ یوسف کون اے اصل وچ ایہو نواز اے۔ اوہ نواز جیہناں ساری حیاتی اکلاپے وچ گذاری تے اوہناں نوں جھممو نہ لہہ سکی جیہنوں اوہ باقی کڑیاں نالو دکھری سمجھدے سن۔ انج اوہ اوس گھردا خواب پورا نہ کر سکے جتھے اوہناں دی جھممو اوہناں دے گھر اوہناں دی بیوی بن کے رہے گی تے گھردا چلھا بالے گی۔

”دل دا پرچھانواں“ وچ نواز نے اک جوان کڑیاں دیاں سدھراں کچھ ایہو جیہے انداز نال اُلیکیاں نیں کہ اوس کڑی نوں اوہدا پیار مل جاندا اے۔ اوہ ”ہیر“ اے تے ”سیدے کھڑے“ نال دیا ہے جان دی بجائے ”راجھے“ نال ویاہی جاندی

اے۔ افسانہ شروع وچ تے المیہ رنگ لئے ہوئے اے، پر آخرتے سکھات ہو جاندا اے۔ ایس کہانی وچ نواز ہو ریں افسانہ آکھن دی کوشش کیتی اے کہ حیاتی دا عمل انسان دی سوچ بیٹھ اے تے افسانہ عمل سوچ دے دو دھاریاں نال اے جیہناں بارے کہانی کار انج لکھدا اے۔

”اج پہلی وار رضیہ دو دریاواں وچکار کھلوتی سی۔ کدی اوہ چڑھدے دریا ول ویکھدی تے کدی اوس دریا ول جیرا چپ پر ڈوٹگھاسی۔“

افسانہ حیاتی دے دو ترویوں دھارے نیں جیہناں نوں لکھاری نے دلیا دے دو کنڈھیاں دے ذریعے سمجھاوے دا جتن کیتا اے۔ ایس کہانی وچ انسانی جذباتی تے رشتیاں بارے عقلی رویہ اپناوے دا وسیا گیا اے۔

”دل دا پرچھانواں“ دی اک ہور پرت افسانہ وی نکھدی اے کہ لکھاری نے پچھلی پیڑھی نوں نویں پیڑھی نال ٹردیاں دکھایا اے۔ ہر نسل دیاں اپنیاں قدر راں تے سوچن دا انداز ہوندا اے، جیہناں پرانی پیڑھی قبولن لئی تیار نہیں ہوندی۔ اصل وچ سماج وچ سکون تے امن لئی ضروری اے کہ پرانی پیڑھی وی اپنیاں رویاں اندر کچھ چلک پیدا کرے۔ ایسراں بہت ساریاں روگاں دا دارو اپنے آپ ای ہو جاندا اے۔ ایس افسانے وچ ارسطو دا ”عالم امکانات“ دا نظریہ وی دکھائی دیندا اے۔ اوہنے آکھیا سی کہ ادب داکم نرا ایہو نہیں کہ اوہ ماضی تے حال وچ بیٹے نوں اکھراں دا روپ دے دیوے سکوں ادب آئیڈیل حیاتی گزارن دا سبق وی دیدا اے۔ انج نواز نے ایس افسانے وچ اک مثالی زندگی دا نمونہ دکھا کے سماج نوں اک نویں راہ دی چھائی اے۔

”جیون والے“ اک علامتی افسانہ اے۔ علامتی افسانے بارے جے گل کیتی جاوے تے کیا جاسکدا اے کہ اجو کا دور علامتی تے تجریدی افسانے دا اے۔ نواز دے افسانے ”جیون والے“ وچ بھادویں کوئی نویں علامت نظر نہیں آئی پر فیروزی افسانے دی ہیکل وچ علامتی مفہوم تے ہے دے تے کدھرے کدھرے افسانہ ایسے ہیکل وچوں نکل کے اپنا لشکارا وی کراندا اے۔ علامت نگاری دا افسانہ انداز تخیلی اے۔ ایہدے وچ نواز ہوراں تھاں تے ناں بدل کے ہیر رانجھے دی کہانی بیان کر دتی اے۔ حاجی دا کردار اتے بالکل اوہو اے جیرا ”ہیر رانجھے“ وچ سیدے

کھیرے دا سی تے شاید ایسے کارن ایس کردار نوں سیدے کھیرے نال بڑا پیار اے۔ ایس کردار نوں مکمل طور تے وی سیدا کھیرا نہیں کیا جا سکدا۔ بھاویں تمثیلی انداز اختیار کر دیاں ہوياں لکھاری نے کھیرے دیاں مفتاں ایہدے اندر پادتیاں نہیں پر علامتی افسانے دی تکنیک دے حساب نال علامت اپنے اصل نال مکمل طور تے مشابہت نہیں رکھدی سگوں کدھرے کدھرے رکھڑدی وی اے، تاں جے پڑھنار مقصد توں آسے پاسے نہ ہووے۔ نویں علامتی افسانیاں وچ کچھ ایہو جیہیاں علامتاں وی ورتیاں جاندیاں نیں۔ جیہڑیاں اپنے اصل نال بالکل ای نہیں رلدیاں یاں پھیر بہت ساریاں ہور شیواں دی نمائندگی کردیاں نیں۔ ایس افسانے دا اک ایہہ کچھ وی بند اے کہ کڑیاں تے منڈیاں دا ویاہ کرن توں پہلاں اوہناں دی مرضی ضرور پچھ لیتی چاہیدی اے۔

”اک سی تے اک سی بادشاہ“ وی اک علامتی کہانی اے۔ جیہڑی پو تے پتر وچکار چلدی اے۔ پر ایس کہانی وچ چونکہ سیاسی تے سماجی جبر وچوں پھنن والا بڑا سوڑا ماحول دکھایا گیا اے تے ایسے وجہ توں ای ایس انداز وچ اج وی اوئی ای کھچ موجود اے جنی کہ پہلوں ہندی سی۔ کیوں جے ایہدا ماحول ”الف لیلیٰ“ یاں ”پنچ تنز“ نال ملدا جلد اے۔ ایہہ افسانہ اپنے اندر جدت دے نال نال روایت نوں وی لے کے اگانہ رُدا اے۔ گل کیہ نواز دُھکویں لفظاں وی چون، تشبیہاں، استعاریاں تے تمثیلاں نال اپنے افسانے لا جواب بنا دیندے نیں۔ اوہناں دا ہر افسانہ اپنے اندر کوئی نہ کوئی سبق لے کے آوندا اے۔ ایہہ اصل وچ حیاتی دیاں اوہ پیڑاں نیں جیناں نوں نواز اکھراں راہیں کاغذ تے لیاوندے نیں تے نواز دا ایہہ انداز بیان سلاہن جوگ اے۔ آکھدے نیں عنی دھوکا بھاویں مرد دیوے تے بھاویں عورت اوہنوں ہمیش مندنا چاہیدا اے تاں جے معاشرے دے روگ گھٹن کیوں جے ایہو ای روگ معاشرے تے لوکاں نوں روگی کر دیندے نیں۔

”ڈو کھیاں شماں“ نال دا افسانہ نواز ہوراں دی اپنی حیاتی نال گُوڑھا سمبندھ رکھدا اے۔ ایہو ای افسانہ اے جیہدے اتے اوہناں ساری کتاب داٹاں رکھیا اے۔ انج ایس افسانے دی اہمیت ہور وی ودھ جاندی اے۔ ایسے کہانی وچ سچے عاشق دے پیار دی مثال انج دیندے نیں۔

”سچے پیار دی ایسو ای پچھان ہوندی اے جھوٹے پیار دے بدل کبدے ضرور نہیں پر ورحدے نہیں۔“

نواز دے باقی افسانیاں طرح ایسہ افسانہ وی شام دے استعارے توں خالی نہیں۔ شام تے پھیر ڈوٹکھی شام دا ذکر بار بار آوندا اے۔ کیوں جے نواز دل دے زخم مٹاون لئی شام نوں سبھ توں وڈا مرہم سمجھدے نہیں تے اوہ شام دے ٹھنڈے چانن نال پیار کر دے نہیں۔ ایس کمانی دی تمہید ای بہت لمبی اے تے دل دیاں ساریاں ای کیفیتاں بیان کر دیتاں نہیں۔ ایس وچ نواز نے کچھ بہتیاں ای علامتاں تے تشبیہاں درتیاں نہیں۔ ایہناں وچوں جے ہر اک دی تشریح کریے تاں بندہ مہمل بھوسے وچ پے جاندا اے۔ انج تے نواز دے سارے ای افسانے اوہناں دی اپنی ذات دے آل دوالے گھمدے نہیں، پر ایسہ افسانہ اوہناں ساریاں ای افسانیاں دا ست اے تے ساریاں افسانیاں نوں آپس وچ جوڑدا جاچدا اے۔ افسانے وچ معاشرے دے ایہیے روگاں دل اشارہ اے، بیہناں وچ منڈے تے کڑیاں جتلا ہو جاندے نہیں تے پھیر مرضی دا ساتھی لبھن دے چاہ وچ دھوکا کھا جاندے نہیں۔ ایس افسانے وچ نواز دے ڈرامائی انداز دی وجہ توں ایسہ ہُن پتہ نہیں چلدا اپنی اوہ کڑی جی جی دو بالاں دی ماں ہے سی یاں صرف اپنی شرمندگی تے اندر لی ہار تے شکست نوں مٹکان لئی ایسہ گل آکھ گئی اے۔ کیوں جے ایس انکشاف توں بعد نواز اوہنوں اپنے زور نال ہدا دکھاندے نہیں کہ منڈے نے اپنے کناں تے ہتھ رکھ لے سن۔ دوجی پرت ایسہ وی ہو سکدی اے جی اوہ منڈا تے کڑی نال دلوں محبت کردا اے پر اوہ کڑی پیار کرن وچ ٹھیکے پاؤن وچ تے نت نویں یار سپرمن وچ تجربہ کار ہو گئی اے، پر منڈے دا پیار سچا ۵۔ ایسے پاروں اوہنوں حق سچ دا چانن ہو گیا تے اوہ ڈبدا سورج جیسے دل نواز نے اشارہ کیتا اوہ منڈے دے جذبات دی ناکامی دا سورج اے، پیرا ڈبدا ڈبدا بچ گیا۔ نہیں تے منڈا خورے داغی نہ ہو جاندا تے یاں پھیر -----! دراصل نواز دی اپنی حیاتی تے ڈونکھیاں شاماں دا بہت اثر اے۔ بیہنوں کھکھ رکھ کے اوہناں کمانیاں اُلیکیاں نہیں۔ نواز غم دے پنتاں نوں سچے پیار دی جینکے سمجھدے نہیں تے جے کر پیار دی منزل دے راہی غماں دی گھمٹی وچوں لکھ کے کندن نہ بنن تے اوہناں دا پیار سچا نہیں ہوندا۔ اوہناں حقیقت دیاں تصویراں نوں

رومانی انداز نال بیان کیتا اے تاں جو پڑھنار کے کمائی نوں اودھ وانا ای نہ چھڈ دیوے۔ اوہناں حقیقت نوں علامت تے رومانیت وچ لھوٹ کے ساڈے ساہنے کھلاریا اے۔ ایہہ تاں پڑھن والے تے مکدی اے عی اودھ رومانیت وچوں حقیقت نوں لہسنا چاہوندا اے کہ نہیں۔

”ایویں جیسی کمائی“ اک ایجی حقیقت تے اُساری اے، جیہدے توں کے زی روح نوں انکار نہیں، اودھ اے موت۔ کمائی وچ لکھاری نے بہت حد تیکہ جذبات نگاری کولوں کم لیا اے۔ افسانہ پڑھ کے پڑھنار دیاں اکھاں وی رہج جانڈیاں نیں۔ افسانے وچ ورتے جان والے مکالے ای افسانے دی جان نیں۔ اک حوالے نال ایہہ وی دیا اے کہ کیویں انساناں تے دکھ واپردے نیں تے دوجے لوکی کیویں گلاں کردے نیں۔ کسے دے غم وچ کوئی کوئی ای دلوں شریک ہوندا اے باقی سارے تے بس حاضری لواندے نیں۔

”بیری دی چھاں“ حیاتی دے کنڈھے کھلوتے اوہناں دو کردار ایں دی کٹھا اے جیہڑے کچے گھرے تے پار اترن دی خواہش تے رکھدے نیں پر سماج تے ایہدیاں زنجیراں توں ڈردے وی نیں۔ ایہو ای بے ہتے کردار زندگی نوں زیر کرن دا حوصلہ نہیں رکھدے۔ اوہناں دا جی تے کردا اے عی اودھ پیار کرن تے مرضی دا ور لہسن تے اوہدے نال ای رہن پر اوہناں وچ ایہا حوصلہ نہیں ہوندا عی دنیا نال اپنے پیار لئی ٹکر لے سکن۔ نواز پنڈاں تھانواں دے پیار تے اوتھے دی دسوں دے چنگے جانو نیں۔ اوہناں دیاں سوچاں نے شہراں دے ماحول نوں وی اپنے دگن وچ لیا ہویا اے۔ اودھ لوکاں دے خیالاں دا ست کڈھ کے ساڈے ساہنے رکھ دیندے نیں۔

نواز دے افسانے کھتیک دے حساب نال رومانی ضرور نیں پر نری رومانیت ای نہیں ہیکی سگوں رومانیت تے حقیقت پسندی دا اُچھا سنگم ہن۔ اودھ نرا جذبیان وی رو وچ ای نہیں بہہ جاندے سگوں اوہناں جذبیان راہیں اپنے پڑھنار نوں کچھ نہ کچھ نویاں گلاں تے تجربے دیندے نیں تے جذبیان نوں مخفی دی بجائے ثبت رکھنا چاہندے نیں۔ اوہناں دے افسانیاں وچ رومانیت دی لہر دے نال نال ہور لہراں دی ٹردیاں نظریں آوندیاں نیں۔ مثلاً ”اودھ شعور دی رو بیٹھ وی افسانے اُیکدے نیں تے علامتی انداز وی اپناندے نیں۔ اوہناں دے پاڑ حقیقی دنیا دے نیں، جیہناں

دے دکھاں دردوں نوں اوہناں رومان دا پنادا پوا کے ساڈے ساہنے رکھ دتا اے
 تاں جو پڑھنار دی دلچسپی قائم رہوے۔ اوہناں ایسے مسلیاں تے قلم پکيا اے
 بیڑے نویں نسل نوں متبرکے نہیں تے کجھ ازلی دکھ نہیں۔ اوہناں پیار تے قلم نیشن
 دے مفہوم وچ فرق واضح کر دتا اے۔ اوہناں دیاں کہانیاں جے جنہی رُحان
 رکھدیاں نہیں تے اوہناں جنس نوں منفی رویاں دے حوالیاں نال پیش کر کے اوہدے
 وچوں مثبت نتیجے کڈھے نہیں۔ اوہ حقیقت پسند نہیں تے اوہناں گھریلو تے سماجی مسلیاں
 تے گل کیتی اے کوئی چڑیاں، جٹاں، بھوتاں دی دنیا تے بحث نہیں کیتی تے نہ ای
 اوہناں دے کردار ایہو جیسے فرضی ہن۔ اوہ تے بس پنل نال رنگ برنگیاں دن
 سونیاں تصویراں بناندے جاندے نہیں۔ ہُن ایہہ تے پڑھنار تے منحصر اے بنی اوہ
 اوہناں نوں کس رنگ وچ لیندا اے۔ اوہ ایسے کہانی کار نہیں جینہاں اپنے افسانیاں
 وچ علامتاں تے تشبیہاں نوں تھاں سرورت کے اوہدا ودھ توں ودھ اُتر پیدا کیتا
 اے۔ اوہ قلم نال بیڑی مورت بناندے نہیں اوہ سلاہن جوگ اے۔ کیوں جے
 اوہناں دے السانے پڑھیاں قاری اوہناں دی دنیا وچ ای گواچ جاندا اے تے مڑ
 اوہ آپ ای ہندے توں بھلیاں وچوں کڈھ لیادندے نہیں۔ اوہ کرداراں دی
 نفسیات توں اپنے جالو نہیں کہ جاہدا اے کہ کوئی بہت وڈے نفسیات دان ہون۔
 اوہناں بیڑے کردار چنے نہیں اوہناں نوں جیس طبقے دا دکھایا اے، اوہناں دی زبان
 وی اسے طبقے والی رکھی اے۔ کیوں جے اوہناں دیاں کہانیاں حقیقت دے نیڑے
 تاں ای لگ سکدیاں نہیں جدوں اوہناں دے کردار وی حقیقی جاپن گے۔ اوہ
 کرداراں دے مسلیاں نوں ایسے سوہنے طریقے نال حل کر دے نہیں بنی پڑھنار
 دے ذہن تے کوئی منفی سوچ نہیں اُبھردی۔ اوہناں دے افسانے تجسس نال بھرے
 پئے نہیں۔ جدوں تک قاری آخری لائن نہیں پڑھ لیندا اوہ مکمل طور تے نتیجے توں
 بے خبر ہوندا اے۔

نواز دے افسانیاں وچ شام دا بہت ذکر اے جے کرگوہ کیتا جاوے تے
 رومانی لکھاریاں دے دلاں وچ ایہو جیسی شام ای اُتری ہوندی اے۔ گل صرف اپنی
 اے بنی کوئی ناں لے لیندا اے تے کوئی نہیں لیندا۔ ایہہ لوک ہرے ہوئے ہوندے
 نہیں ایہہ سماج دے دکھاں دردوں نوں تاں بیان کردے نہیں تے اینہاں دکھاں نوں

بیان لئی جے اوہ اکا ای سدھ پدھرا طریقہ اختیار کر لین تے اوہناں دیاں کہانیاں تے
 زریاں مڑیاں خبراں ہی رہ جاون، جیہناں وچ صرف معاشرے دے کوڑھ تے زریاں
 کڑتاں ای ہوں۔ کہانیاں وچ دلچسپی تے اوہناں زہری حقیقتاں نوں بیان لئی
 اوہناں نوں کسے بھاونے جیہ لفافے دی چمکی جیسی پکینگ وچ بند کرنا پیدا اے تاں
 جے کہانی پڑھن والا خوشی نال پڑھے۔ نواز دے افسانیاں وچ ایس حیاقی دا سچ
 لشکارے پیا ماردا اے۔ نفسیاتی حوالے نال کسے وی لکھاری دیاں لکھتاں اوہدی
 اندرلی شخصیت دا آئینہ ہوندیاں نیں۔ نواز آپوں وی دکھاں دے مارے ہوئے نیں
 تے اوہناں دیاں لکھتاں وچ وی اوہو ای دکھ نیں۔ اوہ آپ وی اکلاپے دا شکار سن
 تے اوہناں دیاں کہانیاں وی انسان دی ازلی نرا سی تے اکلا بیان کردیاں نیں۔
 اوہناں دیاں کہانیاں کدھرے جگ بیتی توں ہڈ بیتی ول تے کدھرے ہڈ بیتی توں جگ
 بیتی ول سفر کردیاں نیں۔

نکدی گل اسمہ کہ نواز اج دے لکھاریاں وچوں اک اجیہا ناں اے جیہناں
 پنجابی کہانی نوں اک نواں موڑ عطا کیتا اے تے نواں رنگ ڈھنگ بخشیا اے۔ اوہ
 ایہیہ کہانی کار نیں جیہناں پنجابی کہانی دیاں کندھاں نوں ایہیہ چترکاری نال شگھاریا
 ہی اوہدا کوئی وی رنگ پھکا نہیں پین دتا۔ نواز اک انتھک تے محنتی لکھاری سن تے
 اوہناں اک اجیہا دیوا بالیا اے جیہدی لو وچ کچھے آون والے لکھاریاں نوں رستہ
 لبھن تے منزل تیکر اپڑن وچ اوکھیاں نہیں ہووے گی تے اوہ نواز دے رستے تے
 مڑدیاں مڑدیاں پنجابی کہانی نوں نویں نویں جہانناں نال روشناس کران دے نال نال
 نویں جہان آباد کر دے چلے جان گے۔

جٹ دی کرتوت

میراں بخش منہاس دا ناول اک سدھی پدھری کہانی اے۔ ناول اینوں
 کیا جا سکدا اے کیوں جے ایہ کہانی (Short Story) ناولوں لیرا اے۔ ایہ
 ناول ایسا سادہ اے پئی اینوں بے رنگا کیا جا سکدا سی، پر ایہدے وچ کجھ رہتل
 تے ویلے دے ایہے رنگ ہن، جیڑے ہور کئی ظاہرا ٹچیاں ناولاں وچ نہیں۔ ڈاکٹر
 باقر ہوراں دے ”ہٹھ“، ارشد چہال دے ”چیزھاں دی چھاں“، سجاد حیدر ہوراں
 دے ”چتر باغ“ تے حسین شاہد دے ”ڈراکل“ وچ وی پنڈاں دی رہتل دا ذکر
 اے، پر ایناں سارے ناولاں وچ نہ پنڈ دا محاورہ اے نہ پنڈ دی اصل رہتل دا کوئی
 نقش مہاندرا۔

پر نری زبان یاں رہتل دے سگوں نقشے، وائی نیچی، رسم رواج تے واہ
 ورتن دے کھاتے نال ناول تے نہیں بن ویندا۔ بھادویں نظم ہووے تے بھادویں کہانی،
 گل رمز بیاں نہیں پکدی۔ اکری سدھی گل جچی بھی ہووے تاں اوس وچ زور
 سیانپ تے بیان تے علامتاں دے رنگ پایاں بیاں ہاندی نہیں بندی۔ ناول وی سے
 رنگ دیاں ہاندیاں ہن، بیہناں وچ کئی مصالحوں ورتے جاندے ہن۔ ہاسے دی گل
 وچ رون دا لون تے روون وچ ہاسے دا گنڈھا پایاں بیاں تے ہاسا تے روتا بھی نہیں
 بندا۔ ایہ گل جیڑی پروفسر آصف خاں ہوراں ناول دے پنجابی ادبی بورڈ والے
 ایڈیشن وچ لکھی اے۔ ”ایہ پنجابی ناول دا مول کر کے اک مڈھلا بھرواں ناول اے
 تے ایس دے لکھے بیاں سیکھوں دے نویں ناول نہ لکھے جا سکدے۔“ اک بھولی گل
 گلدی اے۔ ڈھائی سو ورھے پہلوں وارث شاہ ہوریں بھی تے جٹاں دیاں کرتوتاں
 تے حیاتی بارے لکھ رہے سن، پر اوہ گلاں تے رمزاں تے رنگاں نال بھریاں بیہناں
 ہن۔ ایہ ناول ایس طرح ضرور پڑھیا جا سکدا اے پئی موجودہ پاکستان دے علاقے

وچ ناول نگاری دا پچھوڑ کھ اے؟ پر ایس کھنے پچھوڑ کارن اے تیک پاکستان وچ کوئی چنگا ناول نہیں لکھیا گیا۔ انج سہی ہوندا اے پئی چنگا سوچن تے لکھن والے ہور زباناں تے کماں دے آہرے لگے ہن۔ پنجابی لکھن ول تے پڑھن ول کسے دھیان نہیں کیتا تے پنجابی وچ ہر ”لنڈی رن پردھان“ بنی پھردی اے۔

ایسہ کہانی اک سدھا جیہا ”دیہات سدھار“ دا وعظ سہی ہوندا اے۔ نواب خان اپنی دھی برکت دے ویاہ تے اپنے وس توں ودھیرا خرچہ کردا اے۔ ساہوکار مٹھو رام قرضے دا کھاتا لکھدیاں بھی داء لاوند اے تے مڑ لوکے دے اک ہور زیویں دار بہاول نال رل کے بہاول توں زیویں خریدن دا سوانگ رچاوند اے۔ دعوے کر کے مٹھو رام زیویں قرق کروا لیندا۔ نواب دین دا گھرا جڑ گیا۔ اُدھروں دھی برکت نوں سوہریاں خوار کر کے گھروں کڈھ دتا۔ بڑے دکھتاں وچ بھکھ تنگ بیماری وچ اک نکا پتر تے نواب دی دھی دولت مرویندی اے۔ مڑ اوہ اپنے اک ججن پھولا سنگھ دی مدد نال وریام سنگھ کول لائل پور جا کے اوہدی زیویں واہندا اے تے سدھی راہ پوندا اے۔ محنت کردا اے تے بچت کر کے کجھ ورہیاں بعد مڑ کے اپنے پنڈ پرتدا اے۔ اپنی زیویں بندھنوں مچھڑاند اے۔ اوہدے کڑم بھی پچھتاوندے ہن تے برکت مڑ کے دسدی اے۔

ایس ناول وچ چھوٹے چھوٹے گنڈھ تے پاتر انج دے ہن پئی سلیمہ شہر دی اک کڑی پنڈ دے ویاہ تے نواب دے کرتوتاں دا ڈراما ویکھدی اے۔ مڑ اک ”دیہات سدھار“ دا کیپ لگا اے، بیہڑے فلم دے ذریعے گلاں صفائی تے زرعی قرضے لین دے بارے دکھاندے ہن۔ نالے عبرت واسطے نواب دین دی گل مناندے ہن۔ ایسہ بھی پرانے نانک وانگ کمزری والے پاتر ہن۔ جیویں سنگھ دے مگتے ہیرو، ہیروئن نال بیتی گل دا گاؤں گاؤندے ہن یاں اک پاگل پاتر سیانیاں گلاں کر کے کہانی دے پرت دکھاند اے۔ ایسہ تے نواب دین دے اجڑن دے بعد سنورن دے نال اوہدے کڑماں دا تے دھوکھا دین والے بہاول دا اجڑن بھی ناول دی سادگی دی نشانی ہن۔ جیون نہ ایڈا سدھاتے نہ ایڈا نیاں کار (منصف) اے۔

جیویں ایس پہلوں کہیا اے پئی ”جٹ دی کرتوت“ پنجابی وچ ناول لکھن دی تاریخ دی اک منزل دے طور تے ویکھیا جا سکدا اے۔ پر ایسہ تاں ہووے

جے ناول پاکستان وچ اگانہ ٹریا ہووے۔ بیہڑے اپنے حسایں نویں تے علامتی ناول
بھی لکھے گئے ہن اوہ بھی سکھنے ہن۔ سگوں میراں بخش ہوراں دی زبان اوہناں ناولوں
کچھ ول اے تے پنڈ دی رہتل بارے اوہناں دی چنگی جانکاری اے۔

رساں رواجاں تے دکھاوے تے چوکھا خرچہ میراں بخش ہوراں زندیا اے
پر ایہہ گل بھی اک ہور زاویے توں اج کل دیکھی جا سکدی اے۔ اساڈی ریت
روایت جسدے بارے اسیں جُن کچھ نہیں جاندے اوہدے کچھ رنگ ”جٹ دی
کرتوت“ وچ نظر آوندے ہن۔ ایہہ پئی بیور دو کپڑیاں دا جوڑا، لک دا تے گلے دا۔
تے تیور تیاں کپڑیاں دا۔ لک دا، گلے دا تے سرے دا آہے، جُن گھٹ لوکاں نوں خبر
اے۔ مایاں دی رسم ماڑی موٹی ہے، پر بیڑو گھوڑی کھڈاون جیہیں وچ کھڈوانیاں نال
مورتیاں بنا کے کڑیاں لاڑھے دے گھر دیاں رٹھاں گاوندیاں سن، جُن نہیں کھیدی
جاندی۔ جے پڑھن والے ایہناں سبھ لفظاں گلاں دی کھوج لان تے ایس کتاب دے
اندر زبان تے محاورے دے رنگ ڈھیر بھدے ہن۔

پنجابی ناول دی تاریخی پڑچول بھی ایس ناول راہیں تداہی ہو سکدی اے
جے اسیں ایس ناول نوں دوجے پنجابی ناول نال رکھ کے دیکھیے۔۔۔۔۔ اک ایہہ بھی
گل بھالن والی اے پئی اج کل نویں علم تے نویاں گلاں، اخبار، ٹی وی ریڈیو راہیں
دیکھ کے ایہہ ناول ہور سادہ سہی (جاپدا) ہوندا اے۔ ایہہ گل یاد رکھنی چاہیدی
اے پئی رسم نوں سادے لوک رنگ مانن یاں کھیدن واسطے نہیں کردے۔ اوہ
ایہنوں مذہب بنا کے گل پالندے ہن۔ داج دینا تے داج دی لوبھ اک اجیہا پواڑا
اے۔ اجے بھی لوک ایہہ گل اپنے گل پالندے پئے ہن پئی فلانے کڑی نوں ٹی۔وی
تے فریج دتا، تے فلانے کڑی نوں ایناں زیور پوایا۔ کسیاں کڑیاں دیاں زندگیاں داج
نہ ہون پاروں اُجڑ دیاں ہن تے کئی گھروس توں ودھ خرچ کر کے اُجڑدے ہن۔ پر
وڈا سبق پنجابی زبان تے رہتل دے تاریخ دان لئی داج دی گتری اے۔

”اٹلی مچھے تریور“ راکھویں کنیں والیاں لاجیاں نال تے اتہاں اکی روپے
بریاں دے، اکی سچے بیور تے اکی روپے بیڑیاں دے۔ اکی سروپا، لاڑھے دا سر تور
پیراں تیک مچھا ریشمی جوڑا۔ سونے دا کنٹھا، ناما تے چھاپ لاڑھے دی۔ بی بی دی نتھ
بلاک لونگ جزاؤ تے مہنگیاں دا ہار۔ ناما، پھل آرسی، پنہیاں تے چھاپاں، نوٹومبار

سونے دیاں ، بوٹے ، بانکاں تے توڑے ، تن ٹومباں چاندی دیاں ، یاراں ٹوکریاں
 پکوان ، دو پٹنگ ، دو پیڑھے ، دو تھلیاں ، دو رضائیاں ، دو سرہانے ، دو دریاں ، دو
 کھس ، اک چرخہ ، کوتر سو بھانڈے نال ، ایس دیروے نال دیگ سنے ست دگچے ،
 دیکھیاں سنے ڈھکناں تے کڑچھیاں ، ست پراتاں ، یاراں تھالیاں ، یاراں تھال ، یاراں
 کٹورے ، یاراں گلاس ، پنج کڑاہیاں ، ست لوٹے ، پنج توے تے لوہاں ، پنج گاگراں ، تن
 طشتریاں ، پنج گڈوے ، ولھوٹیاں ، دو صندوق ، ست نجھس ، بیسناں دے متھے نکلے ،
 یاراں گاواں ، ست گھوڑیاں سنے تھملاں ، تن ڈاچیاں ، دو جوگاں داند سنے ہلاں
 پنجالیاں ، تن سو روپیہ روک۔“

ایس لسٹ وچ بھی ڈنگر ودھیرے پر منجیاں بسترے تھوڑے ہن۔ ڈنگراں
 دے حساب نال تے سو بسترے ، رضائیاں ، تھلیاں ، چادران کھساں ، سرہانیاں سنے
 اتے چالھی منجیاں دہ پٹنگ نواری دہ پٹنگ سوتری دہ پٹنگ / کڑتلی دے ہونے چاہیدے
 آہے۔

پر ایسہ گل نہیں مچھلنی چاہیدی پئی اساڈی پڑھنی اک پڑھے لکھے شہری پڑھن
 والے دی اے۔ پنڈ دے لوکاں واسطے ایسہ سادی تے سدھی کہانی خبرے ودھیری
 سوہنی ہووے۔ پنڈ دے لوکی وی سادے تے نہیں۔ اوہناں بھی ہیر پڑھی اے تے
 سے رمزاں جاندے ہن۔ آخر پنجابی زبان پڑھن دا آہر بھی تے لوکاں نال رلن
 اے۔ اوس پدھر تے ایسہ ناول خبرے ہیتنا نہ ہووے۔ ایسا پینترا تے آہر اے
 سدھارتے لوکاں دی پیڑ والا ہے۔ ایسہ اکثر نویس تے پرانے کچیاں تے سکھنیاں
 ناولاں توں چنگا پر اخیر اک سدھا سادہ جیہا ناول اے ، جیہا پڑھنا پنجابی ناول دی پرکھ
 واسطے ضروری اے۔ ناول دی بریک پڑھنی بھی ضروری اے۔ نواب دین پھولا سنگھ
 راہیں دریام سنگھ کول جاندا اے اوتھے میراں بخش ایسہ گل لکھدا اے پئی دریام سنگھ
 دی بھ مذہباں نال اک ورتن اے۔ ویسہ دی دہائی وچ ایسہ آہر وچ اوس ویلے
 نال جڑیا ہویا اے۔ انجے ایس کہانی دی ستر زبان تے علامتاں ہوں بھی سمجھن دی لڑ
 اے۔ پئی میراں بخش منہاس ہوراں انج کیوں لکھیا۔ جتھے ناول لکھن لئی 1926ء وچ
 یعنی آج توں ستر ورھے پہلوں ہو رکئی اوکڑاں سن اوتھے ایسہ بھی سی پئی سرکاری
 مذمت پاروں آپ اپنے نال لکھ دی نہیں سن سکدے۔ اوہناں ”عبدالرحمن“

منہاس ”دے ناں تھلے ایہہ ناول چھوایا۔ سرکاری ملازمت کر کے آپ سیاسی گل اکا نہیں سن لکھ سکدے۔ انقلابی وچار سیاسی جاگ جیہڑی اوس ویلے سارے پنجاب وچ آہی اوس دی سرت جے آپ نوں آہی تے آپ اوس طرح لکھ نہیں سکدے سن، پر کدی گل ایہہ ہے پئی جیون وی اک گھمبیر سیاست اے۔ ناول اک ویلے دی کمافی بھی ہوندا اے تے ویلے دی کمافی ویلے دی سیاست دی سُرَت بناں لکھی نہیں جا سکدی۔ اج کل دا ناول پاکستانی پنجابی ناول تے اردو ناول بھی ایس گلوں پیتا اے پئی لکھن والیاں وچ تاریخ تے سیاست دی سُرَت نہیں۔ میراں بخش منہاس ہوراں دا آہرتے اک سرکاری ناول دا خبرے ہووے، پر سرکار دی صفت کوئی کیتی نہیں گئی سوائے دیہات سدھار دے کیمپ دے ذکر دے۔ ناول دی اصولوں بریک پڑحت نال ایہہ تے کئی ہور گلاں سمجھ آوندیاں ہن جیہناں تے وچار تے بحث دی لوڑ اے۔

ط
ہم

جے اسیں ”جٹ دی کرتوت“ توں گل چھوہیے تے اوہ پنڈ دے بہوں سادہ بندیاں دے سادیاں پواڑیاں دی کہانی آہی۔ ڈاکٹر باقر ہوراں ناول دے ہیرو نولر ہر شے وچوں لنگھاون دا آہر کیتا اے۔ پنڈ، شہر، غریبی، امیری، کیاں دا گھر، امیراں دا گھر تے راجے دا گھر، دو چار چھ کڑیاں نال ہیرو دا ٹاکرا۔ ممٹر لہور تے لندن پڑھنا، ملک دا بؤارا، پاکستان بننا تے ممٹرٹ مار ویکھ کے ہیرو ڈاکٹر کے پنڈ دے فقیر دی مچھلی ول ٹر پینا۔ جیویں کدے کدے فلماں وچ آہدے ہن مڑ ہیرو ڈب دے سورج وچ وڑ گیا۔ ”He walked away into sunset“۔ پر ایڈے وڈے گھیرے دا مطلب ایہہ نہیں پئی ہٹھ کوئی وڈا یاں چنگا ناول تھی گیا اے۔ ایہہ لکھت (ادب) دی پدھر تے ماڑی زبان تے اک بے ٹکی کہانی پاروں ”جٹ دی کرتوت“ نالوں بہوں بیتلا ناول اے۔

پرانے تے ماؤرن (اجوکے) ناول وچ ایہہ بھی فرق دسدے ہن پئی پرانے ناول وچ اک ماحول بندا اے۔ بچہ وڈا ہوندا اے۔ آل دوال نال اوہدی شخصیت اک خاص ڈھنگ دی بندی اے۔ سگوں ہور ناول دے پاتر اپنے حالات دی پیداوار ہوندے ہن تے کہانی راہیں ہیرو نال جڑ دے، پھڑدے تے وچھڑدے ہن۔ اجوکے ناول وچ ہیرو بنیا بنایا پاتر اے تے ہر قسم دے ماحول، حالات تے شہراں وچ اوہدا اک بے دسا سفر اے۔ ایہہ ماؤرن ناول آج دے ماحول تے پرانیاں قدراں دی ٹٹ بھج، اک مٹی بھی غلامتی تے اجوڑ کہانی راہیں دکھاوندا اے۔ آگوں چل سو چل۔ لوکاں کدھرے بے نانویں تے کدھرے نتھانویں بندے دی کہانی پائی اے۔ کدھرے کدھرے رات وچ کہانی مکدی اے تے کدھرے قراۃ العین حیدر دے ”آگ کا دریا“ وانگوں تے ہر من ہی (Herman Hesse) دی ”سدھارتھا“ وانگوں ہزاراں

ورہیاں دا سفر اے۔۔۔۔ اپنے حساب نال فخر زمان نے بھی اجوکا ناول لکھن دا جتن کیتا اے، پر ڈاکٹر باقر ہوراں دا ہٹھ تے فخر زمان دا ناول اکو سطح دے کمزور ناول ہن۔

اک پدھر تے ایسہ ناول نکلاں جن کجھ لکھیاں گئیاں ناولاں تے منسیاں ہونیاں گلاں دیاں۔ پر نقل تے اصل بندی نہیں۔ کمائی وچ زور تے ہڈ ورتی دے سچے تے کجھے بیان نال آوند اے۔ ہر بشر دی کمائی اک ناول اے۔ جے اوہ سگوں بیان ہووے تے جج نال لکھی جائے۔ ڈاکٹر باقر ہوراں دیاں گلاں منسیاں منسیاں لگدیاں ہن ہڈ ورتی نہیں۔ ہو بھی نہیں سکدی۔ گل ہمیشہ اجوڑ ہوندی اے تے کدھرے سرے چڑھدی ای نہیں۔

اجوکے ناول دا آہر بھی نہیں کیوں جے کمائی کافی حد تاں روایتی اے۔ احما غریب گھر دا چھوہر اپنی محنت نال پنڈوں شہر تے لہوروں لندن جاوند اے۔ ایہناں گلاں دیاں کڑیاں بھی نہیں مجڑ دیاں پئی جیڑی ماں وزیر آباد نہیں سی ٹور سکدی اوس لہور کینج ٹوریا۔ وینفیاں نال تے گزارہ نہیں ہونداتے لندن اپڑتا ہوہر بھی انہونا سسی (معلوم) ہوند اے۔ دوست بھی پنڈ آلے فقیر چھوہر دے علاوہ حیاتی وچ ہیرو دا بند اکوئی نہیں۔ ایسہ پاتر ضروری ایس لئی جن پئی ایسہ ای ہیرو دی حیاتی دی ستر بندے ہن۔ ماں پو شروع وچ آوندے ہن تے مڑ ماں دلی کجھ دن جاوندی اے۔ تے رہندے ناول وچ ماپے غائب ہن۔ آخر پنڈ دا چھوہر، اوہدی شخصیت، خیالات، اوہدے ماپیاں تے مہر قبیلے بناں نہیں بندے۔ استادان دا بھی ایسا حال اے۔ اک پنڈ دے نماںے نشی دا دیا ایسہ انہونا اکھان پئی ”حیاتی گزارن لئی وڈا جگرا چاہیدا اے“ سبھا وچ صبر تے حوصلہ نہ ہووے تے گل نہیں بندی“ ایسہ تے ایویں ای ہے پئی آندیاں لئی کڑیاں لوڑیدیاں ہن، پر ایس دے علاوہ ہیرو دے پلے کجھ بدھا نہیں گیا کوئی مضمون، علم، گیان، تجربہ جیس ناک اوہدی شخصیت بنے۔

ہیرو دی حیاتی دی چھاپ بن دی عمر تے اک کوٹھڑی وچ اک جوان کڑی نال اک منجی تے سوندیاں گزر جاندی اے۔ اچھی (صفحہ 49) تے کندی اے ایہدیاں منگاں جن بہوں لیاں ہو گئیاں نیں۔ اینوں دکھا سواؤ۔ جوان کڑی۔ جوان ہوندا چھوہر تے کدے کسے مورکھ اکٹھے نہیں سوائے بھادیں گھر وچ اک منجی

ہوے۔ ایسے ڈاکٹر صاحب دا بھوہن اے۔ کیوں جے اوہناں اکثر گلاں مٹنیاں مٹنیاں ہی لکھیاں ہن۔ ایس لئی گل ہمیشہ رہت توں بہوں دُراڑی تے انہونی ہندی اے۔ آزادی دی تحریک جیہں وچ شامل شر دا بدماش لیڈر اے تے مڑ انگریز آکے سکول دیاں چھوہراں نوں سزا دیندے ہن، اک جعلی قلمی گل اے۔ آزادی دے پاتر تے اکثر بہوں پڑھے لکھے انقلابی سن جیویں بھگت سنگھ وغیرہ۔

کمانی وچ کدھرے کدھرے کوئی ٹانکا اصلی بھی لاون تے اوہ اوپر اگدا اے کیوں جے رہندی کمانی نال اوس دا جوڑ نہیں ہوندا۔ مثلاً "اچھے دا اک کنور صاحب دے گھر جانا" جیہں دے بعد کنور صاحب مڑ گواچ جاندے ہن۔ "ہور اخبار آلے مولیٰ صاحب جیہڑے کجری نوں واپسی دا کرایہ بھی نہیں دیندے" (ص 91) تے اچھے نوں بیسیاں دی امید نہیں رہندی۔ پر فیہر مولیٰ صاحب اخبار والے سبھ پاتراں طرح ماڑی جیسی جھاک دے کے گواچ دیندے ہن۔

عورتاں دے سارے پاتر بیتلے تے قلمی سہی ہوندے ہن۔ رحمت بی بی کنور دی بھین، "ہور وچ انگریزاں وانگ بولدی اُر ملا" رائے صاحب دی دھی پُرملا، پُرملا دی بھین سبھ دوروں ڈٹھے ایویں گھڑے ہوئے پاتر ہن۔ کوئی بھی کڑی کمانی وچ نال نہیں رُدی۔ رُدا تے نال کوئی پاتر بھی نہیں پر عورتاں نال باقر صاحب دا اک بہوں دور دا رشتہ سہی ہوندا اے۔ دکھاندے ہن عورت دا نرم پنڈا تے چٹا رنگ۔ ایسے اک عجب پنڈو منڈے دا مُسفا سہی ہوندا اے۔ جتھے ار ملا نال پڑھن یاں رائے صاحب دی دھی نوں ترائی سکھان دی گل اے اوہ بھی ادھوری جیسی گل رہ جاندی اے۔ کوئی نفسیاتی اڑیکا ڈاکٹر صاحب دے ذہن وچ سہی ہوندا اے عورت دے بارے۔ گلاں اُکا انجان تے پیتلیاں ہوندیاں ہن۔ اچھے دی ماں تے بڑھی بھی جیوندے پاتر نہیں بندے۔

اچھے نوں انگلستان تے مڑ ملک دے ہوارے تے ہندوستان لیاون وچ ایسے گل تے سمجھ آویندی اے پئی ڈاکٹر صاحب اک (Panoramic) وڈے گھیر دا ناول لکھنا چاہوندے ہن۔ پر ناول دے پاتر نوں پھیریاں تے نہ انگلستان دی تصویر بندی اے تے نہ ای پاکستان دی۔ اک سکھنا پھیرا تے ناول دا گھیر نہیں ودھا سکدا۔ پاکستان دی لٹ مار تے پہلوں انگریز پروفیسر دا پی ایچ۔ ڈی دے تھیس وچ انگریزاں

دے خائف لکھن توں روکنا بھی ہوں انہونے ہن۔ جائو لوکاں نوں پتہ اے پئی انگلستان دیاں یونیورسٹیاں وچ آزادی ہی نہیں سگوں اک انقلابی ماحول سی۔ ایہہ کیویں رتھہ کے اتھے تے پابندی لگی، سمجھ نہیں آوندی۔ پاکستان دی گٹ مار شروع دتاں وچ ہوں سی پر پی ایچ۔ ڈی دا ایٹا بھولا ہودن بھی اصلی نہیں لگدا تے مڑ اپنی مایوسی پئی اوہ پنڈ دے فقیر چھوہر کول مڑ کے جانا چاہوند اے۔ مایوسی دا چوکھا ودھا اے۔ جے ڈاکٹر صاحب دا جتن ایہہ ہے پئی چوکھا سیاہ رنگ بھرن نال تصویر وچ اثر پیدا ہوسی تے ایہہ بھی درست نہیں۔ رمزدی گل اشارے نال تے باریک لائنیں نال گھلدی اے۔ ناول ”اٹھ“ وچ زبان تے ہور کمزوریاں دے علاوہ (Subtle) یاں باریک نہ ہودن ایہدی وڈی کمزوری اے۔ ہر پچھروں ڈاکٹر باقر صاحب ہتھوڑے نال مار دے ہن تے ہر پھل نوں ایڈا دور رکھ دے ہن پئی اخیر کوئی رنگ ڈھنگ کمائی دا بندہ نہیں۔ ناول پڑھن ویلے یاں پڑھن دے بعد پڑھیار اوہدے وچ نہیں وڑدا۔ ناول دا کوئی اثر ماڑا یاں چنگا ذہن تے نہیں ابھردا۔ ایسا ناول دے بے جان ہودن دی وڈی نشانی اے۔

زبان وچ محاورے یاں لہجے دا کوئی رنگ یاں چس نظر نہیں آوندی۔ کافی جگہ ڈاکٹر صاحب ہندی دے لفظ ورت کے ”کسی پنجابی“ بیان یاں ناول نوں جڑ دے پنجاب دیسا یونیورسٹیاں وچ پہچان دا آہر کیتا اے۔ ایہہ نہ تے ایدھردی پنجابی اے تے نہ اودھردی۔ فیر جیس ویلے پاکستان بن دے مضمون ول پرتدے ہن تے اخوت، مساوات توں لے کے ہور نایاب مرقعے دق کرن، ہجوم، دھنگ دین، عام لفظ ہن، پر سب ملا کے اک اردو نال رلی ملی زبان بندی اے، جیہدی ورتوں ہن عام اے۔ پنجابی دا ناول یاں کوئی شے لڑچر دے طور لکھی جائے تے زبان دا بھی آہر ہونا چاہیدا اے۔ سبھ زبانیں جد بوٹی (Oral) توں لکھت (Literary) دی پوڑی تے اپڑدیاں ہن تے چنگیاں کتاباں نال ہی زبان دا زور بندہ اے۔ ایسا جیسی کوئی گل ایس کتاب وچ سہی نہیں ہوندی۔ افضل احسن رندھاوے دے شروع دے ناول چنگی کمائی دے علاوہ زبان دی چاشنی تے محاورے دے زور تے چنگے لگدے ہن۔ چنگی زبان دا اجوکا نمونہ نذر حسین جانی دا ناول ”سنجان“ اے۔ ناول تے درمیانہ اے پر زبان ہوں چنگی تے زور والی اے۔ زبان لکھدیاں پڑھدیاں چنگی لکھدیاں

ایسہ گل پڑھن لکھن والے دی سمجھ وچ ہونی چاہیدی اے۔ دنیا دی کوئی زبان پڑھے کھے ہئاں نہیں آوندی۔ پنجابی بھی سکھیاں ہی آسکدی اے۔ زبان دا کوئی آہر ڈاکٹر باقر صاحب نے نہیں کیتا۔

اخیر تے ایسہ بھی دیکھنا چاہیدا اے پئی لکھت پیتی یاں بکڑی کیویں ہوندی اے۔ لکھت اک رشتہ اے لکھن تے پڑھن والے وچکار۔ جے لکھن والا ایسہ سمجھے پئی پڑھن والا بیوقوف اے تے لکھت بھی بیوقوف بن ویندی اے۔ ڈاکٹر صاحب دا اک عام پنجابی پڑھن والے بارے خبرے ایسا خیال سی تے ایسہ خیال عام اے پئی پنجابی وچ گھلا کھاتا اے جو لکھو کم سر جاندا اے۔ ایس سوچ نے لکھن تے پڑھن والیاں وچ رشتہ بنن نہیں دتا۔ استاد بھی رستیاں رٹیاں گلاں پڑھاوندے ہن۔ اوہ بھی لکھاری ہار پڑھن والے نوں انجان سمجھدے ہن۔ ایسہ وڈا ٹھیکہ اے تے ماڑی لکھت تے ماڑے علم دا مول۔ نالے چنگی کمائی تاں ہڈ ورتی اے تے اوہ بندہ تد دسدا اے جد اوہ پڑھن والے نال پیار کرے۔

”چیترباغ“ ہڈبیتی کہ جگبیتی

جدید پنجابی ادب وچ تخلیقی نثر دے حوالے نال سجاد حیدر اک بڑا ہی معتبر ناں اے۔ خاص طور تے پنجابی ڈرامے نوں اوہناں دیاں اُچیاں تے چُجیاں تحریراں نے مالا مال کر دتا اے تے پنجابی ادب دی تاریخ نوں اک روشن باب عطا کیتا اے۔ اوہناں دے ڈرامے بھادویں نشریاتی ڈرامے نیں پر جدوں اوہ ”ہوا دے ہوکے“، ”سورج مکھی“، ”بول مٹی دیا باویا“ تے ”کالا پتن“ دی شکل وچ مجموعیاں دے حوالے نال ساڈے سامنے آوندے نیں تے اوہ کہانی، واقعات، کردار، زبان، بیان تے اسلوب دی وجہ نال اپنا بھرواں تاثر قاری دے ذہن تے روح اتے چھڑدے نیں کہ اوہ سجاد حیدر دے فکر تے فن دے منتر ہتھوں جیویں کیلیا گیا ہووے۔ اوہناں دیاں کچھ کہیاں کہانیاں وی سامنے آئیاں نیں اوہ تھیں وی اوہناں دی تحریر دی کولتا، زبان دی محاسن تے بیان دی روانی تے سبھ توں ودھ موضوعاں وچ مٹی دی مکہ پڑھن والے دل تے دماغ نوں مکا دیندی اے۔

ہن اوہ تخلیقی نثر دی سبھ توں اُچّی تے مَچّی صنف ناول ول آئے نیں۔ ”چیترباغ“ اوہناں دا پہلا ناول اے۔ جدوں اسیں ”چیترباغ“ نوں پڑھنے آں تے پہلا تاثر ایہہ اُبھر دتا اے کہ ”چیترباغ“ وقت، واقعات تے کرداراں دے حوالے نال اک چھوٹا جیہا ناول اے۔ جے اسیں پہچانہ ماضی ول دھیان ماریے تے ایہہ ناول ایس جاری صدی دے مڈھ دے چالھی پنجاہ ورہیاں دی فضا تے ماحول نوں سامنے لیا کھلاردا اے۔ کرداراں ول دیکھیں تے ایہہ اکو خاندان دے احوال پیش کردے نیں۔ علی گوہر دے والد تے چاچے ہوہریں تے صرف اک جھات پا کے رخصت ہو جان دے نیں۔ دادے ہوہریں صرف اکو واری تے اوہ دی گستاخاناں وچوں بولدے نیں۔ علی گوہر دا پرچھانواں سارے ناول اتے کھلایا ہویا نظریں آوندا اے۔

پر ایس پر چھانویں دے بیٹھاں جیہڑے کردار ناول دے حالات تے واقعات دا تانا بانا بن دے نیں اوہ علی گوہر دا پتر مراد اے ، اوہدے مامے دا پتر تے سالا سلطان اے۔ اوہدا یار حسن تے دو کڑیاں نیں شمرتے سمن۔ سمن حسن دی بھین اے۔ دوجی کڑی صرف شمر اے تے اوہ ایس لحاظ نال وی اوپری اے کہ اوہ پنڈی دی رہن والی نہیں تے ایس ضمن وچ وڈی گل ایہہ اے کہ اوہدی ماں انگریزی اے۔ ایہدے نال نال علی گوہر دے دو یار نیں دھوانکل دے چودھری فتح محمد گوندل تے دوجے ڈیرہ غازی خاں دے سردار طاہر حسن جیہڑے حسن دے والد نیں ، پر ایہناں سبھے کرداراں دی کہانی مکمل کرن واسطے مانک ، منشی د لگیہ ، بابا فضل تے روشی ضروری سن۔ حویلی دے اندر بے جی تے اوہناں دی نونہ اے جیہڑی اوہناں دی بھرتی وی اے تے ماں بھاگ بھری اے۔ دو بڑے آپتے تے مچے کردار ہور وی نیں ، مولوی سمیع اللہ تے پروفیسر مخدوی تے ایہناں دے نال ای بیہر صاحب نوں وی شامل کر لو پر ایہہ خود کوئی کردار نہیں اے صرف اک قدر دی علامت اے۔ واقعات دی جستر وچ ایس کردار دا کوئی دخل نہیں۔

اصل وچ کردار خورے ”چتر باغ“ وچ کوئی خاص اہمیت وی نہیں رکھدے۔ ایہہ ناول تے اوس معاشرے دی اک جیوندی جاگدی تصویر اے ، جیہڑا اڄ توں پنجاہ شھ ورھے پہلاں مجھدے دیوے دی لو وانگوں اپنی اخیرلی چمک دکھا رہیا سی۔ ایس معاشرے وچ سبھ توں وڈی قدر اک ایہہ سمجھوتہ سی جیہدی وجہ نال ایس معاشرے دا ہر فرد اپنی تھاں اتے اعتماد نال پیر جما کے کھلوتا ہویا سی تے دوجے معاشرے دے رہن والے اوس فرد دے پیراں پٹھوں مٹی پولی کر کے اوہنوں تھلے ڈگیں دی کوشش نہیں کردے سن۔

سبھ توں پہلاں جیہڑا واقعہ ساڈے سامنے آوندا اے اوہ اک نکلے سے شیش اتے گڈی کھارن دا واقعہ اے۔ ایہدے واسطے کوئی لمی چوڑی سازش یاں ہیرا پھیری نہیں کرنی پیندی۔ نوکر شاہی تے عوام (یاں خواص) وچ اک خاموش معاہدہ اے۔ جیہدی وجہ نال نوکر شاہی دیاں ضرورتاں پوریاں ہوندیاں رہندیاں نیں تے عوام یاں خواص دی اک معصوم تے ککی جیہی ضرورت یاں خواہش پوری ہو جاندی اے ، پر ایہدا نال رشوت نہیں سی۔ ایہہ اک باعزت سمجھوتہ سی جیہدے نال

دو فریقوں دا خورے مان ودھدا سی۔

اگانہہ بچے تے اوس سے دے عوامی اعتقادات سامنے آوندے نیں۔ مینیں
 علی گوہر تے سردار طاہر حسن دا جدی پشتی اچھا گھرانہ ہووے یاں چاچے گوندل دا
 کاروباری ویسا۔ نئی سرور دے دربار وچ سارے اکو رنگ وچ رنگے نظر آوندے
 نیں۔ ایس زمانے وچ راج تے اتھے انگریز داسی۔ پرانج گلداسے سیالکوٹ، پنڈی
 بھٹیاں توں اگے دولو والہ، ہرہ شیخ، چنیوٹ، بھوانہ تے جھنگ تے ڈیرہ غازی خان
 تیکر تے اگانہہ پیر لگا ہے تاں راج اصل وچ نئی سرور دا تے پنجاب احاطے توں
 اگانہہ نکل جاوے تے مزلال شہباز دی جوجہ شروع ہو جاندی اے۔ نئی سرور تے شہباز
 قلندر انج گلداسے جیویں اوس معاشرے دی روح سن۔ اوس معاشرے دی ایکتا دا
 راز سن۔ اصل وچ لوکی اوہناں دی پیریں رڈے سن تے اینہاں دی گھنیں سڑدے
 سن۔ اصل گل جے تیس سننا چاہندے او تے پھیر سجاد حیدر ہوراں دی زبانی سنو۔

”ہزاراں بندیاں دے انج اک تال اتے دھمال پان نے مینوں ایٹا مغلوب
 کیتا پئی میریاں اکھاں وچوں اتھرو نکل پئے۔ اج پھیر اوسے مستی دی بے خودی
 میرے چار چو پھیرے کھلی ہوئی سی تے میں پیا سوچدا ساں۔ ایس اتناں دی مستی دا
 شک کتھے اے؟“

ایسہ پنجاب دے گھرو دی اتھری رت دا اچھالا اے کہ اینہاں خاک دے
 پتلیاں دے اندر کے وسوں ودھ ازلی جذبے دی چنگ آپی اے۔ جیہدے ہتھوں
 ایسہ اپنے آپ وچ نہیں پئے میوندے۔ میں دوالے دے سیک نال بھجن لگ پیا۔
 مینوں انج لگا جیویں میرے کولوں دی کھیہ کے گنگمن والا اک ملنگ میرے کن وچ
 چھوک گیا اے:

جس دے بھڑے دے میسا نہیں تے میں مر گیاں تیرے عشق نچایا کر تھیا تھیا
 پھیر مینوں کے موڈھیاں توں پھڑکے آکھیا: ”نجن گلیاں تیری عزت نہ
 گھنڈی۔“ میں حیران ہو کے سامنے دیکھیا تے اک لال بانے والا فقیر میرے دل
 مونہ کر کے چھمیں پیریں نچدا جاندا سی۔ اوہنے اپنے پیراں نوں گھنگھرو بدھے ہوئے
 سن تے بانہ کھلی کر کے بیٹھی ہوئی آواز وچ پیا گاوندا سی۔

حٹھ پئی تیری چٹی چادر، چٹکی فقیراں دی لونی

درگاہ وچ مہاگن سوئی ، جو کھل کھل نچ کھلوی
کے حسین فقیر سائیں دا ، تاں در لیس ڈھوئی

میں تیز قدم چک کے اوہدے سنگ رلنا چاہندا ساں۔ پر اوسے ویلے اوہنے
میرے دل کنڈ کر لئی تے خلقت دے جنگل وچ غائب ہو گیا۔ میں پتہ نہیں کنا چہ کے
دے پیریں رُدا رہیا۔ کسے دی گکھیں سڑا رہیا۔ پھیر آپے مینوں آگوں راہ ملدا
گیا.....“

اج دا معاشرہ ایس کیفیت توں محروم ہو گیا اے۔ ہُن میلے نہیں لگدے نری
بھیڑ اکھی ہو جاندی اے یعنی ہجوم تے بہت ہوندا اے پر رونق نہیں ہوندی۔ میلے
وچ سبھناں دے پیر اکٹھے اٹھدے ہوندے سن۔ ساریاں دا مونہ اک مہارا ہوندا
پر بھیڑ وچ کوئی کے نال قدم رلا کے رُن دا روادار نہیں۔ ایسے گواچی ہوئی کیفیت
نوں لبھدیاں لبھدیاں سجاد حیدر ہو ریں اپنے قول مطابق 45 - 40 ورھے گوا دتے پر
جے غالب کولوں پچھو تے ایس کیفیت نے سجاد حیدر نوں اظہار دا وسیلہ بنایا اے :

شعر خود خواہش آں کرد کہ گرد و فن ما

اوہناں نوں آپوں وی ایس حقیقت دا اعتراف اے -

”حرف اپنا حق منگدے نیں ، پر اوہ ہتھ کھلار کے سوال نہیں کردے۔ ایسے
کر کے اوہناں دے اصلے نوں ، اوہناں دی حقیقت نوں پہچان کے اوہناں دا لیکھا دینا
پنیدا اے ، جیہڑے اصیل نیں ، اوہناں توں رلا وکھ رکھنا پنیدا اے۔ جیہڑے نترے
ہوئے نیں ، اوہناں دوالیوں دھوڑ گھٹا جھاڑنا پنیدا اے تے جیہڑے مجلساں اندر گھنڈ
کڈھ کے اکل وانجے ہو بندے نیں ، اوہناں دی پردہ داری کرنی پنیدی اے۔ نہیں
تے اوہو کجھ ہوندا اے جو ملا مجلسی نال شہنشاہ جمانگیر دے دربار وچ ہویا سی۔ اوس
صاحب حال درویش امیر خسرو دی ”من قبلہ راست کردم بر طرف کج کلاہے“ والی
عزل دا اندرونہ کھول کے بادشاہ نوں دکھان دا چارہ کیتا تے بھرے دربار وچ اوس
صوفی شاعر دا سینہ شق چا کیتو سو۔ ایہی دھمک لگی جے سہار نہ سکیا تے اپنی جان نال
اک مصرعے دا مل تار گیا۔“

”حرف پچیاں بار سینے وچ پلدے نیں تے کئی کئی ورھے اوہناں نوں زبان
نہیں لگدی۔ میں پینتالی (45) ورھے حرف اُسار اُسار ڈراے لکھدا رہیا پر حرفاں دا

اک دکھرا جھکا میرے اندر اک نکرے بیٹھا باہروں کے اشارے دی اڈیک کر رہیا اے۔ خورے اے وی اینناں ایانیاں دی گھروں باہروں جھات پان دی عمر آئی سی کہ نہیں، پر میں اپنی عمر دی دھپ گھڑی نوں وکھ کے اینناں نوں انگلی لا کے باہر لے آندا۔

تماڈے ذہن وچ لازمی ایسہ سوال پیدا ہویا ہووے گا کہ ”پیترا باغ“ دی کہانی کیہ اے۔ ایسہ کہانی تے سانوں وی یاد نہیں رہی۔ سانوں تے بس اینا پتہ اے کہ کچھ چرتے میں سخی سرور دے سنگ پھردا رہیا اوہناں دے پیراں دے نشاناں اتے اپنے پیر دھرن دی کوشش کردا رہیا۔ اوہناں دے چولے دے رنگاں نال اپنی روح نوں رگدا رہیا تے سخی سرور دے مزار دے احاطے دی اک نکر وچ بیٹھا رساں تے ریتاں دے دھنک رنگ منظر اں نال اپنیاں اکھاں ٹھاردا رہیا۔ پھیر وچالے ای مانک دتر نال پیر چنھاں دیاں حسن تے عشق وچ رنگیاں لہراں نال رقص کردا کدی کچھ تے کدی کچھ اتے تڑدا پیار پریت دیاں کیلیاں لبھدا لبھدا ویلے دے جبر دے مگر مجھ دی لونھہ وی موڈھے اتے چکنی پے گئی۔ مولوی سمجھ ہوراں نوں اوہناں دے پترتے تیویں نال رل کے لبھدا رہیا۔ پھیر پروفیسر مخدومی دے نال اپنے پنڈ آگیا، اپنی گواچی شناخت نوں لبھن کارن۔ اپنے نانکے پنڈ وی اک واری گیا تے اوہتھے مانک تے سلطان لالے دی حویلی وچ رکھے ہوئے اوس وٹے دا بالا کڈھ کے لوکاں نوں حیران کر چھڈیا، جیسنوں جوان ہتھ لانکے پنچھانہ ہٹ جانڈے سن۔ پروفیسر صاحب، حسن، سمن تے شرنے پنڈ وچ اوہ رونقلا لائیاں کہ کہانی دا سر پیر ای ہتھوں نکل گیا۔

انج ناول دی کہانی ایس طرح بندی اے کہ چنھاں دی کدھی اتے آباد اک نکلے جیہے پنڈ وچ میسٹرس اشرف داکنبہ وسدا اے۔ ہین تے ایسہ جتھے جٹ پر نماز روزے دی پابندی دی وجہ نال میسٹرس اکھوانڈے نیں۔ اوس سے میاں کوئی عزت والا لفظ نہیں سمجھیا جاندا سی۔ پنڈ دی میت دے امام نوں وی لوکی میاں آکھدے ہوندے سن تے پٹواری دے کاغذ وچ اوہنے امام مسجد نوں ”کی“ دکھایا ہوندا سی۔ غیر زمینداراں دی اوس عمد وچ کوئی عزت نہیں سی۔ نہ پنڈ وچ تے نہ ای سرکارے دربارے۔ میسٹرس ہوویریں اللہ لوک سن تے ذیلداری بھراڈے نال لکھوا

چھڈی سی۔ اوہناں دا اک پتر سی علی گوہر۔ اوہنے بی۔ اے پاس کیتا تے تحصیل دار
تے پھیر افرمال ہو گیا۔ آگوں اوہدا وی اکو پتر اے۔ مراد ماہی تے کہانی نوں مراد
ماہی اوہدا یار حسن، حسن دی بھین سمن تے اوہناں دی ہم جماعت شمر مکمل کردے
نیں۔ کوئی لے چوڑے ہفت خواں ایہناں نوں طے نہیں کرنے پندے۔ بس آپس
وچ ہدے بولدے کہانی نوں اگانہ ٹوری رکھدے نیں۔ پنشن لین توں بعد علی گوہر
ہوریں اپنے پنڈ وچ رہن لگ پئے تے کدی کدی لہور وی کجھ دناں واسطے اپنی
کوٹھی وچ اکلیاں جا رہندے۔ ملازمت دے دوران تے بال بچیاں نوں نال رکھدے
سن۔ پر ہن بے جی نوں پنڈ ای چھڈ جاندا سن۔ ایہناں دا ایہ لہور وچ اکلیاں
رہنا، کہانی نوں اک ایسے موڑ ول لے جاندا اے۔ لالہ سلطان مراد توں بہتا وڈا تے
نیں پر چھوٹی عمرے اوہنوں اپنی جاگیر سنبھالنی پے گئی۔ اوہ بڑا کائیاں اے۔ سادھاں
نال سادھ تے بد معاشاں نال بد معاش۔ اوہ کسے طرح میسیں علی گوہر ہوراں دے لہور
وچ اکلیاں رہن دے بھیت دی سُوہ لیندا اے۔ اوہ اپنے بچھڑ دے ساہنے کھلو وی
نیں سکدا پر ایہ وی نہیں جر سکدا کہ چٹے جھائے اوہدی پچھی نوں اک اجیہی اوکڑ
آن پوے، جیسا ساری حیاتی اوہنوں دھیان وی نہیں سی۔ اوہ اپنی پچھی دے جائے
اپنے بھنویے دا شریک جیسا وی نہیں سی برداشت کر سکدا۔ تے پھیر اوس نے اوہ
ڈراما رچایا، جیہدے وچ میسیں ہوراں جان دے دتی پر اوہناں دی آل اولاد اتے
پری خانم دا منحوس سایہ نہ پے سکیا۔ (جیس راتیں میسیں ہوراں پری نال ویاہ کرن دا
بندوبست کیتا سی اوس راتیں لالہ سلطان اوہنوں زبردستی اغوا کر لیندا اے)۔ اصل
سمجھو تے کہانی بس اپنی اے جیہڑی سلطان لالے دے آلے دوالے گھمدی اے۔
میس آکھو گے کہ ایہ تے کوئی اچرج کہانی نہ ہوئی۔ ایہ تے کسے فلم
درگی روایتی کہانی جا پدی اے۔ پر گل اصل وچ انج اے کہ کہانی دی تے ناول وچ
کوئی خاص اہمیت ای نہیں ہوندی۔ ناول تے اک عمد دی پوری معاشرت دا نقشہ
پیش کردا اے تے کہانی تے انج ہوندی اے جیویں جنگل دے وچ اک پگڈنڈی۔
ایس پگڈنڈی اتے چلدیاں چلدیاں آلے دوالے جھاتیاں پین نال کجھ کجھ جنگل دے
منظر ساہنے آ جاندا نیں، پر پورا جنگل تے پگڈنڈی اتوں تھلے لہ کے تے خود جنگل
وچ گواچ کے ساہنے آوندا اے۔ سجاد حیدر نے ایس جنگل نوں چاہے اوہنوں انساناں

دا جنگل آکھ لوو ایس روایتی پگڈنڈی توں لہ کے ویکھیا اے۔ بھاویں تیس اوہوں مراد مانی سمجھ لوو، پر مراد مانی دی مورت تے تدے اسی مکمل ہوندى اے جے اوہدے سج کجے مانک تے منشی ہون تے پچھانہ دور تیکر پس منظر وچ میاں اشرف دا درویشی بانا۔ میاں خنی احمد دا خلوص، میاں علی گوہر دا رکھ رکھا، بے جی دا گُوڑھا سجاتے میاں علی گوہر دے نال نال چاچا گوندل تے سردار طاہر حسن کھلوتے ہون۔ ناول دا پلاٹ بڑا بھرواں تے گتھیا ہویا اے۔ مرکزی کہانی دے نال نال کئی نکمیاں نکمیاں کہانیاں ایس انداز نال مرکزی کہانی دے نال نال رُردیاں نیں جیویں اک وڈے دریا (پنجاں) وچ ایدھروں اودھروں نکلے نکلے ندی نالے آ آ کے ڈگدے نیں۔ مثال دے طور تے مانک دا دریائی سفر، خنی سرور دے سنگ دا سفر، نائب تحصیلدار آغا دی کہانی، شردی کتھا، روشی تے دگلیر دی داستان وغیرہ۔ مانک دا سفر پلاٹ واسطے ایس کارن ضروری سی کہ دریا دی کدھی دے وسیب دا اک رخ ساہنے آوندا اے۔ نالے میاں اشرف احمد دے قبیلے دی تصویر وی ایہدے بغیر مکمل نہیں ہوندى۔ مانک دے کردار دی نکھیائی لیاقت دے اوچھے پن نوں ظاہر کرن واسطے ضروری سی۔ گھوڑ دوڑ دی کہانی اک پاسے تے اک روایتی معاشرتی شغل نوں پیش کردی اے، پر دوجے پاسے ایہدے وچ اک گتھی رمز ہور وی اے کہ جیس وچھیری دی وجہ نال ایس گھوڑ دوڑ دا سربندھ کیتا جاندا اے اوہدے اتے دوغلی ہون دا شک اے تے دوغلی پن نوں چودھریاں دا گھرانہ کسے طرح وی برداشت نہیں کر سکدا۔ خنی سرور دا سنگ تے نائب تحصیل دار دا کردار ایس معاشرے دے مذہبی رویاں نوں سمجھاون واسطے ضروری اے۔ اینناں متصوفانہ عقیدتاں دے مقابلے وچ مولوی سمیع اللہ صحیح تے شرعی اسلامی قدراں دا نمونہ اے۔ شرتے روشی زہبی دے روایتی کردار نوں پوری طرح باہر لیاوندیاں نیں۔ شراوس نویں ابھرویں آزاد معاشرے دی ذہنیت دی علامت اے، جیہڑی ہولی ہولی پرانے خاندانی، معاشرتی تے اخلاقی قدراں تے رویاں دی تھاں مل رہی اے۔ پلاٹ دی خوبی ایہہ اے کہ ایہہ نکلے نکلے قصے انج دے نہیں جا پدے جیویں ناول نوں طوالت دین واسطے پلاٹ دا پیٹ بھرن واسطے Stuff کیتے گئے ہون۔

چلو پہلاں پہل میاں اشرف احمد تے میاں خنی احمد کول چلنے آں۔ دوویں

بھرا اک دوجے دے دل دے جانی۔ اوہناں دے رشتے وچ کوئی دل فریب نہیں،
 جیہڑا سکياں بھراواں نوں شریک بنا دیندا اے۔ پھر عام لوکاں نال اوہناں دا ورتارا:
 ”میاں اشرف احمد خاندان دے سربراہ سن تے اپنے علاقے وچ بڑی
 حیثیت دے مالک وی سن، پر اوہناں دی طبیعت وچ درویشی رنگ بہت سی۔ اوہ
 کدی کسے کول اپنی غرض واسطے رُکے نہیں سن گئے تے سرکاری اہل کاراں نال وی
 کدی اوہناں واسطے نہیں سی رکھیا۔ ایسے کر کے اوہناں ذیلداری وی اپنے نکلے بھرا
 میاں سخی احمد دے نال کرا چھڈی سی۔ انج میاں اشرف احمد دی نیکی تے میاں سخی
 احمد دی تابعداری دی وجہ نال بھراواں دا آپس وچ ایسا جوڑ سی پئی اوہناں اپنی حیاتی
 وچ جدی جائیداد دا اک تیلہ وی دکھ نہیں کیتا تے اخیر تائیں اکو حویلی وچ رہندے
 رہے۔ پھیر جدوں میاں سخی احمد بے اولاد فوت ہو گئے تے اوہناں دیاں دوویں گھر
 والیاں، اک اوہناں دی حیاتی وچ تے دوجی اوہناں توں پچھے انتقال کر گیاں، تہ
 سارا بھگتاتے ساری ملکیت انجے دی انجے میاں علی گوہر نوں وراثت وچ مل گئی۔
 پچھلے پنڈ جدوں لوک اپنے کماں کاجاں واسطے میانیاں کول آوندے سن تے ایہو
 آکھدے سن۔ اسیں سخی اشرف دے ڈیرے چلے آں۔ لوکی میاں اشرف احمد دی
 حدوں ودھ سخاوت پاروں وی اوہناں نوں سخی اشرف آہندے سن۔ اوہناں دے
 ڈیرے اتے خلقت دی بھیڑ لگی رہندی سی تے اوہ ہر کسے دی غرض پوری کرن دا
 چارہ کردے سن۔ منیا اے پئی سخی اشرف دے ڈیرے اتے ہر ڈنگ سو بندہ نکر
 کھانداسی۔“

پتہ نہیں زمینداراں تے اینساں حالات دے ہوندیاں ہویاں ساڈے
 دانشوراں نوں جاگیرداراں وچ رزے عیب ای کیوں نظریں آوندے نیں۔ پر خورے
 ایسہ جاگیرداری انج دی تے نہیں جیویں دی جنوبی پنجاب تے سندھ اندر اک
 پورے نظام دے حوالے نال قائم اے تے ایس نظام دیاں قبائلاں نے نکلے وڈے
 مرکزی پنجاب یاں شمالی پنجاب دے زمینداراں دے اشرافی رویاں نوں وی بدنام
 کردتا اے۔ خورے ساڈے معروضی تے سائنسی تجزیہ نگار دانشوراں نے پنڈاں وچ
 پیروی نہ پایا ہووے تے پنجاب دے پنڈاں دی رہتل، وسیب تے قدراں نوں اپنیاں
 اکھاں نال نہ سکيا ہووے تے یاں پھیر مغرب توں ادھار منگے ہوئے نظریاں نے

اوہناں دیاں اکھاں اتے پردہ پاتا سی۔ ایسے روایت دا اک حصہ مانک ، بابا فضل ، بھاگ بھری ، روشی تے منشی د گلیہ وی نیں۔ مانک تے منشی د گلیہ تے مراد دے بلی نیں۔ اوہ اوہناں نوں بھیجی پا کے مددے تے اوہناں دے نال اکٹھیاں بہہ کے کھان پین وچ کوئی ہنک محسوس نہیں کردا۔ مانک شردے لفظاں وچ یونانی دیوتیاں دا اک سلکھنا روپ اے۔ گجھرد جوان ، طاقت ور ، اکھ والا۔ اوہ جتا لنگوٹے دا پکا اوتا ای نیت دا وی کھرا اے۔ لوبھ لالچ اودے کول دی وی نہیں لنگھے۔ اپنے شکار کیتے ہوئے مگر چھ دی کھل دا پنج ہزار وچ سودا مٹکاؤندا اے تے کھلا کھلوتا پوری دی پوری رقم بابے مٹگے دی نذر کر دیندا اے ، تے بابے مٹگے دا مونہہ کھلے دا کھلا رہ جاندا اے۔ ”پنج ہزار میرے نیں پتر مانک“۔ مانک بولیا۔ ”تے ہور کیہ؟ چڑھے چن نوں دھی دی ڈولی نیوں ٹورنی؟“ پر ایس حوصلے دا مالک مانک اندروں اپنے آپ تے قابو نہیں رکھ سکدا جدوں کاروباری ذہن دا مالک چودھری لیاقت اودھی نیت اتے شک کردا اے۔

مانک ادھنوں مگروں لائین واسطے آکھیا : ”میں کوئی آڑھتی نہیں جے بھاؤ واسطے رکھ چھڈدا۔“

لیاقت وی آگوں چوہوواں جواب دتا: ”جے بہتا مل کھٹن دا لوہہ نہیں
سائی تے ایویں مگر مجھ دی لوتھہ ایڈی دوروں دھرو لایا سیں۔“ مانک اوہنوں
سمجھایا۔ ”چل چھڈ توں ہُن ایس سودے وچوں کیٹری کشن لینی اے۔“

لیاقت ایس گل نوں اپنے پیار اتے چوٹ سمجھتے تتا ہو کے بولیا: ”پتہ
نہیں توں کس دماغ دا آدمی ایں۔ میں تینوں پیا سبھاناں تے توں آگوں بکواس کرن لگا
ہو یا اس۔ بے وقوف۔“

”ابے لیاقت کچھ ہو وی آکھنا سی جے مانک رکھ کے چہرہ اوہدے مونہ کڈھ ماری۔ چہرہ وی پٹاکویں آواز سُن کے جیہدی بُرکی جتھے ہے سی اوہنے اتھے ای رکھ دتی تے سارے لیاقت ول ویکھن لگ پئے۔ مانک اٹھ کے کھلو گیاتے چاچے گوندل ول مونہ کر کے پوری آواز ٹال بولیا۔

”چودھری جے گھر پر واپس بلانا اس تے کتا بنجہ کے رکھا کر۔۔۔۔۔“
پر مانک دی قدر کرن والے ادبھی ایس گل نوں جھونھی اتا دا مسئلہ نہیں

بتاوندے۔

”کچھ چر گمروں چاچا گوندل باہر نکلیا۔ اوہنے مانک دے ساہنے کھلو کے اوہدے مونڈھے اتے ہتھ رکھیا تے بڑی نرمی نال آکھیا: ”سوہنیا۔ میرا پتر کوئی نہیں۔ میں جدوں تینوں دیکھناں تے آکھناں خورے جے رب مینوں پتر دیندا تے اوہ وی مانک جیہا ہوندا۔ پر میرے جیہاں دے تیرے ہتھ پتر نہیں ہوندے دھیاں ہوندیاں نہیں۔ خورشید بیسیاں، جیہناں نوں لیاقت ہتھ کم اصلاں نال ٹور دئی دا اے تے آگوں جیہا جواب مانک دیندا اے اوہدے توں اوہدے کردار دی سچی تے سچی تصویر ساہنے آجاندی اے۔“

”میرا وی کوئی اصلا ہوندا چودھری جی تے تہاڈے ڈیرے تے میرا کوئی گٹ کے قیمہ وی بنا چھڑدا تے میں اُچا ساہ نہ لیندا۔ میں اک گل توں تک کھا کے تہاڈی مجلس وراں کردتی، پر تیس پھیر وی مینوں پتر پتر پئے آکھدے او۔ چلو مینوں اپنے جوائی کول لے چلو۔ میں اوہدے کولوں معافی منگ لیماں۔“

ایہہ قصہ یاں واقعہ رزے مانک دے کردار دا عکس ای نہیں دکھاندا سگوں اوس سے دے معاشرے دیاں اچیاں تے پچیاں قدراں وی ساہنے لے آوندا اے۔ بابا فضل ریٹارڈ فوجی اے تے فوج دی روایتی تربیت دا رنگ اوہدے اتے ایسا کو چڑھیا ہویا اے کہ:-

”بابا فضل سابق فوجی سی تے ایہو جیسے مچھل انگریزی دے حرف اوہ کدی کدی ہسان واسطے ورتدا ہوندا سی۔ ایہناں حرفاں دی ورتوں توں ای پتہ لگدا سی پی بابا فضل کیدے نال دوست بن کے رہتا چاہندا اے، نہیں تے اوہ عام لوکاں نال ہستی گل کرنا پسند نہیں سی کردا۔ ایہناں عام لوکاں وچ میاں علی گوہر دی شامل سن، جیہناں دے ساہنے کدی کسے اوہنوں مسکراہندیاں نہیں سی دیکھیا۔ انج اپنی ڈیوٹی دا اوہ بڑا پکا سی۔“

فشی د گلیہ دا وی ایہو حال اے۔ شعر و شاعری دا شوق اک پاسے، اوہنوں جدوں مراد اپنیاں زمیناں دا کم سانبھن واسطے آکھدا اے تے اوہ اک لمحہ وی سوچن وچ نہیں سی لاوندا۔ پکی سرکاری نوکری چھڈ کے ہتھ بنج کے کھلو جاندا اے۔ تے نالے ایہہ وی آکھدا اے کہ فصل دی بکری وچ اوہدے لئی جیہا بیج فیصد کمشن رکھیا

گیا اے اوہ گھٹ وی کر دتا جاوے تے اوہنوں منظور اے۔

ایس ناول دے اندر قہے تے ہو وی کئی نہیں، پر جیہڑے ایس معاشرے دی تصویر دی تکمیل کردے نہیں اوہناں وچوں مولوی سمیع اللہ تے پروفیسر مخدومی دے کرداراں دا ذکر وی ضروری اے۔ مولوی ہو ریں ظاہری طور تے ویکمن وچ اک کئی جیسی گل اتے گھربار چھڈ دیندے نہیں۔ گل کئی ایس پاروں اے کہ اوہناں دی گھر والی اوہناں دے گھر وچ کم کرن والی کڑی نوں اپنی جیب وچ ہسپتال لے جاون دی اجازت نہیں دیندی کیوں جے اوہنوں شک اے کہ کڑی فند فریب لا رہی اے تے اوہناں دے منڈے نال نس جانا چاہندی اے پر حقیقت اصل وچ انج اے کہ اوہ کڑی سچ سچ بیمار سی تے اوہ راتیں مرجاندی اے۔ مولوی ہو ریں خورے اپنی بیوی دی ضدیاں اک معصوم جان دے زیاں اتوں اپنے دل برداشتہ ہوندے نہیں کہ گھربار چھڈ کے میاں علی گوہر دے پنڈ جا کے میت سنبھال لیندے نہیں۔ تے پچھوں جدوں اوہناں دے پتر تے تیویں اوہناں نوں لہدیاں لہدیاں ایس پنڈ آوندے نہیں تے مولوی ہو ریں نکک والی کوٹھڑی وچ ساری رات لک رہندے نہیں۔ پر مولوی ہو ریاں دا اصل روپ ہو ر ای اے۔ اک نکلے جیہ پنڈ وچ بیٹھے ہوئے دن رات علم دے سمندراں نالوں ڈونگھے دل دریا وچ غوطے مار دے رہندے نہیں تے جیہڑے ہیرے موتی ایس دوران اوہناں دے اتھیں لگدے اوہناں دی مرضی نال اپنے آلے دوالے وسدی لوکائی دے دلاں، ذہناں تے روحاں نوں منور کردے رہندے۔ اوہناں دے علم دا عالم ایہہ اے کہ پروفیسر مخدومی ورگے فلسفے دے استاد وی اوہناں کول شاگرداں وانگوں بہہ کے انمول گلاں مسندے ہوندھے سن۔

مولوی صاحب آکھیا: ایہہ اسلامی فکر دے سوے نہیں، تہانوں اینناں وچ فلسفے دے دس دے دس مضمون مل جان گے۔ پروفیسر صاحب پچھیا! ”فلسفے دے کیہڑے دس مضمون مولوی صاحب؟“

مولوی ہو ریاں آکھیا! ”میں تہانوں رگن کے دنساں، ہستی دی حقیقت، انسان دی فطرت، علم الاخلاق دے اصول، زندگی دے ماخذ، انسانی ارادے دی انتہا، حسن دے مضمرات، جذبیاں دی تہ نشینی، دلیل دی صف بندی، اکتسابی علم دیاں حداں

تے خدا دی تلاش - ایہو فلسفے دے مڈھلے مضمون نہیں۔

پروفیسر صاحب آکھیا! ”معلوم ہوندا اے تہاں افلاطون دی کتاب Republic توں استفادہ کیتا اے۔“ مولوی صاحب جواب دتا! ”میں حکیم افلاطون نوں الفارابی راہیں پڑھیا اے۔ تہاں الفارابی دی افلاطون تے ارسطو دے فلسفے دی سانجھ بارے تصنیف تے دیکھی ہووے گی۔“

پروفیسر صاحب آکھیا! ”میںوں افسوس اے جے میں الفارابی نوں صرف حوالیاں راہیں انگریزی وچ ای پڑھیا اے۔ ایسے کر کے کئی ضروری نکتے میری پہنچ توں باہر رہے نہیں۔ مثلاً“ امام غزالی نے کدھرے انسان دیاں وکھریاں خصلتاں والا نکتہ اٹھایا اے۔ اوہ میں تفصیل نال نہیں دیکھ سکيا۔“

مولوی صاحب دیا! ”میں سمجھتاں۔ امام غزالی دا اصول ایہہ دے پئی انسان جیہدیاں مڈھلیاں حساں اوہو نہیں جیہڑیاں دوجیاں جانداراں وچ موجود نہیں۔ دو سمتاں وچ باقی مخلوق نالوں وکھرا اے۔ اک علم وچ تے دوجے اختیار وچ۔“

پروفیسر صاحب آگوں گل ٹوری! ”ہاں علم، عام اصول وضع کرن دی قابلیت خیال دے ادراک تے عقلی سچائیاں دی دریافت نوں کہیا جاندا اے۔“

ایہہ گل اجے ہوو اگانہہ چل دی اے مولوی ہوراں دا علم کوئی اچرچ یاں مبالغے دی گل وی نہیں۔ ایسے علاقے وچ کنجاہ دے کسے کھوہ تے کسے کھوکھ دی چھانویں بہہ کے غنیمت کنجاہی نے فارسی شاعری دی بزم وچ عظمت دے اوہ چراغ روشن کیتے کہ ایرانیان نوں وی مٹا پیا کہ ”ملا غنیمت ہم غنیمت است“ تے سیانیاں نے ایسے علاقے نوں پنجاب دا خطہ یونان دا خطاب دتا۔ مولوی سمجھ اللہ عالم، فاضل تے صاحب دل بزرگ نہیں۔ پر اوہناں وچ کھ ملانیت نہیں۔ اوہ کٹ جتی تے فتوے جاری کرن والے مولوی نہیں۔ اوہ نئی سرور دے عرس وچ شامل ہوندے نہیں۔ ایہہ وکھری گل اے کہ مزار تے دھمالاں پاوون دی تھاں روزہ رکھدے نہیں تے شرعی طریقے دے مطابق فاتحہ درود مزار اتے جا کے عرض کردے نہیں۔

”چتر باغ“ وچ زمینداراں دیاں تن نسلاں دا تجزیہ کجھ انج ہوندا اے کہ میاں اشرف احمد تے میاں نکی احمد تے علامتی کردار نہیں۔ علی گوہر تے چاچا گوندل والی نسل نوں اپنی اکھیں ویکھیا تے اوہناں دیاں اشرفی قدریں دا رنگ ایہناں اتے

ذرا گڑھا نظریں آندا اے۔ میاں علی گوہر سرکاری افسر نہیں۔ سوہنے وی نہیں تے کچھ رنگین مزاج وی نہیں، پر ملازمت دے دوران اوہ اپنے آپ نوں بڑا سانجھ کے رکھدے نہیں۔ اپنے نمبر نوں اپنے نال رکھدے نہیں۔ آخری عمر وچ پر اک ٹھیدا ضرور کھا گئے نہیں، پر اک پاسے جے عین ویلے سرچودھری فرخ سلطان ایس گھرانے دی آبرو بچاون واسطے اپنا سبھ کچھ دا اُتے لا دیندا اے تے دوجے پاسے میٹیں ہو راں نوں وی اپنی خاندانی عظمت تے آن نوں اپنے نفس دی آسودگی اتے قربان کرن دا اندر و اندر بڑا دکھ اے :-

”مجھے احساس ہے کہ میرے متواتر سفلی جذبات کی رو میں بہہ کر خلاف اخلاق عمل کرنے سے میری اس دنیا میں بے آبروئی اور اگلی دنیا میں عاقبت برباد ہو گی۔ نیز میرے عزیز و اقارب کو بھی صدمہ ہو گا اور ذلت اٹھانی پڑے گی۔ چنانچہ میں نے یہ ارادہ کر لیا ہے کہ اب اس زندگی ہی کو ختم کر دوں، جس میں میرے لیے ذلت و رسوائی کے سوا کچھ باقی نہیں رہا۔ میں اپنی بیوی، اپنے بیٹے اور اپنی بہو سے اس برے انجام کے لیے معافی کا خواستگار ہوں۔ وہ میرے حق میں دعا کریں تو شاید اللہ تعالیٰ بھی میرے گناہ بخش دے۔

لاہور۔ بمورخہ 21 اگست 1961ء خطاکار (میاں) علی گوہر (ریٹائرڈ) پی۔ سی۔ ایس۔“

ایس بیان اقبالی دے اخیر اتے میاں علی گوہر دے ”ریٹائرڈ پی۔ سی۔ ایس“ دے اکھر گوہر گوچرے نہیں۔ ایہناں اکھراں دے اوہلے اوہناں دی خاندانی شرافت تے سماجی مرتبے دا پاس پوری طرح جھلک رہیا اے۔ علی گوہر وگڑ سکدا اے، ٹھیدا کھا سکدا اے تے غیر اخلاقی سطح اتے آ سکدا اے پر میاں علی گوہر تے ریٹائرڈ پی۔ سی۔ ایس افسر اوہدے ضمیر نوں مرن نہیں دیندے۔ چاچا گوندل جی یاری، خلوص، وفاتے ڈونگھے ایہار دی علامت اے۔

تجی نسل وچ مراد مائی، سردار حسن ظاہر جے اوہناں توں تھوڑا جیہا وڈا زمیندار چودھری فرخ سلطان اے۔ مراد تے حسن پڑھے لکھے، نوجوان نیں۔ اوہناں دی کثرت وچ خاندانی اثر رچیا ہویا اے۔ پر ایس اثر توں ودھ، فیملی مندوی، ودنی تربیت نویں سے دیاں ساریاں ترغیباں کولوں اوہناں توں بچائی رکھدا اے۔ پروفیسر

مخدوی دا کردار کسے ناصح دا کردار نہیں کہ اوہ کدھرے وعظ نصیحت کردے نظر آون۔ خورے اوہ اک Ideal دی صورت وچ اوہناں دی رہبری کردے رہندے نیں۔ ایہناں دے جوان دلاں، اٹھرتے بے گھار جذبیاں تے آپ گھار سدھراں دی مخدوی ہو ریں اقبال دے قول مطابق پاسبان عقل بن کے نگہداری کردے رہے نیں۔

جتنوں تیک ناول اندر موجود سوانیاں دے کردار نیں تے اوہناں وچ اک نسل اماں بھاگ بھری تے بے جی دی اے تے دوجی نسل وچ زسی، ثمر، سمن تے روشی شامل نیں۔ بے جی دا کردار بڑا رنگھا، ڈونگھاتے سنجیدہ اے۔ عورت مرد دے تعلقات دے متعلق اوہناں دا شعور بڑا سچا تے چختہ اے۔ اتوں بڑے سکھالے تے مطمئن نظریں آون والی بے جی دا بحیث کدی نہ گھدا بے اوہناں دے مونہوں روشی نوں ویاہ دی رمز سمجھاوندیاں ہویاں ایہ فقرے نہ نکل جاندا۔

”سمن نی کڑیے، میرا وی میاں صاحب نال بتالی ورھے ویاہ رہیا اے تے اساں وی آگوں مراد دی مرضی پچھیاں بغیرا ایہدا زیب نال ویاہ کردتا اے۔ پر پہلوں اسیں تے ہن ایہہ انجے نیں جیویں دو ڈنگر اکو کھری اتے بدھے ہون۔ ویاہ تے ہوندا ای اوہ اے جیہدے وچ کسے نوں اپنے سنگ دا چاہ ہووے، اوہدی رسک ہووے۔ توں تے بڑے نیسیاں والی اسیں جیہدا جی بچ پیا ویاہ ہوندا اے تے نالے میں تیتوں ایس گھروں ٹورنا وی نہیں، عمراں دے اخیر تک اپنے نال رکھاں گی۔“

”ویاہ تے ہوندا ای اوہ اے جیہدے وچ کسے نوں اپنے سنگ دا چاہ ہووے۔“ ایس فقرے وچ اک ایہی اُداسی حسرت تے یاس لکی ہوئی اے جیہڑی قلبت نوں بھاویں کچھ نہ آکھے اندروں روح نوں جیتی جیتی کر چھڑ دی اے۔ پر بے جی مرپور دے راتھ چودھری سلطان احمد تارڑ تے آنزیری مجسٹریٹ دی اکو اک بھین اُچے پیڑھے توں تھلے لہن دا سوچ وی نہیں سکدی۔ انج جاہدا اے کہ اوہناں نوں میاں جی دی رگیلی طبیعت دا اندازہ سی پر اوہناں نے ساری حیاتی ایس گل دا مسموم نہ کڈھیا تے کلیجہ تے روح دھواں دھواں کر لئی۔ اپنے پتر تے نونہ دے سامنے اوہ اپنی پیڑھی نوں لچ لگن والی گل اپنے مونہوں کیوں کڈھ سکدے سن۔ پر اک واری روشی نوں مت دیندیاں ہویاں تے دوجی واری پتر نوں لہور ٹوردیاں

ہویاں اوہناں دے من دا بھیت کجھ نہ کجھ کھل جاندا اے۔

”لور دا ناں سندیاں ای بے جی دا تراہ نکل گیا۔ اوہ رون لگ پئے۔ میں اوہناں دے نال بہہ کے سمجھایا پئی شہر بندے کھانے نہیں ہوندے۔ اوہ تے بندے پالدے نہیں۔ بندہ کدی اپنی غلطی توں تے کدی کسے دوجے بندے دی غلطی توں نقصان اٹھاندا اے۔ بندہ ای بندے دا ویری ہوندا اے۔ پھیر میں اوہناں دے سر دی سونہ کھادی پئی میں لور دیاں گندیاں گلیاں تے نالیاں کولوں اپنی ماں دے والاں دا گھر چٹے کپڑے گنج کے لنگھاں گا۔ تاں جے اوہناں نوں کوئی داغ نہ لگ جائے۔ پھیر میں مسکرا کے اوہناں ول ویکھیا تے آکھیا! بے جی تہاڈے ہوندیاں میں کراہے نہیں پے سکدا۔ اوہناں اُتلے اُتلے غصے نال جواب دتا تے میرے مویاں مگروں ای میری قبر شرمندی کرنی آ۔“

بے جی ہوراں نوں انج دنیا دے کم کالج تے ورتارے دی بڑی سوجھ بوجھ اے تے اپنے قبیلے دا بھرم قائم رکھن واسطے۔

”بے جی تاں میاں صاحب دی پگ کیوں منگوائی اے؟“ اوہناں آکھیا: پتر کل تچے دے سارے زمینداراں ساڈے گھر آوتا اے۔ اوہناں دے سامنے تیری دستار بندی کرنی اے پئی توں اپنے باپ دی گدی اُتے بہہ کے اوہناں دا کم سنبھال۔ میں آکھیا: ”ایہہ پگ میرے سر اُتے کون رکھے گا؟ لالے نوں ای نہ آکھیے۔“ بے جی جواب دتا۔ ”فرخ سلطان وی جیوے جاگے پیا وڈی مالکی والا زمیندار اے۔ پر ریت ایو ای اے پئی اوسے علاقے دا کوئی داڑھی پگ والا وڈیرا زمیندار دستار بندی کردا اے۔ فرخ سلطان سونہیا، توں چودھری فتح محمد گوندل نوں آکھیں۔“ لالے سر نیواں کر کے آکھیا: ”اچھا پھوپھی جی۔“

زینی بے جی دی بھتیجی اے پر اپنے ”اُچے پیڑھے“ توں تھلے لنن دا سوچ نہیں سکدی۔ ثمر ہووے پاں روشی، اوہ نہ صرف اوہناں توں خار کھاندی اے سگوں اوہناں نوں برداشت نہیں کر سکدی۔ ایدے دج تریاڈاہ دے نال نال اپنے اُچے جیکے خاندان دا فخر دی شامل اے۔

”پھیر میں اوہنوں دیا جے اسیں روشی دا ویاہ مٹی د گلیو نال کرن دا پئے سوچدے آں۔ اوہ تک سکڑ کے عجیب طرح مسکرائی پر مونہوں کجھ نہ بولی۔ میں

پچھیا: تیرا کیہ خیال اے؟ آکھن لگی! ٹھیک اے، دوویں اکو تول تلی جان گے۔ اکو
تکل قبیلہ اے کسے نوں کوئی ہول بھار نہیں۔“ میں آکھیا: ”زہی توں تے بندیاں دی
وی انجے گل کرنی ایس جیویں منڈی بنساں دی کری دی اے۔“

رہ گیاں سمن تے ثمر۔ سمن اچے میٹرک وچ پڑھدی اے تے اوہدی ٹاول
وچ صرف اپنی پچھان کرائی گئی اے کہ اوہ سردار حسن طاہر دی بھین اے۔ انج
دیکھیتے تے ایسہ لگی جیہی گل وی بڑے وڈے معنی رکھدی اے۔ ڈیرہ غازی خان
دے اک سردار دی دھی تے اک ہون والے سردار دی بھین اے۔ اگانہہ چل کے
اوس نے وی اُچے پڑھے ملنے نیں۔

ثمر بڑھے کھلے ڈُلھے مزاج دی کڑی اے۔ اوہ گوشت پوست دے رشتیاں
دی قائل اے، پر پتہ نہیں کیوں اوہدا کوئی پیر کو راہیا نہیں پیا۔ ماں ولایت بیٹھی
اے۔ بیرسٹر سلطان ولوں اوہنوں پوری آزادی اے تے پھیر پروفیسر مخدومی وی
اوہنوں کدی روک ٹوک کردے نظر نہیں آوندے۔ انج لگدا اے کہ اوہدے دل
وچ کوئی چور نہیں لکيا ہویا۔ اوہ اندروں باہروں اکو جیہی اے۔ ایس واسطے کوئی گمراہ
کرن والی نفسیاتی گھنڈی اوہدے ذہن تے اوہدے کردار نوں گمراہ تے داغ دار نہیں
کر سکی۔ اوہدے کردار اک ہور خوبی ایسہ اے کہ اوہدے کردار وچ کوئی
Inhibition نظر نہیں آوندی۔ اوہدی صاف شفاف ذہنیت تے کسے ”چوری“ دا

پرچھانواں نہیں پیا۔ مراد کولوں وداع ہوندے ہوياں اوہدے نال ہتھ ملاون دی
خواہش دے مقابلے وچ بیڑی وچ مانگ دے کول بہہ جانا تے اوہدے مُٹھے نال اپنے
جُڑ لا دینا معصوم جیہی حرکت چاڈی اے تے جے مانگ اوہنوں ایسہ کہہ کے نہ
ٹھاکدا کہ ”بی بی جی اپنے بھار ہو کے بہو۔“ تے خورے ثمر نوں احساس وی نہ ہوند
کہ اوہدا کوئی انگ مانگ دے۔ جسم نوں چھو رہیا اے۔ ایسہ ایسے طرح دی
اختیار تے غیر شعوری حرکت اے جیویں دو بال نال نال مجھڑ کے بہہ جانے نیں یا
جیویں روشی بے جی دانگوں مراد نال گل دکڑی پا کے ملنا چاہندی اے پر ماں جی کولوں
جھک جاندی اے۔ ایس ذہنیت دا تقابل زہی نال کرو جیڑی کدی وی اوسے
نال ہس کے نہیں بولدی تے ثمر تے روشی دا وی اوہدے نال ہس کے بولنا
روايت نہیں کر سکی۔ ایسہ خورے اُچے خاندان دا تقاخر اے ہاں مراد اتے

تے شرعی حقوق دی ملکیت دا احساس اے۔

مراد نوں مراد ماہی آکھدیاں ہوياں وی ثمر نوں کسے کولوں جھاکا نہیں آوند۔ اوہ مانک نوں ویکھدیاں سار ای ساریاں دے ساہنے بے اختیار بول پندی اے۔

Who is that greek God Oh Heavens

پھیر اک دوجے موقع اتے اوہدی تصویر جیویں سجاد حیدر نے پیش کیتی اے انج وی بندی اے۔

”روشن اندروں ثمر نوں بلا لیاٹی۔ اوہنے منشی تے مانک دوواں نوں وکھو دکھ سلام کیتا تے پھیر مانک ول مونہ کر کے بولی۔ میں جی کل داک پروگرام تہاڑے نال بنانا چاہندی ساں۔ مانک حیران ہو کے پچھیا۔ ”میرے نال بی بی جی؟“ ثمر نے ہس کے اپنے بے تکلف انداز نال آکھیا، ”میں تہاڑے کولوں اپنی وڈی آں جے تیس مینوں بی بی جی آکھدے او؟“ مانک پچھیا! ”تے ہو ر کیہ آکھاں؟“ ثمر بری اپنائیت نال آکھیا۔ ”میرا ناں ثمر اے۔ تیس میرا ناں بلاؤ نا۔“ مانک گل مکاوندیاں ہوياں کہیا۔ ”جی تیس گل کرن لگے ساؤ۔“ ثمر آکھیا! ”میری خواہش اے کہ کل تیس سانوں کشتی وچ دریا دی سیر کراؤ۔“ مانک آکھیا! ”جی بسم اللہ۔ کس ویلے آؤ گے“ ثمر میرے ول ویکھ کے پچھیا، ”مراد کیڑا ویلا ٹھیک رہے گا؟“ میں کجھی رمز نال جواب دتا! ”شام نوں پہلیجے تاں جے دریا وچ سورج ڈبن دا نظارہ وی ویکھ کیجے۔“ ثمر ہس پئی تے بولی۔ ”بڑی رومانی طبیعت ملی اے مردا ماہی نوں ماشاء اللہ۔“

اوہ مراد نال اپنے والد تے اپنی انگریز ماں دا ذکر کھل کے کردی اے۔ اوہ مراد تے زیب دی Commitment تے وی کھل کے بحث کردی اے۔ پروفیسر مخدوی نوں دس کے اوہناں دی موٹر چھڈ کے اوہ مراد دی جیپ وچ کلی اوہدے نال اگلی سیٹ اتے ہمہ جاندی اے۔ اوہ مراد نال سارے جہان دیاں گلاں کردی اے، پر کتے وی اوہدے من اندر میل نہیں آوند۔

”ایہدا مطلب ایہہ ہويا پئی تیرے نال صرف ذہنی رفاقت ممکن اے۔ ایدوں ودھ کوئی شدید جذبہ لکیر پٹن والی گل ہووے گی، جیہنوں توں اخلاق دے دائرے توں باہر سمجھناں گے۔“

”ایسہ سوال میں نہیں بنائے۔ ایسہ صدیاں دی سیانف داتت نیں۔“
 ”پر میں افلاطونی محبت وچ یقین نہیں رکھدی۔ ایسہ تصور آدمی دی بنیادی
 فطرت دے خلاف اے۔“
 میں کوئی جواب نہ دتا تے کچھ میلاں دا سفر خاموشی وچ نگھ گیا۔ پھیر ثمر
 نوں مانگ چیتے آگیا۔

”مراد مائی تیرا دوست مانگ Woman Hater اے؟“
 ”کیوں؟ تینوں کیوں خیال آیا؟“

”جدوں اسیں کشتی وچ بیٹھے ساں تے اوہ اپنے باپ دا قصہ سنا رہیا سی۔
 میں جھل جھلکے اوہدے نال لگ کے بیٹھ گئی۔ اوہنے بڑے رکھے لہجے نال مینوں
 آکھیا۔ ”ثمر بی بی اپنے بھار ہو کے بیٹھو۔ میں ایسو سمجھی پئی ایڈا مضبوط مرد روایت
 دے بھار تھلے تے آ نہیں سکدا۔ ایسہ ضرور اپنے رویے وچ Woman Hater
 ہووے گا۔“

مراد واسطے ایس جذبے دا اظہار اک ہو رہا تھاں تے کھل کے سامنے آوندا
 اے۔ ثمر نے جدوں انگلینڈ جاون دا فیصلہ کر لیا تے اوہ مراد کول الوداعی ملاقات کرن
 لئی آوندی اے۔

”مراد ایسہ اکو اسی دکھ دی گھڑی اے۔ میں تے شاید کدی وی تیرے توں
 جدا نہ ہو سکاں۔ پر کوئی تھاں چھڈن توں پہلے خدا حافظ تے کہنا ای پیندا اے۔“ پھیر
 اوہ میرے دل بڑیاں عجیب نظراں نال دیکھدی رہی۔ اوہدیاں شوخ اکھاں اج اداس
 سن۔ اوہنے میرا ہتھ اپنے ہتھ وچ پھڑپھڑاتے آکھیا۔ ”ہتھ ملان نال تے کچھ نہیں وگڑدا
 نا؟“ میں اپنا ہتھ اوہدے ہتھ وچ رہن دتا پر میرے اندروں وی اک جھوک اُٹھی۔
 میں اندروں کب گیا۔ اوہ پہلوں باہر نکلی تے اسیں چپ چاپ بندے ہوئے بیرسٹر
 صاحب دی موٹر کول آ گئے۔“

ایسے طرح دی اک خواہش روشنی دے دل وچ مراد واسطے چمکدی اے۔
 جدوں بے جی مراد نوں اپنے سینے لاوندے نیں تے کول کھلوٹی ہوئی روشنی دا جی وی
 کردا اے کہ اوہ وی مراد نال انجے ای ملے۔ پر روشنی دے سر اُتے بے جی دا سایہ
 اے تے ثمر نے وی اکو واری بے جی کولوں چادر لے کے اپنے سر اُتے لے لئی سی

تے ایسہ وی آکھیا سی ہُن میں ایسہ چادر واپس نہیں کرنی۔ اوہ چادر اجے وی اوہدے سراتوں نہیں تھی۔

ہُن رہ گئی ایسہ گل کہ ”چتر باغ“ ہڈ بٹی اے یاں جگ بٹی۔ ایس بارے میں اپنے ولوں کوئی رائے قائم کرن توں پہلاں اک اندرلی شہادت ناول دے مصنف سجاد حیدر ہوراں کولوں حاصل کراں گے۔

”حرف بچیاں ہار سینے وچ بندے نہیں تے کئی کئی ورھے اوہناں نوں زبان نہیں لگدی۔ میں پینتالی (45) ورھے حرف اُسار اُسار ڈراے لکھدا رہیاں پر حرفاں دا اک وکھرا بھگکا میرے اندر اک نکرے بیٹھا باہروں کے اشارے دی اڈیک کر رہیا اے۔ خورے اجے وی اینناں ایانیاں دی گھروں باہروں جھات پان دی عمر آئی سی کہ نہیں، پر میں اپنی عمر دی دھپ گھڑی نوں دیکھ کے اینناں نوں انگلی لا کے باہر لے آندا۔“

سجاد حیدر دی ایس پکی پیڑی شہادت توں سانوں انکار نہیں۔ پر حرف جدوں مومنوں یاں قلم راہیں باہر نکل جاون تے اوہ صرف اپنے ای نہیں رہندے اوہ دوجیاں پڑھن والیاں دی ملکیت دی بن جاندے نہیں تے اوہ آپوں اوہناں اندروں صداقتاں تلاش کر لیندے نیں۔ سانوں سجاد حیدر دی گواہی، اوہدی شہادت تے اوہدے آندر دے اینناں سیانے ایانیاں دی سیانف دا یقین اے کہ ایس ناول دا ہیرو مراد مائی سجاد حیدر آپو اے۔ آگوں رب جانے کہ عارف رومی دا قول اے۔

خوشر آں باشد کہ سر دلبراں

گفتہ آید در حدیث دیگران

”چتر باغ“ نوں ڈاکٹر محمد باقر دے ناول ”ہٹھ“ وانگوں اک سوانحی ناول

آکھ سکے آں۔ اینناں دوواں ناولاں وچ اک سانجھ ہور وی اے کہ اینناں دا ماحول، فضا، علاقہ تے دور وی اکو ای اے۔ پر سجاد حیدر کیوں جے اک اُچے ڈراما نگار نیں ایس کارن کرداراں، واقعات تے Situations نوں پیش کرن دا انداز چنگی طرح جاندے نیں۔ ناول وچ مرکزی کہانی تے اکو ہوندی اے، پر اوس کہانی اوہدے کرداراں تے واقعات نوں اگانہ ودھاوون تے غذا فراہم کرن وچ ضمنی کہانیاں تے کردار خاص محرک دا کردار ادا کردے نیں۔ مراد مائی تے شمر اصل وچ ایس ناول

دے بہتے فعال ، متحرک ہتے مرکزی کردار نہیں۔ باقی دے ذیلی کردار سوائے میاں علی گوہر دے اینہاں دوواں کرداراں نوں حیات بخش دے نہیں۔

سجاد حیدر ہوراں نے ”چتر باغ“ وچ صرف بھکن چیت دیاں بہاراں ای نہیں دکھائیاں سگوں جیٹھ ہاڑ دی تپش ، سون بھادوں دی رکن من تے ہسڑتے پوہ ماگھ دے پالے نال وی اپنے قاری نوں جاگو کروایا اے کہ حیاتی سردی گری تے بہار خزاں دا ای نال اے ، دکھ سکھ تے خوشیاں غمیاں انسانی فطرت دا لازمہ نہیں۔

”چتر باغ“ نوں صرف ایک سوانحی ناول قرار دین نال ای گل نہیں بندی۔ ایہدے وچ تن نسلاں دی کہانی اے۔ اک پورا عہد سمویا اے تے اوس عہد دی کچھ کچھ شہری تے بہتی پینڈو معاشرتی حیاتی دیاں رنگ برنگیاں تصویراں ، اپنے پورے مفہوم نال موجود نہیں۔ ”پیر پنھاں“ دی کدھی دا وسیب تے رہتل بہتل پورے ناول دی فضا اتے کھلے ہوئے نہیں۔ گجرات تے پنھاں حسن تے عشق دیاں زندہ جاوید علامتاں نہیں تے علم و فن دے حوالے نال پنجاب دا خطہ یونان نہیں۔ ایہدے وسنیک وفا ، دوستی ، عشق ، محبت دے نال نال دشمنی دا اظہار کھل کے کردے نہیں۔ سجاد حیدر دے کرداراں وچ ایہہ سارے وصف موجود نہیں۔ جے ایس ناول دے واقعات اپنے اندر حقیقت دے انمٹ نقش سمیٹے ہوئے نہیں تے ایہدے کردار جیوندے جاگدے تے گوشت پوست دے انسان نہیں۔ بیہڑے یاریاں نبھاوندے نہیں ، اک دوجے دے واسطے قربانیاں دیندے نہیں۔ لچال تے وفا شعار نہیں۔ ملوک جذبیاں ، العز خواہشاں ، اکھڑ لہجیاں تے انمٹ سچائیاں دے علمبردار نہیں۔ سجاد حیدر نے ایہہ ناول حیاتی دے گُوڑھے تجربے تے ڈونگھے مشاہدے دے حوالے نال لکھیا اے۔ پنھاں دی کدھی دے وسنیکاں دی وسوں دے اک اک پہلو نوں بڑی فنی بصیرت نال اُیکیا اے۔ ایسے کارن ”چتر باغ“ وچ جے اک پاسے مٹی دی مہک ، پنھاں دے حیات پرور پانی دی مٹھاس اپنے صفحے صفحے اتے کھلاری ساڈے شعور دیاں داگاں اپنے ہتھ وچ پھڑ لیندا اے تے دوجے پاسے ایس حسن پرور تے عشق بخش علاقے دے وسنیک اپنے قد کاٹھ دے حوالے نال ویسی کماؤ دے گنیاں وانگر جیلے تے ریلے نہیں تے اینہاں دے رنگاں روپاں وچ ددھ ملائی وچ شمد ، سندور تے گلاب دیاں پنکھڑیاں نے وچ بچ کے ”چتر باغ“ دے کرداراں نوں ازلی

تے ابدی حسن دے یونانی دیوتاں وانگر دا بنا وتا اے۔

ناول دی زبان بڑی صاف ستھری ، پچل تے منجھی ہوئی اے۔ حرف نال حرف تے لفظ نال لفظ جڑے ہوئے نیں۔ نہ ایہدے وچ مقامی محاورے دے ذریعے قاری نوں گھٹلیں پان دی کوشش کیتی گئی اے تے نہ ای عربی یاں فارسی دے بھاری بھرکم اکھراں دا رعب پاؤن دی کوشش کیتی گئی اے۔ کدھرے کدھرے پنھاں دے کنڈھے دا مقامی لہجہ موجود اے پر اوہ کئے خاص کردار دی مناسبت دے حوالے نال ظاہر ہويا اے۔ ایسے طرح ایہدے وچ چڑحدے ول دے پنجاب دے لکھاریاں دے ہندی تے سنسکرت زدہ لہجے دی ”فیشن“ دے طور تے پیروی نہیں کیتی گئی اے۔ ناول دا لہجہ بڑا ہلکا پھلکا تے نرمول اے۔ جیویں اج دے پڑھے لکھے آپس وچ پنجابی زبان وچ گل کتھہ کردے نیں۔ ایہہ علمی یاں کتابی پنجابی نہیں۔ جیوندے جاگدے لہجے دی گھٹلی ڈلھی زبان اے بیہڑی ہر مضمون تے موضوع نوں بیان کر سکدی اے۔ مانک ، بابا فضل ، بے جی ، روشی ، پنجابی شاعری دا رسیا منشی د گلیہ ، پڑھے لکھے جدید علماں دے جانو منڈے کڑیاں ، پروفیسر مخدومی (فلسفے دے استاد) تے مولوی سمیع اللہ (غزالی ، ابن عربی تے الفارابی علماں دے ماہر) اکو زبان وچ گل کردے نیں۔ سجاد حیدر دی دانش دی داد دینی پیندی اے کہ اوہناں نے اپنے ناول نوں ڈرامے دی پر شکوہ زبان توں بچا کے ناول نوں حقیقی رنگ وچ رنگ دتا اے۔

نجم حسین سید دے ڈرامے

لکھن والے دی منجان دے ڈھب انج تے ہو وی بتھیرے نہیں، پر اوہدی
 سبھ توں وڈی منجپ ایہہ دے پئی اوہ دنیا بھر دے انساناں دا وفادار رکنا گو دے۔
 ویریاں تے بیلیاں وچکار کنا کو نکھیرا کر سکدا ہے تے سبھ توں اگانہہ دی گل ایہہ
 کہ اپنی منجان کر کے لوکاں نوں وی اوہناں دی منجان کس جج نال کرواندا ہے۔ سچّا
 تے سچّا لکھاری اوہ ہے جیہڑا عامان نوں دُکھ دیاں کھلاں دواون دے چارے کرے،
 ائیہے چاریاں دی دس پاوے تے اوہناں دے دن دیہاڑ ویڑھے دارے تے کم کار
 دیاں تھاہراں وچ خوشی خمار تے سوہنپ اُگھیر سکدا ہے۔ کون اوہناں نوں دھروہ
 توں بچا سکدا ہے۔ ادیب اوہ وی ہے جیہڑا ایہہ وی سُوہ لاوے پئی لوکائی نوں باندیاں
 بردے کون بناوندا ہے۔ گندا بچھا کون ہے، لوکاں نوں گند خرابے وچ کون جا مٹدا
 ہے۔ کون غریب غریب دی غریبی تے اوہناں دیاں لوڑاں تھوڑاں تے مٹھکے تنک توں
 لالھ مچکدا ہے۔ کیہڑے بن جیہڑے مکر فریب دے زور دھگانے اپنا پار تے اپنا کارا
 لکائی لگے جاندے نہیں۔

ادیب اوہو ہے جیہڑا پیار پریت، مہر محبت، کھل آزادی، جمہوریت تے
 بندے دے حق حقوق دا بلار ہووے تے ضامنی کرے، نالے حیاتی دے پڑ وچ
 بندے دے وسیب اندر ایہناں ای اچیاں قدراں دے رکھلار پھلار دے پر بندھ اپنے
 وچاراں تے اپنے اکھراں دی زور طاقت نال کردا رہے۔ ادب دا بوٹا اوس جنے دے
 نصیب وچ لاون ہوندا ہے جیہڑا اندر دی اچو واہی دا شکار ہو ونجے۔ ایہا اندر دی
 اچو واہی ادیب نوں ہمتال، پھیلا تے انسانی پریتاں دا پالن کرن والا بناوندا ہے۔ سچّا
 ادب اوہو ای ہے جیہڑا اپنے ہی لکھن اُلیکن والے اندر یقین اعتماد دی پکیائی دے
 جم دا باعث بن سکے۔

نجم حسین سید پنجابی دے اوہناں ادبیاں لکھاریاں وچوں ہے جسنے مڈھوں لاء
 ادب دی روح تے لکھاری دے تھاں تھاہر نوں رنجان رنچاپ کے نظم ، تنقید تے
 ڈراما لکھیا۔ اپنے ادبی منصب نوں سمجھ لین توں پچھے اوہ جتھے جم کے آکھلوتا سی ، اج
 وی اوتھے ای کھڑا ہے۔ حیاتی دیاں اوازاریاں موہرے دیکھ کے وی حیاتی کولوں
 اوازاری تے رویے سجا دی منافقت نہ اوس آپ کیتی ہے تے نہ اپنے فن دا حصہ
 بنایا ہے۔ نجم حسین سید دی دن سونی فنکاری اتے اوہدی ڈرامے کاری کچھ دی
 چڑھتل ہے۔ نظماں وچ وی ڈرامے دی رنگن ڈھیر ہے اتے واراں ہن ای ادھیاں
 ڈراما۔ تنقید وچ اوہدے کڈھے ہوئے تے اج وی ڈرامائی درجہ رکھدے نیں۔ ڈراما
 لکھن والا اصل وچ کے کھوج وچ پینڈے کردا ہے۔ اوہ کوئی کھڑا پن نہ کھندا ہے ،
 اوہ وی ڈرامے راہیں حیاتی نال اوڈی ہی گوڑھی سنگت بناوندا ہے جیویں کوئی وی
 دوجا فن لطیف دی تخلیق کرن والا فنکار۔ نجم حسین سید پنجابی دا اوہ ڈراما کار ہے
 جیس جدوں وی ڈراما اُلیکھا اپنے وجود دے اوس حصے نوں بیہرا آپ تماش بین ہوندا
 ہے اپنے ہی وجود دے اوس کچھ نال جوڑ دتا۔ انج اوہ اپنے ڈرامیاں دا اک زوراور
 کردار آپ وی بن جاندا اے۔ اپنے ڈرامیاں دے بعض کرداراں واسطے اوس
 کوشش کیتی ہے پئی اوہناں دی باہر دی دیکھی تے اندر دی واپری اک رک ہو
 جاوے۔ پر ایسہ گل اوہدے سارے کرداراں دا سجا نہیں بن سکی۔ انج ڈراما کار وی
 اپنی دیکھی واپری اینناں ڈرامیاں اندر اک ہو جاندی ہے۔ ایسہ کم اصل وچ ایڈا
 سوکھا وی نہیں۔ ڈراما اپنی ذات وجود تے اپنے وسیب دا نواں پاؤں ہے۔ نجم حسین
 سید نے ایسے گل نوں اپنے فن دا مشن بنایا تے مڑ ساری حیاتی اوہدے نال جڑ کے
 رہیا۔ ذات وجود نال ، فن نال ، لوکائی نال ، آسے پاسے نال تے اپنے پچھے دے
 حوالیوں اپنے رہت وسیب نال گوڑھے واسطیاں دا اظہار اوہدے ڈرامیاں دا خاص
 وصف ہے۔ اینناں گلاں نال اوس اپنی فنی وفاداری توڑ نبھائی ہے۔ انسان واسطے
 حیرت تے خوشی دا خیال جیہڑا اوس مڈھوں اپنے فن دے دیزھے وچ چندن گرکھ
 وانگوں گڈیا سی اوس توں کوئی دھروہ کوئی لالچ کوئی مصلحت اوہنوں پرانہ نہیں
 کر سکے۔ اوس اپنے فن اندر اپنی دیکھی واپری نال کوئی ہتھ نہیں کیتا۔ اپنی ملک
 تاریخ دے کے موڑ اتے کے موقع پرستی دا مظاہرہ نہیں کیتا۔ کسے دھن منڈی وچ

اپنا فن تے نظریہ و سچن نہیں لایا۔ کسے دا بے بسٹہ نہیں آیا۔

نجم حسین سید پنجابی دے اوہناں ادبیاں وچوں ہک ہے جیہڑے ہتھاں دیاں انگلاں اُتے رگنے جا سکدے نیں پئی اوہناں اپنی دھرتی تے لوکاں نال ہمیش سچی سنگت کیتی کوئی کاروباری تے منافع والا دشتہ نہیں رکھیا اوہنے تن ڈرامے اُلکے ”جنگل دا راکھا“ بیہڑا اوس سعید احمد دے بنگالی انگریزی ڈرامے توں اُلتھیا۔ پر انج جے پنجابی وچ ایسہ ڈراما اصل روپ دے برابر آگیا۔ حالاں کہ ترجمے وچ اصل نقل دے فرق کدی نہیں محسوس ہوندا۔ صرف اودوں جدوں کسے وی نظم نثر نوں اُلتھن والا پہلاں آپ اوہدے اندر دی ڈونگھ تیک اُترے۔ جنگل دے جانور اُتے دے مومنوں جیہڑی زور دار سچکر انسانی سماجی رویاں اُپر سعید احمد نے بنگال دے سیاسی حال احوال نوں ساہنے رکھ کے کردائی سی نجم حسین سید نے اوس رمز تے سینت نوں اپنے فن دے خون خیر تے قلم دیاں رگاں وچ اُتار لیا، اوس ڈراما پنجابی وچ اُلتھیا نہیں۔ تن انگلاں دے ایس علامتی ڈرامے وچ کھوتا، گدڑ، شیر، لومڑی، گھڑیاں تے دو جے سارے پاتر انسانی وسیب دے جنگل وچ جدوں انسان دی زبان بولدے ہیرا پھیریاں، ریاکاریاں تے کردھہ مناقشات کردے ساہنے آوندے نیں تے سانوں جانور بے زبان مچل جاندے نیں اپنا تنگ تے کوہڑ ساہنے آوندا چا پدا اے۔ نجم حسین سید نے سعید احمد دے ایس بنگالی علامتی ٹانک نوں ڈھیر سوچ وچار پچھوں اپنے فن دی رنگھ وچ اُتاریا تے جدوں اوہنوں پنجابی روپ وچ باہر آندا تے خالص نروے نوں پنجابی رویے نال لے کے اپنے نویں جنم روپ وچ پیش کرن وچ سچل ہویا۔

بے اعتباریاں، مکر فریب، مناقشات کردھہ تے ظلم دھروہ دیاں جیہڑیاں جھاکیاں نجم حسین سید نے سعید احمد دے ذاتی معاشرتی حوالے توں لے کے پنجابی وچ اتاریاں نیں اوہ ہزا ساڈی دھرتی دا ہی مسئلہ نہیں سگوں پوری دنیا دیاں ماریاں کیمیاں قوماں دا مسئلہ ہے۔ اج دی غریبزی تے ڈری سہمی دنیا دے انساناں دے وسیب دا سانجھا مسئلہ ہے۔ جیس توں اک سچا ادیب تے فن کار وانجھا نہیں رہ سکدا۔

سانجھ بٹاں ہے وانجھ میاں مردانیا

من دی ڈونگھ وچ اتاریاں سہی ہوندا اے پئی ٹانک جنگل دا ڈراما اپنی اصل وچ ہزا کوئی جنور تماشا نہیں۔ چنگا بھلا انسانی تماشا ہے۔ (HUMAN COMEDY)

نجم حسین سید دیاں واراں 'نظمیں' تنقید تے ٹانگ پڑھیاں پتہ لگدا اے پی لوک ریت نال سمبندھ اوہدے فن دی اچھی بنیاد ہے۔ ساڈی لوک ریت وچ کچھو پنچھی تے چڑی جنور عام طور اتے بندے دی بولی بولدے لبھدے نیں۔ اج دے نوں سے کھدا پیا ہے پی لوک لڑیچر دی ایہ رمزیت بے تصوی فضول تے ان ہونی نہیں سی۔ بے شمار پنجابی لوک کہانیاں اندر پنچھی کچھو گلاں کردے نیں سگوں انساناں وانگوں کم کار وچ وی حصہ لیندے نیں۔ لوک کہانیاں وچ جنور اپنے ہیرو یاں ہیروئن دی مدد سائتا واسطے سنگت کردے سن۔ "جنگل دا راکھا" وچ انسانی روایاں دا سوانگ جانور بھردے نیں۔ کہانیاں دی روایت مطابق ست جگ دے نیک سے وچ ہر شے سارس وی گلاں کر سکدے سن۔ اج کل جگ وچ جدوں انسان گل کرن دی ہمت حوصلہ اپنے اندر نہ پاوے تے اوہ جانوراں دے مونہوں علامتی رنگ وچ اپنیاں گلاں اکھاون اتے مجبور ہے۔ (Sir Richard Temple) نے اپنی (Of Punjhb Legends) دی تربی جلد دے دیباچے وچ لکھیا ہے۔

"انسانی وصف رکھن والے جانور توں ایس نامعلوم طور تے انسانی وصف رکھن والیاں چیزاں ول مڑ آوندے آں۔ جدوں اک واری غیر انسانی چیزاں وچ سُرّت احساس لبھن و۔ کھن دی عادت پے جاوے، پھیر اوہوں جان داراں یاں بے جان چیزاں بارے استعمال کرن وچ کوئی روک نہیں رہ جاندی۔"

"AESOP'S TALES" تے "پنج تنز" دیاں کہانیاں ایسے دی مثال

نیں۔ نوں انگریزی ادب وچ GEORGE ORWELL نے وی FARM ANIMAL وچ ایہو حربہ ورتیا ہے۔ جویں لوک کہانیاں وچ بندے نے دل دی گل جھجھی سٹ مار کے آکھن دا ڈھب چڑی جنوراں دے مونہوں اپنایا سی۔ اج دے سوڑ سے وچ جی گل دی دھوکھ کڈھنی وی اوکھی ہو گئی ہے۔ لوک کہانیاں دے ایس ڈھب دے اپناون دا تھوہ ہور کھل گیا ہے۔

نجم حسین سید جے "جنگل دا راکھا" پنجابی روپ وچ پیش نہ کردا تے شاید اوہدے اتے ڈرامے دی سینت رمز تے ٹانگ دے بھیت اسرار چنگی طرح کھلن وچ دیر لگدی۔ ڈرامے "جنگل دا راکھا" نے اک ادبی ہتھیار بن کے اپنی رمز سینت اوہدے ذہن دی پدھر اتے کشف کیتی ہے جے اوہ ایہ ترجمہ نہ کردا تے بھانویں

اگلے دو بھروس ڈرامے ”تخت لور“ تے ”اک رات راوی دی“ کدے وی نہ اُلیکدا۔ اوہ دو مضمون ای رہ جانداں جیہڑے اوس ساراں وچ بھاجڑ ”تخت لور“ تے ”دلے دی کمائی“ دے سرانویاں بیٹھ لکھے سن۔ ”جنگل دا راکھا“ توں نجم حسین سید نوں ڈرامے دی راہ لہی۔ اوہنے سمجھ لیا پئی کہ وی ویسب وچ کردار دے اندر دی کھچ دھروہ تے بھج بٹ تے کرداراں دے آپو وچ دے باہر دے ٹاگرے ڈرامے دے رُوپ وچ کجھڑے کاری تیر چلاون واسطے ایہہ ہتھیار وی بنا کے ورتے جا سکدے نیں، جیہڑے ماضی دی کمانوں نکل کے حال دے جُٹے وچ پڑتے جاون تے بھلے پھردے منکھ نوں اوہدی رنجان کرا دیون۔ موجود تے قدیم زندگی نوں جر جذب کے رگن رتھ کے ویسب واسطے اک نویں حیاتی دا تھوہ پتہ لاون ڈرامے راہیں وی اصل وچ انجے ای ہوندا ہے۔ جیویں بہت سارے دو جے Arts راہیں۔ نجم حسین سید نے ایہناں دو ڈرامیاں راہیں آون والی بھلک دے جگجگ امکانات دی خبر دتی ہے۔ ایہہ وڈے ڈرامے کار دا نرا اپنا CATHARSIS ای نہیں اوہدے پنجابی ویسب دا بڑا ڈھکدا تے سچے کڈھن والا CATHARSIS وی نہیں۔ ایہج وڈے ڈرامے اصل وچ اکو سوچ سنگھ دیاں دو کڑیاں نیں، بیہناں وچ اک مقصد والی بل جمل موجود ہے۔ ایہہ مقصداں والی بل جمل، خوف، ترہ، غم، فکر، دکھ، سکھ، دیر، شریکے، سوڑاں، نفرتاں، کھندک، خوشیاں، پیار، پریتاں، بھن ترث تے ہنجوہاے، گل کیہ پئی بندے دے ہر مڈھلے رویے نوں نال لے کے ہوندی ہے۔ دوہاں ڈرامیاں دا اخیر وچ رجوع بڑی کامیابی نال اپنے مقصد ول ہو جاندا ہے۔ نجم حسین سید نے تاریخی صورت حال وچ کرداراں دی مقصد والی بل جمل کمال درجے دی دلچسپی پیدا کردتی ہے۔ ایہہ ڈرامے دکھانت یاں ٹریجڈی دے حوالے نال کتھار س دی مثال نہیں سگوں ٹریجک رزیے EPIC دے حوالے نال فنی کتھار س دی مثال نیں۔ ایہناں دو ڈرامیاں وچ پنجاب دے پنڈاں دے دن دیساڑ دیاں تصویراں وی نیں تے لوکاں دی زندگی وچ پیش آون والیاں گنجھلاں وی نیں، سگوں اک لحاظ نال مسلیاں دے حل ول اشارے وی ملدے نیں۔ نجم حسین سید نے پنجاب دھرتی دی تاریخی سٹیج اُتے کھلے پڈے مواد نوں آج سے دے لوکاں دیاں لوڑاں تھوڑاں دا احساس کر کے اک فنی طریقے نال کجھن دا چار اکتا ہے تے پھیر ایہناں ڈرامیاں

وچ اوہناں جی دار ہتالاں دی جی داری دے رزیے لکھے نیں ، جیناں دا وجود ماضی
 وچ بچ سی ، حال وچ وی بچ ہے تے مستقبل وچ وی بچ ای رہی۔ راٹھاں نے
 جیڑے اصل وچ تے روایتی راٹھا چاری نظام وچوں ہی سن اپنے دشمن نوں لبھن
 توں پکھوں انسان نوں انسانی پدھراتے سمجھن سمجھاؤن دی کوشش کیتی ہے۔ ایناں
 ڈرامیاں دی سٹیج اتے بھیاں تے کھلاں وچوں دلے تے احمد خان دی راٹھا چاری
 دے معنی ای ہور نیں۔ ایناں اندر انسانی برابری تے دھرتی نال محبت دا اظہار
 ہے۔ ایناں وچ کرداراں دی ریل جُل آپ اک بھرواں تخلیقی رویہ بن کے سامنے
 آوندی ہے۔ اتھے مرکزی تے ضمنی سارے کرداراں دے اندر دو چوہنہ نوں چھڈ
 کے دھرتی نال ات دی محبت دے سوے بھٹدے نظر آوندے نیں۔ بندے نال
 بندے دی محبت دی سچی ریت دے راہ روشن ہوندے جا پدے نیں۔ دُلا بھٹی ، مراد
 فیاض ، احمد خان کھل ، اسہ سارے مڈھلے کردار دھرتی نال محبت کرن دے طور
 سکھاؤن والے کردار ہن ، جیناں وچوں ڈھیر سٹیج اتے سامنے آوندے نیں تے کج
 سٹیج توں اوہلے نیں پر ریل جُل تے حرکت دواں قسم دے کرداراں دی نالو نال ہے۔
 ”تخت لہور“ وچ کردار دے طور تے دلا کدھرے وی نہیں پر سٹیج اتے دوسرے
 کرداراں دی گل کتھ وچ کتاب دے ورقے ورقے اوہلے اوہلے دا کردار پیا بولدا
 ہے۔ ”تخت لہور“ ایس لحاظ نال اک دکھرے داء دا ڈراما ہے پئی جیوں دے مڈھلے
 کردار دا تھوہ مڈھ توں اخیر تائیں رہندا ہے پر اوہ سٹیج اتے ڈرامے وچ (وار نوں
 چھڈ کے) کدھرے وی نہیں یاں جیڑا کردار کہانی وچ پورا تے مکمل ہے اوہ ڈرامے
 وچ کدھرے وی نہیں۔ ہومر HOMER درگافن کار وی ادب دی تاریخ وچ کج
 ایو جیہا ہتھ ای کر گیا ہے۔ ایس طریقے نال شاید کردار دیاں ، عضیاں شخصیاں گھاٹاں
 نوں پوریاں کیتا جا سکدا ہے۔ کیوں جے دُلا تے اصلوں آپ وی اپنی رعیت تے
 اپنے کیاں دی جدی پشتی فوج اتے زور اور زمیندار وی سی۔ اسہ دکھری گل ہے پئی
 چختیاں دے فرید تے ساندل اتے حدوں باہر لے ظلم نے اوہنوں اندروں بدل کے
 رکھ دتا سی۔ بھادیس تے ”تخت لہور“ دی بھاڑ وی ایو اندر دا انقلاب سی۔ ایسے
 گل نے دُتے نوں اندوں نابربنا گھتیا سی تاہیوں اوہ بھٹیوڑ تے بار دی راٹھا چاری
 دی قدیمی روایت توں اتے نکل کے مظلوم تے کٹھی ہوئی لوکائی دی راکی دی راہ

اُتے پے گیا سی۔ دُٹے تے لدھی نوں تخت لہور دے سبج توں دکھیاں کر کے ڈراما کار نے بیڑا اوہلا دتا ہے اوس نال بڑے کجھ فنی تے نظریاتی لالچ دی چکے نیں۔ دُٹے دی اپنی حیاتی دے کئی پاڑے میلے نیں۔ نجم حسین سید نے دُٹے نوں اکھوں اوہلے کر کے ڈرامے وچ اک نہ کن نہ مٹن والی علامت بنا دتا ہے۔ حد ایسہ دے پئی دُٹا ڈرامے اندر کدھرے مردا دی نہیں سنیا گیا۔ اوہدی موت نہ دکھانا اوہدے وجود نوں ہمیش واسطے جیون تے جگاؤن والی علامت بتاؤن کارن سی۔ دُٹا ”تخت لہور“ دا اوہ اندر لا کردار ہے بیڑا ہُن رہندی دنیا تاں شایہ پنجابیاں دے تخت نوں ایٹا نہ بلونے جتا اوہناں دے وجود دے اندر دے تخت وچ تھڑھلی پائی رکھے۔ دُٹے دے قدیم روایتی رانھا چاری۔ کچھ توں ولا کے نجم حسین سید نے اوہدا جیل وچوں ذکر توریہ ہے تے انج اوہدے پچھلے روایتی شخصی کردار دے سارے ڈھکن ڈھک لے نیں۔ ہُن ساڈے ساہنے ڈرامیاں وچ ایہناں کرداراں دی حیاتی دے بیڑے جھے آوندے نیں اوہناں وچ انسان دے خلاف دھروہ دے ورودھ تاہری اوہناں دے ایمان دا حصہ ہے۔ اپنی نجات دی سبیل ہے۔ ایس گل دا اعلان ہے پئی جسم قربان ہو جاندا ہے نیں پر روحاں نوں ہمیش دی حیاتی نصیب ہو جاندی ہے۔ ایسے کر کے ایسہ ڈرامے ٹریجڈی نہیں رزیے نیں۔ لوکاں دی اوس ریل مچل دے رزیے جیڑی کوڑھ کردھ تے فریب دھروہ دے خلاف ہوندى ہے۔ ایہناں دونہ ڈرامیاں وچ کرداراں دی گل بات پنجابی ڈرامے دی روایت وچ اک نویں نینہ ہے۔

نجم حسین سید دے ایہناں ڈرامیاں دے کرداراں دی زبان تے بھارنے چوہہ صدیاں دے کچھ تے وٹھ نوں چھ کروڑ انساناں دے حال نال جوڑ دتا ہے۔ ایہناں دے کردار ایسے نیں جیڑے اصولاں کچھ جیوندے تے اصولاں مگر جان دے دیندے نیں۔ ایسہ کردار کسے دے دا بے ہٹھاں نہیں۔ ایہناں دا پوٹا پوٹا پور پور جیویں ایہناں دا اپنا ہے۔ انجے ایسہ دوسرے انساناں دے ضمیر تے وجود تے دھرتی نوں آزاد و کھن دے چاہیوان نیں۔ ایہناں دے ہلار دی سانجھ اج دے پورے پنجاب دی سانجھ بن سکں دی قوت اپنے اندر رکھدی ہے۔

وقوعہ کوئی دی ہووے، دو پاسیوں اپنے اثر پاوندا ہے۔ رمدھا ساہواں دی تے اندر و اندر وی۔ دُٹے بھٹی نے احمد خان کھل دی جرات ہمت تے اکبر بادشاہ

یاں چند سرکار تے برکے کپتان یاں گورا شاہی دے بوہے وی بھنے تے گیتاں،
 ڈھولیاں تے شاہ حسین دیاں بولاں راہیں عامان دے کنوں ہو کے دلاں وچ اتر گئے۔
 ایہہ کردار ایسے پاروں دھرتی تے دل دی پدھراتے آکھلوندے نیں۔ نجم حسین سید
 دے ڈرامیاں دے کردار باہر ڈھیر نظر رکھدے نیں، پر اپنے اندر گھٹ جھاتی
 مار دے نیں۔ اپنے اندر دی سُرقتی اینناں ساریاں کرداراں وچوں صرف حسین شاعر
 وچ ای ہے۔ باقی بڑا کچھ نیں پر اپنی آپ سچاپ دے عمل توں کچھ دوجے ای
 جاپدے نیں۔ ایہہ گل مشہور امریکی ماہر نفسیات DR. JOLIAN JANES نے
 اپنی کتاب

THE ORIGIN OF CONSCIOUSNESS IN THE BREAKDOWN OF BIOCHEMICAL MIND.

وچ آکھی ہے تے پوری دنیا وچ اک علمی پواڑا پاتا ہے پئی تورات جلماش دی
 کہانی تے ہومردیاں دوہاں لیاں غلماں دے کردار اپنی سُرقتی آپ کر سکن دی صفت
 توں وانجھے نیں۔ اوس لکھیا ہے کہ اینناں دی سُرقتی دا رخ باہر ول سی اپنے اندر
 ویکھن دے اوہ اہل ای نہیں سن۔ اوہدے اپنے لفظ انج نیں۔

”ہومردے کردار انج سن پئی اوہناں تیک اپڑن واسطے اوہناں نوں سمجھن
 واسطے، اوہناں دیاں لال انگیارا اکھاں دے پچھے کسے سُرقتی واسطے تھان لبھن دی لوڑ
 ای کوئی نہیں۔“

رزیے دے کرداراں دی ایہہ نفسیات کچھ غلط وی نہیں۔ ILIAD دے
 کرداراں دی اندرلی پدھرانج نہیں سی جیویں اج ساڈی ہے۔ اوہناں نوں دنیاوی
 سُرقتی بارے کوئی سُرقتی نہیں سی۔ نہ اوہناں دے ذہن دا اینٹربت پئی اپنی جان سنجان
 دا کھینڈ کھینڈ سکن۔ نجم حسین سید دے ڈرامیاں وچ وی اپنی جان سنجان دا کھینڈ
 صرف شاہ حسین کھینڈیا ہے باقیان دے مسئلے باہر دے مسئلے سن اندر دے مسئلے
 نہیں۔ اندر دی سُرقتی دا تصور تے اپنیاں اینناں کرداراں نوں نجم حسین سید آپ
 دیندا ہے جیویں مہرو پستی دے مومنوں یاں پھیر ایہہ پاڑے شاہ حسین شاعر میلدا ہے
 اپنی سیانف بھری دانی گل بات نال، بیڑی پورے ڈرامے دی ہوا دا حصہ ہے۔

ایہہ گل کھولن وچ نجم حسین سید پورا پورا کامیاب رہیا ہے۔ پئی جدوں

کوئی سماجی کردار عوامی پدھر اُپر آ کے عزت آدرتے پریم دا نقطہ بن جاندا ہے تاں پھیر اوس دا وجود سوچ سمجھ وچ آ کے وی تے بن سوچیاں آوندیاں کئی نسلاں تائیں دلاں دی دنیا وچ سفر کردا رہندا ہے۔ مادی دنیا وچ لوک مروندے نیں۔ دلاں دی دنیا وچ اجینا کوئی راتھ کدی نہیں مریا۔ دلاتے احمد خان کچھ اچھے وجود وی بن گئے ہن، ڈرامے کار نے ”تخت لور“ تے ”اک رات راوی دی“ وچ اچھے کردار تاریخ کولوں بنے بنائے لے لئے نیں کچھ تھوڑی بابلی رنگن اپنی مرضی دی چاڑھی ہے۔ ایسہ رزے پُرے اوہدے اپنے گھرے ہوئے کردار نہیں آپ اوہنے اینناں ڈرامیاں وچ کچھ ضمنی کردار ڈھالے نیں جیہڑے رزے پُرے تے کھرے اوہدے اپنے نیں۔ ایسہ کردار بے شک ڈرامے نوں ڈراما بناون وچ ڈھیر ڈھکدے ڈھب وچ آئے نیں، پر تاریخ دے دتے ہوئے مرکزی کردار اینناں نوں اگھڑن نہیں دیندے۔ تاریخی کرداراں نوں نجم حسین سید نے مکمل کر دتا ہے۔ ایتھوں تیک پئی اینناں تاریخی کرداراں دے ناں اچے وی آگئیں، پر ضمنی کردار سارے رل مل کے اک رویہ بناون دا باعث بندے نیں۔ خاص طور اتے پیشہ ور کامیاں دی سوچ دی ٹاہری دا رویہ، دانش وری تے سیانف دا رویہ، دھروہ توں نجات پاؤن دے جتن سوچن دا رویہ۔ تاریخ بہر حال دوہاں ڈرامیاں دے پلاٹ اتے چڑھل کر کے آجاندا ہے۔ اینناں وچوں بہتیاں کرداراں دے مرداویں بلار اینناں دوہاں ڈرامیاں دی جند جان نیں۔

وسیب دی پدھراتے انسان دے مسئلے، پنجاب پورے تے بھاویں کوئی ہور دھرتی، سانجھے ہی رہن گے پر ویکھن والی گل ایسہ ہوندى ہے پئی ایسہ مسئلے جدوں فن کاریاں لکھاری دے ہتھے چڑھے تے اوہ ٹاکرے نوں وسیب دیاں کیٹریاں قدراں دے پچھو کڑ وچ دکھاندا ہے۔ اتھے ڈراما نگار دی کامیابی اک اندرلی ریل جھل دا روپ دھار کے اک قوت بن جاندی ہے۔ نجم حسین سید دے ایسہ دوویں ڈرامے ایسے قوت دے اظہاری ویلے نیں۔ گل ایسہ دے پئی ڈراما دکھانت ہووے تے بھاویں رزمیہ یاں کامیڈی شرط والی گل ایسہ ہوندى ہے پئی اک اچھے تاریخی سرٹانویں یاں وسیب کنبھل کھاتے بارے سوچدیاں اوہنوں کسے وسیب دی یاں رمت بہت دی آگوائی، ضرور کرنی چاہیدی ہے۔ اوہنوں راہے ضرور پاونا چاہیدا ہے۔ انج پئی ڈراما وسیب

دیاں جھاکیاں نال تھلیق دا پنڈا کڈا نظر آوے۔ جے انج نہیں تے حتی گل ہے پھیر کچھ وی نہیں۔ نجم حسین سید نے تاریخ نوں اپنے ڈرامیاں دی پدھراتے انجے سفر کرایا ہے۔ ایسہ وڈے ڈرامے ساڈے وسیب دا ورثہ وی نہیں تے ایسے ضمیر دی اُساری وی کردے نہیں۔

نجم حسین سید دے ایناں دوہاں ڈرامیاں نوں پنجابی زبان وچ پنجاب دھرتی دے THE ILIAD تے THE ODYSSEY وی آکھیا جا سکدا ہے۔ یونان واسطے ایسہ دوویں لمیاں ڈرامائی نظمیں ہومرولوں اک مضبوط تے خوبصورت تاریخی بنیاد دی حیثیت رکھدیاں نیں۔ دوویں اکو لڑی دیاں نظمیں دوویں اکو تاریخی سلسلے وچ پرتیاں ہوئیاں نیں۔ THE ODYSSEY دا اک ڈائیلاگ ہے۔
 ”میں ہر قسم دیاں اوکڑاں کٹ سکتاں کیوں جے میرے ہک وچ اک مضبوط دل ہے، جیرا ہر پہاڑ نوں الٹا کے رکھ دیون دی ہمت اپنے اندر رکھدا ہے۔“
 نجم حسین سید دے سامنے ”دلے بھٹی دی وار“ دے بول سن جیویں۔

میں دلا وچ بار دے میری من مرضی میری حد
 جد تائیں تخت لور ہے مینوں ہور نہ کچھ وی سد
 میں مٹے شیناں نوں تھاپڑا دیاں جھکے جنڈ ہلار
 جد تائیں تخت لور ہے میں وچ راوی کانگ
 میں دہل فصیلاں برجیاں میں حشر دیساڑ دی بانگ

نجم حسین سید نے اپنے دوہاں ڈرامیاں دی TREATMENT تے اُسارٹی واسطے بھادیں تے ہومرکولوں اوہدی TREATMENT ولوں ڈھیر سکھیا ہے۔ اوہدے ذہن وچ ہومر دیاں دوئے نظمیں دا تاریخی سبھا، کرداراں دی بنیادی صوجھ بڈھ ڈرامے دیاں لوڑاں تے عمل تے اوہناں دی رمزیت دا تصور ضرور موجود سی۔ ہومر دے فن توں تاں پورے یورپ دا ادب اثر لیوں بٹاں نہ رہ سکیا۔ نویں ادب دے کئی کردار تے کئی قلمکاراں دے فن پارے پڑھدیاں ساڈے ذہن اندر چپ چپچپتیاں ہومر آوڑدا ہے۔ ایسہ گل فنی پوسی پئی ہمتالاں تے جی داراں ساری دنیا دیاں داستاناں تے کمائیاں وچ مٹھلے کرداراں اتے قدیم کہانی ODYSSEY دا بوکھا برچھاناں ضرور پنڈا لے۔ جیویں ILIAD اُتر اک حیرت توڑ تائیں چڑھتی

بہندی ہے جیسے بیٹھ ایس ڈرامے دی اصل روح بولدی ہے تے ڈرامے دا پلاٹ پاسے پرتدا ہے۔ ایو SUSPENSE اک طرح نال نجم حسین سید دے ڈرامیاں وچ وی خاص طور اتے ”تخت لہور“ وچ وی موجود ہے۔ ILIAD دیاں ڈھیر ساریاں گلاں ہومر یونانیاں دیاں ذہناں وچ پہلاں توں موجود سمجھ کے جنگ دے دسویں ورھے توں اپنے ڈرامے یاں نظم دائدھ بخدا اے۔ نجم حسین سید نے ایس توں ہور طرح دا فائدہ لے کے ڈرامے نوں دتے بھئی دے جیل جاون دے سے توں گل توری ہے۔ ہومر دے کردار نڈر، دلیر، ہمتال تے زور اور نیں، ہارن جاندے ای نہیں۔ نجم حسین سید دے بنیادی کردار وی اُنجے ہار کے توں گھٹ نہیں تے ہاسا محول وی ہومر دا گلوں نال نال موجود ہے۔ ILIAD وچ ایلیچ دا کردار دور تائیں کدے نہیں دسد ا پر پلاٹ وچ انج نالو نال ہے۔ ”تخت لہور“ وچ دلا کدھرے نہیں پر ہر کردار دے کول تے ڈراما پڑھدیاں ذہن وچ برابر موجود ہے۔ اکبر شاہی تے گورا شاہی اوہ پولی فیس نیں، جیہناں نوں دلا بھئی تے احمد خان کھل انھیاں کرن دے جتن کر دے نیں۔ ILIAD تے ODYSSEY دے کردار یونانیاں دے عقیدیاں دا حصہ بن گئے۔ ڈھولیاں تے واراں دے شاعراں نے دتے بھئی تے احمد خان کھل دے کردار نوں پنجابیاں دے سیاسی تے سماجی عقیدیاں دا حصہ بناون دی کوشش کیتی۔ نجم حسین سید نے ویسویں صدی وچ ایس کوشش نوں ہور اگے ”تخت لہور“ تے ”اک رات راوی دی“ لکھ کے توریہ۔ ہومر نے اپنیاں ڈرامے رنگیاں ٹھماں وچ عامان دے دن دیھاڑ دے سوہنے نقشے کچھ نیں۔ اوہناں دے مل ورتن نوں بڑا نیڑیوں جا کے ویکھیا ہے۔ اوہنے اوہناں لوکاں دے دکھ تکلیف تے اوکڑاں مصیبتاں دے نظارے کیتے نیں، جیہڑے زندگی دی گڈ توردیاں توردیاں راہ وچ ای پتھر بن جاندے نیں۔ کمی کارے تے پیشہ ور لوہار ترکھان تے وانی وان مزدوراں پیشہ وراں دی ہڈ بھن دیون والی زندگی وچوں تصویراں لے کے اوہناں سنج اپڑ تروہاں پھیردیاں دکھایا ہے۔ ہومر دا گلوں نجم حسین سید نے وی انسان نال بطور انسان دے محبت کیتی تے دکھائی ہے۔ بھئی، کھل، قریشی، فیانے، موچی، لوہار، ترکھان، راہک سارے اوہدے ساہنے اک نیں۔ اوہدے بھانے اک دوسرے دے ساک نیں۔ دلا بھئی اپنا قرض گاہنے لوہار دے حوالے کر دیندا ہے، کسے بھئی دے

حوالے نہیں کردا۔ انج ڈرامے وچ دیسیب دی اچ نیوان مک جاندی ہے۔ بھٹی، راٹھ زمیندار تے لوہار کائے اک ہو جاندے نیں۔ فرق صرف ایہہ دے پئی ہو مریو نانیاں واسطے اپنے فن دے بل اتے آپ طاقت تے زور دا SYMBOL بن جاندی ہے۔ نجم حسین سید آپ تاں ایہہ کجھ نہیں بندا پر چونکہ اوہدے ڈرامے ہو مردانگوں کے سرکار نے صدیاں بھر ہر عہد وچ آپ سچ نہیں کرائے، پر اوہ اج دے پنجابی ادب دی رکھراتے ضرور جاکھلوتا ہے تے اوہدے کردار نویں پنجاب نوں اک بہادر دھرتی تے ہمتال قوم بتاؤں تے ایہہ وراثتی اصلے اگھیرن دا کم ضرور پئے کردے نیں۔ نجم حسین سید نے ایس کم دا مڈھ انج سینت نال بدھا ہے پئی ”تخت لہور“ نوں باہر توں ودھیر شاہ حسین تے مہر پوسی دے کرداراں دے اندر دکھایا ہے تے ”اک رات راوی دی“ وچ کرداراں دے اندر توں زیادہ اوہناں دے باہر مل جل دکھائی ہے۔

دانا مہر پوسی آہندا اے۔

گتے تخت لہور نوں گھیرا

اوہدی جگہ وی شکل ہے

اوہ ہے ساڈے اندر

پنجاب دی دھرتی نے لگ بھگ چار ہزار ورہے تاریخ دے جبر سے۔ پنجاب پانیاں دی ایس دھرتی اتے نیل پے گئے پر جبر تے دھروہ دے ہر پڑا اتے ایس دھرتی نے ہمتال جے، بیہناں دے سے دے کھے تیر اپنیاں ہکاں اتے ٹھلے۔ دھاڑویاں نوں للکاریا۔ اوہناں دی چڑھت نوں ٹھن دے بے پرواہ جتن کیتے، پر ایسے دھرتی دی جاگیردارانہ راٹھا چاری نے ایہناں ہمتالاں دا بی مارن دیاں کوششاں کیتیاں۔ دھاڑویاں نال رل کے تاریخ دے دریاں وچوں اپنے دلاوراں دے نال میٹن دی کوشش کیتی۔ پختیاں تے گوریاں کولوں جاگیراں تے خطاب ماٹھے۔ ایس لٹ گھٹ وچ ساڈیاں نسلاں اپنے جی داراں دے نال ای جھل گیاں، پر دلاوراں دے ایہہ نال وی بڑے زور اور سن۔ ساڈیاں دلاں دے پتالاں وچ اندر و اندری پنڈے پئے کٹدے سن تاریخ دے اچھے سے وچ اخیر ادب تے سیاست دوہاں پدھراں اتے باہر نکل کے گج کھلوتے نیں۔ نجم حسین سید نے دے نوں کسے ڈاکو نہیں سگوں سورے دے روپ وچ پیش کر دتا۔ چار صدیاں پہلے دی ساندل ہار دا سورما منغل بادشاہی

دے ورودھ وائی وائاں دا نابر آگو دلاتے فرید مغل دربار دے خلاف لوکائی دلوں
نابری دے نشان بن کے اگھرے۔ نجم حسین سید نے تاریخ دا ایسہ رخ روپ سانوں
”تخت لہور“ دی شکل وچ موڑیا اے۔

پنجابیاں نے نہ درباری دابے نوں مینا نہ ملوانیاں دے دھروہ نوں۔ پنجیاں
نے پنجاب دے کھیت اُجاڑ دتے۔ دانے کھوہ لئے، پانی بنج دتے، جھگے ساڑ دتے۔ پھیر
جدوں دے دی وار آئی تاں اوہدی سد دھرتی نوں سد سی۔ مخبر کراڑاں دے سر لہ
گئے۔ مغل فوجاں دیاں چکریاں بھوں گئیاں۔ وچوں کئی جاگیردار دربار دے مامے بن
بیٹھے سن، پر دھرتی دا ضمیر دلا بھٹی ہی رہیا یاں پھیر اگانہ جا کے احمد خان کھل
پنجاب دا ضمیر بنیا۔ شریکا اتھے وی کھڈ کھڈیوں رہتاں نہ رہ سکيا۔ فوجی دے دی
ماں بھین نوں بنج کے لے گئے۔ مرزے نظام دین دے مکر فریب نے ساری نابری لہ
دے رخ موڑ دتے تے پھیر دھوکے نال گھیرا گھت کے دلا بندی وان کر لیا تے آ
لہور وچ پھاپے چاڑھیا۔ اوہنوں پھاپے لگدیاں مست الاست فقیر شاہ حسین نے وی ڈٹھا
سی۔ تدوں اوس آکھیا: کوئی پنجابی ماں دا لال اپنی مٹی نہ دے پچسی۔ پھیر اوسے بار وچ
احمد خان کھل آکھلوتا۔ دھرتی اوہو سی پر پنجہ شاہی بدل کے گورا شاہی آگئی سی۔
دلی دا تخت اُجڑیا تے انگریز آپے۔ گورے شاہی دی چڑھ بچ گئی۔ تخت لہور توں
اگانہ راوی دے راشکاں دی رات دا منظر سی تے وچالے سولہویں توں اٹھویں
صدی دے پاڑے۔ ایہو پاڑے نجم حسین سید نے اپنے ڈرامیاں وچ میل چھڈے
نیں۔ 1849ء توں 1857ء تائیں پنجاب نے دھگے آن وڑے انگریز دا جبر ویکھیا۔
پھیر دلاور ساہویں ہو کھلوتے۔ جیلاں جٹاں نال بھر گئیاں۔ برکھے ورگے حاکم بوتل
گئے۔ جٹ بھوتر کھلوتے، پر دھاڑویاں دے مخبر مقامی مامے اچے وی اندر موجود
سن۔ جاٹگیاں نے جیلاں توڑ دتیاں۔ مراد تے احمد خان دے ناں کمپنی دے کامیاں
واسطے خوف تے دہشت دا نشان بن گئے۔ جیس قبیلے وچ احمد خان جیہا نابر بنجیا اوہتے
سرفراز جیہا چتو وی موجود سی۔ شریکے نے غداری غلامی قبول کر لئی تے ہمتال راٹھ
دا ساتھ نہ دتا۔ سورمیاں نے برکلی نوں مار مکا کے ساہ لیا۔ انگریز دربار وچ تھڑ تھلی
پے گئی۔ پنجابی مجاہداں نے اپنے سردار دی شہادت دا بھانگا لے لیا۔ نابری دے
سارے آگو زمین توں جھک کے لوکاں دے دلاں وچ اُتر گئے۔ ڈھولیاں دی لے تے

گُوک وچ آگئے۔ ڈرامے ”اک رات راوی دی“ دے مرکزی کردار بن کے ایس ٹانک دی جند جان بن گئے۔

نجم حسین سید دے اینناں ڈرامیاں دی روح بے شک ORIGINAL نہیں پر ایس گواچی ہوئی روح نوں کھوج کھوتر کے اوس اک ORIGINAL قلوبت وچ ضرور پیش کیتا ہے۔ ایسہ ڈرامے چند شاہی تے گورا شاہی دے سے وی پنجاب دی دھرتی وچ ہتالاں دی ٹاہری دے رزیے نیں، ایسے نہیں بن دتا اہنے ضمنی واقعات نوں ڈرامیاں دے اصل FRAME WORK وچ بڑے اُچھ نال ولکے وچ لیا ہے۔ اپنی مہارت نال پئی اوہناں اتے یقین ساڈے ذہن تے ساڈی سُرَت دا حصہ بن جاندا ہے۔ اوہنے بڑے مستحضرے سبھا نال ڈرامے دے OF ATTACK POINT اپنے کلاوے وچ لے کے پلاٹ نوں اگانہ توریہ ہے۔ اوہ خاص گل جیسن نوں ڈرامے دے فن دے سیانے OF DRAMATIC ACTION

ORGANIZATION

آکھدے نیں یاں پھیر ”MAJOR DRAMATIC QUEST“ جسدے آلے دوالے سارا ڈراما گھمدا ہے۔ اینناں دوہاں ڈرامیاں اندر رج کے موجود ہے۔ اینناں وچ سورمیاں دے کردار کنگروڈ دی ہڈی وانگ نیں۔ ایسے کر کے اینناں وچ کدھرے وی ریزک کوئی نہیں۔ اجن چیت دے ٹاكرے وی ٹھیک ٹھاک نیں، جتھے ACTION داریت سوڑا ہو کے SUSPENSE نوں اُگھیردا ہے تے مقصد دے امکان رکھن آوندے نیں۔ ایتھے موڑ نجم حسین سید دے ڈرامیاں وچ QUEST MAJOR DRAMATIC دا جواب بن جاندا ہے نیں crisis اُگھیردا اے۔ دُکھ دے مکالے اینناں ڈرامیاں دے کرداراں دی مناسبت نال اوہناں دے سبھا اُگھیردے نیں تے اک نوں دوجے نالوں رکھن کے سبج اتے ساڈے حافظے دا حصہ بناندے نیں۔ کردار اک صفتے نہیں کئی صفتے نیں تے بعض باہر دی پدھرتوں اندر باہر دوہاں پدھراں توں بولن والا کردار شاید صرف شاہ حسین دا ہی ہے۔ اوہنوں کوئی وی دوجا کردار نہیں اپڑدا بھادیں موٹا ہووے تے بھادیں احمد خان کھل تے بھادیں کوئی ہووے۔ البتہ بعض کرداراں وچ اک درجہ وار نفسیاتی پدھر دا تھوہ ضرور لگدا ہے۔ نجم حسین سید دے کرداراں دی اک اخلاقیات وی ساڈے سامنے آوندی

’اگھڑی رہندی ہے۔ شاہ حسین دی اخلاقیات تے ساڈے اندر اُتردی جا پدی ہے۔
 تاریخی ہون پاروں ایہناں ڈرامیاں دے کردار TYPE بن سکدے سن
 پر ڈراما نگار کیوں جے ایہناں دے اندر اُتر گیا ہے ایس کر کے کوئی کردار وی
 TYPE نہیں لگدا۔ ہر کردار دا دکھرا پن آپے بولدا ہے۔ نجم حسین سید نوں اپنے
 ڈرامیاں دی وچلی گل دی ڈاڈھی سُر ت سی ایس پاروں واراں تے واقعات دا
 COMBINATION تھاں تھاں پکا پیڑھا ہے۔ کوئی ڈراما وی بے تھوڑا نہیں ہویا۔
 ہر کردار دی زبان نے اوس کردار نوں اک TYPICAL DICTON دتی ہے۔
 نجم حسین سید دی ایس ساری CRAFT نے پنجابی ادب نوں اچھے ڈرامے بخش دتے
 نیں، جیڑے جے سٹیج نہ وی ہو سکے تاں وی ورھیاں یاد رہن تے جے کدی سٹیج
 ہو گئے تے آون والے ادب واسطے ایہناں دی حیثیت کلاسیک دی ہو جاسی۔ ایہناں
 دے اندر اوہ گڑ گج موجود ہے، جیڑی کسے ادب پارے نوں کلاسیکی بنا سکدی ہے۔

”ٹاہلی دے تھلے“ اک ویروا

”ٹاہلی دے تھلے“ اشفاق احمد دے ڈرامیاں دا مجموعہ اے، جیسے وچ گل چھ ڈرامے نیں۔ ایس دی پڑچول کیتیاں پتہ لگدا اے، جے اشفاق پنڈ دی وسوں دے بتے نیزے جا پدے نیں تے اوہ اوہدے اکا نیزے ہو کے گل کردے نیں۔ کتاب دا سرناواں ای ویکھو ”ٹاہلی دے تھلے“۔ ٹاہلی، کسے پنڈ، تھاں، گراں یاں وسوں دے وچ مرکزی نقطہ دی حامل ہوندی اے۔ جتھے ایس پنڈاں تھاواں دی زندگی نوں رچیا پچیا ویکھ سکدے آں تے انج سرناواں پڑھن نال پنڈاں دی وسوں دے وچ جا کھلوندے آں، جتھے ٹاہلی اک پنڈ دی پوری تاریخ دسدی اے۔ ایہہ پنڈ دی تہذیب وی اے تے پنڈ دی تہذیب دی راکھی وی، جیسے رنگھی تے منھی چھاں سارے پنڈ لئی آرام تے مسکھ دی جھولی اے۔ دوپہراں ویلے اتھے چوپال سجدی اے، جتھے ”ہیر وارث شاہ“ تے ”سیف الملوک“ دے بول مبلھاں تے تھرکدے نیں۔ ایہی چھاں تھلے بہہ کے باراں شہنیاں تے کوڈیاں کھیڈیاں جاندیاں ہن۔ گجھرو وینیاں پھڑدے ہن۔ دھپ دے چلے تے جنوراں دے اکے ہوئے ڈانگری جھٹ گھسان لئی ایہدے تھلے آ بندے نیں۔ ایہدے تھلے پنڈ، شہردیاں سگوں سارے جہان دیاں گلاں میلیاں ٹھیلیاں دیاں گلاں، سیاست دیاں گلاں، مٹکھ مسکھ دیاں گلاں، پیراں فقیراں دیاں گلاں، دوروں آون والے تھکے گئے پاندھی وی اتھے جھٹ کو ساہ لین لئی تے حقے دا سونا لان لئی بہہ جاندے نیں تے انج ایہہ ٹاہلی پنڈ دی جُوه دی پاہرو ہوندی اے۔

ایسے ٹاہلی دے تھلے سانوں اشفاق احمد ہوریں تھوڑے چر لئی بٹھاندے نیں تے پنڈاں دے ویسے، رہت بہت وادھارہ وکھا دیندے نیں۔ اک پنڈ دا ماحول اے۔ وسوں سادہ تے جکڑی جیسی اے۔ ساری فضا سادہ تے خلوص نال رچی مچی نالے وہیم

بھری اے۔ جتھے سانوں تیلیاں نوں شہتیر تے کھمب نوں ڈار بناون دیاں گلاں
 لہدیاں نیں تے سادگی۔ سادگی اللہ دتا دے روپ وچ یوقونی دی حد تیک اپڑی ہوئی
 مدی اے تے انج پنڈ دی جی تصویر ساڈیاں اکھاں اگے گھم جاندی اے۔ اشفاق
 نے پنڈ دی وسوں تے سوہنی جھات پائی اے۔ اوس نے پنڈاں تھانواں دے رہن
 بن نوں جیویں ویکھیا اوویں ای چک کے اپنے ڈرامیاں وچ رکھ دتا تے شہراں دی
 بناوٹی جھوٹی تہذیب تے پنڈ دے سدھے سادے پیار محبت دے ماحول دا نکمیرا کر
 کے رکھ دتا۔ اتھے اک ہور گل کرنی ضروری اے اوہ ایہہ پئی پنڈاں تھانواں دے
 وچ تے بہت کجھ ہوندا اے، پر اشفاق نے پنڈاں وچ خیر دے جذبے نوں اُلیکھا
 اے۔

اشفاق احمد ہو ریں آپے ای دسدے نیں ”ایہہ ڈرامے پلاٹ دے ڈرامے
 نیں۔ چھوٹی چھوٹی کیریکٹر سڈیاں نیں۔ ڈرامے نیں ڈرامیاں نیں۔ اک مقام، اک
 تھان تے رنگ رنگ دے لوک تے آپو اپنی سوچ دے بندے مل بندے نیں۔ یاں
 اتفاقاً مل جاندے نیں۔ اوہناں دے جذبیاں، سوچاں، محبتاں تے نفرتاں تے خوفان
 دے ٹاکرے ہوندے نیں۔ تے فیر اوہ آپو آپ دی راہ تے ٹر جاندے نیں۔ ایہہ
 لوک نہ پیغیر نیں نہ اولیاء، نہ بادشاہ نہ بادشاہ زادے، نہ صدر نہ سفیر، نہ پڑھا کو نہ
 ہلاکو۔ بس سدھے سادے لوک نیں تے چھوٹیاں چھوٹیاں گلاں نوں جھولی پائی پھر دے
 نیں۔ جھٹ کو ایہناں وچ اپنی اپنی جھولیاں دی وڈیائی بارے تکرار ہوندی اے تے
 فیر ٹاہلی وچوں ویلے دی آواز کندی اے ”تیس سارے گٹھے بے، تیس سارے
 بھارے بے، تیس اچے بے بھائی کیوں جو تیس بندے جو ہوئے، ہن جاؤ شادا شے
 دیر پئی ہوندی اے۔“

اشفاق ہوراں کدی وی اپنے پاتراں دی جان پہچان نہیں کروائی۔ ایہہ
 نہیں دیا پئی اوہ کردار کیہ کم کردا اے۔ بس آپوں اپنیاں گلاں نال ای اوہناں دے
 کردار سنبھالنے جاندے نیں۔ اشفاق ہوراں دے جذبے وچ پیمائی اے۔ اوہناں
 دے کردار ایہو ہنسنے نیں بیہڑے ساڈے آل دوالے، ہدے کھڈ دے روندے تے
 گلاں کردے نظریں آوندے نیں تے اوس تھان دا سارا تک نقشہ اگھڑا چلا جاندا
 اے۔ اوہناں دے ڈرامیاں دا ماحول، فضا یاں کردار اوپرے نہیں۔ اوہ گلاں کردے

نیں تے مسن ہار اوہناں کرداراں دیاں کمزوریاں برائیاں تے اچھائیاں دے نال نال
 اوہناں دے سارے ماحول نوں وی جان جاند اے۔ پہلا ڈراما ای ویکھو جسدے وچ
 پنڈ دے لاگے اک ٹاہلی سیٹھاں ساہ لین لئی اک زنانی دوجی نوں بدو بدی ڈک لیندی
 اے۔

مہراں : کریمو۔ فی کریمو۔ بھڑیے کھلو تے سہی۔ توں تے بس اکو واری
 ہیری بن جانی ایں۔

کریمو : پچھیتی کر اڑیے کوہلا ہوندا اے۔

مہراں : جھٹ کو تے ٹھہر جا۔

کریمو : فیر ایہہ پنڈ کون چکاوے گا۔

تے انج سانوں آپے ای پتہ لگ جاند اے پئی دو زنانیاں اپنے سراں تے
 گٹھڑیاں رکھی گھروں جاندیاں نہیں تے اتوں شام وی پین آلی اے۔ اشفاق نے اپنے
 کردار خوب چنے نہیں تے فیر اوہناں نوں اپنی اپنی سوچ تے زبان دتی اے۔ کردار
 جسدے جاگدے نہیں۔ سانوں نت اوہناں نال واہ پیندا اے۔ اسیں اوہناں نوں روز
 مدے آں۔ ایہہ سچے کردار سادے تے خلوص وچ گئے ہوئے نہیں۔ ونو ون دے
 بندے تے دکھریاں دکھریاں سوچاں تے نو یکتیاں گلاں راہیں اشفاق سانوں سوچیں پا
 کے اپنی کھڈ گھتی جاند اے۔ اوہ ساڈیاں جذبیاں نال کھڈا، ہدا لگا جاند اے۔
 اوس نے نکیاں نکیاں گلاں راہیں حیاتی دے وڈے وڈے مسئلے حل کر چھڈے نہیں۔
 اوہدے ایہہ ڈرامے اک اجہا شیشہ نہیں، جسدے وچ اسیں اپنے معاشرے دا مونہ
 ماندرا اپنی اصل شکل وچ ویکھ سکدے ہاں۔ انج لگدا اے جیویں ڈراما پڑھن آلیاں
 نوں اشفاق ہو ریں پنڈ وچ لے گئے نہیں۔ تے اوہنوں کمں پئی اتھے کھلو اپنی اکھیں
 ویکھ تے اپنے کناں نال سن کے اپنے سامنے سارا کجھ ویکھ تے جد کوئی پڑھا کو
 ڈرامیاں نوں پڑھ لیندا اے تے اوہنوں انج لگدا اے جیویں ہن ای سارا کجھ اپنی
 اکھیں ویکھ کے پنڈوں مڑ آیا اے تے حالی تیک سارے کردار اوہدی اکھاں سامنے
 پھردے نہیں۔ جیویں حالی تیک اوہدے کن پے وجدے ہودن۔ اشفاق نے اپنے دلوں
 کجھ واہا نہیں کیتا۔ لوکاں دیاں کیتیاں ہوئیاں گلاں فیر مڑ کے اوہناں نوں ای سنا
 دیونیاں ایہو اشفاق ہو ریں دا کمال اے۔

اشفاق دے کردار اپنی اپنی سوچ، ذہنیت، شعور تے احساس دی اُڈاری دا اظہار پڑھن آلے تے آپ ای کردے نیں تے انج اک وکھری وکھری تصویر بندی جاندی اے تے اخیر تے اک وڈی ساری تصویر اکھاں دے سامنے آجاندی اے۔ جہدے وچ دکھو دکھ رنگاں تے شکلاں والیاں بہت ساریاں سونیاں سونیاں تے ون سونیاں چورتاں رل کے اک من موہنی جیسی صورت بنا لیندیاں نیں۔ بیسوں مڑ مڑ کے ویکھن تے دل کردا اے تے انج ٹاہلی دے تھلے بن آلے سارے ای کردار بڑے ای سوہنے تے کدی نہ وسرن والے نیں۔ اوہناں نوے سارے کردار نرول تے سحرے نیں۔ اپنے اصلی رنگ وچ اصلی بانے تے اصلی تک نقشے وچ۔ پہلے ڈرامے وچ اسیں ”مہراں“ تے ”کریمو“ ویکھدے آں، بیہڑی سنی سائی گل تے یقین کر کے اوہنوں اگے ودھیندیاں نیں۔ ”باگو“ ملدا اے، بیہڑا اپنیاں سدھراں دے لاٹاں کڈھدے لبو ٹال ”نوری“ تے ”طفیل“ دے دامن نوں ساڑنا چاہوندا اے۔ ”صوبے“ رنگے چچے وی نظریں پیندے نیں تے ”کنکندر“ وی ملدا اے، بیہڑا اپنے آپ نوں سارے پنڈ دی عزت دا راکھا جاندا اے تے انج اوہناں دیاں آپوں اپنیاں سوچاں دا اک نواں رنگ چنگودا اے۔ عورتاں دی عادت ہوندى اے جے کسے نوں گل یاں واقعہ دی ٹوہ وچ رہندیاں نیں تے جد کسے گل دی اوہناں دے کناں وچ بھٹک پے جاوے اوہنوں اپنی عادت موجب پہلے پنھ لیندیاں نیں فیر اوہناں دی سوچ صرف چسکے لین تک ای ہوندى اے۔ بھائیں ایہہ چسکے تندور تے روٹیاں لواون لگیاں لیکن تے بھائیں ترنجاں وچ بیٹھیاں چرنے دی گھوکر دے وچ پر جد گل آدمیاں تائیں اپڑ دی اے تے اوہناں دی سوچ عمل دا عنصر شامل ہو جاندا اے تے اوہ کڑیاں وانگوں گل نوں آئی گئی کرن دی تھاں اوہنوں نیڑن دا جتن کردے نیں۔

دوجا ڈراما عملیاں دی زندگی بارے اے پئی اوہ کیوں ہوائی قلعے بناوندے نیں۔ پنڈاں دی وفادار زنانی دی اک اچھی مثال اوس ویلے دی اے، جد اک عورت دوجی دے خصم تے ایہہ الزام لاوندی اے پئی اوہدے خاوند نوں وی بوٹی دا عادی بنا دتا اے۔ ایس تے دوجی اوہو الزام پہلی تے لا دیندی اے۔ ایسے جذبے دی اک ہور سوہنی مثال پنچویں ڈرامے وچ ملدی اے۔ ”مولو“ اک بڑھا کھوسٹ

اے ، بیہوش کئے بال وانگ ولادوں اے تے اوہ اپنی دوہٹی نوں گاہلاں منڈے کڈھدا رہندا اے ، پر جیس ویلے ”مولو“ گھروں گرس کے باہر چلا جاندا اے تاں اوہدی زبانی وفا دی دیوی سسی وانگوں اپنے پنوں نوں بھالن سکھدی اے تے انج سوچاں وچ دُپ جاندی اے۔

”خبرے کدھر چلا گیا اے۔ میں تے ایس بندے دے روج دیھاڑے دے رولیاں توں عاجت آگئی آں۔ اُتوں رات پے گئی اے۔ خبرے کتھے ٹھیدے کھاندا پھردا ہووے گا۔ اوہنوں تے دینیں وی نہیں دسدا۔ آپے ای جاواں۔ لبھاں کدھرے۔ ایہناں منڈیاں تے کش نہیں کرتا۔ بس لڑائیاں کرنیاں ای جاندے نہیں۔“

ایہناں دو چونہ (چار) فقریاں وچ جذبیاں دا ہڑھ شُوک رہیا اے۔ مشاہدے دی ایہی گہرائی تے خیال دی ایہہ ڈونگھیاں اشفاق دا ای حصہ اے۔ منظر نگاری تے چترکاری ایسے نوں آکھدے نیں۔

فیر سانوں ”اللہ دتا“ لبھدا اے جیہنوں غریبی دا روگ اے تے ہر کوئی اوہنوں اپنا مطلب کڈھن واسطے استعمال کردا اے تے ”اللہ دتا“ دا ایہہ کردار اج وی اساڈے معاشرے وچ موجود اے۔ اشفاق دی ایہہ طرزِ ڈاڈھی بیکھی تے کجیاں شاں لاؤن آلی اے۔ اخلاقی قدراں دا ٹاکرا کردیاں ہویاں اشفاق ہوراں ڈاڈھے سوہنے رنگ بھرے نیں۔ شہر دی مشینی زندگی انسان دی سوچ تے پہرے بٹھا دتے نیں ، پر دیہاتی لوک خلوص بھرے تے پیار محبت دے ویسے دے وسنیک نیں۔ شہر دی دوسوں والے اپنی ہر گل نوں نفع نقصان تے روپے پیسے دی کسوٹی تے پرکھدے نیں۔ چوتھے ڈرائے وچ ایہہ گل ہو رہی کھڑے کے سامنے آ جاندی اے۔ پنڈ دے لاگے شہر دے اک منڈے تے کڑیاں دی کار خراب ہو جاندی اے۔ کار دے پیسے وچ ہوا بھرن لئی اوہ پنڈ دے اک ساوے سہ بندے ”اللہ دتا“ نوں اک چوانی دیون دا آکھ کے ہوا بھرن لئی کہندے نیں۔ پیسے چر وچ پنڈ دا چودھری ”چاچا کھیرا“ آجاندا اے۔ اوہ کڑیاں نوں کھلو تاو کھ کے اوہناں نوں اپنیاں دھیاں جاندیاں ہویاں اوہناں دی قدر کردا اے تے اوہناں دے سسمن واسطے اپنی پگڑی وچھاوند اے تے اُتے اوہناں نوں بہن واسطے کہندا اے۔ اتھے ایہہ گل ذہن وچ رکھن آلی اے جے

گہری نوں پنڈاں وچ اپنی عزت بھجیا جاندا اے تے اپنی پگ لاه کے وچھاونی ایس توں دودھ ہووے عزت کھٹری ہو سکدی اے، پر شہراں دی ماوی زندگی دا نمونہ ناہید جواب دیندی اے۔

ناہید: ساڈے کول موڑ جو ہے ضرورت ہوئی تے اسیں اندر بیٹھ جاواں گیان۔

کھیرا: کیہ ہو گیا پتر۔ بہہ جاؤ۔ دھیاں ساڈیاں پگاں تے پیر رکھن تے مان دودھ جاندا اے۔ بہہ جاؤ۔

رضیہ: ایہناں دیہاتیاں دے سوچن دا انداز اپنا ای ہوندا اے۔

ناہید: ہائے کئی میلی گہری اے۔

کھیرا: بہہ جاؤ پتر۔ تے نالے امہ دسو کہ لسی پو گے کہ دودھ۔

اوہ کڑیاں اپنے ولوں ”اللہ دتے“ نوں ہوا بھرن دی مزدوری دیندیاں نیں تے اوہ دی اکو چوانی۔ تے فیر ”جیل“ کنڈا اے پئی حالی نہ دیو متاں موڑ نوں دھکا لاونا پے جاوے۔ تے فیر اخیر تے جان گلیاں اوہ ”دتے“ نوں چوانی دین لگدے نیں، پر ”دتے“ نے خلوص تے انسان دے انسان دے کم آون دے جذبے نال ہوا بھری سی۔ اوہ امہ بھیک نہیں لیندا۔ میں اتھے اک گل تے زور دیواں گا پئی کڑیاں دا مزدوری وچ چوانی دیونا بظاہر اک کئی جیسی گل اے، پر اشفاق دسدا اے جے دیہات دی زندگی نوں Cathy Living دس آلے تے مھلاں وچ رہن آلے تے کاراں تے سفر کرن آلے اک چوانی ای دے سکدے نیں۔

”دتے“ دا کردار تھان ڈرامیاں وچ آیا اے تے اپنی بے وقوفی دی حد تیکر اپڑی ہوئی سادگی موجب اسیں اوہنوں رحم دی نگاہ نال وکھن لگ پندے آں۔ ڈرامے دا فن، مکالمے تے بول چال دا فن ہوندا اے جیکر مکالمے کامیاب نیں تے ڈراما چنگا کامیاب اے تے کدی نہ مھلن آلا ہووے گا۔ نکلے تے چُست مکالمے ڈرامے وچ جان پادیندے نیں۔ اشفاق دا لہجہ پیترا ماہ دی دھپ واکوں رنگھا دھٹھاتے من کھچواں اے تے ایس حساس فنکار نوں اسیں داد دیون تے مجبور ہو جاندا اے۔ سوہنے تے مٹھے فقرے، رنگھیاں، رنگھیاں نکوریاں تے گھنیاں شاں صرف اشفاق ای لا سکدا اے۔

رہتے: تیرا میاں کئے روپے چھڈ کے مرے اے۔

داتا: میاں چھڈ کے مرے اے، روپے، شینت مینوں تال۔

شادو: جھوٹھ نہ ماریں۔

رہتے: ساڈے تال جی جی گل کریں۔

داتا: نہیں میں تے شینت گل کرن ای لگا ساں۔ روپے تے مینوں۔ شینت

اللہ جانے۔

تے انج نکلے نکلے آپو ای بولدے چال دے ایسہ فقرے اشفاق دا ای حصہ
نہیں۔ بیہناں وچ، ”شادو“ تے ”رہتے“ دی سوچ دی گھنڈی کھل کے ساڈے سامنے
آجاندی اے۔ اوہناں دا نفسیاتی تجزیہ ای نہیں کردے سگوں معاشرے تے تنقید تے
ظفر دے کجھے تیراں دے نکلنے وی لاندے نہیں۔ اشفاق ہوراں نوں پنجابی لکھاریاں
وچ بیہوشی شے اچھا مرتبہ دیندی اے اوہ اوہناں دے ڈرامیاں دے کرداراں دی
اپنی اپنی سوچ تال اوہناں دی زبان وی اے۔ اوہ اوہناں نوں اپنی سوچ یاں زبان
نہیں دیندے سگوں اوہناں دی زبان وچ گل کراندے نہیں تے پاتراں توں گلاں
کران لگیاں پنڈ تے شہر دی زبان تے اوہدے لہجے دا فرق وی سامنے رکھدے
نہیں۔

رضیہ: تینوں چوانی ملے گی۔

داتا: بھاجی شینت تے فیر میں چوانی تال کیہ کراں گا جی۔

ناہید: کرنا کرانا کچھ نہیں بس تینوں تیری محنت ملے گی۔

ایہناں آتلیاں تال مکالمیاں وچ شہر تے گراں دی بولی وچکار فرق آپے ای
چیکاں ماردا اے۔ کجھ تے کچھ چوانی تے چونی تے ایس توں وکھ سبھ توں وڈی گل
ایسہ پئی لہجے دا فرق صاف جھکدا اے تے انج پاتراں دی آپو اپنی سوچ تال اپنی
زبان جذباتیاں دی ڈو نگہبائی وچ خلوص تال دھوتی زبان۔ ایسہ اوہناں دا اک اچھا سہا
اے۔ اشفاق دے کردار جد وی کوئی مذاق دی گل کردے نہیں، اوہ ڈاڈھی صاف
ستھری ہوندی اے۔

رضیہ: آف توہ ۱۱- تھے تے بڑیاں موٹیاں موٹیاں لکھیاں ایں ناہید۔

داتا: پتلیاں لکھیاں وی ہے گیاں۔ پر جی او شینت پنڈ وچ ہون گیاں ایس

ویلے۔

اشفاق ہوراں آپے لکھیا اے۔ ”مینوں گنا چُوپ کے تے پنجابی وچ لُح
(لکھ) کے بڑا سواد آوندا اے۔“ تے سائوں انج گدا اے جیویں اشفاق ہو ریں کے
تھاں لُک چُھپ کے بہہ جانداے نیں تے اوس مَرکھ تلے آکے گلاں کرن والیاں دیاں
گلاں سُن سُن کے لکھی گئے نیں۔ کسے واقعے دا تک نقشہ انج کچھدے نیں جیویں اوہ
اوس ویلے اوہناں دی اکھیں سامنے پیا ہوندا ہووے۔ اخیر لے ڈرامے وچ ٹاہلی دے
وڈھن واسطے جد بیلدار آوندے نیں تے او تھوں دے لوک بیہناں وچ گلو، دتا تے
ضابطے خاں وی نیں، دا اکھ ہوندا اے تے سارے لوکی ٹاہلی نوں وڈھن نیں
دیندے۔ اوہناں دی بھیج نس توں لگدا اے پئی جیویں جند جاوے تے جاوے پر ٹاہلی
نہ وڈھجے۔ کیوں جو ایہدے نال نال ای اوہناں دیاں سدھراں پروان چڑھیاں
ہوندیاں نیں۔ اوہدی شہنیاں تے اوہناں نکیاں ہوندیاں بیٹنگھاں پائیاں ہوندیاں نیں
تے انج بیٹنگھاں تے جھوڈیاں جھوڈیاں ای ایہہ چھو کرے جوانی دل قدم دودھانداے
رہے سن۔ چودھری ہوراں نوں ایہہ ٹاہلی آپ دی ڈاڈھی پیاری اے کیوں جے
ایس ٹاہلی نوں اوس دی ودھئی نے اپنے ہتھاں نال لایا سی تے انج اوہدے پیار دی
نشانی اے جیس اتے اوس کے جیسے پنڈ دی پوری تاریخ لکھی ہوئی اے۔ چھوکریاں
تے بالڑیاں ایہدی چھاں تھلے کھینڈ دیاں عمراں لنگھائیاں نیں۔ ایس واسطے اوہ سارے
اوہنوں وڈھن نہ دیون تے لک بنھی بیٹھے نیں۔ کوئی کھندا اے ایہہ ساڈھی رچ دی
ساتھی اے۔ کوئی اینوں ماں درگا سمجھدا اے۔

دتا: دیکھیں ناں بی۔ ایہہ ٹاہلی ساڈے نال جی تے دودھ دی رہی تے فیر
شینت ایہدا پھیر ایٹاں ودھیا پئی ایہہ بہن نہ رہی۔ تے سائوں ماں جیسی لگن لگ
پئی۔

گلو: پنڈ دیاں کڑیاں اتھے بیٹنگھاں پائیاں۔ منڈیاں مڑیاں بجائیاں، پرھیا
جڑیاں تے جڑگاں فیٹلے کیتے۔

دتا: اسیں مر جانا شینت چودھری پر کسے نوں ایہدے دل ویکھن نہیں دیوتا
تے فیر نالے۔ میں کوئی شینت پاؤی تے نہیں ماردا۔ پر جے کسے ایس ٹاہلی نوں ہتھ
لایا تے میری لوتھ توں لکھ کے لاوے گا۔

گلو: چا چا ہے کدھرے توں وی ساڑی طرح ایس ٹاہلی دے تھلے کھڈیا ہوندوں تے انج کھلو نہ جانوں۔

ایسہ گلاں کر کے اوہ چودھری دے جیوں پچھلی حیاتی دے دکھ پھول دیندے نیں۔ بیہناں وچ اوہدیاں ہڈیاں دھکھدیاں جیاں ہن۔ ساریاں گلاں سُندا اے پر چودھری چپ اے۔ اوہ ایس دی چپ نوں غلط رنگ دیندے نیں تدا ای تے آکھدے نیں۔

گلو: گل کر چاچا۔ ایویں چپ وٹ کے کھلو گیا ایں۔

وتا: تینوں ایس ٹاہلی نال شینت ساڑے ورگا پیار نہیں رہیا۔ جے شینت چاچا کدھرے تیریاں سدھراں وی ایس ٹاہلی نال بنھیاں ہوندیاں۔ چاچا تے توں گل ضرور کردا۔

ضابطہ: او فکر نہیں چاچا بڑھا ہو رہیا اے۔ ایس کو کسی گل کے ساتھ محبت نہیں رہی۔ کاشن دینے میں دیر کر رہیا اے۔

اوہناں نوں کیہ پتہ جے چاچا کیڑے ویہناں وچ پے گیا اے۔ اوہ تے ہر لحظہ گزریا جا رہیا سی۔ بڑھیاں بندیاں دا دل تے انج ای ہر گزری ہوئی شے وچ اٹکیا رہندا اے۔ اوہناں دیاں اکھاں تے سر دے پچھلے پاسے لگیاں ہوندیاں نیں، بیہڑیاں گزرے ویلیاں دل تاڑ لائی رکھدیاں نیں تے فیر ایسہ تے چودھری دی دودھی نوری اپنے ہتھیں لائی سی۔ آپ ایسا بالن سی چودھرائی۔ ایسہ لڑ پیار ہن، کھڈن تے ہر ہر ٹاہن وچ اوہناں دے پیار نے آٹھنے پائے ہوئے سن۔ ایس لئی کئی درداں بھتی آواز اے چودھری دی جدوں اوہ کسندا اے۔

چودھری: تے ایسہ ٹاہلی اوے لائی سی۔ آہندی ہوندی سی میرے مگروں ایس دی چھان بیٹھاں بھیا کریں گا چودھریا تے مینوں یاد کریا کریں گا۔ اوس کرماں والی دے پچھوں میں آوندا رہیا۔ ایس دی چھان بیٹھاں بیٹھ کے دکھ سکھ وی کردا رہیا۔ تمانوں ایس دے بیٹھ ہدیاں وکھ کے باگو باگ ہوندا رہیا۔ تیس پتر جے تے جے تہاں آہندے جے مینوں ایس ٹاہلی نال پیار نہیں رہیا تے میریاں سدھراں ایسہ تے نال بنھیاں نہیں تے فیر تہاڑی جی، پتر جو ہوئے۔ جو آکھو ج اے۔

انج گدا اے جیویں چاچا کیہناں ڈو نکھیاں ویناں دے وچ رڑھیا جاندا

ہو دے تے اوہنوں اپنے آپ تے وس نہ رہیا ہووے۔ چودھری چاچے دی وانج
 لگدی اے جیویں کسے کھوہ وچوں پئی آندی اے، جیہدا اثر ایسہ ہوندا اے جے دلاں
 تے چھری جیسی چل جاندی اے تے بیلدار وی آہندے نیں پئی بھاویں اوہ نوکریوں
 لہ جاوے، پر ایس ٹاہلی نوں ہتھ نہیں لاوے گے۔ تے انج فضا اکو واری پورے طور
 بدل جاندی اے تے ایسہ نفسیاتی تجربے دی ڈاڈھی سوہنی مثال اے، جیہڑی اشفاق
 نے پیش کیتی اے۔

اک پاسے پنڈ دے لوکاں دیاں سدھراں نیں تے دوجے پاسے پنڈ دا تے
 فصلاں دا نقصان اے تے اتھے چودھری دی سوچ کئی نوکیل تے دکھری اے تے
 ایسہ کردار کننا سچا، نزول، خلوص، اپنائیت، قربانی تے ایثار دے جذبے نال جکھا ہویا
 اے پئی جے ایس ٹاہلی دے کھلوتے رہن پاروں فصلاں یاں پنڈ نوں نقصان دا ڈر
 ہووے تاں پہلاں پنڈ تے پچھوں اوہ۔ ساریاں دا مفاد پہلے تے چودھری دیاں
 سدھراں بعد وچ۔ پہلاں پنڈ تے پچھوں کجھ ہووے۔ پیلایاں تے فصلاں پہلاں تے
 سدھراں بعد وچ۔ ایس لئی جے ایس سرکھ نال پنڈ نوں نقصان ہووے تے ایسہ کیوں
 رہوے تے تدا ای نہ دتے دی فرمائش منی جاندی اے نہ اوہدے بدھے ہتھاں دل
 دیکھیا جاند اے۔ چودھری آہندا اے۔

چودھری: دتیا! میں سمجھاں گا تہاڈی چاچی اودوں نہیں اج مری اے تے پتر
 اگے کچھ سل تے سنا ای پیندا اے۔ لو بنی بسم اللہ کرو۔

آپ ای ٹاہلی نوں وڈھن لگ پیندا اے پر انج لگدا اے، جیویں ٹاہلی نہیں
 ٹٹی ساڈے اپنے وجود وچ کھٹ بھج گیا اے۔ اسیں سارے وجود وچ اک ریڑ
 محسوس کر دے آں تے دل کردا اے ڈھاواں مار کے رویے۔ انج ٹاہلی دے وڈھن
 نال سبھ کجھ حکم جاند اے۔ تے اتھے ”ضابطہ خان“ دے کاشن ہنس ہسا کے ڈھڈ
 ریڑ کر چھڈ دے نیں تے نال ای ”دے“ دیاں بھولیاں گلاں نہیں ورس دیاں۔ ضابطہ
 دی محبت، گلو دا ٹاہلی نال پیار۔ دتے دا پہلوں اوہنوں بھین تے پچھوں ہاں آکھنا ایسہ
 ساریاں گلاں اپنی تھاں تے سوہیاں نیں، پر چودھری دی کہانی ساڈے ہاسیاں نوں
 ہوکیاں وچ بدل دیندی اے تے ایسہ ڈراما جذبات نگاری دا اک اچا نمونہ بن کے
 ساڈے سامنے آندا اے۔ اشفاق ہوراں جو لکھیا اے خوب لکھیا اے، پر اک دو

تھانواں تے راہ توں تھڑک وی گئے نیں۔ جیویں چوتھے ڈرامے وچ جدوں کار خراب ہوندى اے تے کڑیاں کار توں باہر نکل کھلوندىاں نیں تے لاگے دے پنڈ نوں دیکھ کے کہندیاں نیں جے اتھے تے بڑی Cathy Living اے تے لوک وچارے گھمڑے کے رہندے نیں۔ اتھے مینوں ایس گل دی سمجھ نہیں آوندى کہ اشفاق صاحب اوہناں نوں کیہڑے پنڈ دے لاگے لے گئے سن جے چک دی گھلی ڈُلھی فضا وی Cathy Living دے تے کڑیاں نوں دیہاتیاں تے رحم آیا۔ جے کر سکھاں دے ویلے دے بعض پنڈاں دی گل ہووے تے بھادیں من لپے پر میں آپ اک پیئو آں تے دعوے نال کہہ سکدا واں جے چک بیہی گھلی پاک تے صاف فضا تے خلوص بھریا ماحول دا شہراں وچ تصور وی نہیں کیتا جا سکدا۔

بھجیویں ڈرامے وچ اشفاق ہوراں صوبیدار ضابطے خاں نوں جیڑا کردار دتا اے اوہ اپنی جگہ پر جیڑی ایس کردار نوں سوچ تے زبان دتی گئی اے اوہ کجھ پجڑی نہیں تے میں آکھاں گا جے ساڈے دیس دے راکھے پنجاب دے ایس آنکھی گھرو نال انصاف نہیں کیتا گیا۔ اک فوجی جوان بھرتی ہون لگیاں بالغ ہوندا اے۔ کجھ پڑھیا لکھیا وی ضرور ہوندا اے۔ تے فیر تھاؤں تھاؤں بدلی ہون پاروں اوہ ہر تھاں دا پانی پیندا اے۔ جہان تے اوہنوں بندیاں نال واہ پوندا اے تے ایسہ تجربہ اوہنوں بہت کجھ سکھا چھڑا اے۔ اشفاق ہوراں ”ضابطے خاں“ کولوں گلاں کروا کے انج لگدا اے جیویں اک فوجی جوان تے پرانے ویلے دے سدھے سادے ان پڑھ دیہاتی وچکار کوئی فرق نہیں رکھیا تے اوہناں صوبیدار نوں انج پیش کیتا اے جیویں اوہ کجھ جاندا ای نہیں۔ مثال دے طور تے:

بیلدار: ویکھیں ناں صوبیدار۔

ضابطہ خاں: تم سمجھ کر لو ایس ٹاہلی نوں ہسپتال میں داخل کروانے لئے جا رہے ہو۔
ایہو جیسی گل تے اوہ ہندے ای آکھ سکدا اے جینے ہسپتال دا ٹاں ای سنیا ہووے پئی اوہ جگہ جتھے بیماریاں دل ہو جاندیاں نیں تے اوہنوں ایسہ پتہ نہ ہووے پئی ہسپتال وچ بندے یاں جانور جاندے نیں، دیکھ نہیں تے نالے اک فوجی جوان sick report نوں تے جان سکدا اے پر اوس وچارے نوں ایسہ پتہ نہیں لگدا پئی سرکھاں نوں وڈھ کے کدی ہسپتال وچ دی لے گئے نیں۔ اوہ فوجی جوان کوئی سپاہی

وی نہیں اک صوبیدار اے تے ایہو جیہیاں گلاں تے کوئی اُجڈ دیہاتی وی نہیں کر
 سکدا، جیریاں اوہناں صوبیدار ضابطے خاں کولوں اکھوایاں نیں۔ ایس توں اڈ اک
 ہور گل جیرمی ذہن وچ کھسکدی اے اوہ اے ”ضابطے خاں“ نوں دتی گئی زبان۔
 اشفاق ہوراں ایس کردار نوں ایہو جیسی زبان دتی اے جیوں کوئی نواں نواں آیا ہويا
 پٹھان پنجاب وچ بولدا پیا ہووے۔ پنجابی تے اردو نوں بھاویں حالی تیکر پوری طرح
 سمجھیاں بول نہیں سکدا، پر اک پنجاب دار ہن والے تے اوہ وی پنڈاں دا وسنیک تے
 فیر اپنی ماں بولی پنجابی نوں انج بولے جیویں پٹھان بولدے نیں۔ ایہہ گل دل نوں
 لگدی نہیں۔ پتہ نہیں اشفاق ہوراں پنجاب دے کیٹرے پنڈے تے کیٹرے
 زمانے دا فوجی تے اوہ وی صوبیدار کڈھ لیاندا اے، ایہہ گل سمجھ نہیں آئی۔ مگدی
 گل کریے ایہہ اک دو جھول پیندے نیں۔ نہیں تے ایہہ گل منی پیندی اے پئی
 اشفاق اگ حساس فنکار اے، جسدے اُلکے ہوئے ایہہ رنگ پنجاب دی مٹی توں
 وکھرے نہیں۔ اوہناں دی سوچ مشرقیت دے جذبے نال گھبی ہوئی اے تے کدھرے
 وی اوہ اپنی سوچ نوں پرانے اثر پٹھاں نہیں آن دیندے۔ اشفاق کول مشاہدے دی
 تیزاکھ تڑ خیاں دی ڈونگھیاں اے۔ اوہناں دنی زبان دی مٹھاس، لہجے دا سجاتے
 نوں کیلے بیان پاروں اوہناں دا پنجابی ادب وچ خاص مقام اے، جیرا ہر کے نوں نہیں
 مل جاندے تے پنجابی زبان تے ادب نوں اپنے ایس فنکار تے لکھاری تے پورا پورا مان
 اے۔

ادب کیہ اے؟

سیاسیات دے علم دی بحث ہو رہی ہووے تے بھادویں عمرانیات دی، فلسفے دیاں گلاں ٹرپین تے بھادویں شعر و شاعری تے ادب دیاں، ساڈیاں نظراں قدیم یونان ول اُٹھ جاندیاں نیں۔ ون سونے علماں تے فقاں دے ابتدائی اصولاں دا مڈھ یونان توں ای رُدا اے، تے ساریاں علماں دی راجدھانی وچ یونان دا سکھ ای چلدا اے۔ قدیم یونان دے ذکر توں پہلاں ساریاں گلاں رکھیاں، پھکیاں تے ادھوریاں لگدیاں نیں۔ سوچن تے سمجھن دا ایہہ وطیرہ اساں یورپ والیاں توں رکھیا اے۔ ایس گل وچ رتی بھردی شک نہیں، پئی یورپ سگوں ساری مغربی دنیا وچ علماں تے فقاں دے جنے وی سوتے پُھنے نیں، یونان اوہناں دا منبع اے۔ جدوں وی کسے علم دی کھوج کڈھن لئی علمی کھوجیاں نے کمر اں کسیاں تے واٹاں ملیاں نیں، اوہناں دے سفر دا مڈھ یونان توں ای شروع ہوندا اے۔ ڈاڈھے افسوس والی گل ایہہ اے پئی اساں مشرق دے وسیکاں نے وی یونان نوں ای علم تے ودیا دا، قبلہ تے کعبہ من لیا اے۔ ساڈے سریر وی ایسے دوارے تے نیوندے تے ساڈے متھے وی ایسے درگاہ اگے جھکدے نیں۔ علم تے فن دے بہت گھٹ کھوجی ایہو جیہے ملن گے، جیہناں نے ایس پاسے دل دھیان کیتا ہووے پئی ایس دھرتی دے گولے اتے یونان توں وکھ وی بہت تھان نیں، بیہڑے اپنی اولیت تے قدامت دے لحاظ نال یونان توں بہت زیادہ قدیم تے علم تے ادب دیاں بحثاں وچ بہت زیادہ توجہ دے قابل نیں۔

ایہہ مغربی پاکستان دی مقدس سر زمین ای اے جتھے پہلوں پہل شعر و شاعری، نثر تے نظم دیاں داستاناں، ناچ، گانے تے ڈرامے دی زینہ رکھی گئی سی۔ ایس ملک وچ ایہناں فقاں دی قدامت دا اندازہ ایس گل توں ہو سکدا اے کہ حضرت مسیح دے جنم توں گھٹو گھٹ چھ سو ورھے پہلاں اتھے غیر مذہبی ادبیات وچ

ڈراما مثلاً ”یشو کرندیہ“ گاتھا، کتھاتے مہا بھارت جیہیاں انمول چیزاں تحریر وچ آئیاں۔ ایسے زمانے وچ نٹ سوتراں مثلاً ”کڑشاشو“ تے شیلین ”وچ ڈرامے دے اصول تے قاعدے وضع کیتے گئے۔ ایتھوں مگروں انک دے نیزے اک پرانے شہر ”شاتر“ وچ پانی نے بیج ورھے قبل مسیح وچ صرف نحو تے علم بیان دے متعلق اک مستند تصنیف ”شبد اشناس“ پیش کیتی۔ ایتھوں پچھوں بھرت منی نے کوئی تن سو ورھے (ق-م) وچ علم عروض، شعر و شاعری تے ڈرامے دے اصول مرتب کیتے۔ مغربی پاکستان دے شمال وچ ڈاڈھی پرانی گندھارا دی راجدھانی دے مشرقی علاقیاں دا راج گھاٹ ٹیکسلا صدیاں توں آریہ ورت دے خاص خاص لوکاں تے راجیاں دی تعلیم تے تدریس دا مرکز بنیا رہیا۔ گندھارا حکومت دے مغربی علاقیاں دا پایہ تخت ”لنگلاوتی“ جیسے آثار پشاور دے نیزے چار سدھ دے ٹلیاں وچ دفن نیں۔ آریہ تہذیب تے قدیم علماں دا چنگوڑا بنیا رہیا۔ ”مہا بھارت“ ورگی لائٹنی تصنیف بھ توں پہلاں ٹیکسلا وچ ای پڑھ کے سنائی گئی سی۔ مغربی پاکستان وچ ای ایس برصغیر دے قدیم رسم الخط۔۔۔ خروشتی تے برہمی لپی دیاں یادگاراں دستیاب ہوندیاں نیں۔ زبانان دے کھوجیاں دا اک نظریہ ایسہ وی اے پئی برہمی لپی سندھ دی وادی دے قدیم رسم الخط توں ای لئی گئی سی تے ایسہ گل سارے مندے نیں پئی ایس رسم الخط توں نہ صرف ہندوستان سگوں برما تے لنکا دے بہت سارے رسم الخط پیدا ہوئے۔

آریہ قوم دا برہما ورت (یعنی موجودہ مغربی پاکستان) توں گنگا جمن دیاں وادیاں ول تے پھیر ایتھوں ہووے مشرق تے جنوب ول اگانہ دھن دی وجہ توں علم تے فن دے ایسہ چمٹے آریہ ورت (موجودہ بھارت) نوں سیراب کرن لگے۔ ویداں دے شاہکاراں توں مسلماناں دیاں یلغاراں تائیں گھٹ ساڈھے تن ہزار ورھیاں دی مدت وچ ایس برصغیر وچ مذہبی تے غیر مذہبی ادبیات دا ایڈ ضخیم مجموعہ موجود سی، جیہدی مثال دنیا دا کوئی ملک پیش نہیں کر سکا۔ یورپ سگوں مغربی دنیا دے اوس زمانے دے سارے ادبی خزائناں نوں اک تھاں جمع کر لیے تاں پھیر وی ایس دی نظیر نہیں مل سکدی۔

ایہناں طویل زمانیاں دیاں خالص ادبی تحریراں جیہڑیاں شعر و شاعری، داستاناں تے ڈراماں دی صورت کاغذاں دی زینت بنیاں، اوہناں دا مطالعہ رکھن

والے ایس گل نوں چنگی طرح جانده نئیں، پئی جے ادب دیاں اینہاں وکھو وکھ
 سنہاں دا تنقیدی جائزہ لیا جاوے تے ادب دے متعلق اک ایہو جیہا نقطہ نظر ہتھ
 آوند اے، جیہڑا ادبی دنیا وچ قدامت دے لحاظ نال اولیت وی رکھدا اے تے جدید
 ترین نظریات دی بنیاد وی قرار دتا جا سکدا اے۔ اینہاں تخلیقاں وچ دو عناصر اک
 دوجے دے دوش بدوش ملدے نئیں۔ نثر ہووے بھادیں نظم، بیانیہ اسلوب ہووے
 تے، بھادیں ڈرامائی، ادب دی ہر صنف وچ مزاج رکھیا، تفریح تے استفادہ دے
 عناصر ہمیش گھلے ملے تے رچے بے ہوئے نظر آوندے نئیں۔ ہر شے وچ اینہاں
 دوہاں پہلوواں دی فن کارانہ آمیزش انج ملدی اے جیویں دڈھاں وچ شمد گھولیا
 ہووے۔ ”رگ وید“ دیاں زمانیاں توں لے کے آج تاں نئیں اتھتے ادب تے فن وچ
 لطف اندوزی دے نال نال تعلیم تے تربیت، اخلاق تے سیرت بناون ول خاص طور
 تے توجہ دتی جاندی رہی اے۔ رتھ دیوتا تے کرشن جی مہاراج نوں ہندو دیو مالا ناچ
 تے راگ رنگ دیاں فناں وچ اوہو ای حیثیت رہی اے، جیہڑی یونانی اساطیر تے
 حرکت تے آواز دیاں مذہبی رسماں توں جھلن تے بھلن والے فناں وچ یونانی
 دیوتاواں Deonysus تے Heracles نوں حاصل سی۔ ہند دے اینہاں دیوتاواں
 دے حضور جسم دے پیچ خم دے مشاہدے ہون بھادیں حرف تے صوت دے زیر
 بم دے مظاہرے ”رگ وید“ دے بھجن ہون بھادیں سوتراں دے اشلوک، سنگ
 تراشی دے نمونے ہون، بھادیں اجنٹا دیاں رنگ تے روغن دیاں مورتاں،
 ”رامائن“ تے ”مہا بھارت“ دے بہادرانہ رومان ہون بھادیں بھاسا تے کالیداس
 دے ڈرامے، مکی گل ایہہ پئی ہر تھاں تے ہر شے وچ فن تے افادیت دا پہلو
 ساہنے رہیا اے۔ Horace Hayman Wilson لکھدا اے: ”ڈرامائی تحقیق وچ
 وی اینہاں مقصداں نوں پیش نظر رکھیا جاندا اے جیہڑے عام طور تے منظوم
 داستاناں وچ ویکھن وچ آوندے نئیں۔ اینہاں (فنکاراں) دا کم تفریح دے ذریعے
 تعلیم تے تربیت اے۔ ایس پاروں اینہاں لئی لازم اے پئی اوہ اپنے ظاہر کہتے ہوئے
 رس نال تماشاخیاں دے ذہناں نوں متاثر کرن۔“

ایس بھومی دے قدیم ددواناں دیاں تخلیقاں وچ تفریح تے استفادہ دا ایہہ
 امتزاج، خط آفرینی تے افادیت دی ایہہ فنی تحلیل بجا طور تے آج کل دے ادبی

نظریاں دامدھ اے تے عمد جدید دے ادبی تصورات دا پلو ایسے نقطہ نظر نال بنھیا ہویا اے۔

ہن ذرا مشرق توں مغرب دل کھ موڑ کے دیکھو، سبھ توں پہلا یونان وچ علم تے ادب دے ایہو پیہ روشتی دے منارے اُسارے گئے، جیہناں دیاں روشنیاں صدیاں بیتن توں مگروں اج وی ساڈیاں علمی تے ادبی محفلاں نوں چمکار دیندیاں نیں۔ یونان وچ شاعری تے ادب دے بارے سبھ توں قدیم خیالاں تے نظریاں دا بنج ماخذاں توں پتہ بند اے۔

ا۔ ادب دے بارے اک مشہور نحوی (Theophrastus) دے کجھ اقتباس۔

ب۔ یونانی ڈراما نگاراں خاص طور تے Aeschylus Eurapides تے Aristophanes دے خیالات جیہناں نوں چھیکڑے طریبہ نگار نے اپنے ڈرامے (Frogs) وچ پیش کیتا اے۔

ج۔ اینساں زمانیاں دے ڈرامیاں اتے کجھ گمنام لوکاں دے حاشیے تے تبصرے۔

د۔ Dionysys تے Simylus دیاں عام نوعیت دیاں تحریراں۔
س۔ افلاطون تے ارسطو دے نظریے۔

اینال وچوں افلاطون (347-427 ق۔م) سبھ توں پہلا شخص اے جیہنے ادب۔۔۔۔۔ بارے اپنا خاص نظریہ پیش کیتا اے۔ افلاطون نے ادب وچ سبھ توں ودھ اہمیت مواد نوں دتی اے تے اخلاق نوں ایہدا ضروری وصف قرار دتا اے۔ افلاطون دے نزدیک سارے فن محض اخلاقی صداقتاں دے اظہار دا ذریعہ نیں۔ ایس کسوٹی اتے اوہنے اپنے زمانے دیاں شاعراں ہومر تے Pindar تے ایتھنز دے ڈراما نگاراں دیاں تخلیقاں نوں جاچیا اے۔ ”ریپبلک“ وچ لکھدا اے۔

”خیال دا حسن، ہم آہنگی تے تناسب، ہیئت تے اسلوب دی ندرت، موزونیت تے روانی۔ ایہہ سبھ چیزاں سیرت دی خوبی تے خصلت دی برتری اتے منحصر نیں۔۔۔ سیرت دا اثر صنائع دے سبھ کماں اتے نمایاں ہوندا اے۔ سبھ فناں وچ ہیئت تناسب تے موزونیت دا نقص خیال تے سیرت دے نقص دا نتیجہ ہوندا اے تے اینساں سبھ چیزاں دا حسن اخلاقی برتری تے خوبی دا پتہ دیندا اے۔“

افلاطون توں مگروں ارسطو (332 - 384 ق۔م) یونان کيہ یورپ دی پہلی شخصیت اے، جینے فن نوں خالص جمالیاتی نقطہ نظر نال جاچیا تے پرکھیا اے تے جمالیاتی بنیاداں اتے اوہدے اصول متعین کیتے نیں۔ ارسطو نے ادب نوں اخلاقیات دے چنگل توں چھڑا کے خالص جمالیاتی مطالعہ دی نینہ رکھی۔ اوہ اپنی کتاب ”پوہیتقا“ (Poetics) وچ لکھدا اے :

”ہر فن پارہ بھادیں اوہ تصویر ہووے تے بھادیں نظم اک مرقع جمال اے۔“ ایپر ”اوہ (فن پارہ) اپنی صنف دے اعتبار توں اک خاص طرح دا حظ پیدا کردا اے۔“

ادب بارے افلاطون تے ارسطو دیاں وکھ وکھ نظریاں نوں اک مشہور رومن شاعر تے نقاد ہورلیس (Horac) (20 - 24 ق۔م) نے اک تھاں کٹھا کیتا تے ادب بارے تفریح تے استفادہ Pleasure And Profit دا نظریہ پیش کیتا۔ ادبی عقیدہ وچ ایہہ اوہو ای منزل اے جتھوں ساڈے ملک دے ودوان صدیاں پہلے لنگھ چکے سن۔

مڈھ قدیم توں اج تائیں یورپ دے وکھرے وکھرے ملکاں مثلاً ”اٹلی“ جرمنی“ فرانس تے انگلستان وچ ادب دے بارے وکھو وکھ نظریے افلاطون“ ارسطو تے ہورلیس دیاں رکھیاں نینہاں تے کھڑے نیں تے اینہاں نینہاں اتے ادب دے ڈاڈھے اچے تے شاندار محل کھلوتے نیں۔ اینہاں ملکاں دیاں سرکڈھ ادبیاں تے نقاداں دیاں ادب بارے راواں دا بیان اک ڈاڈھا لما کم اے۔ میاکن آکھدا اے قدرت نے انساناں وچ جیہڑیاں سرمدی چیزاں نوں ودیعت کیتا اے۔ اینہاں دے اظہار نوں ادب لطیف آکھدے نیں۔“ ڈبلو بی ایٹس لکھدا اے۔ ”ادب وچ زبان نوں زبان دی حیثیت نال ملحوظ نہیں رکھیا جاندا سگوں فن لطیف دی حیثیت نال تے فن لطیف جسدے اظہار دا ذریعہ زبان ہووے اوس نوں ادب آکھدے نیں۔“

بروک نے اپنی تصنیف English Literature وچ لکھیا اے۔ ”لائق مرداں تے عورتاں دے لکھے ہوئے احساسات تے خیالات نوں ایس طریقے نال ترتیب دینا یعنی پڑھن والیاں نوں لطف تے مسرت حاصل ہووے ادب اے۔“

مشہور نقاد نیومین (Idea of University) وچ لکھدا اے۔ ”ادب توں

مراد اے زبان دے ذریعے خیال دا اظہار کرنا اے۔ اتھے خیال توں میری مراد احساسات، تخیل، رائے، استدلال، تے دماغ دے ہور شعبیاں توں اے۔ ”جان فورلے نے (On the Study of Litt) وچ لکھیا اے ”ادب وچ اوہ ساریاں کتاباں داخل نیں، جیہناں وچ اخلاقی صداقتاں تے انسانی جذبات اتے دل تے نظر دیاں وسعتاں سنجیدگی تے طرز بیان دی جاذبیت نال بحث کیتی ہووے۔

پوسٹ (Comparative Literature) وچ لکھدا اے ”پئی ادب اوہناں کارنامیاں اتے مشتمل ہوندا اے جیڑے تخیل دی پیداوار ہون تے قوم دی ودھ توں ودھ تعداد اتے عملی اثر پادوں تے تربیت دیون نالوں ودھ خوش رکھدے تے خاص خاص دی نسبت عام معلومات ول متوجہ ہوندے نیں۔“

امرسن دا وچار اے :

”ادب انسان دی ایہو جیہی کوشش اے جیڈے نال اوہ اپنی حالت دیاں غلطیاں دی تلافی کردا اے۔“

ایچ کورساں نے (Literary Study) وچ آکھیا اے۔ ”ادبیات خاص طور تے شعر تے ڈرامے دا ادب لوکاں دے روحانی تے ذہنی میل جول نوں حرفاں دے ذریعے ظاہر کرن نوں آکھدے نیں۔“

”آگسٹائن بیرل اپنے اک مضمون ”The Office of Literature“ وچ بیان کردا اے۔ ”ادب مسرت بخش تے انساناں دی زندگی دا بھار ہولا کرن لئی وجود وچ آوندا اے۔ ایہہ کجھ عرصے لئی لوکاں دے غماں تے مہیتاں، اوہناں دے گناہاں، اوہناں دے اجاڑ گھراں، اوہناں دیاں نامراد آساں تے تانگھاں اوہناں دے دکھاں بھرے تے ہیرے مستقبل نوں بھلا دیندا اے۔“

اٹرا پونڈ نے ”How to Read“ وچ لکھیا اے۔ ”عظیم تے اچے درجے دا ادب زبان نوں انتہائی درجے تائیں مطالب نوں متحمل بناوندا اے۔“ رہیکا ویسٹ دا ”Ending in Earnest“ وچ بیان اے۔ ”ادب مشاہدیاں دا تجزیہ تے پھیر اوہناں دا اک وحدت وچ استخراج اے۔“

افلاطون دے زمانے توں اج تائیں ادبی تنقید دا جائزہ لیا جاوے تے اپر دتیاں ہوئیاں تعریفاں نوں غور نال ویکھیا جاوے تے دو گلاں گھل دیاں نیں۔ پہلاں

ایسہ پئی ہر ملک تے ہر زبان دے ادب وچ وکھرے وکھرے زمانیاں وچ ادب دے تن پہلو۔۔ (1) موضوع تے مواد۔ (2) ہیئت تے صورت۔ (3) حظ آفرینی۔۔۔ نوں اجاگر کیتا جاندا رہیا اے۔ کدی تے خاص خاص خیالاں تے مضموناں نوں ای ادب دا سبھ کچھ سمجھ لیا گیا۔ کدے خاص صورت شکل تے ہیئت رکھن والیاں تخلیقاں نوں ای ادب وچ شمار کیتا جاندا رہیا تے باقی ساریاں چیزاں نوں مکروہ تے مردود قرار دے دتا۔ کدے ادب دا مقصد تے مدعا محض تفریح طبع نوں ای من لیا تے بیہوشی شے حظ آفرینی تے لطف اندوزی دی ٹکڑی تے پوری نہ اتری، اوہنوں ادب دے مال وچوں کڈھ دتا گیا۔

دوجے ایسہ پئی اینساں نتاں دیاں بنیاداں اتے کچھ نقاداں نے ادب نوں ایٹا کھلا ڈکھا کر دتا پئی ادب دی جھولی وچ علم قانون، دینیات، طب تے ہور سبھ علماں نوں سما دتا۔ کچھ لوکاں نے چارلس لمب دی طرح ادب دے تصور نوں ایڈا سوڑا کر دتا پئی ہوم (Hume) تے گبن (Gibbon) ورگے لکھاری وی ایس گلزار وچ کوئی تھاں نہ پاسکے۔ ایس وادھے تے گھائے نوں سامنے رکھیے تاں ایسہ سوال پیدا ہوندا اے پئی اینساں دو انتہائی نقییاں دے وچکار لا تھاں کیڑا اے؟ ادب دے متعلق کیڑا تصور قرن قیاس اے، بیڑا کافی وسیع وری ہووے تے چوکھا درست وی؟ بہت ساریاں ادبیاں تے نقاداں مخے اینساں گنجلال نوں کھولن دی کوشش کیتی اے۔ ساڈے خیال وچ ایس مٹھی نوں سنوارن لئی (Thomas De Quency) نے بیہوشی راہ اختیار کیتی اے اوہ افلاطون دیاں خطریاں توں اک حد تائیں محفوظ وی اے تے کچھ حقیقت حال وی۔ ڈی کونسی نے اپنی اک تحریر وچ لکھیا اے :

”اوہ ساریاں چیزاں بیڑیاں ادب دے زمرے وچ آوندیاں نیں، قوت تے توانائی بخشدیاں نیں تے اوہ سبھ چیزاں جیہناں دا شمار غیر ادب وچ ہوندا اے علم توں بہرہ ور کردیاں نیں۔“

ایس نظریے دی وضاحت کردے ہوئے اوہ اپنی کتاب ”on Poets Essays“ وچ مشہور شاعر Alexander pope دے بیان وچ لکھدا اے۔ ”اک ادب تاں علمی حیثیت رکھدا اے تے دوجا ادب قوت تے توانائی بخشد اے۔ پہلے دا کم تعلیم تے تدریس اے تے دوجے دا کم متاثر کرنا اے۔“

ایس نظر سے دی وضاحت کر دے ہوئے ایس عمد دے اک مشہور نقاد (R.A. Scott James) نے پہلی قسم وچ اوہ سبھ کتاباں شامل کیتیاں نیں جیہڑیاں فلسفے، مذہب، سائنس، معاشیات، تاریخ، سوانح، سیاحت نامے، سیاسیات تے اخلاقیات وغیرہ تے شامل نیں۔ ایہناں دا مدعا استدلال کرنا، نتیجے کڈھنا، واقعات نوں محفوظ کرنا تے پڑھن والیاں نوں کسے خاص خیال، رائے تے نقطہ نظر اتے متاوانا اے۔ دوجی قسم فنون لطیفہ دا حصہ اے مثلاً "شاعری، ڈراما، ناول وغیرہ جیہناں نوں اصلاحی ادب دی طرح غلط تے صحیح ثابت نہیں کیتا جا سکدا۔ علم منطق نال ایہناں دا کوئی واسطہ نہیں۔ ایہناں دے وکھو وکھ اصول تے قاعدے نیں، جیہناں نوں عقلیت دی کسوٹی اتے پرکھیا نہیں جا سکدا۔ سگوں ایہناں نوں وجدان، تخیل تے جمالیاتی حسن نال جانچیا جا سکدا اے۔ ایہناں دوہاں قسماں دے ادباں دا تعلق صداقت نال ہوندا اے پر ایہہ وکھو وکھ راہواں تھانیں اتھے اپڑدے نیں۔

ساڈے خیال دے وچ ایہو جیہ سوالاں دا جواب دیون لئی پئی ادب کیہ اے؟ ایہدیاں حداں کیہ نیں؟ ساڈے لئی ایہہ دیکھنا ناگزیر ہو جاندا اے، پئی ادب دی پیدائش کیوں ہوندی اے؟ ایہدے ودھن بھلن دے اسباب کیہ نیں؟ ایسے پاروں نفسیات دا علم بہت حد تائیں ساڈی رہنمائی کردا تے ساڈا مددگار ہو سکدا اے۔ خیالاں نوں معین آوازاں تے لفظاں دیاں پچیاں وچ پیش کرن دا ذریعہ جد توں ساڈے ہتھ آیا اے، اوس توں پہلاں وی لوک سوچدے سن، محسوس کردے سن۔ اوہناں دے دلاں اتے وی کئی وَت سونیاں کیفیتاں وارد ہوندیاں سن، آوازاں دے ذریعے دلاں دیاں وارداتاں تے نظراں دے مشاہدیاں دا اظہار قدیم زمانیاں وچ وی ہوندا سی۔ جدوں آوازاں نوں رسم الخط دے ذریعے ضبط کرن دا مرحلہ آیا تے مشاہدات، محسوسات تے خیالات تے تصویری خط (Hieroglyph) توں لے کے ہن تائیں نویں نویں پچیاں وچ ڈھلے رہے۔ یاں انج آکھ لو پئی اظہار دیاں طریقیاں نے نویں نویں پیکر ضرور تراشے پر اظہار دی انسانی فطرت جیہڑی پہلاں سی اوہدی نینہ بھن دی اوہو ای اے۔

ادبی اظہار دیاں محرکاں تے ادب دیاں ماخذاں دا کھوج کڈھیا جاوے تاں پہلاں ایہہ کل گھمڈی اے پئی فطری طور تے ہر انسان وچ ذاتی اظہار دی امنگ

موجاں مار دی اے۔ اوہ جو کچھ وی ویکھدا اے دو جیاں لوکاں نوں دکھانا چاہو ندا اے۔ جو کچھ محسوس کردا اے اوس احساس وچ ہور ناں لوکاں نوں وی شریک کرن دا متمنی ہوندا اے۔ اوہ اپنا دکھ تے سکھ، رنج تے راحت، غم تے مسرت دا اظہار کر کے نفسیاتی طور تے اک طرح دی لذت، سکون تے اطمینان حاصل کردا اے۔ اوہ جو کچھ سوچدا اے لوکاں نوں منسا کے داد لوڑدا اے۔

انسان دی عمرانیت دا اک تقاضا ایہہ وی اے پی اوہ ہور ناں لوکاں وچ دلچسپی رکھدا اے۔ لوکاں دے قولاً تے فعلاً نوں منسن تے ویکھن دی اوہدے دل وچ رغبت ہوندی اے، کسے اتے کوئی اوکھا ویلا آ جاوے تاں اوہ اوس نوں آپ وی محسوس کردا اے تاں اوہدے بیان نال دو جیاں نوں وی احساس دلاو ندا اے۔ لوکاں وچ ساڈی دلچسپی ادب دا دو جا محرک اے تے بیہڑیاں تحریراں اوہدے اظہار پاروں کاغذ اتے آلیکیاں جاندیاں نیں اوہ ادب دا عزیز ترین سرمایہ قرار پا سکدیاں نیں۔

ایہہ حقیقی دنیا جسدے وچ انسان اپنی زندگی بسر کردا تے اپنے دن تے راتاں گزاردا اے۔ ایہدے وچ انسان دے چار چوہیرے قدم قدم تے مناظر قدرت تے مظاہر فطرت رکھنڈے ہوئے نیں۔ ایہہ انسان نوں مشاہدے تے مطالعے دی دعوت دیندے نیں۔ انسان ایہناں قدرت دیاں نظاریاں نوں ویکھدا اے تے سواہ لیندا اے۔ سرگھی دا نور، چڑھدے ہوئے سورج دیاں سنہریاں کرناں دا فضاواں وچ وچھیا ہویا جال، ڈبے ہوئے سورج ویلے افق اتے شفق دیاں بھیلیاں ہویاں رنگینیاں، رات دے ہیرے وچ آسمان دی نیلی چادر اتے جڑے ہوئے موتیاں دے لشکارے، چاننیاں راتاں نوں ہواواں وچ نور دے سمندر دیاں چھلاں، آسماناں نال گلاں کردے ہوئے زمرہ دے پہاڑ، ہرے بھرے جنگلاں دے نظارے، میداناں وچ ہری گھاہ دے وچھے ہوئے مٹلی وچھونے، کدی زوراں وچ وگدے تے شوکدے تاں کدی مٹھی نیندر مٹتے ہوئے دریا، ندیاں تے نالے، آبائے کھاندے تے شور مچاوندے ہوئے چشمیاں دیاں بہاراں، ہر ویلے دلاں نوں کچھدیاں تے جند جان موہندیاں نیں۔ ایہناں نوں اپنے جادو بھرے قلمماں دی نوک نال عدم توں وجود وچ لیاوندے رہندے آں۔ ایہہ حقیقت تے خیالاں دے جہان ہمیشہ انسانی دلچسپی دے مرکز بنے

رہے ہیں۔ اسے حقیقت تے تخیل دے عالم ساڈے ادبی اظہار دے ویلے تے محرک نہیں۔

مذہب قدیم توں وجود وچ آون والیاں ادب دیاں منغلاں وکھو وکھ صورتاں تے شکلاں وچ پیش ہوندیاں رہیاں نیں۔ ادب تے ہیئت دا ہمیشہ پیچھاں جوڑ رہیا اے۔ آج وی جے اسیں دور دراڑے پنڈاں وچ نکل جالیے تے اوس ادب دا مطالعہ کریے جیہڑا لوک گیتاں دی صورت لوکاں دیاں سینیاں وچ پیار وانگوں وسدا تے زباناں توں شہد وانگوں رسدا اے اوہناں وچ صورت تے شکل دے وکھو وکھرے انداز ترتیب تے تنظیم دے مختلف پیرائے نظر آوندے نیں۔ ایس گل دی شہادت اوہناں ملکان دیاں ادباں وچ بخوبی ملدی اے جتھے تحریر دا رواج ہوئے ڈیر ویلا نہیں پیا۔ قدیم ہندوستان وچ وی مذہبی تے غیر مذہبی ادباں دا کثیر سرمایہ ہزاراں سالوں تائیں محض لوکاں دیاں ذہناں وچ محفوظ رہیا تے عیسوی دور دیاں پہلیاں صدیاں توں تحریر وچ آون لگا۔ اینہاں ادباں دا جائزہ لیا جاوے تے ادب دیاں وکھریاں وکھریاں صورتاں نال انسان دا لگاؤ کھلا ڈکھا لہدا اے۔ ایس پاروں ہیئت نال انسانی لگاؤ تے اوہدے توں جنم لین والی ہر آفرینی نوں وی ادب دے ماخذاں تے محرکاں وچ شامل کیتا جا سکدا اے۔

جے اسان ادب دے ماخذاں تے محرکاں دیاں اینہاں چار قسماں اتے ڈو گھیاں سوچاں سوچے تاں ویکھاں گے پئی اسے محرکات کھلے ادب دی پیدائش دے موجب ای نہیں سگوں ادب دیاں وکھ وکھ منغلاں وی اینہاں محرکاں توں صورت پذیر ہوندیاں نیں۔ ادب دے موضوعاں دی گونا گونی تے تنوع، ادب دیاں وکھ وکھ منغلاں دیاں جڑھاں وی اینہاں محرکاں دی زمین وچ ڈو گھیاں جڑیاں ہویاں وسدیاں نیں۔ مثال دے طور تے محرکاں دی فہرست وچ ٹیسی اتے ذاتی اظہار دی خواہش اے۔ اسان جو کجھ سوچدے تے محسوس کردے آں دو جیاں تائیں اپڑان دی ایکسٹنٹ اک فطری جذبہ اے۔ ذاتی اتے باطنی اظہار دے ادب وچ لوک گیتاں تے غزلاں ورگیاں قسماں دی شاعری شامل ہندی اے۔ اوہدے وچ ایہو پیہہ مضمون وی جگہ پاوندے نیں جیہڑے ذاتی نقطہ نظر نال تحریر کیتے جاوندے نیں۔ ایس لحاظ نال ایس ادب وچ فنی تے ادبی تنقید دا ادب وی شامل ہوندا اے، دوچے ہور ناں

لوکاں دیاں کماں تے عملاں نال ساڈی دلچسپی تے اوہدے اظہار توں ایہو جیہا ادب جنم لیند اے، جیہڑا عام زندگی نال تعلق رکھدا اے۔ اوہدے وچ اوہناں چیزاں دا بیان ہوندا اے، جیہڑیاں ذاتی تے شخصی حد اں چوں نکل کے پوری نوع انسانی نال وابستہ ہوں۔ ایہہ ادب عمرانی تے سماجی دنیا تے ایہدے بے شمار مسئلیاں توں پیدا ہوندا تے ودھدا اچھلدا اے۔ ایس ادب وچ لکھاری اپنے من وچ جہات مار دے تے دل دے دریا وچ ٹہمیاں مارن دی تھاں باہر دی دنیا وچ قدم رکھدا اے۔ ایس گلوں ایس ادب وچ منظوم قصے تے کہانیاں، نثر وچ داستاناں تے رومان، افسانہ، ناول تے ڈراما وغیرہ دکھو وکھ سنفاں دا اڈب شامل ہوندا اے۔ تیجے ساڈے آسے پاسے پھیلی ہوئی حقیقی دنیا نال ساڈی وابستگی توں ایہو جیہا ادب تشکیل پاوندا اے، جیہڑا قدرت دیاں نظاریاں تے فطرت دیاں مظہراں نوں اپنا موضوع بناوندا اے۔ ایہہ منظر کشی تے وصف نگاری دا ادب اے۔

ادب دے ماخذ اں تے محرکاں، ایس توں جنم لین والے موضوعاں تے ادب دیاں سنفاں دے ایس سرسری تے اوپرے جیہے ذکر توں ایس گل دا سکھیرا ہو جاندا اے پئی ادب نال ساڈی رغبت تے دلچسپی ایس دی گہری تے دواہی انسانی اہمیت پاروں ہوندی اے۔ جیویں دھرتی وچ بیجے ہوئے دانے وچوں کومل کو پنلاں جھڈیاں نیں۔ ایہن دے پڑھن توں زندگی نال ساڈے وسیع ڈونگھے تے سجرے رابطے استوار ہوندے نیں۔ ادب زندگی دے بارے وچ انسانی مشاہدے تے تجربے، انسانی احساس تے تصویر دی اک اہم دستاویز اے، ادب اساسی طور تے زبان دے وسیلے نال زندگی دا اظہار کردا اے۔ ایس اظہار نوں ادبی فن دے وکھرے وکھرے تے قسماں قسماں دیاں پیکراں وچ ڈھالیا جاندا اے۔ ادب زندگی دے سارے زندہ رہندا اے۔ جیہدے توں ایس دا خیر اٹھایا جاندا اے۔ ادب دا شیش محل انسانی فطرت دے راتاں گاریاں نال اُساریا جاندا اے۔

انسانی نفسیات وچ ادب دے محرکاں تے ماخذ اں دا ڈونگھی نظر تے گہری سوچ اتے فکر نال جائزہ لیا جاوے تاں ایس ایہناں نتیجیاں تے اپڑدے آں، پئی ادب پارہ دو جیاں عملاں دیاں تحریراں توں اک تاں ایس لحاظ نال دکھ ہو جاندا اے پئی اوہ کسے اک خاص علاقے تے طبقے دیاں پڑھن والیاں نوں ای متاثر نہیں کردا

سگوں وقت تے مقام دیاں سرحدیں تے غلیچاں نوں ٹپ کے عام انساناں، عام مرداں تے عورتاں دی دلچسپی، رغبت تے دلی کھچ دا موجب ہوندا اے۔ دوجے اوہ آپ وی متاثر ہوندا اے تے اپنے بیاناں نال دوجیاں نوں وی اوہناں کیفیتاں توں متاثر کردا اے۔ پر ایس گل توں دکھ غیر ادبی اظہاراں توں بھاویں اینساں دا براہ راست تعلق علم دے اینساں شعیاں نال ہووے جیہڑے انسانی نفسیات نوں زیر بحث لیاوندے نیں، نہ لکھن والے تے کوئی کیفیت تے جذبہ طاری ہوندا اے تے نہ ایہدے بیان توں دوجیاں دے جذبات وچ کوئی حرکت بھجان تے بل چل پھدی اے۔ ایہہ تاثر تے عدم تاثر دا فرق ادبی تے غیر ادبی اظہاراں دا طرہ امتیاز اے، ایہہ اک دوجے توں ممتاز ہوندے نیں۔ تیجے ادب دی آبیاری انسانی فطرت دے مڈھ قدیمی تے کدی نہ بدلن والے عناصر نال ہوندی اے۔ اک ادبی شاہکار اپنی نوعیت دے اعتبار نال اک تکمیلی تے امنٹ حیثیت دا حامل ہوندا اے تے اوہدی مقبولیت تے لطف اندوزی تھان تے ویلے دیاں حد بندیاں توں دراڑی ہوندی اے۔ پر اوہدے مقابل غیر ادبی کارنامیاں وچ مقامی رجحان تے زمانے دی رفتار دے نال نال ارتقاء پذیر تصورات تے نظریات پھیررت نویاں دریافتیں تے انکشافاں پاروں کتر بیونت تے گھاٹے وادھے لئی تھان رہندی اے۔ چوتھے ایہہ پئی ادبی اظہاراں وچ ہیئت تے صورت نال انسانی محبت تے لگاؤ پاروں ادبی مواد اپنی نوعیت دے اعتبار نال دکھو دکھو پیمیاں وچ ڈھالے جاوے دا تقاضا کردا اے تے اپنے موضوع تے ماہیت دی مناسبت نال اپنے لئی نویں نویں پیکر تراشدا رہندا اے۔ پنجویں گل ایہہ پئی ادبی تے غیر ادبی کوششاں تے کاوشاں دا قدراں (Values) دیاں دکھریاں وکھریاں راجدھانیاں نال تعلق ہوندا اے۔ کسے ادبی فن پارے دی مرعوبیت تے قدر و قیمت نفسیاتی لگاؤ تے جذباتی وابستگی پاروں متعین ہوندی اے۔ پھیر ادب دی قلمرو توں باہر قدراں دی جانچ پڑتال دے پیمانے دکھ تے ناپ تول دیاں ٹکڑیاں جدا ہوندیاں نیں۔ چھیویں تے آخری گل ایہہ پئی جتھے دوجیاں علماں دا مقصد تے مدعا محض علم توں بہرہ ور کرنا ہوندا اے، اوتھے اک ادبی شاہکار دی غرض و غایت بھاویں علم دا ابلاغ ہووے، یاں نہ، پر مواد تے موضوع دا چناؤ تے پھیر اسلوب وچ اوہدا مستہائے نظر جمالیاتی طمانیت تے خط آفرینی ہوندا اے۔

ادب زندگی دا ترجمان اے، پر اچیرے تے وڈے ادب لئی کجھ شرطیں ہور
 وی نیں۔ زندگی دی ترجمانی کردے ہوئے حظ آفرینی توں دکھ ایہدے کجھ فرض ہور
 وی نیں۔ ادب کلا زندگی دا ترجمان ای نہیں، میتھیو آرنلڈ دے اکھان وانگوں سکوں
 ”حیات دی تنقید“ وی اے، ادب داکم زندگی اتے تنقید کرنا اے۔ زندگی نوں پرکھن
 تے جاچنا اے۔ اوہدیاں خوبیاں تے خامیاں نوں اجاگر کرنا اے۔ حیاقی دے چنگے تے
 بھیڑے، پہلوواں نوں نمایاں کرنا اے تے ایہدے نال نال زندگی دے گھٹیا کو جھ
 عناصر نوں دور کرنا اے۔ اوہناں دی اصلاح، درستی تے تطہیر دی ترغیب دینا اے۔
 زندگی دے ہنیر، گھپ گوشیاں نوں روشنی نال منور کرنا اے۔

اتے دتے ہوئے بیاناں نوں ملحوظ رکھیا جائے تے سانوں ادب دے متعلق
 اک ایہو جیہا تصور مل جاندا اے، بیہڑا کافی گھلا ڈکھا اے تے بہت حد تاں درست
 وی، ایہناں بنیاداں تے ادب دے دتے ہوئے تھلے چار عناصر قرار دتے جا سکدے
 نیں۔

(الف) ادب دا جم تے پل انسانی زندگی توں ہوندا اے۔

(ب) ادب اپنے موضوع تے ماہیت دے اعتبار نال لوکاں دی کجھ تے لطف
 اندوزی دا باعث ہوندا اے۔

(ج) ادب دی ہیئت تے صورت دے وکھو دکھ اسلوب جمالیاتی حظ آفرینی
 دے موجب ہوندے نیں۔

(د) ادب اپنیاں فنی تقاضیاں نوں پورا کردے ہوئے زندگی دی تہذیب تے
 تطہیر، بھلائی تے اصلاح دا ضامن وی اے۔

انگریزی تنقید دا ارتقا

یورپ وچ تنقید دے نمونے افلاطون دی ”مثالی جمہوریہ“ توں وی پہلاں ملدے نیں۔ سانوں کئی فلسفیاں دے مقالیاں وچ تنقیدی خیالات دی موجودگی دا احساس ہوندا اے۔ مختلف شاعراں دی شاعری وچ وی تنقیدی اشاریاں دی جھلک اے۔ ایس توں علاوہ ڈراما نگاری دے فن تے کئی مقالیاں وچ واضح تنقیدی بصیرت دا احساس ہوندا اے، پر ایس بے باقاعدہ تنقید دے باوجود ارسطو اوہ پہلا نقاد اے، جسنے تنقید تے شاعری نوں سائنس تے فن دا درجہ دے دتا۔ ایس لئی ایس یورپ وچ ارسطو نوں ای پہلا باقاعدہ نقاد تسلیم کرنے آں۔ کچھ لوک افلاطون نوں پہلا باقاعدہ نقاد تسلیم کردے نیں، پر حقیقت ایہہ دے کہ افلاطون دا اصل مسئلہ شاعری یاں تنقید نہیں سی۔ اوہدا اصل مسئلہ سیاست سی کیوں کہ سیاست اوس ویلے دے سارے علماں تے چھائی ہوئی سی۔ ایس دیکھنے آں کہ افلاطون دی تصنیف ”مثالی جمہوریہ“ وچ جدوں شاعراں دا ذکر چھڑدا اے تے اوہ شاعراں نوں ریاست توں باہر کڈھ دیندا اے۔ افلاطون شاعری دے سخت خلاف سی کیوں کہ اوہدے نزدیک شاعری ریاست وچ خلل پیدا کرن دا ذریعہ اے۔ دراصل افلاطون شاعری تے دو جے فتاں نوں ترتیجے درجے دی نقل سمجھدا اے۔ اوہدے خیال مطابق ہر چیز دی اصل عالم مثال وچ موجود اے تے دنیا دی ہر شے گھوڑا، کرسی، میز اپنی مثال دی نقل نہیں۔ ایس طرح شاعری نقل دی نقل اے تے ایس لئی حقیقت توں بہوں دور اے۔ دو جہ اوہدے نزدیک شاعری جذبیاں نوں ابھارن دا کم کردی اے تے جذبے عقل و فکر دے خلاف نیں تے مضرو دی نیں۔ ایس لئی لقمہ و ضبط نہیں رہ سکدا۔

ایہناں اعتراضاں دے تحت اوہنے شاعراں نوں ”مثالی جمہوریہ“ توں باہر کڈھ دتا۔ ایہناں ساریاں گلاں دے باوجود افلاطون شاعری نوں خوب سمجھدا سی۔

کیونکہ ارسطو نے ادبیاں مختلف آراء توں ای قائمہ اٹھایا تے تنقید نوں مکمل فن تے سائنس دے درجے تے پہنچایا۔ چنانچہ فن تنقید دی باقاعدہ ابتدا ارسطو توں ہوندی اے۔ اوہنے شاعری تے تنقید نوں فلسفہ، اخلاقیات تے سیاست توں اک علیحدہ جداگانہ حیثیت دتی۔ ارسطو بھادویں افلاطون دا شاگرد سی، پر اوہدی سوچ مختلف سی۔

ارسطو 348 ق م وچ اشاگیری دے مقام یونان وچ پیدا ہویا۔ اوہدا بیو شاہی طبیب سی۔ اوہ دس سال تک افلاطون دی اکیڈمی وچ تعلیم حاصل کردا رہیا۔ تہی تاں تے انگلیاں وچ ہر ویلے انگوٹھیاں پان والا ارسطو شنگ پر بڑا ذہین سی۔ اوہدے چہرے تے ظہیر مسکراہٹ ہر ویلے رہندی۔ ارسطو دی افلاطون دی طرح فن نوں زندگی دی نقل قرار دیدھا اے، پر ارسطو فنان نوں زندگی توں وی زیادہ مکمل تے خوبصورت نقل قرار دیدھا اے۔ ایس نوں اوہ MEMISIS کہندا اے۔ دو جا اوہدا مشہور نظریہ کتھارسس KATHARSIS دا اے۔ اوہدا مطلب اہمہ دے کہ ادب وچ جیہڑی جذبے دی عکاسی ہوندی اے، اوہدے راہیں جذبات دی تشکیل کیتی جائے کیوں کہ اوہدا بیو حکیم سی۔ ایس لئی اوہنے طب دا لفظ کتھارسس استعمال کیتا، جیہدا مطلب اے ”صفائی یاں جلاب“۔ جیویں غم دا اثر بڑا تکلیف دہ ہوندا اے، پر بدوں کوئی چنگا شاعر غم دا شعر کہندا اے تے پڑھن والے نوں بڑا قلبی سکون ملدا اے۔ مثال دے طور تے میاں محمد صاحب دا شعر۔

آئی جان کھنچے اندر جیوں ولین وچ گنا

روہ نوں کہہ ہن رہو محمد ہُن جے رہوے تاں مٹاں

زندگی وچ کسے قسم دا وی غم بڑا تکلیف دہ ہوندا اے، پر اہمہ شعر سن کے غم کٹھا ہو جائدا اے۔ تہی اوہدی مشہور بحث افسانوی ادب وچ پلاٹ دی بنیادی اہمیت توں متعلق اے۔ ارسطو دی بحث توں اہمہ پتہ چلدا اے کہ اوہنے پہلاں تے اعلیٰ شاعری دے اصول قائم کیتے۔ فیر وڈے وڈے یونانی شاعراں دی شاعری توں اصول مرتب کیتے، فیر سارے تنقیدی اصولاں نوں جمع کر کے اک نویں اندازِ نال پیش کیتا۔ ایہدے نال نال ارسطو نے علم بیان، علم بدیع، فصاحت، بلاغت تے زبان دی کارگیری دا وی ذکر کیتا اے۔ ارسطو دے بعد روم دے زیادہ نقاداں ارسطو دی زبان تے بیان دے متعلق بحثاں توں بڑا اثر قبول کیتا تے اوہناں دے نزدیک تنقید

دا علم محض زبان تے بیان دے محاسن تے معائب دا علم ہو کے رہ گیا۔ ہور سس ، سیرو تے کوانٹین مشہور رومی نقاد سن ، جیہناں یونانی تے رومی تنقید وچ نرا زبان دیاں خوبیاں دی بحث تک تنقید نوں محدود رکھیا۔ ایس طرح تقریباً ”چھ صدیاں تک یونانی تے رومی تنقید نگار ڈیونی سس (DEONESIS) لوسین ، سیرو علم بدیع تے بیان وچ ای پھے رہے تے مواد ، خیال یاں CONTENT نوں بالکل نظر انداز کر دتا گیا۔

ارسطو توں چھ صدیاں بعد یونان وچ فیراک اعلیٰ پائے دا نقاد پیدا ہویا ، جسنے فن تنقید نوں فیراک واری چکایا۔ اوہ رومانی نقاد لان جائنس (LONGINUS) سی۔ افلاطون نے اخلاقی تے علمیاتی انداز ناں شاعری نوں برا کیہا۔ ارسطو نے شاعری نوں اعلیٰ انسانی صفات دا اظہار قرار دتا ، پر اوہ انداز اک منطقی فلسفی داسی۔ اوہنے ادب دے مسرت انگیز تے رومانی طرب انگیز دے عنصرول زیادہ دھیان نہ دتا۔ لان جائنس اوہ نقاد اے ، جسنے ادب دی مسرت بخش تاثیریت تے زیادہ زور دتا۔ لان جائنس ادب دے الہامی کیف تے زیادہ زور دیندا اے۔ ایس طرح ارسطو دے زمانے دی تقلیدی تنقید رومانی تنقید دے دور وچ داخل ہو جاندی اے۔ اوہنے ادب دی سبھ توں وڈی خوبی SUBLIMITY قرار دتی۔ SUBLIMITY دے معنے کچھ غیر واضح طور تے سمجھے گئے نیں۔ جیویں کچھ نے جلال تے جلیل دے معنیاں وچ لیا اے ، پر لان جائنس دے نزدیک (SUBLIMITY) ترفع ، رفعت یاں ELEVATION دے معنیاں وچ استعمال ہویا اے۔ لان جائنس دا زیادہ زور خیالات دے شکوہ تے جذبات دی شدت تے سی۔ اوہ کہندا اے کہ ادب الہام تے کیف دا سیلاب اے ، جیرا ساری چیزاں نوں روڑھ دیندا اے۔ کلاسیکیت وچ ہیئت تے خارجی صورت تے زور دتا جاندا اے تے رومانیت وچ موضوع نوں اہم قرار دتا جاندا اے۔ لان جائنس پہلا رومانی نقاد اے پر اوہنے کلاسیکیت دی افادیت توں انحراف نہیں کیتا۔ ادیب دی تخلیقی آزادی تے لان جائنس نے زیادہ توں زیادہ زور دتا۔ ایس لئی اوہ قواعد تے ضوابط دی پابندی نوں چنگا نہیں سمجھدا۔ لان جائنس کہندا اے کہ جذبے دی شدت استعاریاں دی صورت وچ ظاہر ہوندی اے ۔ استعارے دی زبان نری ادب عالیہ دی زبان نہیں سگوں عام بندے دی جذبیاں دے

ہرھ وچ ایہو زبان استعمال کردے نیں ، فرق صرف ایہہ ہوندا اے کہ عام بندے تے فنکار وچ تخیل دی بلندی دا فرق پے جاندا اے۔ اظہار دے سلسلے وچ لان جائنس ، صنائع بدائع ، لفظاں دے صحیح استعمال تے ہمیلیاں دی موثر ترتیب نوں شاعر دیاں تن اکتسابی خوبیاں مگن دا اے۔

لان جائنس توں بعد قرون وسطی وچ مذہب ہر شے تے حاوی رہیا۔ ایس دور وچ تنقید تے ادب دی ترقی رُکی رہی۔ ایس دور وچ اٹلی دے شاعر دانٹے دا روز مرہ بول چال تے ، رسالہ ، ای ساری کائنات اے ، جیسے وچ اوہدے شاعر تے شاعری بارے مختلف خیالات ملدے نیں۔ اوہ کہندا اے کہ شاعر نوں مذہب زبان استعمال کرنی چاہیدی اے۔ دیہاتی زبان دے اوہ بالکل خلاف اے۔ شاعری وچ محبت تے اخلاقی مضموماں دا ذکر زیادہ ہووے تے ڈونگھے خیالات دی شاعری وچ بڑی ضرورت ہوندی اے۔ DEEP THOUGHT عمدہ شاعری دی سبھ توں وڈی خصوصیت اے۔ زبان پر شکوہ تے شان و شوکت والے لفظاں توں مزین ہونی چاہیدی اے۔ قرون وسطی توں بعد مختلف علماں دی ترقی ہوئی تے اک واری فیر کلاسیکی تنقید نے جنم لیا۔ ارسطو دے نظریاں دی تقلید شروع ہوئی پر ایس زمانے دے نقاد قرون وسطی دے نقاداں دی طرح تقلید نہیں کردے سن۔ فلپ سڈنی تے بن جاسن جیسے نقاد پیدا ہوئے ، جیرے یونانی تنقید توں متاثر سن۔ دوواں دے نظریات مختلف سن۔ سڈنی شاعری دی تنقید وچ بالکل پرانے تنقید نگاراں دی طرح اے۔ جے کوئی چیز تھوڑی جیسی وکھری اے تاں اوہ ایہہ کہ اوہ شاعری دی سبھ توں وڈی خصوصیت تے لطف اندوزی تے بہت زور دیندا اے۔ اوہنے پرانے اصولاں دی پیروی دے جوش وچ ہم عصر ادب نوں چنگا نہ جانیہ۔ بن جاسن دے اوہدے مقابلے کچھ خیالات ایہو جیسے سن۔ سچا نقاد اوہو ہو سکدا اے ، جیرا شاعری ہووے۔ اوہ اخلاق تے شاعری نوں اکو سمجھدا اے۔ اوہ کہندا اے کہ شعر وچ زبان تے خیال ، جسم تے روح دی طرح مربوط ہوندے نیں۔

سر فلپ سڈنی تے بن جاسن دے تنقیدی اثرات ستارھویں صدی دے نقاداں تے مسلط نیں۔ ستارھویں صدی وچ زیادہ تر تنقیدی کم فرانس وچ ہویا۔ بولیو ، رسین ، لاسیو ، کورسین ایس ضمن وچ مشہور نیں۔ ایسناں دے وچوں دی بولیو

زیادہ مشہور اے۔ بولیو فوجی افسر سی۔ اوہنے ادب وچ وی قواعد تے ضابطے بنائے۔ اوہ چاہندا سی کہ ہر صنف وچ یونانی نقاداں دے ضابطے ملحوظ رکھے جان تے اوہناں توں ذرا وی انحراف نہ کیتا جائے۔ ایسے سے انگلستان وچ ڈرائیڈن نے جنم لیا ، جیہڑا پرانیاں قاعدیاں نوں ضروری سمجھدا سی ، پر اوہنے اپنی غیر معمولی قابلیت دی وجہ نال تنقید وچ اک نویں راہ کڈھی۔ عام طور تے لوک اوہنوں تنقید دا بانی وی شمار کردے نیں۔ ڈرائیڈن کہندا اے کہ ارسطو دے قانون ادب یونان واسطے سن۔ اسانوں اپنے حالات ، مزاج ، ماحول مطابق قانون بنانے چاہیدے نیں۔ ادب نوں اوہ اک جاری رہن والی قوت سمجھدا اے۔

ڈرائیڈن دا عہد بولیو کولوں بڑا متاثر سی۔ اوہ بولیو دے عہد نوں لغویات قرار دیندا اے۔ ڈرائیڈن کہندا اے کہ شاعری دا مقصد وجدانی کیفیت طاری کرنا اے۔ اوہ شاعری دی نقل نوں اصل توں زیادہ خوبصورت سمجھدا اے۔ اوہ تخیل نوں شاعری دی اصل قوت قرار دیندا اے۔ ڈرائیڈن نے ارسطو ، لان جائنس تے سڈنی دے افکار وچ کچھ ہور وادھے کر کے تنقید دے میدان وچ اک نویں راہ کڈھی جیویں ارسطو لئی ڈراما وچ سبھ توں ضروری عنصر پلاٹ اے۔ ڈرائیڈن نے پلاٹ نوں ضروری عنصر کہیا ، پر سبھ توں وڈا عنصر من توں عاری اے۔ لان جائنس نے شاعری وچ ترفع نوں سبھ توں ضروری شے قرار دتا اے ، پر ڈرائیڈن ترفع دی تھانویں حسرت دا لفظ ورتدا اے۔ سڈنی کہندا اے کہ شاعر نقل نہیں کردا سگوں تخلیق کردا اے۔ شاعر اک مثالی دنیا تخلیق کردا اے ، جیہدے نال اخلاق دی اصلاح دی ہوندی اے۔ ڈرائیڈن نوں مثالی دنیا نال کوئی دلچسپی نہیں سی۔ اوہ کہندا اے کہ شاعر حقیقی دنیا دی حقیقی تصویر پیش کردا اے۔ شاعر فطرت دی حقیقی عکاسی فنکارانہ حسن کاری نال کردا اے ، جیہدے نال بندیاں نوں اپنی شناخت وی ہوندی اے ، مسرت دی ملدی اے تے کسے حد تک کچھ نہ کچھ سبق وی حاصل ہوندا اے۔ ڈرائیڈن پہلا نقاد اے ، جینے یونانی ، اطالوی تنقید دے اصول نظر انداز کر کے انگریزی ادب دی حمایت کیتی۔ اوہدا خیال سی کہ انگریزی ادب ای اوہدے زمانے ، اوہدے لوکاں دا صحیح ترجمان ہو سکدا اے۔ ایس طرح فن تنقید اک نویں دور وچ قدم رکھدی اے۔ ڈرائیڈن نے شاعری دی مسرت بخشی تے زیادہ زور دتا اے تے

اوپدی اخلاقی حیثیت نوں ثانوی قرار دیندا اے۔ ڈرائیڈن توں بعد پوپ، ایڈسن، برک، ڈاکٹر جانسن اوے طرح دے نظریات نوں کسے نہ کسے شکل دوہراندا رہے۔ ایڈسن نے انگریزی شاعری نوں ڈرائیڈن دے اصولاں دے تحت پرکھیا نالے اوہنے تخلیقی تخیل تے زور دتا۔ ڈاکٹر جانسن نے مذہبی اصولاں دی طرح ڈرائیڈن دے اصولاں دی پیروی کیتی۔ رومانی نقاد ڈاکٹر جانسن نوں نوکلاسیکی نقاد وی قرار دیندا اے کیونکہ جانسن نے عقل پسندی تے استعارہ دی شدید مخالفت کیتی۔ جانسن کسے نہ کسے حد تک متعصب نقاد سی تے اوہدے خیالات وچ دقیانوسی خیالات دیاں جھلکیاں صاف نظر آندیاں نیں۔ اوہ اخلاقی قدراں تے ضرورت توں زیادہ زور دیندا اے۔ ڈاکٹر جانسن توں بعد تنقید دا اک نواں دور شروع ہوندا اے، جیسنوں اسیں تنقید دا رومانی دور کہہ سکے آں تے ایس دور دا آغاز صحیح طور تے جرمنی وچ ہویا کیونکہ جرمنی وچ وی انگلستان تے فرانس دی طرح تقلیدی تنقید دا زور سی۔ میکملن (MECMILLEN) اوہ پہلا شخص اے، جینے ڈرائیڈن دی طرح ایہہ کہیا کہ جسم دی بجائے روح دی تقلید ہونی چاہیدی اے تے ایہہ کہہ کے اوہنے روحانی تنقید دی بنیاد رکھی۔

اوہدے بعد جرمنی وچ دو جا اہم نقاد یٹنگ اے، جینے کہیا اے کہ فنکار محض حسین چیزاں نوں خوبصورت بنا کے نہ پیش کرے سگوں فنکار بد نما چیزاں نوں وی فن دے ذریعے حسین بنا کے پیش کر سکا اے۔ اوہ کہندا اے فن نوں حقیقت تے جی ہونا چاہیدا اے، پراثر ہونا چاہیدا اے تے انداز نگارش نمایاں ہونا چاہیدا اے۔ اوس زمانے دے مشہور جرمنی فلسفیاں نے وی تنقید وچ حصہ لیا تے اپنے نظریے پیش کیتے۔ چنانچہ شینگل کانٹ نے شاعری نوں الہام قرار دتا تے ایہہ وی کہیا کہ شاعر پیغمبر دا رتبہ رکھدے نیں۔

ایس دے علاوہ ایس دور دے رومانی شاعراں وی رومانی تنقید وچ بڑے اثناں کیتے۔ مثلاً "جرمنی وچ گوئٹے تے انگلستان وچ ورڈز ورثہ نے رومانی تنقید وچ حصہ لیا۔ ولیم بلیک پہلا شاعری، جینے انگریزی شاعری دے پرانے اصولاں توں انحراف کرن دا نعرہ لایا۔ گوئٹے تے ورڈز ورثہ نے رومانی تنقید نوں ایس انتہا تک پہنچایا کہ شاعر نوں پیغمبر دا ہم رتبہ قرار دتا۔ ولیم بلیک نے پہلی وار کہیا سی کہ سانوں

باقاعدہ علم تے سائنس بنایا گیا۔ اہم دور وی سائنس دا اے۔ مذہب دی گرفت کم
گئی تے سائنس دے رجحان ہر علم وچ نظر آون لگ پئے۔

فرانس دا مشہور نقاد سانت ہیو پہلا نقاد اے جیہنے تنقید نوں سائنس دا درجہ
دتا۔ اوہ کہندا اے مصنف نوں سمجھن واسطے سائنسی تجزیہ تے تحلیل ضروری اے۔
سو نقاد واکم مصنف دی سوانح نوں پڑھنا تے اوہدی شخصیت دا تجزیہ کرنا اے تے فیر
اوہدی تخلیق خود بخود واضح ہو جائے دی۔ سانت ہیو نے تے ایتھوں تک کہیا اے۔
”اک دن آئے دا جدوں اخلاقی کرشمیاں دی سائنس وی مرتب ہو جاوے
گی تے جدوں انسانی ذہن دیاں قسماں ہو جان دیاں۔“

حقیقت وچ سانت ہیو تے میتھیو آرنلڈ ایس دور دے مڈھلے نقاد نہیں
ہیں۔ نقاد دی اصلیت تے اہمیت تے غور کیتا۔ اہم شاعر دی طرح نقاد نوں خدا داد
صلاحیتاں دا مالک سمجھدے نہیں۔ شاعر واکم انسانی فطرت تے عبور حاصل کرنا اے
تے نقاد واکم انسانی فطرت تے شاعری دے فن تے عبور حاصل کرنا اے۔ ایہدے
نال ای فرانس وچ اک ہور نقاد اٹھیا، اوہا ناں ٹین (Taine) سی۔ اوہنے اہم
کہیا کہ ہر مصنف اپنے طبقے، قوم تے دور دی پیداوار ہوندا اے۔ ایس لئی کہ
مصنف نوں جانن لئی اوہدے معاشرتی حالات، طبقہ، دور، قوم نوں سمجھنا سبھ توں
ضروری اے۔ سو اوس دے ایس نظریے نال تنقید سوشل سائنس دا اک شعبہ بن
گئی۔ ٹین کہندا اے کہ تنقید شاعر دی کائنات تے شاعر دی فکری شخصیت نوں نویں
سرے توں دریافت کرن دا ناں اے۔ قوت تنقید تے علم نال ای اوہ چنگا نقاد شاعر
دی دنیا نوں دوبارہ دریافت کر سکدا اے۔

مغرب وچ انیسویں صدی دا اک ہور وڈا نقاد میتھیو آرنلڈ اے۔ میتھیو
آرنلڈ نے رومانی تنقید دے برعکس کلاسیکی تنقید دا موقف اختیار کیتا۔ میتھیو آرنلڈ
سانت ہیو توں وی متاثر سی تے یونان دے اصولاں نوں وی حد توں زیادہ اہم سمجھدا
سی۔ عام طور تے لوک میتھیو آرنلڈ نوں یورپ دا وڈا نقاد سمجھدے نہیں۔ دراصل
میتھیو آرنلڈ نے تنقید دے علم نوں ہر صورت وچ مکمل کرن دی کوشش کیتی۔ اوہ
ارسطو توں لے کے اپنے زمانے تک ساریاں نقاداں تے عبور رکھدا اے۔ اوہنے
سارے مغربی نقاداں دے اصول لے کے اپنے نویں اصول مرتب کیتے تے اوہناں

اصولاً نوں مد نظر رکھ کے دو جے شاعراں تے تنقید وی کیتی۔ اوہدی تنقید دے دو حصے نیں۔ اک شاعری دے ضمن وچ ، اک تنقید دے ضمن وچ ۔ آر نڈ نقاد نوں بڑی اہمیت دیندا اے کیوں جو اوہ کھندا اے نقاد واکم شاعری نوں سمجھاتا وی اے تے لوکاں دا مذاق درست کرنا وی اے۔ اوہ تقریباً "نقاد نوں پیغمبر دے درجے تے لے آوندا اے" جیہدا کم تہذیب تے تمدن نوں ترقی وی دینا اے تے انساناں نوں کمال انسانیت تک پہنچاتا وی اے۔ جیسیو آر نڈ حقیقت وچ سکول ماسٹری۔ ایس لئی اوہدے کول اصلاحی رجحان زیادہ ملدا اے۔ ایسہ گل مشہور اے کہ اوس زمانے وچ جدوں تنقید دے ضمن وچ ایسہ کہیا جاندا سی کہ: رسطو نے ایسہ کہیا۔ آر نڈ دے زمانے وچ ایسہ کہیا جاندا سی کہ آر نڈ نے ایسہ کہیا۔ آر نڈ کھندا اے ادب تنقید حیات اے۔ ادب تے زندگی دے رشتے نوں آر نڈ نے سبھ توں واضح پیش کیتا۔ آر نڈ دا نقطہ نظر عموماً "اخلاقی رہندا اے کیوں جو ادب نوں تنقید حیات کھندیاں وی اوہ معاشرے دی تہذیب تے ترقی دی گل کردا اے۔ ایسے بعد آر نڈ کھندا اے نقاد واکم ایسہ وے کہ نقاد اعلیٰ خیالات تے افکار معاشرے وچ رائج کرے سوا تھے نقاد نوں فلسفی دے درجے تے لے آوندا اے۔ شاعری وچ اوہ ارفع سنجیدگی (HIGH SERIOUSNESS) نوں ضروری سمجھدا اے۔ صحیح فن اوہدے نزدیک اوہو اے ، جیہڑا زیادہ توں زیادہ مسرت بہم پہنچائے۔

ڈیوڈ ڈیشیز لکھدا اے کہ آر نڈ ادب نوں معاصر ثقافت دے پس منظر وچ ویکھدا اے۔ آر نڈ معیار تے قدراں دا ذکر کردا اے۔ آر نڈ نقاد وی اے تے فعال مبلغ وی۔ آر نڈ نے اعلیٰ شاعری دی روح نوں ہومر ، ڈائنس ، شیکسپیر ، ملٹن دے شعراں دی مثالاں نال واضح کیتا۔ ایسے بعد یورپ وچ تنقید دے ضمن وچ دو فرقے بن گئے۔ اک فن اخلاق دا فرقہ تے دوجا فن تنقید دا فرقہ۔ فن اخلاق دے وچ رسکن ، تے ٹالسٹائی آندے نیں ، جیہڑے کھندے نیں کہ مذہب تے اخلاق فن اکو چیز اے تے فن نوں مذہب دے بہت قریب کر دیندے نیں۔ دوجے فرقے وچ صرف اک نقاد مشہور اے تے اوہا نال پیئر (PEIRE) اے۔ اوہ فن نوں طرز ادا دی وجہ نال مذہبی تے اخلاقی تاثرات نالوں زیادہ موثر ثابت کردا اے۔ رسکن تے افلاطون دوویں ادب وچ اخلاقی بلندی دے قائل سن پر دوواں دے خیالاں وچ تضاد

وی موجود اے۔ افلاطون ادب نوں مخرب الاخلاق کہندا اے۔ رسکن مصلح اخلاق ثابت کردا اے۔ افلاطون ادب نوں فریب حواس قرار دیندا اے تے رسکن تخیل دی کرشمہ سازی تے تخیل نوں کبریائی روح کہندا اے۔

موجودہ دور وچ تنقید اپنی انتہائی بلندیاں نوں چھوہ چکی اے۔ دکھو دکھ زبانیں دے نقاد عروج تے نظر آوندے نیں۔ مغرب وچ اٹلی دا فلسفی کروچے اوہ کلا نقاد اے، جسنے ایس دور نوں اپنے تنقیدی خیالات نال بڑا متاثر کیتا تے وڈے نقاد اوہدی تحریراں توں مرعوب ہوئے۔ کروچے فن نوں الہامی کرشمہ قرار دیندا اے۔ کروچے دا زمانہ مختلف تحریکاں دا زمانہ اے تے مختلف ازم دریافت ہو گئے نیں۔ ایسہ دور حقیقت وچ ادبی افراتفری دا زمانہ سی۔ ایس دور وچ والٹر پیٹر دی اپنے تنقیدی نظریاں دی وجہ نال کافی مشہور اے۔ والٹر پیٹر نے فن برائے فن دا نظریہ پیش کیتا۔ اوہدے خیالات رسکن دے بالکل الٹ نیں۔ والٹر پیٹر فن نوں اخلاق دا غلام نہیں سگوں آقا سمجھدا اے۔ اوہ کہندا اے کہ بہترین اخلاق ایسہ دے کہ فنکار دی طرح زندگی گزاری جاوے۔ اوہدے نزدیک حسن سچائی وچ بھپیا اے تے ایہو اظہار اے۔ شاعر حقیقت نوں فوٹو گرافر دی طرح پیش نہیں کردا سگوں شاعر حقیقت بارے اپنا مخصوص وژن (VISION) پیش کردا اے۔ اوہ فن برائے فن دے نظریے دا قائل سی ایس لئی اوہ کہندا اے کہ فنون لطیفہ دا اصل مقصد مادی احتیاج یاں فائدہ تلاش کرنا نہیں سگوں فن دا مقصد اولین مسرت بہم پہنچانا اے تے مسرت ذوق جمال دی تسکین دا ناں اے۔ ایسے برعکس کروچے کہندا اے کہ فن اظہار ذات دی اک صورت اے۔ اصل فن فلسفہ جمال دے مطابق فنکار دے ذہن وچ تخلیق ہوندا اے۔ اوہدی مکمل صورت ذہن دے اندر رہندی اے تے ایس داخلی اظہار نوں خارجی صورت دین وچ فنکار تارک ضرور ہوندا اے۔ بد صورتی اظہار دی ناکامی دا ناں اے تے حسن اظہار دا دو جاناں اے۔

جدید دور وچ روبرٹسن، آئی اے رچرڈز، سی ڈی لیوس، سٹیفن سپنڈز، ہرٹ ریڈ، ٹی ایس ایلیٹ نمایندہ تنقید نگار نیں جیہناں اپنے خیالاں نال تنقید وچ پیش ہوا اضافے کیتے۔ روبرٹسن دی تحریراں توں پتہ چلدا اے کہ اوہ تنقید تے نفسیات نوں لازم ملزوم سمجھدا اے۔ آئی اے رچرڈز دی تنقید وی دو نظریاں تے

مینی اے۔ قدراں تے ابلاغ شاعری اوہ کامیاب اے ؛ جیہنوں پڑھ کے قاری شاعر دے ذہن نوں پڑھ سکے۔ ایسے نوں اوہ ابلاغ دا ناں دیندا اے۔ نظم اوہ بہتر اے ، جیہڑی شدت ناں ایس نظریرے دی عکاسی کرے۔ قدراں دے بارے اوہدی گل بات کافی گنجلک اے تے قدراں دی بحث وچ اوہ نفسیات تے تنقید دوواں نوں ملا جلا دیندے نیں۔ اوہ کہندا اے ذہن اعصاب دا حال اے ، ایدے وچ تجسس دا جوہر اے تے جیہڑی چیز ایس تجسس نوں تسکین دے اوہ قابل قدر چیز اے۔ رچرڈز دے کول ابہام ملدا اے۔ بعض اوقات تاں اوہدیاں بحثاں سمجھ نہیں آوندیاں۔ رچرڈز ادب نوں نفسیات دی شاخ وی کہندا اے۔ ٹی ایس ایلینڈ دی تنقید تے علم نفسیات دے اثرات نمایاں نظر آوندے نیں۔ ٹی ایس ایلینڈ ایس دور وچ فکری تضادات دے باوجود تنقید دے لحاظ ناں فکری بلوغت تے نظر آوندے اے۔

ایلیٹ کہندا اے کہ نقاد واسطے سمجھ توں ضروری چیز نقاد دا موقف بالکل واضح ہونا چاہیدا اے۔ دوجا تنقید دا مقصد ادب دا مطالعہ کر کے تنقیدی اصولاں دی دریافت اے۔ تہا اوہ تقابلی تنقید دی اہمیت نوں بڑے پرزور انداز ناں تسلیم کردا اے۔ اوہ کہندا اے کہ سارا ادب اک مکمل نظام اے۔ تنقید تے تخلیق دے رشتے بارے اوہ کہندا اے۔

Criticism is akin to creation

اوہ کہندا اے کہ بہترین تنقید اوہ انسان کر سکا اے ، جیہڑا خود وی فنکار ہووے۔ تنقید واسطے ضروری اے کہ اصل فن پاریاں نوں پڑھیا جاوے۔ فن پاریاں دی تشریح کیتی جاوے تے لوکاں دے ذوق دی اصلاح ہو جائے۔ نقاد واسطے ضروری اے کہ اوہ تعصب توں بالا رہوے تے فراموش شدہ فنکاراں نوں فیر زندہ کرے۔ ایلیٹ روایت دی اہمیت تے بڑا زور دیندا اے۔ سی ڈی لیوس ، وین ڈورین ، کر ایس لیوس تے سیفین سپنڈر دور جدید دے شاعر نقاد نیں ، جیہناں دی تنقید اعلیٰ تنقید داندوہ اے۔

تنقید دے ارتقاء وچ مغربی نقاداں تے مفکراں نے جیہڑے تنقیدی اصول دریافت کتے نیں تے جیہڑی عملی تے نظری تنقید دے نثر پارے چھڈے نیں۔ ایس اوہناں دی نسل تے آون والی نسلاں واسطے سامان ہدایت اے ، جیہڑا ذوق دی

راہنمائی دی کر رہا اے تے جیدے اتے ہور سوچ وچار ناں زندگی تے ادب دے
 گم شدہ گوشے دریافت ہون دے۔ ایہہ سرمایہ ماضی، حال تے مستقبل واسطے سرمایہ
 افتخار اے۔ شعر جے کارج دی زبان وچ مسرت دا سرچشمہ اے تے تنقید اوس
 مسرت دے سرچشمے دی دریافت دا ناں اے۔

اک ویروا: دو تذکرے

عبدالغفور قریشی پنجابی دے آگے تذکرہ نویس نیں۔ پنجابی ماسک پتراں (ادبی رسالیاں) وچ لکھن توں وکھ اوہناں ”پنجابی زبان و ادب دی تاریخ“ تے ”پنجابی ادب دی کہانی“ دو کتاباں دی رچیاں نیں، جیہدے توں پنجابی زبان تے ادب دے پڑھناراں نوں بہوں جانکاری ملدی اے۔ ایہہ دو کتاباں اوہ نیں، جیہناں توں اوہناں دی پرکھ، پڑچول، کاڈھ تے کھوج دے طور طریقے رنتر کے سامنے آوندے نیں۔ اوہناں دے لکھت ڈھنگ دے ویروے دے مومنہ مہماندرے دا وی بھلی بھانت پتہ چل جاندا اے۔

”پنجابی ادب دی کہانی“ اوہناں دی انتہی کتاب اے۔ مڈھوں ایہہ اک تذکرہ اے، جیہدے کل صفحے 646 نیں۔ ایس کتاب دے پہلے 168 صفحیاں وچ اوہناں پنجابی زبان دی ثور بارے گل کیتی اے۔ اس دے وکھ وکھ انگاں دا ویروا کیتا اے۔ صفحہ 169 توں لے کے صفحہ 186 تیک اوہناں پہلے چھپے پنجابی ادبی تذکریاں اتے پرکھ دی جھات گھنڈیاں ہویاں اوہناں دے ادبی تھاں نوں گھوکھیا اے تے اپنی پرکھ دے نئے کڈھے نیں۔ اتے صفحہ 169 توں اوہناں دا اپنا رچیا تذکرہ شروع ہو جاندا اے۔

قریشی ہوراں ”پرکھ پڑچول تے کھوج“ دامنڈھ بنھدیاں ہویاں ”پریم کہانی“ توں لے کے پنجاب یونیورسٹی لمور ولوں چھپی ”تاریخ ادبیات مسلمانان پاک و ہند“ تیک کے بارے گھٹ تے کے بارے ودھ گل کیتی اے۔ اوہناں دی پرکھ دے ایس حصے دا سنا تے روپ ریکھانج آگھڑدی اے۔ پریم کہانی بارے اوہناں لکھیا اے کہ ”پریم کہانی دی زبان ہندی رلی پنجابی اے۔ ایس وچ شک نہیں کہ باوا ہووین کئی تھانیں شاعراں دے ناں تھاں تے سے بارے مٹھیکھے کھا گئے نیں پھیر وی ایہہ

کتاب پنجابی تاریخاں دی بنیادی رٹ واکم دیندی اے۔“ (ص - 170)

”پریم کمائی“ بارے اوہناں دے ایس جے بارے دو راواں نہیں ہن کہ ایسہ پنجابی تذکریاں وچوں بنیادی رٹ دی تھاں رکھدی اے، پر باوا بدھ سنگھ دی نرول تے سرل پنجابی نوں ہندی رلی آکھنا زیادتی اے۔ کیوں جو ہندی رلی پنجابی دا رواج تے اوہناں دے چلانا کر جاون دے گھٹو گھٹ ویسہ بائی ورھے پچھوں شروع ہویا اے۔

عبد الغفور قریشی ہوراں ڈاکٹر موہن سنگھ دیوانہ جی دی کتاب ”پنجابی زبان دی مختصر تاریخ“ آپر دی پرکھ دا چاننا گھنن دی کھچل کیتی اے، پر ایس حصے وچ اوہ کتاب بارے گھٹ گل کردے ہن تے ڈاکٹر دیوانہ بارے زیادہ۔ اوہناں دا لکھنا اے کہ: ”اوہناں پنجابی ادب دی کھوج پڑتال بارے واہ واہ نگر کم کیتا تے انگریزی وچ وی پنجابی ادب دی تاریخ لکھی۔“ (ص - 171)

پر جیہڑی گل کرن والی سی کہ ایس کتاب وچ کیہ اے تے کیہ نہیں؟ ایس پاسے اوہناں گوہ کرن دی کھچل نہیں کیتی۔ حالانکہ کسے تذکرے نوں گھوکن دے ایسہ مدھلے اصول ہن۔ پر اوہناں دے جنم تھاں تے جنم سال بارے ضرور لکھیا، پر پنجابی ادب دی تاریخ، ناں دیاں کتاباں بارے کوئی تنقیدی جھات گھنن دی لوڑ محسوس نہیں کیتی۔ حالانکہ اوہ دوویں ایس کھتر وچ میل پتھر دی حیثیت رکھدیاں نیں۔

”پنجاب میں اردو“ دا ذکر وی ”پنجابی ادب دی کمائی“ وچ موجود اے۔ پر ایس وچ وی اوہناں ”پنجاب میں اردو“ بارے گل کرن دی تھاں ایس دے لکھیاں حافظ محمود شیرانی بارے ای گل کیتی اے، جیہڑی پوریاں اٹھائی سطران اتے پھیلی ہوئی ہے۔ پر اوہناں ”پنجاب میں اردو“ بارے صرف دو سطران لکھ کے اپنا فرض پورا کر دتا اے۔ حالانکہ ایس کتاب دے اوس پچھوکڑ نوں بھالن دی لوڑ سی، جیہدے وچ 1904-5ء دے لاگے پنجاب یونیورسٹی لہور وچ پنجابی وچ پڑھائی دی تجویز دی بھرپور مخالفت ہوئی سی تے امرتسر وچ اک اکھ وچ ایس دے خلاف تے اردو دے حق وچ متا پاس کیتا گیا۔ ”مخزن“ تے کج مذہبی رسالیاں تے اخباراں وچ ڈھیر لکھیا گیا۔ ویکھن دی لوڑ تاں ایسہ سی کہ کتے اوس تحریک نوں ٹھکرا کرن واسطے تے ایسہ کتاب

نہیں لکھوائی گئی سی، پر ایس پاسے عبدالغفور قریشی نے دھیان دیون دی کوشش نہیں کیتی۔ حالانکہ اچ کوئی دے ادب دے کھوجی ڈاکٹر اکرام چغتائی پنجابی دے خلاف ایس سازش بارے اپنی کھوج سامنے پیش کر کے پنجابیاں نوں ڈھیر آگاہی بخشی اے۔

پروفیسر محمد سرور تے اوہناں دی اردو کتاب ”پنجابی ادب“ بارے دی اوہناں اُپرلا رویہ ای رکھیا اے۔ کتاب بارے اک تقریبی سطر اے، پر سرور صاحب دا پورا اگا پچھا دین دا جتن ضرور کیتا گیا اے۔ حالانکہ تذکریاں اُپر جہات گھٹن والے دی ایہہ لمعلیٰ ذمے داری اے کہ اوہ کسے کتاب دا ویر دا کردیاں ہویاں تذکرہ لکھن دے اصولاں نوں اکھوں اوہلے ہون نہ دیوے۔

”مکدے پھل“ ناں دا ٹکا جیہا تذکرہ ڈاکٹر فقیر محمد فقیر مرحوم نے رچیا سی۔ ”پنجابی ادب دی کہانی“ وچ ”مکدے پھل“ بارے لمیری گل چھوٹی اے، پر ایس دے باوجود ایس کتاب دی تھاں نہیں متھدے۔ ڈاکٹر فقیر محمد فقیر بارے چلاویں گل کر کے اگے نگھ گئے ہن۔

ایدا مطلب ایہہ نہیں کہ اوہناں لمیری گل کیتی ای نہیں۔ اوہناں لی گل کیتی اے تے اپنی لی اے جیہدی لوڑ نہیں سی۔ جیہیں کتاب بارے اوہناں بھرپور ویر دا دین دی کھپل کیتی اے، اوہ میاں مولا بخش گشتہ مرحوم امرتسری دی کتاب ”پنجابی شاعراں دا تذکرہ“ اے، میاں مولا بخش گشتہ ہوراں دی بولی بارے اوہ انصاف کردے نیں کہ:

”ایہہ کتاب زبان (دی پکھوں) اردو، ہندی ملخوبہ جیہی بن گئے اے۔“
(ص 176) ”گشتہ جی دی..... بولی وچ اردو، فارسی، ہندی دا ودھیرے اثر اے۔“
(ص 424)

”پنجابی شاعراں دا تذکرہ“ پنجابی زبان دے ادب دی کھوج تے پرکھ وچ اپنی نو یکتی تھاں رکھدا اے۔ اپنی جاچے پنجاب دا کوئی لکھیاری دی گشتہ جی دی ریکھر نوں حالے چھوہ دی نہیں سکیا۔ ایس کتاب وچ گشتہ جی نے پرکھ، پنچول تے کھوج دی جیہڑی نیند رکھی، اوس نوں کوئی چھڑیا مار کے آلاگھ نہیں سکدا۔ سارے ہی اوہناں دی بٹائی ہوئی یہہ اُپر چلن دی کوشش کر رہے نیں۔

ایس گل دی اہمیت اودوں ہور ودھ چاندی اے، جدوں ایہہ چھ چلدا اے

کہ اوہناں امہ کم اودوں سرے چاڑھیا جدوں اوہناں دے نیناں دا چانن جاندا رہیا سی۔ اپنی یادداشت دی بنیاد اوپر اپنے پتر محمد افضل خان نوں لکھواندے گئے تے محمد افضل خان لکھدے گئے۔ امہ کم اپریل 1955ء وچ مکمل تھی گیا تے کجھ ہشتیاں مگروں کشتہ جی 19 جون 1955ء نوں چلانا کر گئے۔ اوہناں دی امہ پرکھ تے کھوج بھرپور کتاب انج جنوری 1960ء وچ جا کے چھاپے چڑھی۔ اپریل 1955ء توں لے کے جنوری 1960ء تیک پنجابی ادب بارے کوئی ذکر یوگ گل واپری تے محمد افضل خان نے ایس تذکرے وچ اوس بارے وادھا ضرور کیتا اے۔

کشتہ جی دی ایس گھالنا دا کارن اے کہ ایس دے پچھوں جدوں دی کے پنجابی نے کوئی تذکرہ مرتب کیتا، اوس نے کشتہ جی دی پوری پوری پیروی کیتی۔ اوہ لکھن ہار لہندے پنجاب دا ہووے یاں چڑھدے دا۔ عبدالغفور قریشی ہوراں دی ایس کتاب توں پورا نا بھہ اٹھایا اے تے ایس بارے اپنی رائے وی دتی جویں کہ ایس لکھ آئے آں، بیرونی کہ اک کجھی اے۔ عبدالغفور قریشی بڑی دلیری نال لکھدے نیں۔

”520 صفحیاں دے ایس تذکرے وچ 32 صفحیاں دا دیباچہ مرتب ولوں اے۔ باقی صفحیاں اتے قریباً 242 ہندو، سکھ، مسلمان عیسائی شاعراں دے حال درج نیں۔ اینہاں وچوں وی بہتے ایہیہ نیں، جیناں نوں کوئی جاندا پچھاندا نیں۔ پر امہ گل ضرور اے کہ اوہ کشتہ مرحوم دے مونہہ ملاحظے والے لوک سن تے اوہناں کول آوندے جاوندے پچیاں لئی عجیبی لیاوندے سن۔“ (ص 176)

”تذکرہ تحقیق دے کچھوں ناقص تے ناکارہ اے۔ تاریخی پُرن چھان نہیں کیتی گئی۔ شاعراں دے حالات بارے ایویں گویا ای لایا گیا اے۔ کجھ حالات پرانیاں تاریخاں وچوں بغیر حوالہ لے کے گنڈھ تڑپ کے جوڑ دتے گئے نیں۔ امہ تروپے بڑے غلط تے کو جھے لگدے نیں۔“ (ص 176)

”کتاب دی زبان اردو ہندی دا ملغوبہ جیسی بن گئی اے۔ امہ امرتسر، لہور دے منشی کشتہ جاں چودھری افضل ہوراں دی نہیں جا پدی۔“ (پنجابی ادب دی کہانی، ص 176)

عبدالغفور قریشی ہوراں دا کہنا امہ اے کہ اوہناں دے تذکرے وچ بہت

ایسے شاعر نہیں، جیناں نوں کوئی نہیں جاندا۔ گویا کشتہ جی مرحوم نے 121 توں ودھ شاعراں دا اپنی کتاب وچ ایویں ای وادھا کر دتا اے۔ ایسے شاعراں نوں اوہناں دے تذکرے وچ ایس واسطے تھاں مل گئی اے کہ اوہ کشتہ جی دے بچیاں واسطے چھٹی لیاوا کردے سن۔

قریبی جی نے کشتہ جی دے ”پنجابی شاعراں دا تذکرہ“ وچوں پورے پنجاب فیصدی شاعراں دے حالات ان بن اوہی لکھے ہن جو کشتہ جی دے تذکرہ وچ ہن تے جیرے شاعراں دے دیوے نوں عبدالغفور قریبی ہوراں اپنی کتاب وچ درج نہیں کیتا، پر اوہ پنجابی تذکرے وچ موجود ہن۔ اوہناں دی کئی جیسی فہرست ہے۔ بھائی گورداس، مولوی غلام محی الدین قصوری، میاں جان محمد، حافظ محمد، شاہی کبوتر، مخلص، سندھ داس آرام، مولوی روشن دین، محمد حسین، عبدالرحمن غلڈی، غلام حیدر، نذر، محرم علی چشتی، پیراں دتا ترگڑ، گوری ناتھ، لہورا سنگھ، عشق لہر، اسماعیل مشتاق، بانکے دیال، راقب قصوری، مکھی رام، گیانی ہیرا سنگھ، درد، ایس ایس چرن سنگھ، رمضان وزیر آبادی، ڈاکٹر موہن سنگھ دیوانہ (بے حیثیت شاعر) اڈتار سنگھ آزاد، ندلال نور پوری، کرتار سنگھ بنگن، جسونت رائے، دیوندر ستیا رتھی، پریتم سنگھ سفیر، سید ممتاز علی وغیرہ۔ حالانکہ ایہناں توں بناں پنجابی زبان دے شاعراں دا تذکرہ، تذکرہ کملان دا حقدار ای نہیں۔ ایہناں وچوں ہر شاعر ”سوا لکھا“ اے۔ ہر شاعر اپنی شاعری دی کچھوں میل پتھر دی حیثیت رکھدا اے۔ پر عبدالغفور قریبی نے ”چھٹی“ دا سارا لے کے اپنی کھوج نوں تھوٹھا کر لیا اے۔ ایہہ گل ذہن وچ رہنی چاہیدی اے کہ ایہناں وچوں کئی شاعر کشتہ جی دے جن توں وی پہلاں چلانا کر چکے سن۔ مثلاً ”بھائی گورداس، حافظ محمد لکھوی، عبدالرحمن غلڈی وغیرہ وغیرہ۔“

اصل گل تے ایہہ اے کہ کشتہ مرحوم پرکھ دی اوس سوجھ دا وارث سی، نہری احمد یار مرالوی توں ہوندی میاں محمد بخش تیک پجی۔ اوس سوجھ تے ادبی دیانت دا ایہہ تقاضا سی کہ ایہہ ناں کشتہ مرحوم دے تذکرے دی زینت ودھاندے۔ قریبی ہوراں نے کشتہ دی رچنا نوں تحقیق دے کچھوں ناکارہ کتاب دی نقل کر کے پوریا اے، پر حوالے بکتے نہیں دتے نہ ای کالے (Commas) پائے ہن۔ اپنی ایس کتاب وچ عبدالغفور قریبی نے احمد حسین احمد قلعہ داری نوں وی

رگڑا لایا اے تے انج اپنے قریشی بزرگ نوں وی معاف نہیں کیتا۔ تذکرہ نگاری دا مڈھلا اصول ایہہ ہے کہ بندیاں دی ترتیب سے وار ہووے۔ سدھارن ٹائبریاں وچ بندیاں دیاں تاریخاں لکھن دا رواج نہیں سی۔ کوئی بندہ جے کے سبب مشہور ہو گیا تے اوس دا ذکر کتاباں تے تاریخاں دا حصہ بن گیا تے اوس دی مرن تاریخ یقیناً "تاریخ دے صفحیاں اتے محفوظ ہو گئی۔ ایس واسطے تذکرہ لکھن والے شاعراں دی ترتیب اوہناں دی مرن تاریخ نوں مکھ رکھ کے دیندے سن۔ یاں پھیر کے سیاسی، مذہبی یاں تہذیبی عہد دی ونڈ نوں ساہنے رکھ کے ترتیب ہٹائی جاندی سی۔ کے تذکرے دی جان، مرن جیون دیاں تاریخاں نوں ای قرار دتا جاندا اے۔ کیوں جو ہر فرد اپنے سے دے بھیڑ چنگ نوں ضرور قبولدا اے۔ انج تاریخاں دی وجہ کر کے اوس دیاں رچناواں دی تلمنا کرن وچ آسانی رہندی اے۔

تذکرہ لکھن والے دی ایہہ وی ذمہ داری ہوندی اے کہ جیس شخص پائرنے جانکاری دے رہیا ہووے اوس بارے ہر گل تاریخی ترتیب نال دتی جاوے تے اوس دے کے کم جاں رچنا نوں وی تاریخ دی لڑی وچ پرووے۔

تذکرے وچ کے خاص عہد دی سُرَت تے سوجھ دا دیروا دی لوڑیندی گل اے کہ کس خاص عہد نے منکھ (انسان) اتے کیہ اثر گھیتا تے کس خاص زمانے نے کس کس فن جاں کلا اُپر اپنا اثر کیوں چھڈیا؟ اینناں اصولاں نوں مکھ رکھ کے دیکھیے تاں "پنجابی ادب دی کہانی" وچ اینناں اصولاں دی پرواہ نہیں کیتی گئی تے جیس نیچے نال سوچاں دی پردھاگی وچ بندیاں دی کلا یاں فن تولن یاں گھوکھن دی لوڑ سی، نہیں تولیا، گھوکھیا گیا۔

پہلے تذکریاں وچ بیہڑی وی گل سی، اوس نوں کسوٹی تے گھساوَن توں ہٹاں انج ای درج کر لیا گیا اے جیویں کے تذکرے وچ کوئی گل درج سی۔ تاریخی ترتیب نوں برقرار رکھن تے وی قریشی صاحب خاصے بے نیاز جا پدے نیں۔ جتھوں کوئی جانکاری لئی اے اوس دا ذکر کرن ضروری سمجھیا وی نہیں، پر تنقید "پنجابی شاعراں دا تذکرہ" اتے کیتی اے تے اوس نوں سراہنا نہیں دتی، جیہدا کہ ایہہ تذکرہ حقدار سی سگوں بڑی دیدہ دلیری نال لکھن دی جرات کردے نیں کہ:

"مکھ حالات پرائیاں تاریخاں وچوں بغیر حوالہ لے کے گٹھ ٹپ کے ج

دے گئے ہیں۔“

قریشی صاحب جیناں نوں ان پچھاتے، ان جانے شاعراں دا درجہ دیندے
نیں، اوہ پرانیاں تاریخاں دے صفحاں وچ کیوں درج ہو گئے۔

جیویں اُپر لکھ آئے ہاں کہ قریشی ہوراں کشتہ مرحوم دی نقل بتاں حوالہ
دین توں کیتی، جیہدا ثبوت اوہ غلطیاں یاں کوتاہیاں نہیں، بیہریاں کشتہ جی کولوں سرزد
ہو گیاں۔ جے عبدالغفور قریشی جی ذرا وی کھوج توں کم لیندے تاں اوہناں نوں
سودھیا جا سکدا سی۔ ایس واسطے صحیح طور تے کیسا گیا اے نقل لئی عقل دی لوڑ
ہوندی اے۔ ”پنجابی ادب دی کہانی“ چوں ایہیاں کوتاہیاں دی لمی فہرست دتی جا
سکدی اے۔ چند مثالاں ایہہ نہیں۔ حامد شاہ عباسی 1161ھ بمطابق 1744ء وچ جنمے۔
ہاشم شاہ 1166ھ بمطابق 1752ء وچ پیدا ہوئے۔ پچل سرمست دا جنم سال 1153ھ
بمطابق 1740ء ای اے، پر قریشی صاحب نے پچل سرمست دے کوائف حامد تے ہاشم
شاہ توں پہلاں دیون دی تھاں اوہناں توں پچھوں درج کیتے ہن۔ ایہہ ترتیب انج
ہونی چاہیدی سی۔ پچل سرمست، حامد تے ہاشم، کچھ ایہیاں کیاں ایس کتاب وچ
تھاں تھاں راہ روک کھلونیاں نہیں۔ مولا بخش کشتہ نے امام بخش ہسیانوالہ دا مرثیہ
سال 1863ء دتا اے۔ قریشی صاحب نے وی نقل کردیاں عقل توں کم لینا ضروری
نہیں جانیا۔ نہ ای اوس دی ساری رچنا نوں گھوکھن دی کھچل کیتی، جیہدے توں
بتاں اوہدا اُمتا سروی نہیں سکدا۔ امام بخش نے 1863ء وچ چلانا نہیں کیتا۔ اوہ تے
ایس دے تن سال پچھوں وی نہ صرف جیوندے رہے سگوں اوہناں اپنی ممان رچنا ”
داستان امیر حمزہ“ دی رچی سی۔ اوس دے لکھن دے مطابق :

یاراں سوتراسیاں سن نبی دا جان

ہوئی ختم کتاب جاں جان خاص عوام

1138ء دے قمر دا عیسوی سال 1866-67ء بنا اے۔ 1863ء وچ مرثیہ

والا 1866-67ء وچ تن جلدوں وچ کتاب کیوں رچ سکدا اے، پر جد کھی اُپر کھی
مارن نوں ای کھ رکھیا ونجے تے ایہے نئے تاں نکلنے سن۔

وارث شاہ دا جنم سال ”پنجابی ادب دی کہانی“ وچ 1722ء دتا اے۔ ایہو

سن، تاریخ ادبیات مسلماناں پاک و ہند، وچ درج اے جیہڑی کہ ”پنجابی ادب دی

کہانی" توں پہلاں چھپی سی پر قریشی ہوراں ایسہ سن لکھن گلیاں اوس کتاب دا حوالہ دینا ضروری نہیں جانیہ۔ حالانکہ وارث شاہ ہوراں دا جنم سال 1720ء اے۔ ایسہ ای اوہناں دے بزرگاں دا لکھیاں اک کتاب دے حاشیہ اُپر موجود اے۔ ڈاکٹر جیت سنگھ ستیل نے وی اپنے پی ایچ۔ ڈی دے تھیسس وچ وی ایسہ ای جنم سال دتا اے۔ "کھوج درپن" سکول پنجابی لینگویج لٹریچر اینڈ نوک گورونانک یونیورسٹی وچ چھپے میرے لیکھ "وارث شاہ دی جیون کتھا" وچ درج اے۔

"پنجابی شاعراں دا تذکرہ" وچ محمد بوٹا گجراتی دا جنم مرن سال (1930ء - 1851ء) درج اے۔ عبدالغفور قریشی ہوراں نے وی ایس توں فائدہ اٹھاندیاں ہویاں "پنجابی ادب دی کہانی" وچ اوہو سن درج کیتے ہن۔ اتھے وی اوہناں عقل نوں سکھ رکھیوں ہئاں ای نقل کرن دی کھپل کیتی اے۔ جے اوہ محمد بوٹا گجراتی دی سرجنائوں گھو کھن مگروں اوہدے جنم مرن دے سال دیندے تاں ایسہ غلطی نہ کردے۔ محمد بوٹا گجراتی اپنی "شیرس فرہاد" وچ انج لکھدا اے۔

یاراں سو نوے آہا سن ہجری، دساں ماجرا محل مذکور یارا
جے کر شک ہے، تک بے شک مینوں، چھتی سال دی عمر ضرور یارا
جدوں بوٹے ہوراں نے 1190ھ وچ ایسہ کتاب لکھی، اوس ویلے بوٹے
دی عمر 36 سال سی۔ دوجے لفظاں وچ محمد بوٹے دے جنم دا سال 1837ء ای ہویا نہ
کہ 1851ء جیوں کہ "پنجابی شاعراں دا تذکرہ" توں نقل کرن مگروں "پنجابی ادب دی
کہانی" وچ لکھیا گیا اے۔

ایسے طرح بوٹے دی وفات 1930ء وچ نہیں ہوئی سکوں اوہناں 6 ستمبر
1919ء نوں چلانا کیتا اے۔ جیویں کہ میونسپل کمیٹی گجرات دے موت رجسٹر وچ دی
لکھیا ہویا ملدا ہے تے پنجابی زبان دے مہاں کھوجی تے پارکھ ڈاکٹر پیارا سنگھ جی دی
اپنی ترتیب دتی ہوئی کتاب "شیرس فرہاد" از محمد بوٹا گجراتی دے صفحہ 13، 12 اُپر اوس
دی مرن تاریخ ایہو ای لکھی اے۔

پنڈت کالی داس بہوں اُچ کوئی دے شاعر سن۔ پنجاب یونیورسٹی چنڈی گڑھ
توں منہیت کور انبالوی اوہناں تے پی ایچ۔ ڈی وی کر چکی اے۔ پنڈت کالی داس
پچھلی عمرے سکھ دھرم وچ آگئے سن تے اپنا ناں کالی داس دی تھاں مان سنگھ رکھ لیا

ی۔ اوہ اُچی پدھر دے صوفی منکھ (انسان) درویش سن۔ اُنہویں ویسویں صدی وچ ہوئے وڈے پنجابی شاعراں وچ شامل نیں۔

”پنجابی شاعراں دا تذکرہ“ وچ اوہناں دا جیہڑا جن سال درج اے، قریشی ہوراں اپنی کتاب وچ اوہو درج کیتا اے۔ فرق صرف ایہ اے کہ کُشتہ جی نے سال دے ٹال ای مہینے دا ویرا وی دتا اے کہ اوہ اکتوبر 1865ء وچ جے۔ قریشی جی نے صرف 1865ء ای لکھیا اے۔

میسٹریل کمیٹی گوجرانوالہ دے جن رجسٹر اپر تے ڈسٹرکٹ ہیلتھ آفیسر دے ریکارڈ وچ پنڈت جی دے جن بارے کوئی جانکاری نہیں ملدی۔ ہو سکا اے کہ اوہ گوجرانوالہ دی تھاں کسے ہور تھاں جے ہون۔ انج جاپدا اے کہ کُشتہ جی نے خط و کتابت راہیں پنڈت جی توں اوہناں دا جن سال پچھیا تے اوہناں مہینے دا ویرا وی لکھ گھلیا ہووے کیوں جو دوویں سکالری شاعر سن تے مددے جلدے وی رہندے سن۔

کُشتہ جی نے پنڈت جی دی مرن تاریخ درج نہیں کیتی۔ قریشی ہوراں وی ایس توں اگے ودھن دی کوشش نہیں کیتی سگوں ایس وچ وی کُشتہ ہوراں دی پوری پوری پیروی کیتی اے۔ حالانکہ گوجرانوالہ میونسپل کمیٹی دے ریکارڈ وچ اوہناں دی مرن تاریخ درج اے، بہرہ 30 جون 1844ء اے۔

سیالکوٹ دے مولوی شاہ دین بڑے مشہور شاعر سن۔ اوہناں عربی، فارسی دیاں کئی عظیم شعری رچناواں نوں پنجابی شعری روپ دتا۔ ایہناں کتاباں وچوں مثنوی مولانا روم، دیوان حافظ، بیسرا نامہ، مثنوی فرید الدین عطار، دیوان بو علی قلندر، دیوان تے مثنوی محمود شبستری، دیوان حضرت عبدالقادر جیلانی، دیوان حضرت علی، دیوان حضرت معین الدین چشتی اجیری، دیوان شمس تبریزی وغیرہ ”سردار سیگ سنگھ جی ایہناں نوں اٹھارویں صدی دے انت دا منکھ آکھدے ہن۔“ (پنجابی دنیا، دربار انک، جون جولائی 1955ء ص 26-27)

ایہہ درست نہیں۔ کُشتہ جی نے اوہناں دا جن سال 1870ء لکھیا اے۔ جیہڑا صحیح اے۔ ایس واسطے اُنہویں صدی دے انت جن والا بندہ اٹھارویں صدی دا شاعر نہیں ہو سکا۔ بہر حال عبدالغفور قریشی ہوراں نے اوہناں دا مرن سال 1930ء دتا اے۔ کُشتہ مرحوم نے اوہناں دا مرن سال نہیں لکھیا۔ ایہہ پہلی تھاں اے جتھے

عبدالغفور قریشی ہورائے گشتہ جی دی مدتوں بٹاں لکھیا تے غلطی کر ماری کیوں جو شاہ دین پاکستان بن توں مگروں دی زندہ رہے۔ اوہناں بارے میرا اک تفصیلی مضمون روزنامہ ”امروز“ وچ چھپ چکيا اے۔ قریشی ہورائے نے ایسہ وی لکھیا اے کہ ”پنجابی شاعراں دا تذکرہ“ وچ ورتی زبان نہ تے گشتہ جی دی اے تے نہ افضل خان دی۔ دوجے لفظاں وچ اوہناں پڑھیاں نوں ایسے شک دی انھی گھسا وچ سٹن دی کوشش کیتی اے کہ کتاب اینناں دوواں پوچھراں دی بجائے کسے ہور منکھ (انسان) دے جتن دا ریتا اے تے جے ایسہ گل سی تے گشتہ جی نوں ”رجحی“ دین والی منطق کدھر مئی؟

انج ای مولوی حبیب اللہ کبوء دا معاملہ اے۔ گشتہ جی نے اوہناں دا ویراوا اپنے تذکرہ دے صفحہ 314 وچ دتا اے۔ قریشی جی نے ”پنجابی ادب دی کہانی“ دے صفحہ 418 اُپر مولوی حبیب اللہ کبوء دا ذکر کیتا اے۔ گشتہ جی اوہناں دی کتاباں دی فہرست وچ اوہناں دی اک کتاب دا ناں ”سوانح گنج بخش“ دتا اے۔ قریشی ہورائے دی انج ای لکھیا پر ایس وچ گشتہ جی ایسہ نہیں لکھ سکے کہ ایسہ کتاب اشرف منجری دی فارسی منظوم دا نظم وچ ای ترجمہ اے۔ چنانچہ قریشی صاحب نے وی ایس دی سودھ نہیں کیتی کہ ایسہ ترجمہ ”کنز الرحمت“ دی کتاب دا اے۔ (ص 5، شریف التواریخ، جلد سوم، حصہ چارم) گشتہ جی نے مولوی صاحب بارے لکھیا اے کہ اوہ بہاولپور چلے گئے، جو درست نہیں۔ اوہناں بہاول نگر ضلع دے اک دور دراڑے چک وچ جا ڈیرہ لایا تے اوتھے ای 22 مارچ 1954ء نوں چلانا کیتا۔ قریشی ہورائے نے بٹاں پُن چھان کیتیاں گشتہ جی دی پیروی وچ بہاول پور ہی لکھیا اے۔

قریشی ہورائے، گشتہ مرحوم تے ایسہ دوش وی لایا ہے کہ اوہ حوالے نہیں دیندے سن، بیہوشی کہ صحیح گل نہیں۔ ”پنجابی شاعراں دا تذکرہ“ وچ گشتہ جی نے اینناں کتاباں دا ذکر کیتا اے۔ پر اچین رلی مالا، اخبار لاخیا، کمالات فریدی، سیر المشائخ، احسن المقال، Punjab Castes، تحقیقات چشتی، شطیات، پنجابی دربار لاہور، جنوری 1930ء، پریم کہانی، تاریخ لہور، پنجابی ساہت دا اتھاس، راجستھان بھارتی، پنجابی دربار جولائی 1929ء، پنجابی دربار ستمبر 1929ء، ہسٹری آف پنجابی لٹریچر وغیرہ۔ ایس واسطے قریشی ہورائے دا لایا ہوا ایسہ دوش وی بے بنیاد اے۔ ساڈے جاچے تاں

اج وی مولا بخش کشتہ جی دی ایہہ سر جتا ا جی رچتا اے ، جیہدے توں اگے کوئی لنگھ نہیں سکیا تے پنجابی ادب تے شاعری دے کھوجیاں تے پارکھاں واسطے ایہہ کتاب روشن منارا بنی رہوے گی۔

قریشی جی دے آکھن موجب اوہناں دی بولی وچ فارسی، اردو تے ہندی دا ودھیرے اثر دکھائی دیندا اے۔ اول تے ایہہ گل انج وی بے معنی اے تے گل رنتردی نہیں کہ اوہ دوش کیہ دینا چاہوندے ہن؟ کیہ کہنا چاہوندے ہن۔ اول تے اوہناں دے لکھن موجب جد ایہہ اوہناں دی زبان ای نہیں تے اوہ ایس دے دوشی کیویں بنے۔ انج ایہہ گل وی اوہناں دیاں آپر لیاں مل و للیاں دیلاں دا حصہ ای اے۔ حالانکہ گشتہ جی دی کتاب پنجابی نثر دا اعلیٰ نمونہ اے تے پنجابی زبان دا انما شاہکار اے، پر ایہہ عجیب گل اے کہ قریشی جی نے جدوں مولا بخش گشتہ مرحوم بارے اپنے ایسے تذکرہ وچ ایس گل دا اعتراف کیتا کہ :

”پنجابی زبان تے ادب دی خدمت جی گشتہ ہوراں نے کیتی اے ایس نوں کدی بھلایا نہیں جا سکدا نہ ہی ایہہ کسے دیوے دی محتاج اے۔“ (پنجابی ادب دی کہانی ص - 424)

کسے دی وڈیائی نوں منا ہی اصل وڈا پن اے۔ پر ایہہ لکھن نال جتھے ”پنجابی شاعراں دا تذکرہ“ بارے جبرہی رائے ظاہر کیتی سی اوہدے اتے قلم پھیر کے اوس نوں رد کر دتا اے، پر ایہی تحریر نوں ایس وجہ اساوں ان ڈھکویں تے غیر متوازن ہی کہنا پوے گا، جیہنوں تحریر دی خوبی تے حسن دے خلاف ہی قرار دینا پوے گا۔

”سیدھاں“ بارے کجھ گلاں

نجم حسین سید نے ”سیدھاں“ وچ پنج دکھو دکھ شاعراں بارے مضمون لکھے نیں، پر ساریاں مضموناں وچ اک گل سا بنجی ہے جو ایسہ مضمون پنجابی شعر ریت دی پرکھ بارے ہن۔ ایسہ شعر ریت بابا فرید توں ٹر کے میاں محمد بخش تائیں آوندی ہے۔ اٹھ نو سو سال دا اک لما ویلا ہے، جو نگھ پکیا ہے۔ سوال ایسہ پیدا ہوندا ہے جو لکھاری نوں اج دے زمانے وچ رہ کے ایسہ کتاب لکھن دی کیہ لوڑ پے گئی جد کہ بابا فرید توں میاں محمد بخش تائیں دا ویلا تے کدے دا نگھ پکیا ہے۔ لکھاری اج دے ویلے دی گل کیوں نہیں کردا؟ ایس سوال دا جواب ایس کتاب وچ سدھا ساہواں نہیں لبدا، پر جو کجھ لکھیا ہویا ہے اوہدے توں ای ایس ایس سوال دے جواب تیکڑا پڑ سکدے ہاں۔ تاہیوں تاں ایسہ کتاب پڑھن ہاراں لئی سیدھاں بن سکے گی۔

پہلے ای مضمون ”پنجابی شعر ریت دے سدیویں بھاتے بلھے شاہ“ دے دوجے صفحے اتے لکھیاے۔

”بوڑھ جیسی پُرانی مثال ہے پئی ریت جڑھ ہوندی ہے تے کے اک سے دی شاعری پھل پتر۔ ریت ہُن دے شاعر دی حیاتی دا وسیلہ تاں ہے، اوہ ہُن دے شاعر دا بھوکس دیاں گلیاں پدھراں نال تے سے دیاں وِسریاں گیڑاں نال جوڑتے جوڑدی ہے، پر اوہ ہُن دے شاعر دی کلا دوالے لفظاں، تالاں یا مضموناں دی کے اک چون دا بنجہ نہیں مریندی۔ ریت ہُن دے شاعر نوں پچھلیریاں شاعراں دی رکت وچ کجھ سدیویاں بھاواں راہیں اپنا آپ دکھاندی ہے۔ شاعری دے ایسہ سدیویں بھاو لوکاں دے اندر لے دیاں سدیویاں بھاواں دا اک روپ ای ہوندے ہن۔ جے ہُن دے شاعر نوں تاریخ دیاں اینناں ہمیش لہراں دی پچھان ہے تے نال اوہ

بکھلیاں دے کیتے نوں وی جان دا ہے تاں اوہنوں شعر ریت دی پوری مُرت ہے۔“

لکھت دا ایہہ ٹوٹا لکھاری نے پوری پنجابی شعر ریت بارے لکھیا۔ ایس نکلے جیہے ٹوٹے وچ ای سارے جواب ہن۔ اک دی تھاں دو گلاں ویکھو۔ اک تے ایہہ گل ”پئی ریت جڑھ ہوندى ہے تے کسے اک سے دی شاعری پھل پتر“ ساڈیاں اکھاں پھل پتر ای ویکھدیاں نیں کیوں جو پھل پتر اصلوں ساہنے نظر آ رہے ہوندے نیں، پر ساڈی سمجھ سوجھ جڑھ ویکھدی ہے کیوں جے ایس جانڈے ہاں پئی جڑھ بناں پھل پتر نہیں ہو سکدے۔ جے ایس پھل پتر اں دے روپ دے جلوے وچ ای پھس کے بہہ رہیے تاں سانوں نہ جڑھ نظر آوندى ہے نہ اوہدی لوڑ رہندی ہے۔ کانڈ تے پلاسٹک دے پھل پتر وی تے ہوندے نیں۔ اوہ وی سوہنے ہوندے نیں فیر جڑھ دی کیہ لوڑ ہے؟ سانوں ساڈا اھلیکھا جیون تے بے جیون دی سمجھ نہیں آون دیندا۔ سانوں پتر نہیں لگدا جو پھل پتر تے جیون دا ای اک روپ ہن تے کانڈ پلاسٹک دے پھل پتر دی جیون دی ہی اک شکل ہن۔ اک جیون دھرتی وچوں آگیا تے تے دوجا محنت راہیں کانڈ تے پلاسٹک نوں پھل پتر بنا گیا ہے۔ کسے اک سے دی شاعری نوں ریت نالوں توڑنا اوہنوں بے جیون کرنا ہے۔ کجھ سمجھاں جیون نوں بے جیون کر کے ویکھدیاں ہن۔ جیون دی گل نوں موت دی گل کر کے سمجھدیاں ہن۔ جیوندے وسیب دی بیتی واپردی نوں کسے اگلے جہان دا قصہ کر کے سمجھاوندیاں تے پرچار دیاں ہن۔ لوک ریت دے شاعر نوں صوفی، درویش یاں پیر بنا کے اوہدے اتے دھرم دا غلاف چاڑھ دیندیاں ہن۔ انج اوہ جیوندے وسیب دی جیوندی شاعری نوں اوہدے جیون کولوں نکھیر کے اپنے مطلب دے ظاہری روپ لئی ورتدیاں ہن ”سیدھاں“ دا لکھاری جیون نوں جیون کر کے ای ویکھ سمجھ رہیا ہے۔ اوہدا جتن جیون نوں بے جیون کر کے ویکھن والیاں سمجھاں نال اک لڑائی وی بن گیا ہے۔ اک دوجے دے الٹ سمجھاں دی ایہہ لڑائی ”سیدھاں“ وچ تھاؤں تھاؤں ٹردی نظر آوندى ہے۔ کدے ظاہر کدے وچ وچ۔ جیون نوں جیون سمجھن دا جتن ہی اوہدے لور ہے، بیڑا انج نوں ریت نال جوڑدا ہے کیوں جو ریت آپ لنگھیا جیون ہے تے انج جیون اٹھ ای سادے تائیں اڑیا ہے۔

دوجی گل پئی ”شاعری دے سدیویں سبھا لوکائی دے اندر لے دیاں سدویاں
 سبھاواں دا اک روپ ای ہوندے ہن۔“ گل شعر ریت توں لوک ریت تائیں اپڑ
 گئی ہے۔ شعر ریت انج ای لوک ریت دا روپ ہوندی ہے جیویں پھل پتر بھوئیں
 وچ لکی جڑھ دا۔ بے گل ریت دی ہے تاں فیر لوک ریت کیوں؟ حاکم ریت کیوں
 نہیں؟ اوہ وی تے موجود رہی ہے تے اج وی ہے۔ فیر اوہی لڑائی جیون نوں جیون کر
 کے ویکھن والی تے جیون نوں بے جیون کر کے ویکھن والی۔ حاکم ریت روپ دے
 جلوے توں اگانہ نہیں ودھن دیندی۔ جیویں جھروکے وچوں بادشاہ دا دیدار یاں
 وڈی سڑک توں کاراں دے قافلے وچ لنگھدے اج دے حاکم دا نظار۔ حاکم ریت
 تے آپ لوکائی دی محنت تے اوہدی پیدا دی کھوہ کھس تے پلدی آوندی ہے۔ اوہ
 نہیں چاہوندی جو کوئی وی اوہدی جڑھ نوں دیکھے۔ سو حاکم ریت ساڈی نظر نوں
 روپ دے جلوے تے اوہدی موہ وچ کیل کے رکھنا چاہوندی ہے۔ حاکم ریت وچوں
 چنگدی سمجھ شعر ریت نوں روپ بنا کے حاکم ریت لئی ورتدی ہے۔ اوہ تے لوک
 ریت وچوں چنگدی شعر ریت دی وی اجیسی تشریح کردی ہے، ”جیڑی جیون نوں بے
 جیون کر جاندی ہے۔ ایہ تشریح تھاؤں تھائیں ساڈے نال بھڑدی ہے، پر لکھاری
 نے پکا ہتھ پایا ہے ساڈے ہتھاں وچ تے اوہ سانوں روپ دی دکھائی توں نور کے
 دھرتی دیاں لکیاں پدھراں وچ تے سے دے دوسرے گیزاں تائیں لے کے جانا
 چاہوندی ہے۔ اصل وچ اوہنے دوجا ہتھ پنجابی شعر ریت دے ہتھاں وچ پایا ہویا ہے،
 جیڑی آپ لوک ریت دا ہی اک روپ ہے۔ اوہدے ہتھ وچ ہتھ پھڑاندیاں ای
 اسیں آپ اوس ریت نال انج ای جڑ گئے آں جیویں لکھاری۔

ہُن بلبے شاہ سانوں اپنا لگن لگ پھلے۔ اصلوں اپنے ورگا بندہ۔ اک
 جیوندے وسیب دا جیوندا جاگدا جی۔ اوہدی شاعری دے وچوں سانوں اوس جیوندے
 وسیب دے سبھا دن لگ پئے نیں۔ ایہ سدیویں سبھا ای شاعری دے سدیویں سبھا
 ہن۔ شاعری دے سدیویں سبھاواں توں اسیں وسیب دے سبھاواں تائیں اپڑنے ہاں
 تے وسیب دیاں توں سُر شاعری دیاں تائیں۔ بلبے شاہ دی شاعری دا لوک گیتاں ورگا
 سدھ پدھرا جیہا مہماندرا اصلوں حیاتی دے ظاہر ورگا ہے۔ روز دی ہڈ ورتی رمزاں
 بن کے سانوں شاعری دے اندر وژن دے بوہے دی سردل لنگھاوندی ہے۔ ہُن شاعر

دے اندر وی اک ٹانگ اُبھردا ہے۔ اوہ اوے ویہی ہڈورتی دی مڑ کھیڈی وکھالی ہے ، بیدے وچوں اوہ آپ اُبھری ہے۔ ایسہ ٹانگ سانوں وڈے گھیرتے حیاتی دے باطن دیاں ڈونکھیاں پتالاں نال جوڑ دیندائے۔ بلے شاہ وسیب دے چوترے تے کھلو کے وسیب دی ہڈورتی نوں مڑ کھیڈ کے وکھاندا ہے۔ باہروں گل اساڈے اندر لندی ہے تے اندر ویکھن دی تھاں کلدی ہے۔ اوہ کھیڈ دیاں ، کھیڈ دیاں رملکڑے اندر آ وڑدا ہے تے اندر لے گجھے چور دی سنجان کرویندا ہے۔ اندر دا جھوٹھ اندروں نکلدا ہے تے مہکل دا چور بن جاندا ہے۔ بلے شاہ مڑ بکل وچ لکے چور نوں سبھناں نوں وکھاندیاں وکھاندیاں اندر جے نویں سچ نوں سبھناں وچ ورتا جاندا ہے۔ گل کتن والیاں کڑیاں وچ کھلوتی ماں دے بولاں توں یاں اپنی مہکل دے چور دی جھات وکھان دے رہس روپ توں رُدی ہے۔ ویکھن نوں روز دی ہڈورتی عام تے سدھ پدھری جیہی ہے ، پر گل مکدیاں مکدیاں جیون دے وڈے تگادیاں دی واہ ورتن دے وچاراں تائیں اپڑ ویندی ہے۔

وارث شاہ ایسے ویہی ہڈورتی دا اک اپنے ڈھنگ دا رہس روپ وکھاندا ہے۔ اوہ جگ دے ، شیواں دے تے بندیاں دے ظاہر نوں ودھا چڑھا کے وکھاندا ہے تے جدوں اسیں ایس ظاہر دے حسن تے رعب دی موہ وچ جھن والے ہی ہوندے آں تے اوہ اوس ظاہر نوں اوہدے ای باطن نال انج بھڑا دیندا ہے جو ظاہر کچ دے بھانڈے وانگوں ٹٹ جاندا ہے۔ ایس ککرا دی وانج ٹھٹھا بن کے ابھردی ہے تے نال ای اک دکھ بھری سوچ بندی ہے ، جیہڑی مڑ سانوں حیاتی دے وڈے تگادیاں والے وچاراں تائیں اپڑا دیندی ہے۔ رانجھے دے پیو دی بہشت ساڈے پنجاب دی رستل باہل دی جُوہ ہے۔ وارث شاہ ایسے باہل دی جُوہ نوں بہشت بنا وکھالدا ہے تے مڑ رملکڑے ای اوس وچ پھردے ماکی والے سب نال لیا بھیزدائے۔ بہشت دے ظاہر نوں اوہدے بندے ماروس والے ست نال ککرا دیندائے۔ جیویں اوہ میت دی شان تے اعلیٰ اخلاق دے درس دیون والے مولوی دے ظاہر نوں اوہدی سوڑ تے کوڑ نال انج بھیز کرواندا ہے جو ظاہر ٹھٹھے نال رکرچی رکرچی ہو ویندا ہے تے اساڈے اندر اک دکھ بھریا وچار بندا ہے ، جو رانجھے جے نمائے دی ایس جگ وچ کوئی تھاں نہیں۔ کوئی کچھ پریتیت نہیں۔ اک اصولوں نمائے جیہے بندے

ساہویں سارا جگ جھوٹا ہویا لگدا ہے۔

قادر یار دی شاعری وچ رہیں روپ آپ اک رمزن گیا ہے۔ اوہ پرانے ویلیاں دے قہے نوں انیسویں صدی دے پنجاب وچ مڑ کھینڈ وکھاوندا ہے۔ اوہ اپنے ویلے دی ہڈ ورتی ساہویں ہو گزری ہڈ ورتی نوں لیا کھاردا ہے۔ اوہ پورن دے جوگ دا قصہ کر کے جتانی دا ماں روپ سانوں وکھاوندا ہے، 'بیرہ' ہمیش توں جیون پروار دا مڈھ ٹریا آوندا ہے۔ قادر یاد دے ویلے وی تے اج وی ہے۔ پورن دے قہے وچ ماں دا رشتہ اوہ مڈھ ہے جیہیں وچ خرابی پیدا ہوئی تے ہرے بھرے رکھ چمک گئے۔ باغ اُجڑ گیا۔ پورن نوں بے دوسا ہونداں وی سزا بھوگنی پئی۔ پورن دا صبر جوگ بن کے اک ایسی سمجھ نوں بندا ہے، 'بیرہ' ہو چکیاں خرابیاں نوں اگانہ لئی ٹھیک کر سکدی ہے۔ 'سکا باغ' ہریا ہو سکدا ہے۔ خرابیاں پورن دے ویلے توں ای ہونداں آرہیاں ہن۔ جے اینناں خرابیاں دی سزا بھوگن والے بے دوس پورن دے جوگ والی نویں سمجھ پیدا کر سکن تاں پندا ورتا ٹھیک ہو سکدا ہے۔

”سیدھاں“ دا لکھاری سانوں پنجابی شعر ریت دے سارے ویلیاں وچوں لے کے لنگھدا ہے تے ایس گل تے چُھیت کروائی آوندا ہے جو ایس ریت دے اندر واندرو گدے کجھ سبھا ایو جیہے وی ہن، 'جیرے' آپ ریت بن گئے نیں، پر ہر نویں ویلے وچ شاعر اینناں سبھاواں دے اپنے روپ سچے ہوندے نیں، 'جیرے' ویلے دے نال ای ہنڈھ جاندے نیں۔ آگوں نویں ویلے وچ ایو ریت نویں سچے اساردی ٹری جاندی ہے۔ روپ بھاویں شاعری دا سچا ہودے، 'بھاویں بندے' دا بھیس ہووے یاں ویلے دا جال، ویلا بدلن نال بدل جاندے نیں۔ 'جیرے' لوک روپ وچ اٹک کے رہ جاندے نیں، اوہ ظاہر دے پجاری ہوندے نیں۔ اوہ شاعری دے سچے وچوں ریت تے بھیس وچوں بندے دے اصلے نوں نہیں پہچان سکدے۔

بابے فرید دا ناں اک وڈے صوفی تے سنت دا ناں ہے۔ روپ پوجا اوہنوں باہروں ویکھ کے تے متھانیک کے مڑ آون لئی سکندی ہے۔ اوہدے بارے دن سونیاں کمانیاں گھڑیندی ہے۔ جو اوہ آپ پیا کہندا ہے اوس اتے کن نہیں دھردی۔ جے کوئی اوہدی شاعری دل ہوندا وی ہے تے روپ پوجا اوہدے نال وڈیاں دے آکھے ہوئے صوفی سنتاں دیاں قہے کمانیاں نوں نور دیندی ہے تے اوہ قہے

کہانیاں شاعری وچوں وی ویکھن والے نوں اپنا آپ وکھاؤن لگ پیندے نیں۔
 ویکھن والا ویکھدا ہے کہ دنیا نوں تیاگ کے رب رب کرن والا صوفی اپنی شاعری
 وچ وی جیون نوں چھڑ کے موت لہن دا درس پیا دیندا ہے۔ جدوں اسیں ”
 سیدھاں“ دے لکھاری نال رل کے بابے فرید دے دوہڑے پڑھنے آں۔ اندر
 پتہ لگدا ہے جو بابا تے حیاتی وچ لگن لہر دے نہ ہوں نوں موت آکھ رہیا ہے۔ لگن
 لہر ہی حیاتی دا ست ہے تے اوہدا نہ ہوں موت۔ موت نری سریر دے مرن نال ای
 نہیں ہوندی لگن لہر دے نہ ہوں نال وی ہوندی ہے۔ بندہ نرا سریر نال جیوندا
 نہیں ہوندا اپنے اندر دی لگن لہر نال جیوندا رہندا ہے۔ انج بابا اصلو اصلی تے حیاتی
 دی گل پیا کردا ہے، سگوں اُدھم بھری حیاتی دی۔

بابا فرید نے دوہڑے جوڑ کے شاعری کیتی ہے۔ دوہڑا دو سطری نظم ہے جیوں
 وچ سیانے دی کیتی گل والے سچ بھاتے لوک اکھاٹاں والے سدھ پدھرے
 مہاندے دا رنگ کھلایاں تے اندر و اندری پنجابی شعر ریت دے اوہ سدھیں بھا
 بعدے نیں، جیڑے شاعری دا ست نیں۔ ایہہ بھا بابا فرید توں ای تڑے تے تڑ
 ساری پنجابی شاعری وچ وگدے وگدے ریت بن گئے، پر بابا فرید توں مگروں آون
 والے شاعران نے اپنے ویلے سر شاعری دے نت نویں سچے گھڑے جیویں کافی تے
 قصے۔ نت بدلے ویلے دے نت بدلے روپ تے شاعری دے سچے جیڑے ظاہر
 اجوڑ ہن، وچوں اپنے وچار بھاواں راہیں جڑے ہوئے وی ہن۔ ایہہ جوڑ اوہ
 ریت ہے، جیوں دے ساہویں نویں ویلے دے نویں پیمیاں نوں کر کے پرکھ کار
 شاعری دا اندر باہر وکھاوندے نیں تے آج نوں لنگھے ویلے دی دھارا نال جوڑ دیندے
 نیں۔

”سیدھاں“ دا لکھاری وی پنجابی شعر ریت دی گل کردا کردا سانوں اک
 شاعر کول لے جاندا ہے، جیڑا آپ پارکھ ہے۔ میاں محمد بخش دے پرکھ وچار دھیان
 وچ آوندے نیں تاں سہی ہوندا ہے جو شاعر، شاعر وی ہوندا ہے تے پارکھ وی۔ انج
 ای مٹن یاں پرسن والا مٹن پڑھن والا وی ہوندا ہے تے پارکھ وی۔ سبھ توہا وڈی
 گل ایہہ جو شاعری آپ شاعری وی ہوندی ہے تے پرکھ وی۔ گل ذرا کھول کے کر
 لویے۔ پہلوں تے شاعر پوری شعر ریت دی جانکاری حاصل کردا ہے تے اپنے توں

پہلے ہو گزرے شاعراں دی رکر تے دے روپ تے ست دی بھال کردا ہے۔ انج اوہ شاعری دے ونو ون گناں نوں سیہندا تے جاچدا ہے۔ ایہہ سارا عمل اوہدے اندر اک پرکھ گن نوں جنمدا ہے۔ ایہہ پرکھ گن اک پاسے تے اوہنوں جھیلیاں دی کیتی دی سنجان کراوندا ہے تے دوجے پاسے اوہدی اپنی رکر تے لئی میدان بن جاندا ہے جیس وچ اوہنے اپنی شاعری دی کھیڈ کھیڈنی ہوندی ہے۔

پڑھن، سنن والا جد پڑھا سندا ہے تاں اوہ اپنی ہڈورتی راہیں شعر دا اثر قبولدا ہے۔ شاعر دی ہڈورتی راہیں اوہ اپنی ہڈورتی نوں مڑ سیہندا ہے۔ ایہہ سیہان اوہ جالچ بن جاندى ہے، بیدے راہیں اوہ اپنی ریت دے شاعراں نوں اک درجہ تے تھاں دیندا ہے۔ شاعری جدوں شاعر دے اندروں کھدی ہے تاں اوہدے پرکھ وچار وی لے کے آوندى ہے تے نال ای اوہ اک دکھری ہستی بن کے اپنے جن والے دی پرکھ وی بن ویندى ہے۔ جدوں شاعری پڑھن، سنن والے دے ساہویں ہوندى ہے تے اوہدی پرکھ کردی ہے جو اوہ کئے پانی وچ ہے نال ہی اوہ اپنی پرکھ وی کراوندى ہے جو پڑھن والا اوہنوں کیہ درجہ دیندا ہے۔

”سیدھاں“ دی پڑست مکان توں پہلا اک اخیرى گل ایہہ ہے پئی ایس کتاب دا لکھاری نجم حسین سید آپ دی شاعر ہے۔ ایہہ گل دسنى ایس لئی ضرورى ہے جو ایہہ جانن دے نال ”سیدھاں“ وچ کیتی پوری شعر ریت دی پرکھ دا چوفیر ہو وی موکلا ہو گیا ہے تے معنے ہو وی یڈو نگھے ہو گئے نیں۔ اج دا شاعر اپنی پوری ریت نوں پیا پرکھدا ہے۔ انج اوہ اک پاسے اپنے آپ نوں تے سانوں ریت سنجان کراوندا ہے تے دوجے پاسے ایہو پرکھ وچار اوہدی اپنی شاعری نوں سمجھن دا ڈھنگ دی بن جاندى نیں۔ ”سیدھاں“ پوری پنجابی شعر ریت دی سنجان وی ہے تے نجم حسین سید دی شاعری دے اندر وژن دا بؤہا وی۔

”پرکھ پڑچول“ دی پرکھ پڑچول

میں کلیم الدین احمد وانگر ایسہ تان نہیں کواں گا جے پنجابی وچ تنقید سرے توں لکھی نہیں گئی یاں ایسہ محبوب دی کمر وانگر موہوم اے۔ پر جے محبوب دی کمر پتلی من لئی جاوے تے فیر میں دعویٰ کراں گا جے پنجابی تنقید محبوب دی کمر وانگر بہت پتلی تے کمزور۔ اکثر پنجابی نقاد عبادت بریلوی بن دی کوشش کر دے نیں، پر نہیں بن سکدے کیوں جے عبادت بریلوی دی علم نال بنیا جاندا اے۔ میرا ایسہ دعویٰ اے جے پنجابی وچ حالے تیک علامہ محمد حسین عرشی، علی عباس جلاپوری تے نجم حسین سید توں علاوہ کوئی لکھاری انج دا نہیں جیہیں نوں نقاد بنیا جاسکے۔ کجھ لوک پنجابی وچ ”خیر و برکت“ لئی تنقید لکھدے رہے، پر نہ لکھ سکے یاں اوہ گھٹو گھٹ نقاد نہ بن سکے۔

”پرکھ پڑچول“ دے مصنف دے آکھن موجب تنقید دی کتاب اے تے دیباچہ نگار دے آکھن موجب پنجابی تنقید دا پہلا میل پتھر اے۔ سوچن والی گل اے جے ایسہ پہلا میل پتھر اے تے تنقید دا آخری میل پتھر کون ہووے گا؟ دیباچہ نگار دا ناں نازش کاشمیری اے تے میرا خیال اے جے ایس صاحب دی نازش وی ایسہ کلا دیباچہ اے۔ ایس دیباچے وچ اوٹا ای مبالغہ اے جتا ایس کتاب دے چوتھے حصے دے مضموناں وچ، بیہڑے تقریباتی تنقید دا اوٹا ای بھیڑا نمونہ نیں جی خود تقریباتی تنقید۔ خورے کیہ گل اے جے عارف عبدالمبین نے اپنے ایہناں مضموناں دے اک وڈے حصے نوں ”عاق“ کیوں نہیں کیتا۔ شاید اگے چل کے ایس کیوں دا جواب مل جاوے۔

عارف عبدالمبین نے کتاب نوں چار حصیاں وچ ونڈیا اے۔ پہلے حصے وچ اک مضمون اے جیہڑا ایس کتاب دا طویل مقدمہ دی بن سکدا اے۔ ایس دا عنوان

اے ”پنجابی صوفیانہ شاعری پس منظر تے پیش منظر“۔ دو جے حصے وچ ست صوفی تے قدیم شاعراں بارے اٹھ مضمون نیں، تیجے حصے وچ عارف عبدالمتین نے اپنے پیشرو شاعراں بارے پنج مضمون شامل کیتے نیں۔ ایسہ پنج مضمون استاد کرم، مولا بخش کشتہ، پیر فضل گجراتی، ڈاکٹر فقیر محمد فقیر تے حکیم ناصر بارے نیں۔ چوتھے حصے وچ ویسہ مضمون نیں۔ اینار مضموناں وچ عارف عبدالمتین نے ویسہ گچھا چھڈی اے، پر کیوں؟ ایسہ گل اگے آوے گی۔ اتھے اپنی گل کافی اے جے ایسہ ویسہ دے ویسہ شاعر عارف عبدالمتین دے ہم عصر نیں، جیہناں دی رج کے تعریف کرن وچ ڈھیر فائدے ہو سکدے نیں تے تے زندن وچ ڈھیر نقصان۔ ایسہ شاعر عارف عبدالمتین دی نظر وچ جدید شاعر نیں۔

پہلے حصے دے اکلوتے مضمون وچ عارف عبدالمتین تصوف دی تعریف تے تاریخ بیان کرن دی کوشش کیتی اے۔ تعریف وچ اوہناں تصوف دے فکری نظام دے مختلف رخ دس دی تھانویں صرف اوہ رخ ای دسے نیں، جیہڑے عوام وچ معروف تے متعارف ہن۔ عارف عبدالمتین نے ایس دی فکری تاریخ دس لئی یونان، ایران، ہندوستان دے مفکراں تے ساڈے صوفیاں دے افکار دا حوالہ دتا اے، پر ایسہ گل سمجھ نہیں آندی جے اوہناں اسماعیلی فکر دا ذکر تیک نہیں کیتا۔ حالانکہ پنجاب دے تصوف تے افکار اتے اسماعیلی فکر دا گہرا اثر اے۔ اسماعیلیاں دے ”گنان“ جدوں دے سامنے آئے نیں، پنجابی شاعری دی تاریخ ہوور کچھے چلی گئی اے۔ اک گل اکثر آکھی جاندا اے جے تصوف اسماعیلیت دا شاگرد رشید اے۔ عارف عبدالمتین کول ایس پہلو دا ذکر ای نہیں۔ نہ ای تصوف دی باطن پسندی دا صوفیاں دی ظاہر پرستی نال ٹاکرا ای سامنے آیا اے۔ ایسہ گل انج تاں نہیں آکھی جاندی جے حسن بھری دا ایسہ قول تصوف دی عمارت دا زینہ پتھراے۔

”دل دی نیکی اعضاء تے جوارح دی نیکی نالوں ہزار درجے بہتر اے۔“

عارف عبدالمتین ہندوواں بارے وی پنلتر جیہیاں گلاں کر گئے نیں۔ جے ہندو مت وچ نجات دے تن مارگ نیں۔ ایسہ کیہڑے ہندو مت دی گل اے؟ ساتن دھرم دی گل تاں یقیناً ہووے گی۔ بھگتاں دے مارگ کچھ ہوور نیں۔ اوہناں دے چار مارگاں وچوں ”زرگن واہ“ جے ”پریم مارگ“ دا ساڈی صوفیانہ شاعری تے

ڈھیر اثر سی۔ کبیر ”زرگن وادی“ سی۔ زرگن وادی موحد اکھواندے نہیں۔ ایہہ
موحد رویہ غالب کول انج ظاہر ہویا اے۔

ہم موحد ہیں ہمارا کیش ہے ترک رسوم
ملتیں جب مٹ گئیں اجزائے ایماں ہو گئیں
ایہی ”زرگن واد“ رویہ بلھے شاہ کول جدوں آندا اے تے اوہ مذہب دی
ظاہر داری دے خلاف ڈانگ چک لیندے نہیں۔

ایسے طرح ملک محمد جائسی توں شروع ہودن والا ”پریم مارگ“ پنجابی شاعری
اتے گوڑھے اثر چھڑدا دسد اے، جیس دا عارف نے ذکر ای نہیں کیتا۔ ایس
پاروں آکھیا جا سکدا اے کہ تصوف دے جرات مند رویہ نال عارف عبدالتین چند
قدم دی نہیں چل سکدے۔ اوہ تصوف تے شریعت دی صلح کراندے نہیں۔ اوہناں
اوس تصوف دا ذکر کیتا اے، جیرا شریعت اگے سرسٹ کے پند اے۔ عارف
عبدالتین کول تصوف دی باغی روایاں دا اکا ذکر ای نہیں۔ اوہناں ایس گل دا ذکر
ای نہیں کیتا جے کیڑی کتاب بلھے شاہ دے مطالعے وچ رہندی سی تے خواجہ غلام
فرید ”جوگ و شش“ دے فارسی ترجمے ”منہاج الہا لکین“ دا مطالعہ کردے سن۔
ایس لئی ذکر نہیں کیتا جے ایہہ گل بغاوت ول جاندی اے تے عارف عبدالتین
پنجابی شاعری نوں بادضو تے پابند صوم و صلوة ثابت کرنا چاہندے سن۔ ایسے لئی
اوہناں وارث شاہ کولوں کئی بچا کے سنگھن وچ عافیت سمجھی اے۔ کیوں جے اوہتھے ”
بال ناتھ“ دا ڈیرہ سی۔ خطرہ سی جے اوہ عارف عبدالتین دے وی کن نہ پاڑ
چھڑے۔ اوہناں نوں مجدد الف ثانی ”نظر آئے جیہناں آکھیا سی :

”طریقت و شریعت عین یک دیگر اند، سرموئے از مخالف در میان ایشاں
واقع نیست“

(صفحہ 13۔ بحوالہ مکتوبات شریعت)

عارف عبدالتین ایہہ حوالہ دیوں لگیاں خورے ایہہ کیوں نہیں سوچیا جے
مجدد صاحب والا تصوف پنجابی شاعری وچ کدھرے نظر نہیں آندا۔ پنجابی دے شاعر
تاں بلھے شاہ تے شاہ حسین سن۔ اک شکاری سی تے دو جا ملا متی۔ نہ شکاری مزا ناں
اے تے نہ ملا متی مزا اوہلا اے، دوویں فکر دے ناں ہن، جیہناں دا عارف

عبد المتین ذکر تیک نہیں کیتا۔ عارف عبد المتین ابن عربی دی فکر دا خلاصہ ایسہ بیان کیتا اے :

”ابن العربی (ابن عربی) دے خیال موجب خداوند تعالیٰ کائنات دے ذرے ذرے وچ اپنا جلوہ ظاہر کردا اے ، تے قدرت تے انسان اوہدے وجود نوں شیشے ہار دکھاندے نیں ابن العربی (ابن عربی) کثرت تے وحدت نوں ایس پاروں ذات احد دیاں دو سمتاں قرار دیندا اے اوہ انسان نوں خدا دی مثال قرار دیندا اے تے خدا نوں انسان دی روح متحدہ اے۔ ابن العربی (ابن عربی) اللہ دی معرفت نوں انسان دی حیاتی دا مقصد قرار دیندا اے ، کیوں جے اوہدے خیال موجب جد تیک سریر باقی اے ، خدا دا مکمل ملاپ ممکن نہیں۔“ (ص 22 - 21)

عارف عبد المتین دیاں ایسہ گلاں کدوں تیک ابن عربی دے افکار دا خلاصہ نہیں آتھیں ایس ویروے دی گنجائش نہیں ، پر اپنی گل دا ذکر ضروری اے جے اوہناں نہ تاں ابن عربی کوں حقیقت محمدیہ دا مفہوم سمجھن دی کوشش کیتی اے تے نہ ای اوہناں ”فصوص الحکم“ وچوں فص محمدیہ سمجھن تے پڑھن دا جتن کیتا اے۔ ایسے لئی اوہ عشق رسولؐ تے عورت نال ساڈے شاعراں دے پیار دی فکری تے مابعد الطبیعی بنیاد نوں نہیں سمجھ سکے۔ ایسے گلے اوہناں بلھے شاہ تے خواجہ فرید دی خالص محبت دی شاعری دا ذکر گول کر چھڈیا اے۔ عارف عبد المتین صوفیاں بارے ایسہ گل کم دی کیتی اے جے صوفیاں نے اپنے فکر تے فلسفے نوں فن بنایا اے۔ اوہ لکھدے نیں

”صوفی شاعراں نے اپنے ڈونگھے فلسفیانہ وچاراں نوں منطق تے دلیل یاں وعظ تے پرچار دے غیر فنکارانہ حوالے دی تھاں حسن تے جمال دے فنکارانہ حوالے نال پیش کیتا اے۔“

(صفحہ 23 - 22)

ایسے طرح اوہناں صوفیاں دے انسان نال رشتے دی گل کردیاں ہویاں ڈھیر قیمتی گل کیتی اے :

”اوہناں دا انسان نال پیار ، آدرشی بنجرین دا مالک نہیں سی ، سگوں اپنے اندر حقیقت پسندانہ شادابی رکھدا سی ، اوہ انسان دے موضوعی تصور نال محبت نہیں

کردے ساہن ، سگوں انسان دے اوس معروضی وجود نال عشق کردے ساہن ، جیہڑا گوشت پوست دا حامل سی تے اوس مادی دنیا وچ حیاتی گزار رہیا سی۔“

(صفحہ 28)

ایسے انسان دوستی دے ناطے صوفیاں کول ماڑے ریتے ، ڈگے ہوئے انساناں نال پیار ملدا اے۔ اوہ بُبکیاں دی نفی کردے نیں۔ ایس طبقہ واری سماج دے نظریہ ساز عالماں دی نفی وی صوفیاں دا عمل رہیا اے۔ ایسہ گل سانوں بلھے شاہ تے دوجے شاعراں کول ملدی اے ، جیس نوں عارف عبدالمتین نے تفصیل نال پیش کیتا اے۔ ایسے طرح صوفیاں دے دھرتی نال پیار دا ذکر وی عارف عبدالمتین نے تفصیل نال کیتا اے پر عورت دا ذکر کیوں گول کر چھڈیا اے۔

مضمون دے اخیر لے حصے وچ اوہناں ایس صدی دے پنجابی شاعراں دا ذکر کیتا اے۔ پہلے تاں اک سو توں ودھ شاعراں دی فہرست دتی اے ، جیہدے وچ کافی سارے شاعراں دا ناں شاید مذاق نال لٹا گیا اے۔ ایس مذاق دی گل نوں چھڈ کے اگے اگے آں۔ اگے عارف عبدالمتین پنڈی صدی دے شاعراں کول انسان ، کائنات ، خدا تے محبوب دے رشتے نوں لبھن دا جتن کیتا اے۔ ایسہ اوہناں دا کمال اے جے اوہ قیوم نظرنوں صوفی بنا چھڈ دے نیں۔ صوفی بننا سوکھا نہیں۔ صوفی حیاتی تے انسان دے بنیادی مسئلاں اتے بحث کردا اے ، جیہڑا قیوم نظر دے وس دا روگ نہیں۔ ایس صدی دے شاعراں کول مابعدا لطیعات تے طبعیاتی دنیا غالب ہو جاندی اے۔ ایسہ صدی اقرار دی نہیں انکار تے شک کرن دی صدی اے۔ ایس نہ تاں روایتی صوفی شاعراں وانگ محسوس کر سکنے آں تے نہ ای خدا ساڈا انج موضوع رہیا اے۔ صوفی شعراں دا مرکزی مسئلہ موت سی تے اجو کے دور دا مرکزی مسئلہ حیاتی اے۔ عارف عبدالمتین ایس بنیادی فرق دا خورے کیوں ذکر نہیں کردے۔ روایتی شاعر دھرتی نال پیار کردا سی تے عورت دے حوالے نال یاں موت دے حوالے نال۔ اجو کے دور دے شاعر کول عورت جمال دا مظہر نہیں جیہڑی صوفی شاعراں کول سی۔ ساڈے دور دے شاعراں کول عورت کرب زدگی دی نمائندہ اے تے اقدار دی موت دا مظہر۔ دکھی ، وابھٹی جیہڑی احمد راہی کول دسدی اے۔ پرکھ پڑچول دا دوجا حصہ قدیم تے کلاسیکل شاعراں بارے وقف اے۔ ایسہ

گل منی پر منی اے جے پنجابی دے کلاسیکل شاعر مرے شاعر ای نہیں سن ، اوہ صوفی وی سن۔ اوہناں تصوف دی فکری روایت نوں اپنی شاعری وچ محسوس کیتا اے۔ بابا فرید ، بلھے شاہ ، شاہ حسین ، ہاشم شاہ ، سلطان باہو یاں خواجہ فرید ، ایسہ سارے شاعر صوفی روایت وچ بنجے ہوئے تے عوامی وی ہے سن۔ اینہاں کول تصوف دا محاورہ اے۔ اوہ تصوف دے محاورے وچ اپنے کرب دا اظہار کردے نیں۔ عارف عبدالتین دی کتاب دا دو جا حصہ صوفی شاعراں دے مطالعے لئی وقف اے جیدے وچ ست شاعراں بارے اٹھ مضمون شامل نیں۔ ہاشم شاہ بارے دو مضمون کتاب وچ شامل نیں۔ ایسہ مضمون اینہاں شاعراں بارے چنگا تعارف تاں ہن کوئی ڈو نگھا مطالعہ نہیں۔ اوہناں دے ایسہ مضمون عمومی نوعیت دے نیں۔ ایہو اینہاں دی خوبی اے تے ایہو خالی۔ ایسہ ایسے عمومی نیں جے اینہاں وچ نویں معنویت تلاش کرنی ممکن نہیں۔

صوفی شاعراں نوں عارف عبدالتین نے صوفی ثابت کر دتا اے۔ ہن بھلا کوئی کیہ اختلاف کرے گا۔ کون کہوے گا جے بابا فرید شریعت پسند صوفی شاعر نہیں سی یاں شاہ حسین کول عوامی رنگ نہیں یاں بلھے شاہ دا کلام انسانی روح دی پکار نہیں ، علی حیدر یاں ہاشم شاہ صوفی شاعر نہیں سن یاں خواجہ فرید ابن عربی دا مفسر نہیں سی۔ جے ایسہ گل کوئی نہیں آکھ سکدا تے فیر عارف عبدالتین پنجابی دے وڈے نقاد نیں۔ اوہناں دے سارے دعوے سچے تے پکے نیں۔ جے اوہ عنوان بدل دی دیون تے فیروسی گل چھی رہوے گی۔ اوہ بابا فرید نوں عوامی شاعر آکھن یاں کسے ہور نوں شریعت پسند صوفی دس تے پھیر وی گل غلط نہیں ہووے گی۔ اصل گل ایسہ وے جے اوہناں کلاسیکی شاعراں بارے تنقیدی مضامین لکھے ای نہیں بس تعارف کرایا اے تے چنگا تعارف کرایا اے۔ ایسے لئی اوہناں ہر مضمون وچ شاعر دے حالات زندگی دے کسے فیر شاعر دے دور بارے اک جھات پائی تے پھیر اوہدے کلام دا مختصر جائزہ پیش کیتا اے ، بیر اکم از کم بی ۔ اے دے طالب علم دے ضرور کم آ سکدا اے۔ کیوں جے نقاد نے صرف سامنے دیاں گلاں کیتیاں نیں۔ اوہناں تصوف دے محاورے وچ کیتی گئی شاعری وچ سماجی شعور لبھن دی کوشش نہیں کیتی۔ ایسہ منی یر منی گل اے جے تصوف دے محاورے وچ ہون والی شاعری دے کچھ وی انسان

تے اوس دا سماجی شعور سی۔ بابا فرید دا کلام بے شک شریعت تے تصوف دا اکٹھ اے ، پر اوہناں دے کلام دی لفظالی ، ہجرتے وچھوڑے دا احساس ، انتظار دی شدت ، دکھ دا عام ہون ، موت دا تذکرہ ، بڑھے وارے دا ذکر تے ہور مسئلے رزا صوفیانہ تجربہ ای نہیں ، فکری مسئلہ ای نہیں تے اک سماجی مفہوم وی رکھدے نیں۔ بابا فرید کول موت دا ذکر عام اے۔ اوسدے پس منظر وچ ایہہ حدیث وی اے۔

”لذتاں نوں ختم کرن والی (موت) دا ذکر بہتا کیتا کرو۔“

ایس توں دکھ ایس دا اک تاریخی تے سماجی مفہوم وی اے۔ اوہناں دے لہجے دا وی اک سماجی مفہوم اے۔ ایویں تاں لہجہ نہیں بندا۔ لاطینی امریکا یاں افریقہ وچ جدوں آزادی دی تحریکاں چلیاں تاں موسیقی دے سُراں وچ تبدیلی آئی تے پھیر تاریخی واقعات تے حالات شاعر دا لہجہ مرتب کرن وچ کوئی کردار ادا نہیں کردے۔ کج من لویے اینہاں گلاں دا ذکر عارف عبدالمتین کول کیوں ہون لگا سی۔ اوہ تاں رزا تعارف کرا رہے نیں۔

عارف عبدالمتین نے بابا فرید دی شاعری وچوں انسان دوستی وی تلاش کیتی اے۔ اوہ لکھدے نیں:

”مٹی بارے بابا فرید دے ایس رویے توں صاف ظاہر اے پئی اوہ دھرتی تے دھرتی واسیاں دی قدر پہچان دے نیں۔“ (ص 68)

ایہہ گل عمومی نوعیت دی اے۔ اپنی عمومی جے معنیاں توں خالی۔ یعنی IT IS TOO GENERAL TO BE MEANINGFUL پر ایس گل نوں ضیاء الدین برنی دے آکھے دے تناظر وچ دیکھیے تے معنی کھل جاون گے اوہ لکھدے نیں:

”اگر بادشاہ سفلوں ، کم طرفوں ، مفردوں ، سپاہیوں ، تالافتوں ، تالہوں ، سوداگروں ، دکانداروں ، مسخروں اور بد اصل لوگوں سے بات کرے گا تو وہ شہت بادشاہی اور ہیبت کو خود اپنے ہاتھ سے تباہ کرے گا۔“

(ضیاء الدین برنی ، تاریخ فیروز شاہی ، صفحہ 85)

ایہہ گل پڑھ کے بابا فرید دے کلام دل جہات پایے تے دیکھیے اوہ کیہ کہہ رہے نیں۔

فریدا خاک نہ نندیے ، خاکو جیڈ نہ کوء
 جیوندیاں پیراں تلے ، مویاں اُپر ہوء

فریدا خالق خلق میں ، خلق دے رب مانہ
 مندا کس نوں آکھیے جاں تس بن کوئی نانہ
 صوفیاں دے کول عشق دا لفظ وی اک سماجی مفہوم رکھدا اے۔ عشق دا
 مفہوم ابتدائی تاریخ اسلام وچ نہیں سی تے پھیر کدوں آیا تے کیوں آیا۔ اصل وچ
 جدوں جماد دا مفہوم وگڑیا تے صوفیاں زندگی دا اُمدھلا اصول جماد دی بجائے عشق نوں
 قرار دتا۔ کیوں جے اوہ جاندے سن جے جماد دا لفظ بادشاہواں دا ہتھیار بن چکیا
 اے۔ ایس نوں بادشاہواں کولوں کھوہ لین ڈھیر اوکھا اے۔ صوفیاں نے شہر دی
 تھانویں جنگل تے جماد دی تھانویں عشق نوں جیڑی اہمیت دتی اوس دا پس منظر ایہہ
 سی جے صوفیاں بادشاہت دے ادارے دے سانجھی بن توں گریز کر رہے سن۔ ایہہ
 گل بابا فرید کول ویکھی جا سکدی اے۔ اک پاسے اوہ جنگل دی گل کردے نیں تے
 دوجے پاسے عشق دی۔ اوہ موت دی گل کر کے تے اوس نوں اٹل حقیقت منوا کے
 دوجیاں کولوں جیون کھوہ لون دی منڈیا کردے نیں ، پر عارف عبدالمتین تعارف توں
 اگے نہیں ودھ سکے۔

عارف عبدالمتین ایہہ گل جاندے نیں جے شاعری دیاں رمزاں تے علامتاں
 سماجی زندگی دی تعبیر تے تصویر لئی ورتیاں جاندیاں نیں۔ ایسے لئی اوہ لکھدے نیں :
 ”جھوک ، جوہ ، چرخہ ، کھاری ، تاناں باناں ، تند ، چھلی امیرن ، تلی ، سوئی
 دھاگا ، پونی تے ہور ایہیے ڈھیر سارے لفظ اپنی رمزیت نال شاہ حسین دے کلام
 وچ ظاہر ہوندے نیں تے عوام دی سماجی زندگی اتے روشنی پاندیاں ہویاں سوچ وچار
 دے کئی دروازے وی کھول جاندے نیں۔“

(صفحہ 73)

ایہدے مگروں عارف عبدالمتین شاہ حسین کولوں تصوف لہجن رُردے نیں۔
 اوہ وحدت الوجود لہجہ دے نیں تے صوفی رویہ۔ ایہہ بھلا کوئی نویں گل اے۔ ہر بندہ
 جہاندا اے جے برصغیر دیاں ہواواں وچ وی تصوف ہے سی تے ہُن وی ہے کوئی بندہ

انہی واہ لفظاں نوں ہتھ مارے تے اوس نوں لفظاں وچ تصوف مل جاوے گا یاں
تصوف بھرے لفظ ملن گے۔ کم دی گل تاں ایہہ وے جے ایناں صوفی شاعراں
دے صوفی محاورے وچ لکے ہوئے تاریخی تے سماجی شعور دی بھال کیتی جاوے۔ جے
ایہہ کم نہ کرنا ہووے تے فیر تصوف دے فکر نوں ای نہ کھولیا جاوے۔ تصوف اک
تھائیں روحانی تجربہ اے۔ اک تھائیں عالمی فکری تحریک تے اک تھائیں فقہاء دی
مختی دار عمل تے کسے تھیں اوس احسانی کیفیت دا حصول جیہڑا حدیث جبریل وچ مذکور
ہویا اے۔ اک سطح تے ایہہ وحدت ادیان تے وحدت انسانی دی فکری اساس اے
پر عارف عبدالمتمین تصوف نوں صرف سطحی طور تے دیکھدے نیں۔ ایس دی
ڈونگھائی ول جاوون توں گریز کردے نیں۔

خواجہ غلام فرید کول عشقیہ شاعری اپنی معراج تے نظر آوندی اے۔ اوہناں
کول عشق دی فکری اساس وحدت الوجود دی صورت وچ موجود اے۔ خواجہ غلام
فرید نے اپنے عشق دے تجربے نوں وحدت الوجود تے ابن عربی دے افکار نال ملا
کے اک نویں ذائقے دی شاعری کیتی اے تے دنیا بھر دی عشقیہ شاعری وچ اپنا آپ
منوایا اے۔ خواجہ غلام فرید دے وحدت الوجودی فکر دا ذکر عارف عبدالمتمین انج
کردے نیں:

”اوہناں نے اپنے ہمہ اوستی مسلک نوں بیان کردیاں ہویاں بت پرستی تے
گناہ بارے اپنے ایسے خیالات دا اظہار کیتا اے جیہڑے سانوں اچن چیت ابن عربی
دے وچاراں ول لے جاندے نیں۔“

(صفحہ 127)

عارف عبدالمتمین خواجہ غلام فرید دی شاعری دا ذکر وی کردے نیں تے ابن
عربی دے فکر دی گل وی کردے نیں، پر اوہ نہ تاں خواجہ فرید دی شاعری وچ
عورت بھدے نیں، نہ ای ابن عربی دے فکر وچ ابن عربی دی ”فصوص الحکم“ دی
فص محمدیہ وچ ایہہ گل سامنے آندی اے جے:

”عورت اللہ تعالیٰ دی صفت جمال دی مظہر اتم اے۔“

ایسے طرح خواجہ غلام فرید دی شاعری وچ عورت بھدی اے۔ روہی دی
عورت، اپنے رنگاں تے جمال سمیت، اپنے روہی دے متاظر وچ۔ اوس روہی وچ،

جیس بارے عارف عبد المتین لکھدے نیں :

”خواجہ فرید روہی دے ریتلے علاقے دا ذکر بڑے البیلے انداز وچ کردے نیں ، روہی جے اک پاسے خواجہ فرید دے کلام وچ وحدت دا نشان بن کے ابھر دی اے تے دوجے پاسے اپنی دھرتی نال اوہناں دے گُوڑھے پیار دا ثبوت وی مہیا کردی اے۔“

(صفحہ 130)

خورے کیٹری وجہ نال عارف عبد المتین نے روہی دے نال نال نازک نازک جٹیاں دا ذکر نہیں کیتا۔ دلاں دا شکار کرن دی گل کیوں نہیں کہیتی ، کیوں چپ رہے تے خواجہ فرید دی محبوبہ دا ذکر نہیں کیتا۔ محبوبہ دے ذکر توں بغیر شیخ اکبر ابن عربی دی اپنی ”ترجمان الاشواق“ دا مفہوم متعین نہیں ہوندا۔ اوہناں دی فکر محبوبہ توں بغیر نامکمل اے۔ پھیر اوہناں توں متاثر ہون والے شاعر کول محبوبہ نہ ہووے یاں نقاد گول کز دیوے تے ایسہ گل کنج توڑ چڑھے گی جے خواجہ فرید ابن عربی کولوں متاثر سن۔ ابن عربی دے مفسر عبدالکریم الجلی کول عشق روحانیت دا لازمہ ہے تے پھیر خواجہ فرید دی شاعری دے ذکر وچوں محبوبہ نوں غائب کرن دا کیہ معنی اے۔

عارف عبد المتین نے ہاشم شاہ دی ”سسی پنوں“ دا فنی تجزیہ کردیاں ہویاں سٹانج کڈھیا اے :

”ہاشم شاہ نے ایس نوں دوہڑیاں دے روپ وچ تخلیق کیتا اے جیڑے رنگتی وچ کل اک سو چوی نیں۔ دوہڑے دی ہیئت کیوں جے ہاشم شاہ دے مزاج نال بڑا لگا کھاندی اے ، ایس واسطے ایسہ گل چوکھے اعتماد نال کسی جا سکدی اے پی جے کر اوہ سسی پنوں دا قصہ بیان کرن لئی دوہڑے دی بجائے کسے ہوز فارم نوں چنندے تے اپنے مقصد وچ غالباً“ ایسے کامیاب نہ ہو سکدے ، جنے اوہ جُن نظر آوندے نیں۔“

(صفحہ 109)

ایسہ فن بارے گل اے ، پر ایسہ وی عام جیسی گل اے۔ عارف عبد المتین ایس دی تشریح نہیں کردے نہ ہاشم شاہ دے مزاج دا راز کھولدے نیں تے نہ ای دوہڑے دا مزاج دسدے نیں۔ اوہ تاں ایسہ وی نہیں دسدے کہ ہاشم تے دوہڑے

دا مزاج کج اک دو جے نال لگا کھاندے نیں۔ ایسے طرح دیاں عام گلاں بلجے شاہ بارے عارف عبد المتین دے مضمون وچ موجود نیں، 'بیہناں دی نہ تاں تردید کیتی جا سکدی اے تے نہ ای اوہدے وچ کوئی نویں معنویت ملدی اے۔ اوہ لکھدے نیں

”اوہ توحید الٰہی نوں بڑی جذباتی شدت نال پیش کردے نیں۔ اوہناں دے کلام وچ سانوں توحید دا محض نظریاتی، فکری تے جامد قسم دا اظہار نہیں ملدا، سگوں ایہدے الٹ محسوساتی تے جذباتی سطح اتے بڑا متحرک قسم دا ابلاغ لہندا اے۔“
(صفحہ 91)

ایس گل دے نیزے تیزے دی گل علی حیدر بارے اوہناں دے مضمون وچ وی ملدی اے۔ اوہ علی حیدر دے عشق بارے لکھدے نیں۔

”ایسہ گل بڑے یقین تے بغیر کسے مبالغے دے کسی جا سکدی اے پئی اوہ عشق حقیقی نوں عشق مجازی دے روپ وچ پیش کرن دے لحاظ نال دو جے سارے پنجابی صوفی شاعراں کولوں نمایاں نیں تے ایہو وجہ اے پئی اوہناں دے کلام دا حیاتی پہلو اوہناں دے فکری پہلو اتے غالب آ کے اوس نوں اوہ جمالیاتی تاثیر عطا کر دیندا اے جیہڑی ساڈے ایس قبیل دے باقی فنکاراں دے فن دا مقدر نہیں بن سکی۔“

(صفحہ 103)

بلجے شاہ دے عشق نوں محسوساتی سطح تے جذباتی سطح تے متحرک فن توں بعد علی حیدر دے عشق دے حیاتی پہلو دی اہمیت مندے نیں۔ پڑھن والا حیران اے جے بلجے شاہ تے علی حیدر دا عشق اکو طرح دا ہے تے فیر کس طرح عارف عبد المتین علی حیدر دے عشق نوں منفرد کہہ رہے نیں۔ سچی گل ایہہ وے جے بلجے شاہ تے خواجہ غلام فرید کول عشق دیاں جیڑیاں سطحاں ملدیاں نیں اوہ علی حیدر دے وس دی شے نہیں ہو سکدیاں۔ ایہہ دکھری گل اے جے عارف عبد المتین اکو لاشی نال سب نوں ہک دیون۔ اوہناں دے تبصریاں دی عمومیت ویکھ کے اوہ مطمئن یاد آندے نیں، 'جیہڑے ہر طرح دے پرچیاں نوں تقریباً" اکو جنے نمبر دے چھڈ دے نیں۔

ہاشم شاہ بارے عارف عبد المتین دے مضموناں وچ کجھ تازگی ملدی اے۔

اودہ ہاشم شاہ بارے اک جگہ نو یکلی گل وی کردے نیں۔

”اودہ (ہاشم شاہ) انسانی روح دے مسلیاں نوں حل کرن ائی کے نائنٹھی تے انفرادی تمپیا دے نظریے دا پرچار نہیں کردے، سگوں ایسے الٹ اودہ مابعد الطبیعیاتی مسلیاں نوں طبعی تے سماجی زندگی دے حوالے نال حل کرن دی کوشش کردے نیں۔“

(صفحہ 119)

اصل گل ایسہ وے جے مابعد الطبیعیاتی فکر رکھن والے لوکاں کول وی طبعیاتی زندگی دا شعور ہوندا اے۔ اودہ زندگی نوں مابعد الطبیعیاتی رخ دے کے حقیقت اولیٰ نال ملا دیندے نیں تے سماجی مسلیاں نوں مابعد الطبیعیاتی حوالیاں نال انج حل کردے نیں جے طبعیات تے مابعد الطبیعیات اک رک ہو جاندیاں نیں۔ اصل وچ مسلمان غیب تے شہود وچوں کسے شے دا انکار کر ہی نہیں سکدا۔ اودہ غیب تے شہود نوں رلا ملا کے زندگی دا کل بناندا اے۔ اودہ شیواں نوں اک وڈی سچائی دا حصہ مندا اے تے جیون نوں ٹکڑیاں ٹوٹیاں وچ نہیں TOTALITY وچ ویکھدا اے۔ ایس طرح کوئی مابعد الطبیعیات سماجی شعور توں خالی نہیں ہوندی۔ شاہ وہاج الدین نے ”الکف والرقیم“ دے دیباچے وچ لکھیا سی جے روایتی ادب وچ انفس تے آفاق دودیں موجود ہوندے نیں یعنی ذکر تے فکر دودیں ہوندے نیں۔ بس آفاق تے انفس تے فکر تے ذکر غالب ہوندے نیں۔ ایس طرح روایتی ادب مابعد الطبیعیاتی ہوندا اے، پر سماجی شعور توں خالی نہیں ہوندا۔ ایس سماجی شعور دی تلاش نقاد دی ذمہ داری ہوندی اے، پر عارف عبدالمتین نے ایسہ ذمہ داری بھاون دی کوشش نہیں کیتی۔

تصوف دی فکری روایت دا اک عالمی تے کائناتی حوالہ وی ہمیش موجود رہیا اے۔ ایسہ عالمی حوالہ کسے فنکار دے فن پارے نوں اک ابدیت تے آفاقیت دے دیندا اے۔ عارف عبدالمتین نے ایسہ ابدی تے آفاقی عناصر تلاش کیتے نیں پر اپنی تجریدی (abstract) زبان وچ بیان کیتے نیں جے ایسناں عناصر نوں ایس زندگی آمیزیاں زندگی آموز نہیں کہہ سکدے۔ عارف عبدالمتین نے صوفی شاعراں دا مطالعہ کردیاں ہوياں نقاد دی زبان ورتن دی تھانویں اک استاد والجہ اختیار کیتا اے، ”بیرہ طالب علمان لئی اک تاں ہر گل سادہ کردا اے تے دوجے ہر گل دا صرف

سوکھا پاسا بیان کردا اے تے مشکل پاسا اوہناں دی ہمت تے چھڈ دیندا اے۔

اوہناں ”پرکھ پڑچول“ دے نتیجے جے وچ اپنے پنج پیشرو شاعراں دا ذکر کیتا اے۔ ایہہ پنج شاعر نیں:

”استاد کرم، مولا بخش کشتہ، پیر فضل گجراتی، ڈاکٹر فقیر محمد فقیر تے حکیم

ناصر.....“

عارف عبدالتین ایہناں شاعراں دا تذکرہ تے تجزیہ رلا ملا دتا اے۔ ایس کتاب دے دوجے حصے وچ قدیم شاعراں دا تذکرہ تے تعارف سی۔ اوہ پیشرو شاعراں دا احترام کردے نیں۔ اوہ تنقید کولوں صرف تعریف دا ای کم لیندے نیں پرکتے کتے فن بارے ایہو جیہہ نکتے دس جاندے نیں جے اسیں اوس نوں تجزیہ کن تے مجبور ہو جاندے ہاں۔ عارف عبدالتین اپنے اک پیشرو استاد کرم امرتسری دے فن بارے کہندے نیں۔

”انج چاپدا اے جویں چورگے نال استاد کرم دے مزاج نوں خاصی مناسبت اے۔ چورگا لکھدیاں ہویاں اوہدا پورا شعری وجود متحرک ہو جاندا اے، جذبے تے خیال گل وکڑیاں پان لگ پیندے نیں تے اوہدا درد مند دل سوچاں دے ڈونگھے سمندر وچ اتر کے جندڑی تے جک دی معرفت دے چٹے موتی لبھن لگ پیندا اے۔“

(صفحہ 133)

ایسے طرح اوہ پنجابی شاعر دا ذکر کردے ہوئے اوس دا اردو شاعراں نال تقابلی وی کردے نیں۔ تقابلی دا ایہہ مطلب تاں کدی وی نہیں ہوندا جے اوہ پہلواناں وانگ دو شاعراں دی کشتی کرواؤن۔ اوہ اک شاعر نوں دوجیاں دے آئینے وچ ویکھن دا جتن کردے نیں۔ ایہی تقابلی تنقید دا منصب اے۔ اوہ مولا بخش کشتہ دی غزل گوئی دا ذکر کردیاں ہویاں لکھدے نیں۔

”اوہناں نے اک پاسے اوس تحریک کولوں اثر قبول کیتا جیہڑا کر نل ہارائیڈ، مولانا محمد حسین آزاد تے مولانا الطاف حسین حالی لبور وچ مل کے اردو شاعری وچ چلا رہے ساہن تے نویں نظم دی نینہ رکھ رہے ساہن تے دوجے پاسے پنجابی شاعری وچ غزل دی صنف نوں فروغ دین دا جتن کر رہے ساہن، جیہڑی ایدے وچ نال

(نہ) ہوں برابر سی۔“

(صفحہ 140)

عارف عبدالمتمین نے ایس پیرا گراف وچ جیس قسم دا تقابل کیتا اے۔ حتیٰ گل ایسہ دے جے تقابلی تنقید ایسہ کچھ ہوندی اے۔ اوہناں ایس پیرے وچ انجمن پنجاب دی نظم گوئی تے مولا بخش کشتہ دی غزل گوئی دا فرق وی دیا اے تے مولا بخش کشتہ دا ایس انجمن دی شاعری توں اثر قبولن دا ذکر وی کیتا اے تے اگے چل کے ثبوت نال ایس دعوے نوں پکیاں کیتا اے۔ اوہناں ثابت کیتا اے جے مولا بخش کشتہ دی شاعری وچ فطرت نگاری وی ہے تے حب الوطنی وی۔ ایسہ دوویں گلاں انجمن پنجاب دی نظمیں دی خاص صفت سن۔ ایس لئی ایسہ گل منی جا سکدی اے جے مولا بخش کشتہ انجمن پنجاب دی تحریک توں متاثر سن۔

عارف عبدالمتمین کتے کتے تجزیہ کردے کردے شاعر کولوں نو یکلے پن دی منگ وی کردے نیں۔ اتھے اوہ کلاسیک دے ساہنے آکھلون دے نیں۔ ایسہ گل عارف عبدالمتمین نوں رومانوی تنقید دے نیڑے لے جاندی اے۔ اوہ تاثراتی نقاد نیں تے تاثراتی نقاد کچھ نہ کچھ رومانوی ضرور ہوندا اے۔ کیوں جے رومان اک پاسے کلاسیک دا رد اے تے دوجے پاسے فرد دا اقرار اے۔ تاثراتی نقاد دا رویہ موضوعی جمالیاتی ہون پاروں رومانوی ضرور ہوندا اے۔ عارف عبدالمتمین کول تاثراتی تنقید عام اے تے کتے کتے اوہ رومانویاں وانگ نو یکلے پن دی بھال وی کردے نظر آندے نیں۔ اوہ مولا بخش کشتہ بارے لکھدے نیں۔

”اسیں دیکھدے ہاں پئی اوہناں دی پنجابی غزل اتے فارسی تے اردو دی روایتی غزل دا رنگ چوکھا نظر آوندا اے۔ اوہ کئی تھانواں توں ایسے شعر گھڑدے نیں، جیرے اوہناں دی انفرادی سوچ تے فکر دا نتیجہ نہیں ہوندے، سگوں سنے سنائے پیش پا افتادہ تے گھسے پٹے خیالاں دے حامل ہوندے نیں۔ اوہناں وچ سانوں کوئی عشقیہ شعری کیفیت دکھائی نہیں دیندی تے اوہ صاف فارسی تے اردو غزل دی اوس روایت توں اکتساب دی چغلی کھاندے نیں، جیہدے اتے اردو تے فارسی شاعری نوں وی کوئی فخر یا ناز نہیں۔“

(صفحہ 146)

عارف عبدالمبین نے جتنے کوئی انفرادیت تلاش کر لی اے تے اوس دا کھل کے اظہار کیتا اے۔ اوہناں ڈاکٹر فقیر محمد فقیر دی عمل پسندی نوں کھل کے داودتی اے تے اوہناں دی ایس عمل پسندی دا کھوج وی لایا اے کیوں جو اوہ مزے پڑے رومانوی نہیں اوہ اصلی ترقی پسند نہیں۔ رومانویت تاں تاثراتی نقاد ہون پاروں اوہناں وچ آئی اے۔ اوہناں فقیر محمد فقیر دا اقبال نال رشتہ جوڑ کے اوس دی حرکت پسندی دے جذبے دا اظہار دیا اے۔

عارف عبدالمبین اپنے پیشرو شاعراں دا کھل کے تجزیہ کرن دی کوشش کیتی اے۔ پر اوہ شریف آدمی نیں تے شریف آدمی کھل کے پتہ نہیں کیوں گل نہیں کردے۔ مظفر علی سید نے ریاض احمد بارے لکھیا سی تے ایسہ عارف عبدالمبین بارے وی سچ لگ رہیا اے۔

”پڑھے لکھے آدمیوں کو اتنا شریف بھی نہیں ہونا چاہیے کہ اپنے دماغ سے کام نہ لے سکیں۔ اس لیے ریاض صاحب کی مثال میرے لیے نقاد کی نیک نفسی اور فراخ دلی کی مثال نہیں بن سکتی، غلط بخشی اور عبرت انگیز فضول خرچی کی مثال بن سکتی ہے۔“

(مظفر علی سید، تنقید کی آزادی، صفحہ 98)

عارف عبدالمبین اپنے پیشرو ہم عصراں نوں اوہناں دے تاریخی تناظر وچ دیکھن دی کوشش کیتی اے۔ ایسے لئی اوہناں دے سوانحی کوائف دتے گئے نیں۔ تاریخ تے سماج تاں اوہناں دا رشتہ جوڑیا گیا اے۔ اصل وچ ہر لکھن والا تاریخ اگے جوابدہ اے۔ کجھ ادبی منشاں تاریخ نوں آسانی نال ریکارڈ کر سکدیاں نیں جیویں ناول وغیرہ۔ کجھ منشاں تاریخی واقعات نوں ریکارڈ نہیں کر سکدیاں۔ اوہ تاریخ نوں علامتاں راہیں محفوظ کردیاں نیں جیویں غزل اے۔ غزل وچ تاریخ نوں ریکارڈ کرن دی گل ناممکن نوں چھوہن دی کوشش اے۔ ایس وچ صرف ویلے دی روح دا ذکر کیتا جا سکدا اے، واقعیات دا ویروا ممکن نہیں۔ شبلی نعمانی تے ظفر علی خان سیاسی واقعیات نوں نظم کیتا۔ ایسے طرح پنجابی دے بہت سارے شاعراں سیاسی واقعیات نوں نظم کیتا۔ ایس ضمن وچ کئی ناں آندے نیں۔ اینہاں دیاں دو قسماں نیں۔ اک قسم اوہناں شاعراں دی اے جیہناں ٹھہر ٹھہر کے گل کیتی تے ادب دے وزن

تے وقار نوں قائم رکھیا۔ اینہاں وچ استاد کرم امرتسری شامل سی۔ دو جے پاسے کئے سارے قصہ گو آندے نیں، جیہناں اپنے تیز تے کاہلے لہجے وچ نظمیں لکھیاں، جیہڑیاں اوہی کاہلی دنیا توں رُگیاں جی کاہلی پڑھیاں گئیاں۔

اوہناں ایس مضمون وچ استاد کرم دی ہنگامی شاعری دا انصاف تے دیانت نال جائزہ لٹا اے تے دسیا اے کہ استاد کرم دی شاعری کیوں زندہ رہون جوگی اے۔ آخر ہنگامی مسلیاں تے لکھے گئے سینکڑاں قصے تے نظمیں کیوں مر گئے۔ اوہناں استاد کرم دی شاعری دی معنویت لہجی اے کہ اوہناں دیاں نظمیں ”ہن اسلام محول ہو گیا“ ایسہ کشمیر دی پنڈ بلا کیہ اے، تے مسجد شہید گنج“ وانگر دیاں نظمیں کیوں آج وی اک مفہوم رکھدیاں نیں تے رٹا کڈھیا اے۔

”استاد کرم نے جگ جیتی نوں ہڈ جیتی، معروضی حقیقتاں نوں موضوعی سچائیاں تے کائناتی غم نوں ذاتی دکھ دا چولا پوا کے بڑے دڈے باکمال، تاثراتی شاعر ہون دا ثبوت دتا اے۔“

(صفحہ 133)

عارف عبدالمیتن دی نظر وچ شاعری صرف معروضی حقیقت دا اظہار نہیں، ایہدے وچ موضوعیت دا ہون وی ضروری اے۔ شاعری رزا پُرا مشاہدہ ای نہیں، مجاہدہ وی اے۔ شاعری رزی حقیقت ای نہیں خواب وی اے۔ گویا شاعری معروضیت تے موضوعیت دا اتلاف (SYNTHESIS) اے۔ شاعر دا جدل کائنات، حیات تے ذات دے ہر گوشے نال ہوندا اے پھیر شاعری وجود وچ آوندی اے۔ ایسے لئی عارف عبدالمیتن نے حکیم ناصر دی شاعری وچ محبت تے طاقت دا (SYNTHESIS) لہجیا ہے۔ عارف عبدالمیتن نے حکیم ناصر بارے مضمون وچ محبت تے طاقت نوں ازل تے ابدی مظہر نیا اے۔ اساڈا خیال اے کہ اک ترقی پسند ہون پاروں اوہناں لئی اینہاں دوواں چیزاں دا اقرار ضروری وی سی تے مفید وی۔ کتاب دے چوتھے حصے وچ عارف عبدالمیتن نے اپنے ہم عصر شاعراں بارے وسیع مضمون شامل کیتے نیں۔ ہر مضمون کے شاعر دی کے اک کتاب بارے اے۔ ایہ مضمون یاں تاں کے کتاب دا خصوصی مطالعہ نہیں یاں کے کتاب بارے تقریب وچ پڑھن والے مضمون نیں۔ ایسے لئی اینہاں وچوں ڈونگھے تجزیے دی توقع فضول

اے۔

ایہناں مضموناں وچ تاثراتی تنقید ای مدی اے۔ عارف عبدالمتمین جسے نقاد جبرٹے اک ویلے وچ سائنسی سوچ تے مارکی فکر دے علمبردار رہے ہوں جدوں تاثراتی تنقید کردے نیں تے کدے کدے سماجی حوالہ وی لے آندے نیں۔ ایہ سماجی حوالہ کسے فن پارے وچوں طبقاتی حوالہ سمجھن تے رک جاندا اے۔ انج گدا اے جے اوہ پلیخانوف دی فکر توں آگے نہیں ودھے۔ اک زمانے وچ مارکی ادیب ادب بارے ایہ گل بار بار دہرائندے سن جے پیداواری قوت تے پیداواری رشتیاں نال سماج دا بنیادی ڈھانچا بند اے تے ادب 'مذہب تے اخلاق سماج دا بالائی ڈھانچا ہوندے نیں۔ ایہ بالائی ڈھانچا بنیادی ڈھانچے توں متاثر ہوندا اے۔ ایس طرح مارکی دانشور حیاتی تے اوس دے مظاہر نوں اک اکائی دے روپ وچ دیکھدے نیں۔ عارف عبدالمتمین ایس طرح دی کوئی اکائی بناون دی کوشش نہیں کیتی۔ اوہناں صرف ادب وچوں طبقاتی حوالہ سمجھا اے۔ قدراں تے فنی قدراں دی گل نوں طبقاتی سماج نال جوڑن دا جتن نہیں کیتا۔ اوہ طبقاتی سماج دے مسیلاں نوں شاعر دے کلام وچوں ضرور بھدے نیں۔ جیویں اکبر کاظمی بارے لکھدے نیں۔

”اکبر کاظمی دے کلام نوں آویزش دی شاعری آکھیا جا سکدا اے۔ آویزش جبرٹی اج دے طبقہ واری سماج وچ ظالم طبقے تے مظلوم طبقے دی جنگ دی شکل اختیار کریندی اے تے اوس غیر طبقہ واری سماج دے قیام لئی انقلاب دا دروازہ کھول دیندی اے جبرٹا ہر انصاف پسند شاعر دا من بھاؤ نا موضوع اے۔“

(صفحہ 317)

اوہ شریف کنجائی دی شاعری وچوں وی طبقاتی سماج دی آویزش سمجھ چکے نیں۔ اوہ لکھدے نیں۔

”شریف کنجائی ساری انسانیت نال محبت رکھدے نیں تے اوہی ترقی دے آرزو مند نیں۔ پر اوہناں دی محبت انھی نہیں، سگوں سمجھتی اے، تے ظالم تے مظلوم دے فرق نوں پہچاندی اے، ایہو وجہ اے پئی طبقاتی معاشرے وچ اوہ اپنی محبت نوں ایہہ روپ بخشدے نیں، پئی اوہ مظلوم وی حمایتی بن جاندی اے۔“

(صفحہ 190)

عارف عبدالمتمین جدوں شاعراں نوں تاریخی پس منظر وچ دیکھدے نیں تے اک سچے مارکسی وائگ شاعری تے تاریخ نوں اک دوجے دیشہ من کے شاعری وچوں تاریخ تے تاریخ دے حوالے نال شاعری دی معنویت سمجھدے نیں۔ اوہ اک سچے مارکسی وائگر امن نال پوری کمنٹ وی رکھدے نیں۔ ایسے لئی اوہ شریف کنجاہی دی شاعری دی معنویت انج تلاش کردے نیں۔

”شریف کنجاہی وی برصغیر دے ایسے مخلص، حساس تے سچے فنکاراں وچوں ساہن جیہناں نے جنگ دیاں تباہیاں تے بربادیاں نوں محسوس کیتا تے فن راہیں جنگ تے جنگ بازاں دے وحشی اقدامات دی زندیا کیتی۔“

اصل وچ جنگ بازی دا تعلق وی طبقاتی سماج نال اے۔ کیوں جے مہتیاں بھریا سرمایہ داری سماج اگے ودھ کے سامراج ہو جاندا اے تے جنگ اوس دی لوڑ ہو جاندی اے۔

عارف عبدالمتمین نے طبقاتی سماج دی اخلاقیات نوں شاعری وچوں دیکھیا اے۔ ایس گل نوں اک فرد دا ذاتی رویہ نہیں بنایا، اک طبقے دا مسئلہ بنایا اے۔ ایس طرح اوہ طبقہ واریت دے مختلف حوالے دیکھدے نیں تے اپنے قاری نوں دکھاندے نیں۔ جیویں اوہ جاگیرداری اخلاقیات بارے دسدے نیں۔

”احمد راہی نے جاگیردارانہ نظام دی اخلاقیات دے کھوکھلے پن نوں دوجے بند وچ کیویں بے نقاب کیتا اے تے دیا اے پئی قتل و قتل دے دوران وچ دھیاں نوں بے سہارا چھڈ کے نس آن والے ماپے کس طرح اوس ویلے اپنیاں جھوٹیاں آناں بچان دی فکر کرن لگ پیندے نیں، جدوں اوہ اوہناں دے بوہے آوندیاں تے اوڑک اپنے بوہے اوہناں اتے بند کر کے اپنی بتاؤٹی لاج دی حفاظت کردے نیں۔“

(صفحہ 220)

عارف عبدالمتمین اپنے عصر دے شاعراں کولوں سائنسی دانش تے سماجی سچائی سمجھدے نیں جیہڑی اک مارکسی دیاں بنیادی ضرورتاں ہن۔ ایسے لئی اوہ کئی تھائیں سماجی تے مارکسی تنقید دے حربے کامیابی نال ازماندے نیں، پر مینوں ایسہ گل بڑی

اچر ج گلدی اے جے اوہ دوجے مارکی دانشوراں وانگ جدلیات نوں ہتھ نہیں لاندے نہ تخلیق دی جدلیات نوں نہ تخلیق کار دی جدلیات نوں۔ جدلیات جیس دی مختصر تعریف انج کیتی جاندی اے جے شیواں نوں تسلسل وچ تے سارے حوالیاں نال دیکھنا۔

عارف عبدالتین کول سائنسی تے سماجی تنقید توں اڈ تاثراتی تنقید وی مددی اے، ایہہ تاثراتی تنقید جیڑی واہ واہ توں کجھ اگے اے پر بہتی اگے نہیں۔ ایس دی اک جھلک دیکھ لوئیے۔ اوہ لکھدے نیں۔

”ایہہ انمل خود اعتمادی تے سانی رجائیت پسندی آسانی نال حاصل ہون والیاں چیزاں نہیں ہن، کیوں جے اینناں تیک اپڑن لئی جیڑے مارو تھل لنگھنے پیندے نیں اوہناں وچوں اک تھل یاراں دے بے وفائی دا وی اے۔ دشمن پھر مارے تے بندہ پروا نہیں کردا پر جے دوست چھل دی مارے تے کلیجہ پھٹ جانا اے۔ کل دے منصور نوں یار نے پھل ای ماریا سی تے تیس جاندے او پئی اوہدا کیہ حال ہویا سی تے اج دے منصور نوں۔ یلیاں کولوں وٹے وجدے نیں۔ ذرا غور تے کرو پئی اوہدا کیہ حال ہوندا ہووے گا۔“

(صفحہ 318)

ایہہ گلاں عارف عبدالتین نے اکبر کاظمی دے بارے لکھیاں نیں تے منصور دا حوالہ انج آیا اے جے اوسدی کتاب دا ناں ”ویلے دا منصور“ اے۔ ایس تنقید وی اک خوبی ایہہ ہندی اے جے ایہہ اپنے طور تے اک ادب پارہ بن جاندی اے۔ ایسے طرح دی اک ہور جھلک دیکھن لئی اسیں حقیقتاً تاب پارے مضمون دا کجھ حصہ پڑھدے ہاں۔ اوہ لکھدے نیں۔

”اوہ راہی جیڑا اپنے واسطے اپنیاں راہواں آپو بناندا اے، اپنی منزل آپو مقرر کردا اے تے اوہدے اتے کلم کلاپگ دھردا اے، اوہدا کم ایناں اوکھا ہوندا اے، پئی اسیں آسانی نال اوہنوں اوہدا کارنامہ قرار دے سکدے آں، کیوں جے اوہنوں ایہدی خاطر راہواں دے بٹے ٹوٹے وی پدھرے کرنے پیندے نیں۔ جہناں یلیاں دی دوری دا عذاب وی سہتا پیندا اے، تے اوہناں دے تحفظ توں محروم ای نہیں ہوتا پیندا سگوں اوہناں دی مخالفت تے اوہناں دے ویر نوں سدا دینا پوندا

(صفحہ 308)

ایسہ کے شاعر دا تجزیہ نہیں، حفیظ تائب دی شاعری بارے مضمون دا مذہ اے۔ ایس پیرے نوں ویکھ کے ایس بلا تکلف عارف عبدالمتین دی ایس تنقید نوں تاثراتی تنقید کہہ سکے آں۔ تاثراتی تنقید بیہمی مشاعریاں وچ واہ واہ دی شکل وچ سی۔ پھیر تذکریاں وچ آئی تے خاص خاص اصطلاحاں نال اپنے تاثر دا اظہار کیتا گیا۔ ایسہ تاثراتی تنقید ساڈی صدی دے استادان تے نقاداں دے ہتھ آئی تے افسانہ بن گئی۔ عارف عبدالمتین کول تاثراتی تنقید دی اک خوبی تاں اے کہ ایسہ پڑھن جوگی وی اے تے اپنے طور تے ادب پارہ بن دی صلاحیت رکھدی اے۔

تاثراتی تنقید عام طور تے ادب پارے دی اتلی سطح نوں چھوہ کے کچھ ہٹ جاندی اے۔ ایسے لئی عارف عبدالمتین نے نجم حسین سید دی شاعری وچ فطرت دے منظر نامے دا پردہ چک کے اندر دل بھاتی نہ پاسکے، نہ ای اوہ نجم حسین سید دی شاعری وچ دھرتی دی معنویت لہ سکے۔ کیوں جے عارف عبدالمتین عام طور تے شاعری دے اُتلے تے ظاہری روپ بارے اپنے تاثر بیان کرن لگ پیندے نیں۔ ایسے تاثر اوہناں نوں اک جمال دوست تے انسان دوست تاں ثابت کردے نیں، پر اوہناں دا علم زیادہ باہر نہیں آندا۔ انج وی تاثراتی تنقید نوں موضوعی جمالیاتی تنقید آکھیا جا سکدا اے تے انج دی تنقید کولوں نہ تاں فن دا شعور ملدا اے نہ فکر دی گہرائی۔

عارف عبدالمتین صرف تاثراتی تنقید تے رک نہیں جاندے۔ اوہ اگے ودھ کے اوس تقریباتی تنقید دی جوہ وچ وڑ جاندے نیں جتھے ہزا چکڑ ای چکڑ اے۔ اوتھے بچن دی اکو راہ اے جے بندہ لما پے جاوے۔ جے بندہ کچھ نہ کرے تے اوہ تھلے ای تھلے جاوے گا تے تھلے وی چکڑ ای ہووے گا۔ عارف عبدالمتین نے ایس کتاب دے چوتھے حصے وچ ویسہ مضمون شامل کیتے نیں۔ ایسہ سارے تقریباتی تنقید دا اونا ای ہیٹرا نمونہ نیں جتا کوئی دو جا تقریباتی مضمون۔ ایسناں وچ معنویت تلاش کرن تاں انج ای اے جیویں پنجابی دے رضا کاراں کولوں علم لبھن دی کوشش کرن۔ اوہناں دے تقریباتی مضموناں وچ انج دے دعوے نیں جیسناں دی دلیل کوئی نہیں۔ اک تھائیں

اوہ اکبر کاظمی دی شاعری بارے ایسہ دعویٰ کردے نیں۔

”اوہدا (اکبر کاظمی دا) تجربہ بڑا کھلار والا تے اوہدا مشاہدہ بڑا ڈونکھیائی والا ہوندا اے، اوہ لوکاں نوں اپنیاں نظراں دی چھانی وچ چھان کے رکھ دیندا اے۔“

(صفحہ 321)

اگے چل کے اوہ اپنے دعوے دلیل دے طور تے کجھ شعر پیش کردے نیں اک شعر ایسہ وے:

شہر دی بھ توں اُچی کندھ تے بھنیر سپ دا ڈیرا

بندے سارے سسے سسے مر گیا جیوں خدا

ایسہ شعر دسدا اے جے اکبر کاظمی سچ دے شاعر نیں تے اوہناں نوں

مشاعرے وچ بہہ کے داد دینی چاہیدی اے۔ ایہناں بارے مضمون لکھن بہہ جاون چنگا کم نہیں تے خاص کر ایسہ شعر لکھ کے ایہو جیسے دعوے کرن۔

”حیاتی دیاں ایہناں تلخ حقیقتاں دے مشاہدے دے باوجود وچارے دی

زبان کٹار نہیں بندی۔ اوہدے ہوٹھ زہر خند کولوں کم نہیں لیندے، سگوں اوہدی جیسہ پھل کیردی اے۔“

(صفحہ 321)

اوپر والا شعر پڑھ کے ایسہ دعویٰ پڑھیاں دماغ نوں دھکا لگدا اے، پر گل

ایسہ وے جے عارف عبدالتین، ہُن انج دے شعراں دی تعریف کرن چلے نیں

ہیہناں وچ پیار دی گل اے۔ یعنی شاعر دا کلام اوہناں لئی اکائی نہیں، کباڑیے دی

دکان اے جیسوی گلاں دی وکھو وکھ تعریف کرنی پیندی اے۔

کئی تھائیں انج لگا اے جیویں اوہناں تقریباتی مضموناں وچ ونگار بھگتاوَن لئی

پہلے وقفے وقفے نال شعر لکھ لئے ہون تے پھیر اوہناں شعر دی تمید۔ ایسے لئی اوہناں

دے تقریباتی مضموناں وچ اک مرکزی خیال نہیں ہوندا۔ اوہ مضمون انج لکھدے

نیں جیویں کلاس روم وچ استاد کے شاعر دی خصوصیات اک اک کر کے دس رہیا

ہووے یاں کے ادبی حلقے وچ کوئی نقاد اپنے جن دی نظم تے تنقید کر رہیا ہووے۔

ایسے لئی اوہناں دے کول دعوے وڈے تے دلیلاں کمزور نیں یاں پھیر انج دے

نقزے نیں بیڑے شعراں دی تشریح وی نہیں اکھوا سکدے۔ اوہ اک تھائیں

لکھدے نہیں :

”حقّی چّی گل تاں ایہہ اے پئی ایہیہ کٹھن ویلے لوک تے لوک ، اوہ راہواں وی تھک جاندیاں نہیں جیہناں تے رُکے راہی نے اپنی منزل تے اپڑنا ہوندا اے۔ ایہو وجہ اے پئی اوہناں بڑے اداسی بھرے انداز وچ کتنا پیندا اے ، پئی :

منزل تے منظور میں کسراں اپڑاں گا
میرے نال تے چل دیاں راہواں تھکیاں نہیں

(پنجابی دا آدرش پرست شاعر منظور وزیر آبادی ، صفحہ 329)

عارف عبدالتین دے تقریباتی مضمون یاں کتاباں بارے مطالعے اوہناں دے پچھلے پہرے دی کمائی نہیں۔ جدوں اوہ اوس ہڑھ وچ تیلے وانگوں ویسہ گئے سن ، جیس نوں آمریت دا ہڑھ آکھیا جاندا اے۔ اوہ راشد حسن رانا ایہیہ سیاسی تے سماجی حقیقتاں دے شاعر نوں ”فطرت دا چاہوان تے ترجمان“ بناون لگ پئے۔ پر جدوں اوہ راشد نوں شاعر فطرت نہ بنا سکے تے اوہناں دا سماجی علم اوہناں دے کم آیا تے اوہناں راشد دی فطرت نال محبت نوں اضافی کیہا تے ہولی جیہی ایہہ دی من لیا۔

”اوہ (راشد حسن رانا) فطرت نال محبت ضرور کردے نہیں ، پر مطلق انداز دی تھاں ، اضافی رنگ وچ کردے نہیں ، ایہہ اصناف سماج (society) نال تے اوہدے وسیکناں نال متھی ہوئی اے۔“

(صفحہ 348)

ایسے طرح اوہ اک ہور تھاں وی ڈردے ڈردے مندے نہیں جے اوہناں وحشی جانوراں تے چیزیاں دے ذکر نال علامتی سطح تے عمرانی صورت گری کہیتی اے۔ راشد رانا دی اک نظم ”ترکش بنگے جنڈ“ اے۔ ایس نظم دیاں ایہہ سطران کلیدی نہیں۔

اوہ مولاؑ بنجہ کے ماریا
چڑھی سی جیس دی بنجہ

عارف عبدالتین ایس نظم نوں ذوالفقار علی بھٹو دی پھانسی دے حوالے نال سمجھن توں ڈردے نہیں تے ایس نظم وچ دُٹے بھٹی دے علامت دی بجائے تاریخ دی گل کردے نہیں۔ ایس نظم دے حوالے نال چّی تے کھری گل نہ کر کے اوہ اپنا سماجی

نقاد تے حقیقت نگار دا منصب وی خطرے وچ پالیندے نیں۔ اوہ آمریت تے مارشل لاء لئی ورتیاں گیاں علامتاں نوں DELODE نہ کر کے اپنے آپ نوں استاد تاں منوا لیندے نیں نقاد نہیں۔

’اوہناں تھان تھان ایہو جیسے دعوے کیتے نیں، جیہناں دا ثبوت اوہناں کول وی نہیں اے۔ اوہ ”من ترا حاجی بگویم“ دی راہے رُے نیں۔ ایس راہ وچ دعوے وڈے تے دلیلاں کمزور ہوندیاں نیں۔ اوہ ڈاکٹر رشید انور جے شاعر بارے ایہہ دعویٰ کردے نیں۔

”یاداں“ ڈاکٹر رشید انور دیاں اوہناں غزلاں دا دیوان اے، جیہدا اک اک شعر ساڈی ذاتی، قومی تے کائناتی زندگی دے حادثیاں تے وارداتاں دی فنی بازیافت اے۔“

اک دعویٰ سلیم کاشر بارے وی پڑھن دے قابل اے۔ دعویٰ ایذا وڈا اے جے ایس ایس ایس دعوے نوں پڑھ لویے تے سلیم کاشر نوں نہ پڑجیے تے ایس بناں سوچے سمجھے اوس نوں وارث شاہ، میر، نظیر، شیکسپیر تے محمد بخش وغیرہ دی صف وچ شامل کرن دی سوچ سوچاں گے۔ پہلا دعویٰ ویکھ لویے۔

”میں ایہہ جان کے ڈاڈھا خوش ہویا پئی اوس (سلیم کاشر) دی شاعری وچ پنجاب دے نیارتے رُوپ اپنی چوکی تعداد وچ جمع ہو گئے نیں پئی ایہناں دا ایہہ اکھ ہو رکے وی نویں پنجابی شاعر وچ دکھالی نہیں دیندا، ایہو وجہ اے پئی اوس نوں بڑی سہولت نال پنجاب دا سبھ توں اچّا تے سچّا نمائندہ کہہ سکدے آں۔“

(صفحہ 242)

سلیم کاشر بارے عارف عبدالتین دے ایس دعوے تے فیر ہس لواں گے، ایس ہجیتی نال رُوپ شیخ بارے اوہناں دا دعویٰ وی پڑھ لویے۔ اتھے وی دعویٰ چھوٹا نہیں، ڈھیر وڈا اے۔ ایہا وڈا جے میر، نظیر، وارث شاہ یاں محمد بخش دے شاعر بارے ای کیتا جا سکدا اے۔

”رُوپ شیخ ول جھات پاتے تے سانوں انج محسوس ہوندا اے جیویں اوہناں نے اپنے عزیز وطن دی ساری تاریخ نوں، اوہدے سارے پلیسیاں سمیت، اپنی کوتاہی وچ محفوظ لیا اے۔“

(صفحہ 259)

اسیں تاں مہن تیکر اوہ شاعر لہجہ دے پھر دے ساں جیہڑا تاریخ دے نال زندہ رہوے ، تاریخ نوں جواب دہ ہووے تے تاریخ نال مکالمہ کر سکدا ہووے۔ شکر اے جے رؤف شیخ دے روپ وچ اک ایہو جیہا شاعر مل گیا اے ، پر اس دا کلام ایس گل دی گواہی کیوں نہیں دیندا ، جیہڑی گواہی عارف عبدالمتین دیندے نیں۔

منیر نیازی وی عارف عبدالمتین دی نظر وچ کچھ گھٹ نہیں۔ اوہ وی تاں وڈا شاعر اے۔ اس بارے وی دعویٰ وکھ لون دی لوڑ اے۔ اوہ لکھدے نیں۔

”منیر نیازی دا کلام وڈی شاعری دے ایس معیار تے ایس حد تیک پورا اترا اے پئی اوہ بعض موقعیاں تے قلم دی اک اُلانگھ وچ اندر تے باہر دیاں دونہاں دنیاواں نوں پار کر جاندا اے۔“

(صفحہ 273)

نجم حسین سید وی وڈے شاعر نیں ، عارف عبدالمتین اوہناں کول وی وڈی شاعری دے طور طریقے لہجہ لیندے نیں تے کندے نیں۔

”اوہ (نجم حسین سید) عام طور تے اپنی کوتاہیوں پر ایپینڈے دی نیویں سطح توں انڈول چک کے جمالیات دی اُچّی سطح تے لیا کھلار دے نیں تے اوہناں نوں پردھن سنن والے کسے کراہت یاں ہزاری دے بغیر اپنے آپ وچ ڈھیر ساریاں ایہیاں کرداری تبدیلیاں پیدا کرن واسطے تیار ہو جاندے نیں ، جیہڑیاں اوہناں نوں ثقافتی طور تے ودھیری گھمبیر تادا مالک بنا سکدیاں نیں۔“

(صفحہ 282)

رشید انور ، سلیم کاشر ، رؤف شیخ ، منیر نیازی تے نجم حسین سید بارے عارف عبدالمتین دا ایہہ جذباتی رویہ خاصا مبالغہ آمیز اے۔ کئی تھانواں تے ایہہ رویہ ہن تے مجبور کر دیندا اے۔ کدی کدی تاں خود عارف عبدالمتین نوں اپنا رویہ مشکوک لگن لگ پیندا اے۔ اوہ جدوں اپنے دعوے بارے شک دا شکار ہوندے نیں تے دلیل بازی نال گزارہ کردے نیں۔

”اکثر لوکاں نوں ایہہ اعتراض اے پئی اوہناں (رشید انور) دے کلام وچ فکر دی تھوڑ اے۔ اوہ جذبے دے شاعر تاں ہن ، کسے لمی چوڑی سوچ دے مالک

نہیں۔ ایسہ گل کچھ اپنی ٹھیک نہیں۔“

(صفحہ 239)

مطلب ایسہ دے کہ ایسہ گل کچھ ٹھیک وی اے تے کچھ ٹھیک نہیں۔ یعنی معذرت خواہی دا رویہ۔ پر اگے اوہ دلیل بازی کردے نیں۔ کمزور دعوے نوں کمزور دلیلاں راہیں منوان دا جتن کردے نیں، پر دعوے وچ جان ہووے تاں غیا جاوے۔

عارف عبدالمتین وڈے وڈے دعوے کردے نیں تے اپنے دعویاں توں پچھے ہٹن دا ناں نہیں لیندے۔ ایسہ اوہناں دی ہمت اے جے اوہ رؤف شیخ بارے ایسہ دعویٰ کر سکدے نیں۔

”رؤف شیخ دی شاعری جدید انسان دے معاشرتی شعور دی ترجمان اے، بیہڑا اوہنوں انقلاب راہیں اوس معاشرے دا واسی بنا سکدا اے، بیدے وچ طبقہ جی اچ نچ تے اوہدے نتیجے وچ پیدا ہون والی لٹ کھٹ دا ناں وی نہ ہووے گا۔“

(صفحہ 267)

عارف عبدالمتین تاں اپنے بھانے رؤف شیخ نوں اوس مقام تے چھڈ آئے نیں جتھے اوہ دستوفسکی تے گورکی نوں موڈھے مار رہے ہون۔

عارف عبدالمتین جدوں مبالغہ آمیز دعوے نہ کرن تاں بعضے ویلے اچ دے فقرے وی کہہ لیندے نیں بیہڑے بظاہر تعارفی ہوندے نیں، پر ایہناں وچ فنکار تے اوس دے فن دی روح سمٹ جاندی اے۔ ایسہ فقرے بظاہر تاثراتی تنقید دی زبان وچ ہوندے نیں پر ایہناں وچ نقاد دی بصیرت موجود ہوندی اے۔ اوہ اقبال صلاح الدین دی ”بار دی سار“ بارے لکھدے نیں۔

”اقبال صلاح الدین نے بار نوں پورے پنجاب دی علامت بنا کے ایہدے راہیں اوہدے وسیعہ دا حال احوال بیان کیتا اے، اوہدیاں رنگاں، پیاساں تے آساں دی کھوج لائی اے، اوہدے دکھاں درداں تے روگاں دا ویروا کیتا اے، تے اوہدے ولولے، حوصلے تے انقلابی طور طریقیاں دی کنسولٹی اے۔“

(صفحہ 302)

ایسے طرح عارف عبدالمتین احمد راہی بارے لکھدے ہوئے اوس دے

بنیادی موضوع تے مرکزی خیال نوں انج پیش کردے نیں کہ احمد راہی دی شاعری دی کلید ہتھ آجاندی اے۔ اوہ لکھدے نیں۔

”احمد راہی نے عورت دی مظلومیت نوں اپنی شاعری وچ دو سطح اے پروجیکٹ (PROJECT) کیتا اے، انفرادی سطح اے، تے اجتماعی سطح اے۔ جتھوں تیک انفرادی سطح اے عورت دی مظلومیت نوں پروجیکٹ کرن دا تعلق اے، احمد راہی نے انسان دے عظیم ترین جذبے محبت دا سہارا تا اے، تے دیا اے پئی جاگیرداری سماج وچ عورت دے ایس مقدس جذبے دی کیوں بے حرمتی تے بے قدری کیتی جاندی اے۔“

(صفحہ 208)

اگے چل کے دسدے نیں جے احمد راہی نے عورت دی مظلومیت نوں اجتماعی سطح تے پروجیکٹ کرن لئی کیہ کیتا اے۔ اوہ لکھدے نیں۔

”احمد راہی نے اوس زمانے (1947ء) دے خونی واقعات نوں عورت دی مظلومیت دی تصویر ابھارن لئی پس منظر دے طور تے ورتیا اے۔“

(صفحہ 217)

عارف عبدالستین نے جدوں مبالغے توں کم تا اے تے ایڈے وڈے دعوے کیتے نیں جے ہاسا آندا اے پر جدوں تجزیے توں کم لیندے نیں تے کم دی گل کردے نیں۔ اتھوں اندازہ کیتا جا سکدا اے کہ تقریباتی مضموناں دی لوڑاں تنقید نوں کنیاں تھوڑاں دے جانیاں نیں تے نقاد تعریف کردیاں ویسہ پچھا چھڑدا اے۔

اخیر تے ایسہ گل میرے لئی سوالیہ اے جے عارف عبدالستین نوں نقاداں دی کیہڑی صف وچ بٹھایا جاوے۔ اصل گل ایسہ وے کہ اوہ ترقی پسند فکر لے کے چلے سن تے اک زمانے وچ تنظیم نوں فکر تے غالب رکھدے سن۔ ہُن اوہ ترقی پسندی نوں بہت پکھے چھڈ چکے نیں۔ ترقی پسندی تے مارکسی فکر نوں لکھاری چھڈ دی دیوے تے ایسہ لکھاری نوں نہیں چھڑدیاں۔ ایہی حال عارف عبدالستین دے مضموناں وچ دسد اے۔ کتے کتے ترقی پسندی تے مارکسی فکر جھلکارا وکھاگئی اے پر اوہناں مارکسی تنقید دے ڈسپلن نوں اپنی تنقید وچ ورتن دی کوشش نہیں کیتی۔ پھر اوہ کیہ نیں؟ اوہ لے دے کے تاثراتی نقاد نیں تے تاثراتی نقاد کولوں گہرے تجزیے

دی امید تاں نہیں رکھی جاندی پر اوس کولوں تقریباتی مبالغہ آرائی دا سرزد ہون وی غلط اے۔

”پرکھ پڑچول“ تنقید دی کتاب وی اے یاں نہیں۔ ایسہ کلاسیکی تے بزرگ شاعراں دے حال احوال نوں سمیٹ کے پیش کردی اے۔ ایسہ گل تاں ایس نوں تذکرہ بنا دیندی اے پر کتے کتے تنقیدی آراء ایس نوں تنقید دا رنگ تے روپ دے دیندیاں نیں۔ ایس دے وچ کتے تاں مصنف تعارف تے بس کر دیندا اے، ”بیرا“ تذکرہ نگار دا کم اے، پر کتے اوہ تجزیہ وی کردا اے۔ ایس لئی ایسہ کتاب تذکرہ تے تنقید دی درمیانی کڑی کہی جا سکی اے۔ جے تنقید ایس توں قدم اگے ودھاوے تے ایس دے جال توں نکل جاوے تاں ایس نوں تنقید دا پہلا قدم مینا جا سکدا اے۔ دیباچہ نگار دا دعویٰ اے جے پنجابی تنقید دا پہلا میل پتھر اے۔ ایس دعوے نوں تاں اوس ویلے مینا جاوے گا جدوں ایسہ مینا جاوے گا کہ ایس توں پہلاں علامہ محمد حسین عرشی، نجم حسین سید تے علی عباس جلالپوری نہیں جتے سن۔

بہر حال پنجابی تنقید دا میدان ویسا دیکھ کے پرکھ پڑچول نوں وی من لین وچ ای فائدہ اے۔ مینوں استادان دسیا سی :

”خطائے بزرگاں گرفتِ خطا است“، پر غالب نے کجھ ہور ای دسیا اے :

آنکہ شد صاحب نظر دین بزرگاں خوش نہ کرد

میں دو گلاں دے ادھ وچ بھسیا ہویا ہاں۔ عارف عبدالمتمین وی تذکرے تے تنقید دے درمیان پھسے ہوئے نیں۔ ایس لئی میں ادھے ادھورے دل نال ایس نوں تنقید دی ادھی کتاب تے عارف عبدالمتمین نوں ادھانقاد من لیناں۔

”رمز روایت“ دی رمز حقانی

ڈاکٹر اسلم رائے نے ”رمز روایت“ دے نال نال اپنے گیاراں مضموناں دا مجموعہ پیش کیتا اے، بیہناں وچ اوہناں نے پنجابی زبان دے کلاسیکی تے وڈے صوفی شاعراں دے کلام دا جائزہ پیش کیتا اے۔ اینہاں مضموناں دی ونڈ انج اے کہ بابا فرید گنج شکر، شاہ حسین، سلطان باہو، وارث شاہ، ہاشم شاہ، مولوی غلام رسول، خواجہ غلام فرید تے اک اک مضمون لکھیا گیا اے، پر بلجے شاہ تے میاں محمد بخش اتے دو دو مضمون ”رمز روایت“ وچ شامل نیں۔ ظاہر اے کہ اینہاں ساریاں شاعراں دا پنجابی ادب وچ اک اچھا مقام اے، تے ایہدے نال ای اینہاں شاعراں نوں لوک پیراں وانگر مندے نیں۔ ایس ادب نوں ساہنے رکھدیاں ہویاں ظاہر اے کہ مصنف دا رویہ مودبانہ ای ہو سکدا اے، پر ایہدا مطلب ایہہ وی نہیں کہ مصنف نے زرا پُرا اپنی عقیدت دا اظہار ای کیتا اے۔ اصل وچ ایہو جیہی شاعری دے دو کچھ ہوندے نیں۔ اک اوہدا اخلاقی یاں تعلیمی پہلو تے دوجا فنکارانہ۔ جتھوں تیکر پہلے سوال دا تعلق اے مسلمان ہون دی حیثیت وچ سانوں اینہاں شاعراں دے مذہبی تے صوفیانہ خیالاں دا احترام کرنا پیندا اے، پر مذہب تے تصوف کوئی یک رنگی چیز نہیں کہ جیہدے متعلق دو رویے نہ ہو سکن۔ عام طور تے جتھوں تیکر ادبی تنقید دا تعلق اے روایتی اخلاقی شاعری نوں فنی اعتبار نال کوئی اچھا مرتبہ نہیں دتا جاندا، پر جتھوں تیکر مشرقی ادب دی روایت دا تعلق اے، ایہہ عجیب گل اے کہ اخلاقی معلم تے صوفی شاعر ہمیش فنی دے اعتبار نال وی اک خاص مرتبہ دے حامل رہے نیں۔ فارسی وچ مولانا روم، خواجہ عطار، جامی تے سبھ توں ودھ کے شیخ سعدی اپنے اک خاص ادبی مرتبہ دے مالک نیں۔ اردو وچ خواجہ میر درد دے مقام دا اندازہ ایتھوں ہو سکدا ہے کہ میر تقی میر نے اردو دے جیڑے ڈھائی شاعر گنوائے سن اوہناں وچ

خواجہ میر درد وی شامل سن۔ ایہو صورت حال ساڈی صوفیانہ شاعری دی اے تے اک لحاظ نال دیکھو تے جے کلاسیکی پنجابی شاعری وچوں صوفیانہ شاعری نوں دکھ کر لیا جاوے تے باقی جو کجھ پیدا اے اوہدی حیثیت کوئی ایڈی قابل رشک نہیں رہ جاندی۔ ایس واسطے پنجابی ادب دا کوئی سنجیدہ تے ذہین طالب علم صوفی شاعراں نوں نظر انداز نہیں کر سکدا۔ ایس طرح گویا ”رمز روایت“ دی ضرورت تے اہمیت دا اک جواز نکل آندا اے۔

ایہناں شاعراں دے مطالعے لئی ڈاکٹر اسلم رانا دے کول کوئی بچھے بجھائے اصول یاں ضابطے نہیں کہ جیہناں دی کسوٹی اتے اوہ شاعراں نوں پرکھ کے اوہناں دا کھراتے کھوٹا دکھرا دکھرا کر سکن۔ بعضیاں نقاداں دا رویہ بنیادی طور تے طالب علمانہ اے۔ ایہدا مطلب ایہہ اے کہ اوہ ہر شاعر نوں پڑھن لگیاں ایہہ سوچ کے اوہدے دل و دھڑے نیں کہ فن، ادب تے دوجے علمی تے تہذیبی قدراں دا شعور اوس شاعر کولوں کس طرح اخذ کیتا جا سکدا اے۔ ایہہ رویہ تے برا PASSIVE ہوندا اے کہ بندہ پڑھا جاوے تے اپنے ولوں سوچن دی زحمت گوارا نہ کرے۔ دوجے پاسے ایہہ دے کہ اوہ ہر شعر دے ہر لفظ اتے اٹکدا اے تے دوگلاں دا جائزہ لیندا اے۔ اک تے ایہہ کہ شاعر نے جدوں گل کہی اے تے اوہدے پچھے کیہڑی حقیقت محرک دی حیثیت رکھدی سی تے دوجے پاسے ایہہ کہ اوس شعر نے اوہدے دل تے دماغ اتے کیہ اثر مرتب کیتا اے۔ چنگا شعر تے چنگا ادب ایہہ سوتیاں توں بھٹدا اے جیہناں وچ حقیقت دا رنگ گُوڑھا ہوندا اے تے شاعر دی حیثیت وچ فن دا تقاضا ایہہ ہوندا اے کہ حقیقت دے اوس تصور نوں اوہدی پوری معنویت نال اک زندہ حقیقت بنا کے قاری تیکر منتقل کیتا جاوے تے ایس طرح چنگے نقاد واکم وی ایہہ ہوندا اے۔ اوہ جدوں کہ فنکار دے ہنر دا جائزہ لیندا ہے تے اوہنوں اک جیوندی جاگدی موجاں مار دی حیاتی دے روپ وچ دو جیاں نوں دکھاوے دی کوشش کردا اے۔ تے جے اوہ ایہہ کم نہ کر سکے تے پھیر اوہ اک مفتی دانگوں فتوے تے صادر کر سکدا اے، پر جیہدے واسطے فتویٰ دتا جاندا اے اوہنوں نہ تے اپنے فتوے دی سچائی دا قائل کر سکدا اے تے نہ ای اوہدے کولوں ایہہ امید کر سکدا اے کہ اوہ اوہدی فتوے نوں قبول کر کے اوہدے اتے عمل وی کرے گا۔ ایہن

اعتبار نال تنقید اک رابطے دا کم دیندی اے، بیہرہی اوہناں تخلیقی عظمتاں تے اوہناں فنی رمزاں نوں کھول کے اوہناں لوکاں تیکر اپڑاندی اے، جیہناں دا فن دا اپنا شعور اچے ایڈا پکارتے سلجھیا ہویا نہیں ہوندا۔ روایت دا تعلق معنوی یاں علمی رویے نال اے، بیہرہی تخلیق دے پچھے کم کردی اے تے رمزاں تعلق فن دی اوس اٹکل نال اے، بیہرہی روایت نوں اک من موہنا پھندا پوا کے پڑھن والیاں دے سامنے پیش کردی اے۔

ہن تیس جے اکلے اکلے شاعر ول آؤتے پہلی گل ایہہ دیکھو گے کہ مصنف نے ہر شاعر دے نال نال اک تو سینی جملہ عنوان دے حوالے نال لایا اے۔ ایہہ جملے ایویں اٹکل پچو نہیں لائے گئے۔ ایہناں دے پس منظر وچ اوس شاعر دے مطالعے دا انچوڑ موجود اے۔ ایہہ گل ایس طرح ہو رہی سمجھ وچ آوندی اے کہ بلجے شاہ نوں اک مضمون وچ ”پنجابی دا بیباک شاعر“ آکھیا تے دوجے وچ ”حقیقتاں دا ترجمان“۔ ایس طرح میاں محمد بخش اک پاسے تے عشق دے مسافر نہیں تے دوجے پاسے مجاز تے حقیقت دے رمز شناس۔ مطلب ایہہ کہ بلجے شاہ اپنے فن دے وچ اک تہہ تیکر اپنے آپ نوں محدود نہیں رکھدے یاں ایہہ کہ اوہ حقیقت ول اپڑن واسطے اک راہ دے پابند ہو کے نہیں رہ جاندا۔ بیہرے پاسیوں اوہناں نوں حقیقت دے روپ دا کوئی نو یکٹل کچھ نظر آوندا اے، اوہ اوسے پاسیوں اوہدے دل ودھن دی کوشش کردے نیں۔

بابا فرید گنج شکر ہوراں دے صوفیانہ مرتبے دا ذکر کرن دی لوڑ نہیں کہ اوہ صرف مسلماناں وچ ای کامل ولی نہیں سمجھے جاندا۔ نال ای اوہناں دے کلام دی الہامی لے نے سکھ مت دے بانی گورو نانک جی نوں وی اپنے دل کھینچا تے اوہناں دا کلام اخیر گرنٹھ صاحب دا حصہ بن گیا۔ اپنے ایس مضمون وچ اسلم رانا ہوراں دا بنیادی نقطہ ایہہ دے کہ بابا فرید گنج شکر نے روایتی صوفیاں دا لگوں شطیحات کولوں کم نہیں لیا تے اوہناں دا تصوف جذب تے مستی دی حالت توں نکل کے صحو دی حالت ول ودھا اے تے الیل طرح اوہ پوری ہوش مندی تے پوری ذمے داری نال اپنے پڑھن والیاں نوں اوس اخلاق دا درس دیندے نیں، بیہرہ بندے نوں حیاتی گزارن دا ڈھنگ دکھاندا اے تے نال ای اوہدے مہمانداری نوں اوہدے حقیقی خالق تے

مالک دلوں مژن وی نہیں دیندا۔ ایس واسطے بابا فرید نوں مذہبی تے اخلاقی قدراں دا شاعر آکھیا گیا اے۔ اخلاقی قدراں تے خیر ہر تھاں تے سانجھیاں ہوندیاں نیں تے بھادویں اصلی تے سچا مذہب اکو ای سچائی دا حامل ہوندا اے۔ پھیر وی مذہب اتے جدوں رسماں تے ریتاں دے غلاف چڑھ جاندے نیں تے اوہدے وچ کئی تضاد پیدا ہو جاندے نیں۔ ڈاکٹر اسلم رانا نے ایس مضمون وچ ایسہ دیا اے کہ بابا فرید گنج شکر وی مذہبی تعلیم دا بنیادی اصول اسلام دا اصول اے۔ اوہناں نے کئی تھانواں تے حدیث تے قرآن پاک دے حوالیاں نال ایسہ گل ظاہر کیتی اے کہ بابا فرید گنج شکر سدھے سادے محمدی شرع دے پرچارک نیں۔ اخیر اوہناں نے ایسہ نتیجہ کڈھیا اے

”بابا جی ہوراں دی شاعری دا ہر بول اک اجیہا اتمول موتی اے، جیہدی پاکیزگی نوں کسے ہور سجاوٹ دی لوڑ نہیں۔ بابا جی دے بوللاں دی تہہ وچ لکی ہوئی سچائی تے انسانی ہمدردی وچ ای اوہناں دی ڈونگھی تاثیر دا بھیت لکھیا ہویا اے۔ اوہ کدی ایسو جیہا لہجہ اختیار نہیں کردے، جیہدے توں صُغْنن والیاں تے پڑھن والیاں نوں اوپرے پن دا احساس ہووے۔ ایہناں نوں تے ایسہ پتہ وی نہیں لگدا کہ بابا جی نے جیہڑی گل آکھی اے اوہدے وچ جے کسے عیب دا ذکر اے تے اوہ اوہدا عیب اے۔ بابا جی تے ایثار تے قربانی دے اوس مقام اتے کھڑے نظر آوندے نیں جتھے اوہ کل لوکاں دے دکھ درد تے عیب گناہ اپنی جھولی وچ پائیندے نیں۔ پھیر جدوں اوہ ایسہ اپنی بھری ہوئی جھولی اپنے پڑھن والیاں اگے کھول دیندے نیں تے اوہدے وچوں ہر کوئی اپنی بساط اپنے ظرف تے اپنی بصیرت دے حوالے نال اپنی اپنی کیفیت دا نقشہ ویکھ لیندا اے۔ جدوں اوہدے اتے ایس طرح اپنی حقیقت حال واضع ہو جاندی اے تے اوہنوں اوہ راہ جیہڑی بابا جی اوہنوں دکھانا چاہندے نیں اپنے آپ سدھی تے نجات دی راہ نظریں آون لگ پیندی اے۔ اوہدے اتے دوواں حیاتیات دے بھیت کھل جاندے نیں۔ دل تے روح تے رکھری وسوسیاں دی کالی چادر ہٹ جاندی اے پھیر اوہدے آلے دوالے نور دیاں روشن کرتاں دے سلسلے قائم ہو جاندے نیں تے اوہ بابا جی دے ازلی تے ابدی کلام دا صادق تے امین گواہ بن جاندے اے۔ اوہ ایہناں بوللاں توں فنی حوالیاں نال اپنی رت دا حصہ نہیں بناوندے۔“

سگوں اپنے اندر دے سچ تے اوس سچ دی روشنی دے ذریعے نال اپنے دل تے روح دے اک اک مسام اندر جذب کر لیندا اے۔ ایہو شیخ فرید جی دے آفاقی بوللاں دی سچائی تے سچی تاثیر دا انملا بھیت اے۔“

بابا فرید گنج شکر توں بعد جدوں شاہ حسین لہوری دی داری آوندی اے تے اوہناں دی حیاتی دے حوالے نال تے اوہناں دی شاعری دے جذباتی رنگ ڈھنگ تے انداز نوں سامنے رکھدیاں ہویاں ڈاکٹر اسلم رانا ہوراں نوں ایہہ گل نظر آئی کہ ایہہ بندہ بابا فرید توں کجھ وکھرا تے نوکھلا اے۔ شاہ حسین دی شاعری وچ اک ایہی جذباتی اپیل اے، بیہوشی علم تے مذہب دے راہیں نہیں سگوں دل تے روح دی راہیں بندے نوں اپنے دل پرکھدی اے۔ اسلم رانا ایس گل نوں نہیں مندے کہ شاہ حسین عوامی روایت مطابق ملا متی رنگ دے صوفی سن۔ اوہناں دا خیال اے کہ شاہ حسین نے تصوف دے مسئلے تے کدھرے وی بیان نہیں کیتے۔

”تے اوہ خاص گلاں بیہوشیاں ہر صوفی شاعر دے کول نظریں آوندیاں نیں۔ مثلاً ”مرشد دا تصور“ فنا دے مقام“ سلوک دیاں منزلاں مجاز دے پردے وچ حقیقت دا بیان یاں واردات دے سلسلے وچ اک بے اختیار جذباتی وچ ڈبی ہوئی کیفیت۔“

شاہ حسین دے ہاں وحدت الوجود دا مضمون ایس فرق نال پیش کیتا گیا اے کہ اوہ ذات احد وچ اپنے آپ نوں گم کرن نوں اپنا کمال نہیں سمجھدے۔ ایہدے الٹ اوہ اپنی نیاز مندی تے بندگی دے مقام اتے کھلو کے اپنے خالق تے مالک دل متوجہ ہوندے نیں تے ایہہ محسوس کردے نیں کہ ”میرے روم روم وچ توں“ ایس طرح اوہ اپنی ذات توں باہر اک سفر کرنا ضروری سمجھدے نیں تے ایس سفر واسطے اوہناں نوں کے سارے دی لوڑ وی ہوندی اے۔

”میں وی جھوک راں جھن دی جانا نال میرے کوئی چلے۔“

ایس طرح ایہہ گل ظاہر ہو جاندی اے کہ بندے تے خدا دا فرق شاہ حسین قائم رکھن اتے زور دیندے نیں۔ ایہدے نال ای اک ہور گل بیہدے اتے اسلم رانا ہوراں نے زور دتا اے اوہ ایہہ اے کہ شاہ حسین عمل اتے زور دیندے نیں۔ شاہ حسین نے بیہوشیاں علامتاں ورتیاں نیں اوہ ساریاں عمل دیاں ای صورتاں نیں۔ اوہناں نے اپنیاں علامتاں کے روایتی نظام توں حاصل نہیں کیتیاں۔ اوہناں دا

سرچشمہ اوہناں دے آلے دوالے کھلری ہوئی حیاتی سی تے ایتھوں ای اوہناں نے اپنیاں ساریاں رمزاں تے علامتاں حاصل کیتیاں۔

”شاہ حسین نے اپنی شاعری وچ پنجاب دے عام سینکلاں دی نفسیات نوں سامنے رکھیا اے۔ پنجاب دی روایتی حیاتی تے اوہدیاں قدراں نوں اپنے فکر تے فن توں دور نہیں کیتا۔ پنجاب دی رہتل، ہنر وی اوہناں دے سامنے سی تے ایتھوں دیاں لوک رومانی کمائیاں اتے وی اوہناں دی ڈونگھی نظری۔ اوہناں نے اپنے کلام وچ ایہناں داستاناں دے کرداراں، واقعاں تے تھانواں نوں رمزیتی تے معنوی حوالیاں نال ورتیا اے۔“

نال ای ایسے عمل دے حوالے نال شاہ حسین دی اک خاص علامت یعنی اوہ عاشق نوں سوانی دے روپ وچ ویکھدے نیں دی وضاحت ڈاکٹر اسلم رانا ہوراں نے پنجابی معاشرے وچ عورت دے مقام دے اک پورے نظام دے علامتی رنگ وچ کیتی اے تے ایس وضاحت نوں سامنے رکھیے تے پھر چرخہ، کنتا، پونیاں، ترنجن تے ایس طرح دے سارے لفظ اخلاق دے عملی ثبوت بن کے سامنے آوندے نیں۔ شاہ حسین نے اپنے عہد دے سیاسی تے سماجی شعور دی وی ایسے صوفیانہ رمز دے حوالے نال بڑی سوجھ بوجھ تے بیان کیتی اے۔ اک نویں گل بیدے دل ایس مضمون وچ خاص طور تے اشارہ کیتا گیا اے اوہ ایہہ کہ شاہ حسین نے اپنیاں کافیاں نوں صرف عروضی وزن دے حساب نال ای ترتیب نہیں دتا سگوں اوہناں وچ کلاسیکی راگاں دے ٹھاٹھ وی صاف نظریں آوندے نیں۔ اخیر تے نقاد ایس حقیقت اتے اپردا اے کہ۔

”شاہ حسین دی شاعری وچ ملاجیہ تحریک تے ملا متیہ

رنگ دا شور شرابا وی نہیں ملدا۔ ایہدے مقابلے تے اوہناں دے کول اک دھیمی، مٹھی تے دکھ درد وچ ڈبی ہوئی کیفیت مدی اے۔ ایہہ کیفیت کسے خاص سے دی جذباتی کش کش دا نتیجہ نہیں سگوں ایہہ کل خدائی تے ساری انسانیت دے اوس سانجھے کرب دا اظہار اے، جیہڑا آون والے لمحے دی بے وسائی توں پیدا ہوندا اے۔ ایسے کر کے شاہ حسین دی شاعری

کے اک زمانے دی شاعری نہیں ایسہ تے ہر عمدے تے بھجے
تے دکھ درد دے مارے انسان دے دل دیاں پچڑاں نہیں تے
روح دے کرب نہیں، جیڑے کسے نہ کسے رنگ وچ اظہار
دیاں راہواں لہہ لیندے نہیں تے ایہو ای شاہ حسین دے کلام
دی آفاقیت اے۔“

سلطان باہو نوں ڈاکٹر اسلم رانا اک وکھری روایت دا شاعر شمار کردے نیں۔
اوہناں توں پہلاں دیاں شاعراں نال باہو دا تقابلی جائزہ لیندیاں ہوياں اوہناں نے
سلطان باہو دے رنگ نوں ایس طرح ککھیر کے پیش کیتا اے۔

”جتنوں تیک زبان دا تعلق اے اوہدے وچ سانوں باہو دے ہاں عربی
تے فارسی دا اثر پہلے دوواں شاعراں دے مقابلے تے بہت ودھیا ہویا نظرئیں آوندا
اے۔ اخلاق دی تھان تے خالص تصوف تے اوہ وی ہمہ اوست والا تصوف ساہنے
آوندا اے تے لہجے وچ انسانیت دی تھان تے اک مردانہ پن اے، جیسے ڈاکٹر نذیر
احمد بہت قائل نیں، پر جے غور کریے تے ایسہ اصل وچ فارسی زبان دا اثر اے،
جیسے وچ مڈھوں مونٹ دا صیغہ ہوندا ای نہیں۔ اخلاقی مضمون حضرت سلطان باہو
دے ہاں وی لہہ جانے نہیں، پر اوہناں دا اصل زور توحید دے علمی تے عملی پکھاں
توں پیدا ہون والے دکھ وکھ مضمون نیں۔“

”الف احد جد دتی وکھالی از خود ہویا فانی ہو“

ڈاکٹر اسلم رانا ہوراں دے نیڑے سلطان باہو نے پنجابی شاعری دی زبان
نوں سوارن وچ بہت وڈی خدمت سرانجام دتی اے، جیسے نال عربی تے فارسی
دے اکھر پنجابی دے سچے وچ انج ڈھل گئے نیں کہ مولوی غلام رسول تے خواجہ غلام
فرید تے میاں محمد بخش تیکر اپڑ دیاں اپڑ دیاں اوہ پنجابی زبان وچ اوپرے محسوس نہیں
ہوندے۔ جتنوں تیکر تصوف دا تعلق اے سلطان باہو ایس گل دے قائل نیں کہ جتا
چر طریقت نوں شریعت دی جاگ نہ لگے اوتا چر نہ جودھ بندے نہیں تے نہ اوہناں
وچوں مکھن بکندا اے۔ ایس مضمون دی اک خاص گل ایسہ وے کہ ایہدے وچ
مصنف نے سلطان باہو دے اسلوب نوں سمجھن اتے خاص زور دتا اے۔ اوہ سانوں
ایسہ دسدے نیں کہ شعر دی تاثیر لفظ یاں شاعری دے فن وچ ای نہیں ہوندی۔

ایہدے توں اگانہ کوئی ہور شے وی ہوندی اے جیہڑی فن دی تاثیر لئی ذمہ دار ہوندی اے۔ ایہہ گل شاعر دا اوہ فنی تجربہ اے تے اوس فنی تجربے دا جذباتی اسلوب اے، جیہڑا شعر دے لفظاں وچ ڈھل جاوے تے پڑھن والے نوں پوری طرح اپنی گرفت وچ لے لیندا اے۔

”حضرت سلطان باہو ہوراں دے بیتاں وچ جیہڑی تاثیر موجود اے اوہدا راز ایسے کیفیت نوں پڑھن تے مہسن والیاں تیکہ اپڑاون وچ لکيا ہویا اے۔ ایس واسطے مضمون دی ڈونگھیاکی تے زبان دے کسے حد تیکہ مشکل ہون دے باوجود پڑھن تے مہسن والے غیر شعوری طور تے اوس کیفیت نوں اپنے اندر محسوس کرن لگ پیندے نیں، جیہڑی خاص بیت دا موضوع ہوندی اے۔ تمثیلی رنگ اصل وچ منطق دا سہارا لے کے دو چیزاں دی مماثلت دے سہارے اک منطقی مضمون نوں ساڈے تیکہ اپڑان دی کوشش کردا اے، پر جتھے ایس طرح دا کوئی سہارا نہ لیا گیا ہووے اوہتھے پوری دی پوری کیفیت اپنی جذباتی چھوت دی وجہ نال پڑھن والے نوں متاثر کر دیندی اے۔ حضرت باہو ہوراں دے اسلوب دا ایہو روشن نشان تے امتیازی حیثیت اے، جیہڑی اوہناں نوں پنجابی دے دوجے صوفی شاعراں کولوں دکھرا تے نوں یکلا کر دیندی اے۔“

بلجے شاہ اتے ”رمز روایت“ وچ دو مضمون شامل نیں۔ اک دا عنوان اے ”پنجابی دا بیباک شاعر“ تے دوجے دا عنوان اے ”حقیقتاں دا ترجمان“۔ سوال ایہہ پیدا ہوندا اے کہ ایس طرح دو حصیاں وچ ونڈ کے ڈاکٹر اسلم رانا ہوریں ایہہ ثابت کرنا چاہندے نیں کہ شاعر دی شخصیت دولخت سی، پر جدوں ایس ایہناں دواں مضموناں دا پورے غور نال مطالعہ کرنے آں تے سانوں ایہہ پتہ چلدا اے کہ اصل وچ ایہہ شخصیت دے دولخت ہون دی گل نہیں اے۔ دواں مضموناں وچ سانجھ دا نقطہ ایہہ اے کہ حقیقتاں دی ترجمانی وچ بلجے شاہ نے جیہڑا طریقہ اختیار کیتا اے اوہدے وچ بے باکی اک طرح دی شوریدگی اے، جیہڑی سانوں دوجے صوفی شاعراں کول نظر نہیں آوندی۔ ایس رنگ دی جھلک شاہ حسین کول تے موجود اے پر پنجابی دے دوجے صوفی شاعراں نے طبیعت نوں سنبھال کے گل کیتی اے۔ بلجے شاہ دی اک کافی جیہڑی ایہتھوں شروع ہوندا اے۔ ”تیرے عشق نچایا کر کے تھیر

تھیا" دے حوالے نال اسلم رانا نے بلھے شاہ دے پورے کردار دا نقشہ کھچ دتا اے۔

”بلھے شاہ دے ایس مصرعے وچ تن چیزاں اک تھاں اتے اکٹھیاں ہو گئیاں نیں۔ سبھ توں پہلاں عشق اے دوجے نچایا تے تیجے تھیا تھیا۔ اصل وچ ایسہ اک جذبے دیاں ای ارتقائی شکلاں تے کیفیتاں نیں۔ ایس طرح سمجھو کہ عشق شعور دا اوہ ابتدائی لمحہ اے جیہدے وچ حقیقت دا ادراک ہويا پر اک تجلی دی صورت وچ تے پھیر اوہدے رد عمل دے طور تے طبیعت وچ اک نویں قسم دے خروش یاں بیجان نے جنم لیا۔ یعنی انفعالی شعور توں عملی رد عمل ول پیر پکيا گیا، پر ایس پیر دے چکن وچ اختیار نوں کوئی دخل نہیں سی۔ اوہ پیر جیہڑے بے اختیار اک منزل ول اٹھن لگ پین اوہناں نوں جے کوئی شے ضبط تے نظم دی حالت وچ رکھ سکدی اے تے اوہ صرف اک ازلی آہنگ اے۔ اختیاری نظم تے ضبط نوں اوہدے وچ کوئی دخل نہیں ہوندا۔ بے اختیاری تے آہنگ دے ایس تصور نوں تھیا تھیا دے لفظ ظاہر کر دے نیں۔ ایسہ گویا اک پورے تخلیقی عمل دا نقشہ بن جانا اے۔“

ایسے طرح جدوں اسیں ڈاکٹر اسلم رانا ہوراں دے بلھے شاہ بارے دوجے مضمون ول آونے آں تے اوہ وی بلھے شاہ دی ایہو کیفیت اے جیہں نوں اوہناں نے دوجیاں لفظاں تے دکھیاں حوالیاں نال پیش کیتا اے۔ مثلاً ”اک تھاں اتے اوہ آکھدے نیں کہ پنجابی شاعری وچ جذبے دی شدت تے اظہار وچ جوش تے ولولہ اپنے پورے جوہن تے شباب اتے ہوندا اے تے پنجابی دے صوفی شاعراں وچوں ایہہ کیفیت سبھ توں ودھ سانوں بلھے شاہ دے کول نظر آوندی اے۔ ایسے طرح اگانہ چل کے اسلم رانا ہوریں بلھے شاہ دا دوجیاں شاعراں نال مقابلہ کر دیاں ہوياں ایس گل دا اظہار کردے نیں کہ سلطان باہو دے مٹھے تے سُریلے لہجے نے جذباں دی شدت نوں مٹھا کر کے پیش کیتا اے۔ وارث شاہ قصے دے کرداراں دے پردے وچ گل نوں سنبھال کے بیان کردے نیں۔ میاں محمد بخش فارسی دے تمثیلی شاعراں کولوں اپنے اسلوب دی رمز حاصل کر دے نیں، پر بلھے شاہ نے جیویں دی مست الست تے پرسوز حیاتی گزاری اوہو کیفیت اوہدے شعراں وچ پورے جوش تے پورے جلال نال ظاہر ہوندی اے۔ ایہناں دوواں مضموناں وچ اک ہور خاص گل جیہڑی

غور دے قابل اے اوہ ایسہ اے کہ بلھے شاہ دی طبیعت تے مزاج دے بے اختیار رنگ نوں ساہنے رکھدیاں ہوياں ایسہ خیال پیدا ہوندا اے کہ خورے اوہناں نے فن دے بارے بے احتیاطی درتی ہووے گی۔ ایسے ضمن وچ اسلم رانا ہوراں نے ایسہ گل واضح کہتی اے کہ بھادیس ڈاکٹر نذیر احمد تے ڈاکٹر لاجپتی نے ایسے خیال دا اظہار کیتا اے کہ بابا بلھے شاہ دا فن PRIMITIVE فن دی طرح گھردراتے طاقتور اے یاں ایسہ کہ اوہ شعر دی صنف بارے رسمی طریقیاں اتے نہیں مڑیا، پر پھیر وی ایسہ گل پکی اے کہ بلھے شاہ نے کسے تھاں وی فن نوں ہتھوں نہیں چھڈیا۔ موسیقی دے نال نال عروض دا وی پوری طرح خیال رکھیا اے، بیہرے اعتراض ڈاکٹر نذیر احمد ہوراں نے عروض دے حوالے نال، عضیاں مصرعیاں اتے کہتے نیں، اوہدا اسلم رانا نے عروض دے اصولاں نال جواب دتا اے۔ سبھ توں وڈی گل بیہرے ایہناں مضموناں وچ سمجھائی گئی اے اوہ ایسہ اے کہ ”بلھے شاہ لوکاں دا شاعر اے عاموں دا شاعر اے۔ اوہناں دی زبان سادمرادی اتے رنگ ڈھنگ تے انگ ہر جنے کھنے دی سمجھ تے عقل وچ آون والا اے۔ بلھے شاہ دو دھارنی تلوار وانگر اے، بیہرے اپنے تے پرانے وچ کوئی فرق تے تیز نہیں کردی۔“

عام طور تے ڈاکٹر اسلم رانا دی ”رمز روایت“ نوں پڑھدیاں ہوياں ایسہ محسوس ہوندا اے کہ اوہناں نے جیسے شاعر نوں وی ہتھ پایا اے اوہدی شاعری راہیں اوہدے وچ ڈب کے پھیر اُبھرے نیں، پر بیہرے شاعر ذرا سنبھلی ہوئی کیفیت دے مالک نیں مثلاً ”بابا فرید گنج شکریاں حضرت سلطان باہو اوہناں کولوں حقیقت دا رنگ اخذ کر لینا کجھ سوکھا ہوندا اے۔ اوہناں دے مقابلے تے جدوں اک ایسے شاعر نال واہ پیدا اے بیہرے بے باکی ندھڑک پن سرمستی تے جذبے دی شدت دے اوس مقام اتے اے جتھے اوہنوں اپنے آپ اتے کوئی دس نہیں رہندا۔ اوہدیاں کیفیتاں وچ ڈب کے پھیر کنڈھے اتے آونا کجھ اوکھا جیسا ہوندا اے۔ آکھیا جاندا اے کہ مجذوب دی نظر کولوں بچو کہ جے اوہدی نظر سولی وی تھڑے اتے پے گئی تے تہانوں ی اپنے وانگر بنا لوے گا۔ ایہو گل بلھے شاہ دا مطالعہ کرن لگیاں نقاد نوں پیش آوندی اے کہ اوہ ایسے ننگ نوں کس طرح آہنگ وچ لیاوے تے پھیر اوہناں حقیقتاں دی نشان دہی کرے، جیہڑیاں اوہدے کلام وچ موجود نیں۔ بلھے شاہ بارے

دے اپنے لفظاں وچ مُسن نال ای مزا آوند اے۔

”جتموں تیک فطرت دے بیان نظاریاں دا تعلق اے خواجہ صاحب دیاں جیہریاں مثالاں روہی دے حوالے نال اوہناں دیاں کافیاں وچ لہدیاں نیں۔ اوہناں دا مقابلہ دو جے شاعراں نال کیتا جاوے تے ایہہ گل گھل کے ساہنے آوندی اے کہ اوہناں نے منظر نوں جیس طرح کتیا اوہی طرح پیش کر دتا۔ نہ تے اوہنوں کے معیاری حسن دے نیزے اُڑان دی کوشش کیتی تے نہ ای اوہدی معنوی یاں کنایتی توجیہ اتے زور دتا اے۔“

”خواجہ غلام فرید نے روہی نوں روہی ای رہن دتا اے جنت نہیں بنایا ایس واسطے کہ جنت دے پھل روہی وچ نہیں رکھدے تے نہ ای رکھدے۔ سگوں اوہی لانے، بھونے، پھوگ، جنڈ، کریر تے دن دے مڑکھ اپنی بہار تے گلزار دکھاندے لہدے نیں تے جیناں دے نال جی جی دی روہی نظراں وچ سما جاندی اے تے اک ایس طرح دا منظر نہیں ابھردا، جیہڑا اوپرا اوپرا جا پے تے روہی دے قدرتی حسن نوں گوا دیوے۔“

جتموں تیک پنجابی دے مثنوی نگار شاعراں دا تعلق اے اتھتھے وی ڈاکٹر اسلم رانا نے اوہناں دا دکھو دکھ رنگ سمجھن تے سمجھاو دی کوشش کیتی اے مثلاً ”اوہ وارث شاہ نوں ”پنجاب دا مصور“ آکھدے نیں۔ ہاشم نوں ”دردتے سوز دی آواز“ مولوی غلام رسول نوں ”ہجرتے وصال دا شاعر“ تے میاں محمد بخش ہوراں نوں ”عشق دا مسافر“ تے ”مجاز تے حقیقت دا رمز شناس“ قرار دیندے نیں۔ ایہدے وچ کوئی شک نہیں اے جتموں تیک وارث شاہ دا تعلق اے ایہہ گل پہلی واری ڈاکٹر اسلم ہوراں نے ای نہیں کہی کہ اوہ پنجاب دا مصور اے۔ وارث شاہ بارے ایہہ اک نیا ہویا فیصلہ اے کہ اوہنے پنجاب دی ثقافت دی پوری پوری ترجمانی کیتی اے۔ کہانی اوہدی اپنی نہیں پر جیس طرح وراث نے کہانی نوں پیش کیتا اے۔ اوس انداز نال اوہدی اپنی کہانی بن جاندی اے۔ فارم تے پیش کش دے طریقہ قیام وچ وارث شاہ نے اجتہاد کولوں کم لیا اے۔ ایس گل نوں ڈاکٹر اسلم رانا ہوراں ایس طرح ثابت کیتا اے کہ وارث شاہ نے مثنوی تے لکھی اے، پر مثنوی دی فارم اختیار نہیں کیتی۔ اتھتھے اوہناں نے جیہڑی بڑی ڈونگھی گل کیتی اے، اوہ ایہہ کہ ہیر وچ دکھو دکھ بند انج لگدا اے جیویں دکھو دکھ پاتراں دے اوہ لے چوڑے

مکالے ہون جیسے یونانی تھیٹر وچ ایکٹراں کولوں شاعری دی شکل وچ ای اکھوائے
 جانے سن۔ ایس لئی اوہ ہر بند دے فارسی عنوان نوں وی اوس بند دی فنی تکنیک
 دا اک حصہ قرار دیندے نیں۔ ایس مشابہت نوں اگانہ دھاندیاں ہویاں اسلم رانا
 نے یونانی الیے دی زبان دی شوکت دا حوالہ وی دتا اے تے ایس طرح جتھے مقولہ
 شاعر آیا اے اوہنوں اسلم رانا نے ہدایت کار دے حوالے نال سمجھن دا مشورہ دتا
 اے۔ پھر ایسہ وے کہ وارث شاہ اک انفرادی واقعہ بیان کردیاں کردیاں اوہنوں
 اک عالمگیر سچائی دا روپ دے دیندے نیں۔ خاص طور تے مقولہ شاعر دے عنواناں
 یسٹھال فہم تے دانش دے رنگ برنگے موتی رکھلے ہوئے نظریں آوندے نیں۔
 وارث شاہ دی فنی تکنیک دے متعلق ایسہ گل پہلی واری ڈاکٹر اسلم رانا دے
 ذریعے سامنے آندی اے۔ اک ہور اچرج گل جیہڑی وارث شاہ والے مضمون وچ
 نظر آندی اے کہ ہیر دے دکھو دکھ کرداراں وچ ناں لیاں بغیر پرانے قصے کہانیاں
 دے کئی کردار بولدے محسوس ہوندے نیں خاص طور تے راجھے دا کردار۔

کرداراں دی تخلیق تے اٹھان دے حوالے نال ای اک نویں گل جسدے
 ول ڈاکٹر اسلم رانا نے توجہ دلائی اے اوہ ایسہ کہ ہیر وچ کرداراں دے جوڑے نظر
 آوندے نیں تے ایسناں جوڑیاں وچوں جے اک نوں نظر انداز کر دیئے تے دوجا
 کردار ادھورا رہ جاندا اے تے کسے تھان تے اک ذیلی کردار ضمیر دی آواز بن جاندا
 اے تے کسے تھان ایسہ کردار اپنے ساتھی کردار دے عملی گھائیاں نوں پورا کردا ہویا
 نظر آندا اے۔ ایسہاں کئی مثالاں رانا صاحب نے پیش کیتیاں نیں، پر اک سامنے
 دی مثال ہیر تے قاضی دے مکالمیاں وچ دسدی اے۔ ایسہ مکالے اصل وچ ہیر
 دے ضمیر وچ جیہڑی جنگ ہو رہی اے اوہدا خارجی اظہار اے۔ اک ہور گل
 جسدے ول توجہ دینی ضروری اے کہ ہیر وچ مصنف دے قول دے مطابق مرد
 کرداراں نوں بے جان جیسا دکھایا گیا اے، تے اوہناں دے مقابلے تے زنانہ کردار
 ہر تھان اتے حاوی نظر آوندے نیں سوائے کیدو دے، جیہڑا اک ولن محسوس ہون
 لگ پیندا اے۔ اوہدی نیت بھاویں کئی وی ٹیک ہووے خاندان دی اک گڑی دی
 عزت بچان لئی اوہ جو کجھ وی کروا اے اوہدا مطلب ہمیشہ اٹنا ای لیا جاندا رہیا اے،
 پر ہیر و ایس ولن دے مقابلے تے سانوں کدھرے وی نظر نہیں آندا۔ اتھے وی
 اسلم رانا دا ایسہ نقطہ غور دے قابل اے کہ کیدو اصل وچ راجھے دا ضمیر اے۔ کیدو

دے کردار اتے پہلی واری ڈاکٹر اسلم رانا نے بڑی فلسفیانہ بحث کیتی اے۔ کدھرے اوہنوں زخمی ہیرو تے کدھرے ANTI-THESIS دے حوالے نال سمجھن دی کوشش کیتی اے۔

اگانہ چل کے وارث شاہ دی اپنی CONTRIBUTION دا جائزہ لیا گیا اے۔ اوہدے علم تے فضل دا حوالہ دتا گیا اے۔ اوہدی لغت دی وسعت دا حوالہ وی دتا اے تے لفظاں نوں بھن ترور کے نوں صوتی آہنگ پیش کرن دے فن دی دس پائی گئی اے۔ چنانچہ ڈاکٹر صاحب آکھدے نیں۔

”وارث شاہ سخن دے میدان دا اوہ عظیم شاہسوار اے۔ بیڑا لفظ دے بے لگام تے آہلک وچھیرے نوں اپنا کو پتیا پندا اے کہ اوہنوں اپنی من مرضی دے خیالاں دی لگام دے کہ اپنی فنی تے فکری منزل دی راہ اتے نور پندا اے تے ایہ وراث شاہ دی فنی عظمت علمی وڈیائی تے تخلیقی قوت دا کمال اے۔“

ہاشم شاہ دی سسی پنوں دا جائزہ لیندیاں ہوياں ڈاکٹر اسلم رانا نے اوہدی علامتی حیثیت نوں کئی حوالیاں نال ابھارن دی کوشش کیتی اے، پر ایہہ علامتی تمثیلی رنگ روایتی تصوف دا رنگ نہیں اے۔ بھر فراق دے تصور نوں ڈاکٹر اسلم رانا نے TANTALISING (ترساؤنا) دے حوالے نال سمجھن دے کوشش کیتی اے۔ سوداگر زادے دا باغ تے عجائب گھر اصل وچ خدا دی مخلوقات تے کائنات دا استعارہ اے۔ سسی ہونی دا کنایہ اے۔ کیوں جے بھادویں اوہدے ماپے اوہنوں بندیاں ای صندوق وچ بند کر کے دریا دے حوالے کر دیندے نیں، پر پھیر وی ایس صندوق نوں دھوبی دریا وچوں کڈھ لیندا اے۔ ایس طرح سسی بادشاہ زادی دی تھاں تے دھوبیاں دی کڑی بن کے رہ جاندی اے۔ وقت دے بادشاہ تائیں بیڑا اصل وچ سسی دا پو اے جدوں سسی دے حسن تے شباب دی خبر اپڑدی اے تے اوہ بے خبری وچ اوہنوں اپنے حرم وچ بلاؤن دی کوشش کردا اے تے پھیر جدوں اوہدے اتے سسی دی حقیقت کھل جاندی اے تے شرمندہ ہو کے رہ جاندا اے۔ ایس طرح سسی حُسن دے غیر محرک تے عشق دے محرک اصولاں دی نمائندگی کردی اے۔ اصل وچ ایس مضمون دے ہر صفحے اتے اک نوں حقیقت ساہنے آوندی اے تے جے ایس ساریاں گلاں دا ذکر کرن لگئے تے مضمون نوں گویا دھرانا پے جاوے گا۔ ایہہ سارے نکتے اپنی اپنی تھاں تے غور دے قابل نیں، تے ایس مضمون دے اختصار

نے ایمناں کتیاں وچ اک نویں کاٹ پیدا کر دتی اے۔ ہاشم شاہ دے فن دا مقابلہ دو جے شاعران نال کردیاں ہویاں وی ایسے اختصار اتے ڈاکٹر ہوراں نے زور دتا اے۔ حاصل اوہدا ایسہ کڈھیا اے۔

”بھ توں وڈی گل ایسہ اے کہ جتھے وی داستان سسی پنوں وچ ایسوی جیسی منظر نگاری دا موقع آوندا اے۔ شاعر نے تفصیل نوں چھڈ کے موقعے دی مناسبت نوں سامنے رکھیا اے تے اک اوہ مصرعے وچ جذبے دی پوری شدت نوں سمودتا اے۔“

نال ای اسلم رانا نے ہاشم شاہ دے بیان زبان وچ جیہڑیاں خصوصیتاں ظاہر ہویاں نیں اوہناں دا وی مختصر پر بڑا واضح اظہار کیتا اے۔ مثال دے طور تے ساری زبان، تجنیس تے ہم وزن لفظاں دی مدد نال کیفیت نوں آجاگر کرن دا فن اوہناں دے سارے دیروے دا نچوڑ اوہناں دے اپنے لفظاں وچ ایسہ یکجدا اے۔

”سی پنوں دے قصے نوں جیہیں اجتماعی پس منظر وچ رکھ کے اسیں سمجھن دی کوشش کیتی اے۔ اوہدے متعلق ایسہ دعویٰ نہیں کیتا جا سکدا کہ سید ہاشم شاہ نے شعوری طور تے ایس سارے استدلال نوں اپنے سامنے رکھیا سی۔ فنی لحاظ نال ایسہ گل سگوں بہتا وزن رکھدی اے کہ لاشعوری محرکات نے کس طرح اک عوامی داستان وچ اپنے اظہار دیاں راہواں لہجہ لیاں نیں تے ہو سکدا اے کہ ایسوی لاشعوری اپیل قاری دے ذہن نوں وی متاثر کردی ہووے تے اوہ دو بندیاں دی اک نجی عشقیہ داستان وچوں اپنے مطلب دے کئی معنی مختلف سٹھاں اتے حاصل کر لوے۔“

”احسن القصص“ اک لما قصہ اے ایسے طرح ای ”سیف الملوک“ وی۔ دوواں وچ اک ہور سانجھ ایسہ اے کہ دوویں بزمیہ مثنویاں نیں، پر اک فرق دوواں وچ ایسہ اے کہ یوسف زلیخا دا قصہ کہانی دے اعتبار نال ایسا طویل نہیں جتا سیف الملوک دا قصہ اے۔ نال ای ایسہ گل وی یاد رکھنی چاہیدی اے کہ یوسف زلیخا دا قصہ توریت تے قرآن دوواں وچ مذکور اے تے ایہدے کرداراں وچ چونکہ نبیاں ورگیاں بزرگ تے معتبر ہستیاں شامل نیں۔ ایسے واسطے ایس قصے نوں اوس طرح دی داستان قرار نہیں دتا جا سکدا جیہو جیہا قصہ سیف الملوک وچ بیان کیتا گیا اے۔ الہامی قصہ ہون دی وجہ نال یوسف زلیخا وچ غیر حقیقی تے فرضی واقعتیاں یاں

مقام دا ذکر وی نہیں۔ ایس واسطے سوال پیدا ہوندا اے کہ مولوی غلام رسول ہوراں نے آخر 6666 شعر ایس نکلے جیسے قصے دے سلسلے وچ کویں لکھ دتے۔

ایسہ قصہ فارسی وچ جابی نے وی لکھیا اے تے اوہدا مرتبہ بہت اُچّا اے۔ ایس الہامی تے اُچّی ادبی روایت دے ہونڈیاں ڈاکٹر اسلم رانا ہوراں دے قول مطابق مولوی غلام رسول نے بیہڑے کم نوں ہتھ پایا اوہ کوئی سوکھا جیہا کم نہیں سی۔ جیس طرح مضمون وچ وضاحت کیتی گئی اے۔ اصل وچ گل ایسہ اے کہ قصے دیاں بہت ساریاں کڑیاں شاعر نوں آپوں جوڑنیاں پیاں نہیں تے کئی واقعات ایسے وی نہیں، بیہڑے بنیادی قصے وچ سرے توں موجود ای نہیں۔ ڈاکٹر اسلم رانا نے ایس گل دی بڑی کامیابی نال نشان دہی کیتی اے کہ مولوی غلام رسول ہوراں نے جیویں زلیخا دے کردار نوں تعمیر کیتا اے اوہدے وچ نفسیاتی سوجھ بوجھ دے نال منطقی ربط تے اک قدرتی ارتقا بُھر کے سامنے آوندے نہیں۔ ایہدے توں ایسہ مطلب نہیں کہ خدا نخواستہ الہامی داستان وچ کوئی کمزوری رہ گئی سی۔ اصل گل ایسہ دے کہ ایسہ سب گلاں اوس قصے دی تہ وچ موجود سن، بیہناں نوں شاعر نے کھول کے بیان کر دتا اے۔ ”احسن القصص“ وچ کوئی غیر معمولی یا فطری ماحول تے کردار سرے توں موجود ای نہیں۔ تفسیری روایتاں وچ، عنایاں داستاناں البتہ موجود نہیں تے مولوی غلام رسول نے ایہناں توں متاثر ہو کے اپنی مثنوی دا ڈول رکھن لگیاں اوہناں نوں مناسب مقام اتے پیش کیتا اے، پر اصل گل جیس نے مولوی غلام رسول دی یوسف زلیخا نوں اک وکھری تے اچرج شے بنا دتا اے اوہ شاعر دا حسن بیان تے زور بیان اے، بیہڑا کسے کسے ویلے تے مبالغے دیاں ساریاں حداں توں ہٹ جاندا اے۔ مولوی غلام رسول دی ایس صفت نوں ڈاکٹر اسلم رانا نے بے مثال قرار دتا اے۔ اوہناں دا خیال اے کہ گل بھادویں کے طرح دی وی ہووے مولوی غلام رسول دے بیان وچ کمزوری، اُلجھاوا، تکرار یاں ضعف نظر نہیں آوندے تے اوہناں نے ایس وصف نوں پوری تفصیل نال بیان کیتا اے مثالاں تے نہیں دتیاں، پر بیہڑے بیہڑے موقع اتے مولوی غلام رسول ہوراں دا زور بیان اپنے عروج اتے اے اوہناں ول اشارہ ضرور کیتا اے تے ایسہ وی دیا اے کہ اک کئی جیسی گل نوں بیان کرن لئی مولوی ہوراں نے کئے کئے شعر آکھ چھڈے نہیں۔ بیان دی ایس وسعت دے باوجود مولوی غلام رسول ہوراں نے قصے دے الہامی منصب نوں سامنے

رکھدیاں ہوئیاں کسے تھاں تے اپنے قلم نوں گمراہ نہیں ہون دتا۔ سراپے تے اختلاط دے نازک موقعیاں اتے وی اوہناں نے اپنے قلم نوں سنبھال کے رکھیا اے۔ مولوی ہوراں دے علم، فضل تے جذبے دا جوش نال بھریا ہویا اک سمندر اے، بیہوشا ایس ساری مثنوی وچ ٹھانھاں مار رہیا اے تے ہر موقع دے مطابق اوہناں کول نہ علم دا گھانا اے تے نہ لفظاں دی تھوڑا اے تے نہ ای بحر دی روانی دی کمی اے۔ مثلاً ”جے حمد تے نعت وچ اوہ اپنا زور بیان علمی تے خالص عربی دے لفظاں دے ذریعے ظاہر کر دے نیں تے پھیر جے کدھرے طب یاں نجوم دی گل آ جاندی اے تے اوتھے وی اوہناں نوں کوئی دقت محسوس نہیں ہوندی۔ اک ہور گل بیہوشی خورے پہلی داری اسلم رانا دے ذریعے ساڈے تیکر اپڑی اے کہ ایس قصے وچ POETIC JUSTICE کولوں وی کم لیا گیا اے۔ فارسی مثنوی دی تقلید وچ جے مولوی صاحب نے ساقی نوں خطاب کیتا اے تے نال ای پنجابی دے بارہاں ماہ دے حوالے نال بھر دیاں کیفیتاں نوں پورے سال اتے کھلار دتا اے۔ مولوی ہوراں نے سی حرفی تے نہیں لکھی پر سارے حرف حتمی نوں اک بند وچ اکٹھیاں کردتا اے۔ سبھ توں وڈی گل ایہہ دے کہ مولوی غلام رسول ہوریں سوال جواب دے ایہیہ سلسلے قائم کر دیندے نیں، بیہوشے طویل ہون دے باوجود اپنی گرفت قاری اتے قائم رکھدے نیں۔ ایس طرح ”رمز روایت“ دے مصنف نے سانوں ایہہ وی دیا اے کہ مولوی غلام رسول نے دکھو وکھ سنعتاں بڑے سلیقے تے بے تکلفی نال ورتیاں نیں۔ ایہہ دے وچ لفظی یاں معنوی رعایتاں توں لے کے بے نقط شعراں تیکر سبھ کج شامل اے۔ مثلاً ”اسلم رانا نے اک مثال پیش کیتی اے۔ بیہوشے وچ مولوی ہوراں نے 29 ایہیہ شعر لکھے نیں۔ بیہوشاں وچ نقطے والا کوئی حرف نہیں آیا تے پھیر ایہہ الٹ ایہیہ شعر وی مثنوی وچ ہن بیہوشاں وچ ہر حرف نقطے والا ورتیا گیا اے۔

مختصر طور تے ایس ایہہ کہہ سکے آں کہ جیویں مولوی غلام رسول ہوراں نے شعر دے فن دی ہر صنف کامیابی نال استعمال کیتی اے۔ اوسے طرح ڈاکٹر اسلم رانا وی اوہناں دی سہ لان وچ پکچھے نہیں رہے تے ایس طرح مولوی غلام رسول ہوراں دا اک بھرواں تاثر ساڈے سامنے آوندا اے۔

میاں محمد بخش ہوراں دی مثنوی سیف الملوک پنجابی دے اوہناں چند

قصیاں وچوں اے، بینناں وچ داستان تے مافوق الفطرت فضا اپنیاں ساریاں رمزناں
نال موجود اے۔ ایہہ قصہ وی فارسی ادب وچوں حاصل کیتا گیا اے تے قصے نوں
بیان کرن دے آغاز توں بیہڑی پر اسرار کیفیت شروع ہو جاندی اے اوہ اخیر تیکر
قائم رہندی اے۔ میاں محمد بخش ہوراں نے ایسے قصے وچ اک ہو رہا تہہ ایہہ کہہ کہ
ودھا دتی اے کہ ایہہ بات تے مجازی اے، پر ایہدے وچ رمز حقانی اے تے ایسے
گل نوں پکا کرن لئی اوہناں نے کتاب دے مڈھ وچ تصوف اتے بہت سارے شعر لکھ
کے اوہدی حقیقت نوں علمی رنگ وچ پیش کر دتا اے، پر ایسے علمی رنگ وچ دی
جذبائی سوز تے گداز دی کیفیت موجود رہندی اے۔

ڈاکٹر اسلم رانا ہوراں نے رزنی سیف الملوک دی اوس رمز نوں ای سائنسے
نہیں رکھیا، بیہڑا دعویٰ میاں ہوراں نے کیتا اے۔ سگوں ایہدے توں اگانہ ودھ
کے اوہناں نے ایسے داستان دی تاثیر دا اک راز سانوں ایہہ وی دیا اے کہ میاں
محمد بخش ہوراں دے سائنسے اُنویس صدی دے اذھ توں بعد دے شمالی پنجاب تے
کشمیر وچ رونما ہون والیاں واقعات دی اک تصویر وی سی تے میاں محمد بخش ہوراں
نے اک پاسے ظالم دے ظلم تے دوجے پاسے مظلوم دی جدوجہد نوں وی اپنا موضوع
بنایا اے۔ ایہہ داستان بھادویں فرضی اے تے ایہدے وچ بیہڑے واقعات تے
کردار بھادویں ماورائی نیں، پھیر دی میاں محمد بخش نے ایسے کہانی دے پردے وچ
تصوف مذہب تے اخلاق دے نال کئی حقیقتاں ظاہر کیتیاں نیں، بینناں دا ویرا اسلم
رانا نے ایسے طرح کیتا اے۔

”ظاہری طور تے ویکھن نال ایہہ کہانی مافوق الفطرت کرداراں، واقعات
تے اجنبی ماحول دی کہانی اے۔ ایہہ یاں مختلف پرتاں نیں۔ اوہناں توں وکھ اسیں
الیں کہانی نوں اک عام انسانی جدوجہد دی داستان وی آکھ سکے آں جیہیں وچ میاں
جی نے ہمت، جستجو، عمل، جدوجہد تے حصول مقصد دا درس دتا اے۔ اوہناں نے
ایہدے ذریعے ہر اوس بندے نوں حیاتی دی عملی تفسیر دے روشن نشان عطا کیتے
نیں، بیہڑا اپنی حیاتی دا کوئی آدرش رکھدا ہووے۔ اوہدی ایسے جدوجہد دے سائنسے
عضیاں نا دیدہ قوتاں آن کھلوندیاں نیں، بینناں وچ خونی تے سماجی رشتیاں دے
بندھن تے بھرم، اینناں دے سنن دا خوف اپنیاں تے غیراں دیاں رکاوٹاں تے منفی
خرابے، ذہنی وسوسے تے نفسیاتی الجھناں وغیرہ شامل نیں۔“

ایس کتاب دا ناں مصنف نے سفر العشق رکھیا اے تے سفر دے حوالے نال
 بیہڑیاں حقیقتاں ایس کتاب وچ ظاہر ہوندیاں نیں اوہناں دا وی مضمون وچ تھوڑا
 جیہا جائزہ لیا گیا اے تے ایس داستان دے حوالے نال اسلم رانا نے حقیقی عشق دے
 سفر دی کہانی بیان کیتی اے۔ مثنوی دی تکنیک بارے ڈاکٹر اسلم رانا ہوراں دا ایہہ
 خیال اے۔

”پنجابی زبان دی شاعری وچ مثنوی سیف الملوک کوئی پہلی یاں آخری
 مثنوی نہیں، بیہڑی لکھی گئی ہووے، پر ایس ایہہ گل ضرور آکھ سکے آں کہ
 ایہہ وچ میان صاحب نے مثنوی دی صنف دے فن دیاں ساریاں فنی شرطیں
 جیس پابندی نال نبھایاں نیں اوہ عام طور تے پنجابی دے دو جے مثنوی نگاراں دے
 ہاں نہیں بعدیاں۔ مثال دے طور تے سید وارث شاہ نے مثنوی والی ترتیب یعنی
 قافیے تے ردیف دی ترتیب رکھن دی تھاں تے ساری داستان بنداں دی شکل دی
 بیان کیتی اے تے ایہہ بند وکھو وکھ کرداراں دے مکالمے بن جانے نیں۔ ایہہ
 صورت حال مولوی لطف علی دے ”سیغل نامے“ دی اے۔ اوہدے وچ وی مولوی
 ہوراں نے بند دی فارم ورتی اے۔ میان صاحب اوہ پہلے پنجابی مثنوی نگار نہیں،
 بیہناں نے فارسی مثنوی نگاراں دی فنی طور تے پیروی کر کے مثنوی وچ غزل شامل
 کیتی اے۔ فارسی دے مقابلے تے سانوں اک فرق ضرور نظر آوے اے کہ میان
 جی اک تھاں اتے اک غزل لیاوے دی تھاں تے چار غزلاں تے اک دوہڑا کو تھاں
 لیاے نیں۔ ایہناں غزلاں وچ وی مضمون دا تسلسل قائم رہندا اے۔ فارسی نالوں
 اک ہور وکھری گل بیہڑی اوہناں نے کیتی اے اوہ ایہہ اے کہ مثنوی وچ اوہناں
 نے اپنا تخلص بہت تھانواں اتے ورتیا اے تے عام طور تے ایہہ تخلص اوہدے آیا
 اے جتھے کسے گل اتے زور دینا مقصود ہوندا اے۔“

ڈاکٹر اسلم رانا ہوراں نے سیف الملوک دی زبان تے بیان نوں دو جیاں
 شاعراں نال مقابلہ کر کے اوہدا صحیح مقام متعین کرن دی کامیاب کوشش کیتی اے۔
 ہتھوں تیکر تھے دے مافوق الفطرت کردار، واقعات یاں ماحول دا تعلق اے، اوہدے
 بارے اسلم رانا دی ایہہ توجیہ قابل غور اے۔

”اوہدے توں ایس اک طریقے نال ایہہ مطلب لے سکے آں کہ ایہہ
 انسان دے اوس تعجب یاں خوف دا مظہر نہیں، بیہڑا اوہنوں اپنی حیاتی دے مڈھلے دور

وچ انجانی فطرت نال اپنے پہلے پہل دے تصادماں توں پیدا ہويا سی۔ اوس ویلے فطرت اچے انسان دی دیکھ بھال دیاں حداں وچ نہیں آئی سی۔ جنگل دھرتی اتے ودھیرے سن تے اینناں جنگلاں وچ خوفناک بلاواں تے درندے رہندے سن۔ ڈونگھے ڈونگھے دریا سن اوہناں توں اگانہ ہیبت ناک اُچے اُچے پہاڑ سن۔ انسان نے اوہوں اچے اینناں نوں تسخیر کرن دے گر نہیں سن سکے۔ ایہدے توں اسیں ایہہ وی نتیجہ اخذ کر سکے آں کہ ایہہ اوس زمانے دی گل اے جدوں انسان واسطے جنگل دے گھر، دریا، دریاواں تے سمندراں دیاں بلاواں، اُچے پہاڑ تے جنگلی جانور وغیرہ سارے دے سارے اپنے وانگر دے جیوندے جاگدے کردار نظریں آوندے سن۔ انسان تے فطرت دے اینناں مظاہر وچ اک خفیہ راز و نیاز دا سلسلہ جاری تے ساری رہندا سی ایہو گل اگانہ ودھ کے کائنات دی وحدت دے اصول وچ وی ساڈی رہنمائی کر سکدی اے، پر اسیں پھیر ایہو گل آکھاں گے کہ میاں محمد ہوراں دے سامنے کوئی ایہہ فلسفہ نہیں سی، بسدا پر چار اوہناں نے سیف الملوک وچ کیتا۔

اک گل دا جے ذکر نہ کیتا جاوے تے ایہہ تجزیہ مکمل نہ ہووے گا تے اوہ ایہہ اے کہ سیف الملوک دا قصہ میاں محمد بخش ہوراں نے اپنے وڈے بھرا دی فرمائش اتے لکھیا تے ایس طرح اوہناں دیاں کج اپنیاں ذاتی جسانی تے نفسیاتی وجہاں دی سن، بیسناں نے ایس قصے وچ اپنے موقع محل دے اعتبار نال اپنے اہتمام لئی راہ لہ لئی۔

اخیر اتے اسیں کہہ سکے آں کہ ”رمز روایت“ ادبی تنقید دی اک بہت سلیجی ہوئی جاندار، معنی خیز، پر مغز تے کنجھلاں توں پاک روایت دی مڈھلی کتاب اے تے اگانہ چل کے ایہہ روایت نہ صرف لکھن والیاں دی راہبری کرے گی سگوں نال ای علم تے ادب دیاں راہواں نوں ہور وی روشن کر دی جاوے گی۔ ایس کتاب نوں پڑھ کے پنجابی دی کلاسیکی تے صوفیانہ شاعری دا مہماندرا ایس طرح سامنے آ جاندا اے کہ پھیر سانوں کسے محفل وچ ایس فن دے متعلق کوئی معذرت خواہانہ رویہ اپناون دی لوڑ محسوس نہیں ہوندی۔ ”رمز روایت“ نے پنجابی شاعری دا مان وی ودھایا اے تے پنجابی تنقید دا وی سر اُچا کیتا اے۔

ساجھ سرت

مضموناں دی چون

مرتب: سعید مجھڑا

